

প্রকাশক : শ্রীহরেশচন্দ্র দাস, এম-এ
জেনারেল প্রিন্টার্স ব্যাণ্ড পাব্লিশার্স প্রাঃ লিঃ
১১৯, ধর্মভালা স্ট্রীট, কলিকাতা-১৩

দ্বিতীয় সংস্করণ
আশ্বিন, ১৩৬৭

মুদ্রক : শ্রীভবশচন্দ্র মজুমদার
শ্রীলক্ষ্মীনারায়ণ প্রেস
১, কর্ণওয়ালিশ স্ট্রীট, কলিকাতা-১২

উৎসর্গ

আমার ঘটনাকটকিত রাজবন্দীজীবনের শেষ পর্যায়ে দিনাজপুরের এক অখ্যাত অনগ্রসর ক্ষুদ্র গ্রামে সাক্ষাৎ ঘটেছিল এক ভদ্রলোকের সঙ্গে। পরিচয় হয়েছিল, ঘনিষ্ঠতা হয়েছিল এবং অবশেষে আত্মীয়তার সূত্রে আবদ্ধ হয়েছি তাঁর সঙ্গে। আজ অবশ্য তিনি আর মরজগতে নেই। কিন্তু সে যুগে পরাধীন দেশে দেশকর্মীদের প্রত্যক্ষ ও পরোক্ষভাবে নানারূপ সাহায্যদানের কী বুঁকি হাসিমুখে নিতেন তিনি, আমি তা প্রত্যক্ষ করেছি। শুধু বিশাল হৃদয় নয়, তাঁর সাহসবিস্তৃত বক্ষপুটে আশ্রয় পেয়েছিল সে যুগের দুর্কি পলাতক বিপ্লবী। সুখের সংসার গড়ে তোলার স্বপ্ন পরিহার করে বলিষ্ঠ নেতৃত্বে তৈরী করেছিলেন একটি রাজনৈতিক পরিবার, ব্রিটিশ ছাশাশনের অত্যাচারে ক্ষতবিক্ষত হয়েও যা আদর্শচ্যুত হয়নি।

স্বল্পভাবী, অমায়িক, স্নেহপরায়ণ ও আপামর জনসাধারণের পিতৃপ্রতিম মর্যাদার অধিকারী সে যুগের বিপ্লব আন্দোলনের অগ্রতম আত্মত্যাগী নীরব শুভাহুধ্যারী পরমপূজনীয় স্বর্গত শ্রীযুক্ত তারকেশ্বর চট্টোপাধ্যায়ের পুণ্য স্মৃতির উদ্দেশ্যে এই গ্রন্থ উৎসর্গ করে ধন্য হলাম।

বিনয়াবনত
জিজন গঙ্গোপাধ্যায়

দ্বিতীয় সংস্করণের ভূমিকা

“তখন আমি জেল-এ” নামীয় গ্রন্থখানির দ্বিতীয় সংস্করণে আরও ঘটনা সংযোজন করার ফলে উহার কলেবর এত বৃদ্ধি পায় যে, বাধ্য হইয়া উহা দুই খণ্ডে বিভক্ত করিতে হইয়াছে। প্রথম খণ্ড “চৈত্রদিনের ঝরা পাতার পথে” নামে প্রকাশিত হইয়াছে, দ্বিতীয় খণ্ড “দিনগুলি মোর কোথায় গেল” নামে প্রকাশিত হইল।

দ্বিতীয় খণ্ড প্রকাশের ব্যাপারেও জেনারেল প্রিন্সার্স এ্যাণ্ড পাবলিশার্স-এর কর্ণধার অত্যন্ত স্নেহদ সুরেশ দাসকে আন্তরিক কৃতজ্ঞতা জানাই তাঁহার অকুণ্ঠ আগ্রহ ও সহযোগিতার জন্য। প্রথম খণ্ড প্রকাশের পর বহু পাঠক পাঠিকার নিকট হইতে অভিনন্দন পত্র পাইয়াছি, আশা করি দ্বিতীয় খণ্ডও তাঁহাদের স্নেহলাভে বঞ্চিত হইবে না।

আমার ঘটনাকটকিত রাজবন্দীজীবনের বহু ছোট ছোট ঘটনা শুনিয়া ঠাহারা উহা দ্বিতীয় সংস্করণে সংযোজনের অনুরোধ জানাইয়াছিলেন, এট সন্মুখে তাঁহাদের ধন্যবাদ জানাই। শুধু সংযোজন নয়, কিছু কিছু পরিবর্তন ও পরিবর্জনও করিতে হইয়াছে। ঘটনাগুলি সবই সত্য, স্মরণ্য তাহাতে হাত দিবার অবকাশ নাই, শুধু উপস্থাপনের ভঙ্গীতে কোথাও কোথাও সংস্কার সাধন করিয়াছি।

যে জীবন বহু পশ্চাতে ফেলিয়া রাখিয়া বহু লম্বুখে আগাইয়া আসিয়াছি, সেই অতি অতীতের কাহিনী শুনাইবার সার্থকতা কি, এই প্রশ্ন উঠিতে পারে। আমার মনে হয় জীবন আগাইয়া চলিয়াছে অতীতকে একেবারে অস্বীকার করিয়া নয়, ছাঁটকাট করিয়া একেবারে বাদ দিয়া নয়। বহির্লোকে উভয়ের সংযোগ ছিন্ন হইয়া যাইতে পারে, কিন্তু অন্তরে অন্তরে যে একটি অদৃশ্য মিলনমুহুরিরকাল বিরাজ করিতে থাকে, সে সত্য একেবারে অস্বীকার করা যায় কি? গতকালের কথা আজ বাসি বলিয়া আখ্যা পাইয়া থাকে সত্য, কিন্তু অন্তরের মণিকোঠার ঠাণ্ডা ঘরে উহা সংরক্ষিত থাকে বলিয়াই উহা কদাপি নষ্ট ও কাজেকাজেই পরিত্যাজ্য হইয়া যায় না। তাই যদি হইত, তাহা হইলে গ্রীস ও

রোমীয় উপকথা আমরা ভুলিয়া যাইতাম, ভুলিয়া যাইতাম ঈশপের নীতিগল্প, মহাকাব্য মহাভারতের কাহিনী পুরাতন হইয়া উঠিত, প্রত্নতাত্ত্বিক গবেষণা নিরর্থক বোধ করিতাম।

আসল কথা, দেশ স্বাধীন হইবার পর স্বাধীনতার জ্ঞাত আন্দোলনের প্রয়োজন শেষ হইয়াছে বটে, কিন্তু স্বাধীন ভারতের বাস্তবকারগণের পক্ষে অতীতের স্বাধীনতা সংগ্রামের লোমহর্ষক কাহিনী সম্বন্ধে আগ্রহশীল হইয়া ওঠা খুবই স্বাভাবিক। আমার মনে হয়, শুধু স্বাভাবিক নয়, তাঁহাদের আগ্রহ দেখানো উচিত। ইতিহাস শুধুই a chronology of dead men and dead events নয়, ভবিষ্যৎ রচনার কাজেও উহার অবদান অনস্বীকার্য।

তবে আমার গ্রন্থ স্বাধীনতা আন্দোলনের কোনো ধারাবাহিক ইতিহাস নয়। বরং বলিতে পারা যায় যে, আমি সে ইতিহাস স্বেচ্ছায় ও সম্বন্ধে পরিহার করিয়া চলিয়াছি। কেন সে কথা স্বতন্ত্র। আমি ব্যক্তিগত রাজবন্দীজীবনের কাহিনী লিখিয়াছি। উহারই কীকে কীকে অনিবার্যভাবে আসিয়া পড়িয়াছে সেই অগ্নিযুগের বিপ্লব আন্দোলনের খণ্ড খণ্ড আভাস, অগ্নিধ্বনিদের বৈপ্লবিক ক্রিয়াকাণ্ডের ইতিবৃত্ত। তথাপি মূলতঃ ইহা ব্যক্তিগত কাহিনী।

চৈত্রদিনের ঝরা পাতার পথে যে দিনগুলি অতীতের গর্ভে বিলীন হইয়া গিয়াছে, তাহারই স্মৃতি-কথা কাহারো ভাল লাগিলে আমার শ্রম সার্থক জ্ঞান করিব।

ব্যারাক স্কোয়ার কোয়ার্টার্স নং ২০। }
পোঃ—বহরমপুর। জেলা—মুর্শিদাবাদ। }

বিজেন গঙ্গোপাধ্যায়

দিনগুলি মোর কোথায় গেল

এক

আমার রাজবন্দী জীবন সেকালের অনেক রাজবন্দীর সঙ্গে তুলনায় তেমন দীর্ঘ নয়। দ্বিতীয় বার তো নয়ই, প্রথম বারও মাত্র সাড়ে ছয় বৎসরের কাছাকাছি। একটানা দীর্ঘ প্রায় নয় বৎসর কাল জেলে বা বন্দীশিবিরে কাটিয়েছেন, তেমনি রাজবন্দীর সংখ্যা খুব নগণ্য ছিল না।

কিন্তু তাঁদের অনেকের সঙ্গেই আমার বন্দীজীবনের একটা বিশেষ পার্থক্য ছিল। একই জেলে বা একই বন্দী শিবিরেই শুধু নয়, হয়তো নির্দিষ্ট একটি কক্ষেই তাঁদের কাটাতে হয়েছে বছরের পর বছর। নির্দিষ্ট সময়ান্তে সরকারী কর্মচারীরা বদলি হয়ে গেছেন বটে, কিন্তু সহবন্দীদের মধ্যে যাঁদের সঙ্গে সেই প্রথম দিন দেখা হয়েছে, হয়তো একেবারে শেষ দিনটি পর্যন্ত তাঁদের মধ্যে অনেকেই থেকে গেছেন। একই খাটে শয্যা, একই চেয়ার-টেবিলে লেখাপড়া, একই দরজা দিয়ে যাতায়াত, জানালা পথে আকাশের যেন সেই একই টুকরো। উচ্চ প্রাচীরের ওপারে পূর্ব আকাশের একটি নির্দিষ্ট স্থান থেকেই প্রাকৃতিক নিয়মে বন্দী সূর্য্য প্রতিদিন লাল হয়ে ওঠে, তারপর নির্দিষ্ট রেখা ধরে মাথার ওপর দিয়ে পশ্চিমে গিয়ে আবার প্রাচীরের ওপারে একটি নির্দিষ্ট স্থানেই অদৃশ্য হয়ে যায়। মনে হয় সূর্য্যও বন্দী, প্রকৃতির বন্দীশালায় লক্ষ কোটি বৎসরের বন্দী একই পথ পরিক্রমায় একঘেয়ে জীবন বাপন করছে। বন্দী যেন আকাশের চাঁদ, একঘেয়ে জীবন বাপনে ক্লান্ত। বাতাসেও একঘেয়েমির গন্ধ। একঘেয়ে জীবনের বিবর্ণতা অন্তরেও অল্পপ্রবেশের পথ খুঁজে ফেরে।

দীর্ঘ নয় বৎসরের ঘনীভূত একঘেয়েমি কাটিয়ে ওঠা তাঁদের অনেকের পক্ষেই কষ্টসাধ্য হয়ে উঠছিল!.....

কিন্তু ঈশ্বরকে ধন্যবাদ, আমার বন্দীজীবনে কোনোদিন কোথাও এতটুকু একঘেয়েমি ঘনিরে ওঠার সুযোগ পায়নি। প্রথমতঃ, কোনো একটি স্থানেও একটানা দীর্ঘকাল আমার থাকতে হয়নি। অবস্থা বিপর্য্যয়ে বা বিপাকে পড়ে গভর্নমেন্ট আমায় নিয়ে যত টানাহাঁচড়া করেছেন, ততই আর কিছু হোক বা না-হোক, আমার বন্দীজীবনে স্বভাবতঃই এসে গেছে বৈচিত্র্য।

নিশ্চয়ই এটা কাম্য ছিল না গভর্ণমেন্টের। বরং একঘেরেমির স্নো পয়জনের সিরিঞ্জ চালিয়ে কৈশোরের ফুটন্ত উদ্দীপনা ও কর্মপ্রেরণাকে একেবারে পঙ্গু অথর্ব করে ফেলাই ছিল নীতি। কিন্তু অন্ততঃ আমার ক্ষেত্রে তা সম্ভব হয়নি। আমার বন্দীজীবনে যে করেই হোক, ঘন ঘন এসে গেছে পরিবর্তন। স্থানের পরিবর্তন, পরিবেশের পরিবর্তন, পাত্রের পরিবর্তন। শুধু তাই নয়। রাজবন্দী জীবনের মধ্যেই দু' দু'বার অন্তরীণ আদেশ ভঙ্গের অভিযোগে অভিযুক্ত হয়েছি। কিন্তু কোনোবারই গভর্ণমেন্ট শেষ পর্যন্ত আমার বিরুদ্ধে মামলা চালাননি। আর একবার আমার বিরুদ্ধে বিরাট ষড়যন্ত্র মামলা দায়ের করা হয়েছিল, নিম্ন আদালতে সাত বৎসর সশ্রম কারাদণ্ডের আদেশও দেয়া হয়েছিল। কিন্তু আপীলে মুক্তি লাভ করে পুনর্মুখিকো ভবঃ-এর মতো আবার রাজবন্দীত্ব লাভ করি।

সেই পরিবর্তনের তালিকা দিচ্ছি।—

১৯৩১ সালে বিক্রমপুরের কেয়টখালী গ্রামে আমাদের বাড়ীতে গ্রেপ্তার হয়ে প্রথম বাই ঢাকা সেনট্রাল জেলে। তিন মাস পর কনফারমন্ড রাজবন্দীরূপে স্থানান্তরিত হই বহরমপুর বন্দী শিবিরে। সেখানে বৎসরাধিক কাল নানারূপ বৈচিত্র্যপূর্ণ জীবন কাটাবার পর আমায় ফিরিয়ে নিয়ে আসা হলো আবার আমাদের গ্রামের বাড়ীতে। হলাম স্বগৃহে অন্তরীণ। বছরখানেকের মধ্যেই আইনভঙ্গের অভিযোগে গ্রেপ্তার করে বিচারাধীন আসামীরূপে আমায় নিয়ে যাওয়া হলো মুন্সীগঞ্জ সাব-জেলে। কিন্তু মামলা হলো না। গভর্ণমেন্ট মামলা প্রত্যাহার করে আবার আমায় বাড়ীতেই পাঠিয়ে দিলেন অন্তরীণরূপে। প্রায় এক বৎসর থাকবার পর আবার হুকুম এল গ্রামে অন্তরীণের। হাজির হলাম গিয়ে সূদূর মেদিনীপুর জেলার কেশিয়াড়ী নামক একটি গওগ্রামে। থানা প্রাক্কণের মধ্যে রাজবন্দী কোয়ার্টার্সে বছরখানেক থাকবার পর আবার ফিরে এলাম ঢাকা সেনট্রাল জেলে। প্রথমে রাজবন্দী, তারপরই করা হলো বিচারাধীন আসামী। বিক্রমপুর ষড়যন্ত্র মামলার প্রধান আসামী। স্থানান্তরিত হলাম আবার সেই মুন্সীগঞ্জ সাব-জেলে। সেবার ছিল অন্তরীণ আইন ভঙ্গের অভিযোগ, এবার ভারতীয় দণ্ডবিধির বাছা বাছা মারাত্মক গোটাকয়েক ধারার চার্জশীট! ডাকাতি, নরহত্যা, সত্ৰাটের বিরুদ্ধে যুদ্ধোত্তম!.....স্পেশাল ম্যাজিস্ট্রেটের রায়ে সাত বৎসর সশ্রম কারাদণ্ডে দণ্ডিত হয়ে তৃতীয় শ্রেণীর

কয়েদীরূপে ফিরে এলাম ঢাকা সেনট্রাল জেলে। আন্দামানে স্থানান্তরেরই তোড়জোড় চলছিল, এমন সময় হাইকোর্ট বে-কসুর মুক্তির আদেশ দিলেন !

কিন্তু মুক্তি পাওয়া গেল না। জেলের গেটেই আবার রাজবন্দীর তত্ত্বাৱধান। রাজবন্দী ইয়ার্ডে পাঠিয়ে দেয়া হলো। সেখানেও বেশীদিন থাকা গেল না। কয়েক মাস পরই আমায় স্থানান্তরিত করা হলো এবার উত্তরবঙ্গে দিনাজপুর জেলার খানসামা নামক একটি গণ্ডগ্রামে। আবার সেই গ্রামে অন্তরীণ। এখানেও অন্তরীণ আইন ভঙ্গের অভিযোগে গ্রেপ্তার হয়ে স্থানান্তরিত হলাম ঠাকুরগাঁ সাব-জেলে। কিন্তু মুন্সীগঞ্জের মতো এখানেও মামলা চালালেন না গভর্নমেন্ট ; তাই আবার ফিরে এলাম সেই খানসামা থানায়।

কিন্তু এবার আর বেশী দিন থাকা গেল না। কয়েক মাস পরই যেতে হলো ঐ জেলারই হরিপুর থানায়, তার কয়েক মাস পর ফুলবাড়ী থানায় এবং তার কয়েক মাস পর ঐ ফুলবাড়ী থেকেই বিনাসর্তে মুক্তিলাভ করি ১৯৩৮ সালের মার্চ মাসে।

এমনি ঘন ঘন স্থান পরিবর্তনের ফলে আমার বন্দীজীবনে যেমন এক্ষেপেয়িমি কদাপি অনুপ্রবেশের পথ পায়নি, তেমনি নতুন নতুন স্থানে, নতুন পরিবেশে অনেক নতুন নতুন মানুষের সঙ্গে ঘটেছে সাক্ষাৎ, হয়েছে পরিচয়, স্থাপিত হয়েছে অন্তরঙ্গতা। তাঁদের সুখ-দুঃখের সঙ্গে একান্ত সাময়িকভাবে হলেও যেন কতকটা জড়িয়ে পড়েছি !

আজও তাঁদের কারুর কারুর সঙ্গে বোগাযোগ রক্ষিত হলেও অনেককেই আমার মনে নেই, হয়তো তাঁরাও আমায় ভুলে গেছেন।

এবার দ্বিতীয় কারণ, যার ফলে আমার বন্দীজীবন সর্বদাই ছিল ঘটনাবলি ও বৈচিত্র্যময়—তাই বর্ণনা করছি।

যেখানেই গেছি, সেখানেই কর্তৃপক্ষের সঙ্গে আমার ঠোকাঠুকি লেগে গেছে। তা তিনি জেলের কর্তাই হোন বা থানার দারোগাই হোন। স্বগৃহে অন্তরীণের সময়ে লেগে গেল গভর্নমেন্টের সঙ্গে ঠোকাঠুকি। স্থানান্তরের পথে সঙ্গী আই বি অফিসারের সঙ্গে। এমনি সর্বত্র। কখনো অল্পেতেই মিটে গেছে বিবাদ, কখনো হয়তো অত সহজে না মিটলেও বেশী দূর গড়ায়নি। কথা বা মুখ দেখাদেখি বন্ধ হয়ে থেমে রয়েছে। কখনো-বা বেশ মারাত্মক হয়ে উঠেছে সামান্য ঝগড়া। এমনি মারাত্মক যে অবশেষে তদন্ত করবার জ্ঞাত সরকারীভাবে নিযুক্ত হয়ে এসেছেন উচ্চতর কোনো অফিসার। তাতেও হয়তো মেটেনি।

গভর্ণমেন্ট আমার মনে করতেন, Very troublesome Detenu অর্থাৎ অত্যন্ত ঝগড়াটে রাজবন্দী। একটি জায়গাতেও একটি অফিসারের সঙ্গেও মিলে মিশে তো দূরের কথা, ঝগড়া না বাধিয়ে থাকতে পারে না।

কথাটা খুব মিথ্যে নয়। কারণটাও খুব স্পষ্ট। কারণ, আমার বন্দীজীবনে প্রায় সর্বত্র এমনি সব সরকারী অফিসারের সঙ্গে আমার মোলাকাৎ হয়েছে, যাদের বলা যায় হুকুমের চাকর। দেশকে সহস্রযুগে শোষণ করবার একমাত্র উদ্দেশ্য নিয়ে ব্রিটিশ সরকার যে সব অবমাননাকর ও নিপীড়নমূলক আইন বিধিবদ্ধ করতেন, জেলের সুপারিনটেনডেন্ট বা জেলার অথবা থানার অফিসার-ইন-চার্জকে দেখেছি সেই সব আইনের নির্দেশ উৎকট নিষ্ঠার সঙ্গে পালন করতে। শুধু নির্দেশ কেন, জ্যামিতিক অলুসিদ্ধান্তের মতো প্রদত্ত নির্দেশের সুবিধেমতো যতরকম ব্যাখ্যা করা যায়, যতখানি ইলাস্টিক করে তা স্বার্থসাধনে প্রয়োগ করা যায়, তা করতে এতটুকুও দ্বিধা বোধ করতেন না তাঁরা। অনেক সময় শোভনতা ও শালীনতাও বিসর্জন দিয়ে বসতেন। টুমটুমি শুনে বানর যেমন তালে তালে নৃত্য শুরু করে দেয়, হুকুম তামিল করবার ব্যাপারে এই সব অফিসারের তেমনি দাস-সুলভ মনোবৃত্তির পরিচয় পেয়েছি। তাই, ঠোকাঠুকি অনিবার্য হয়ে পড়তো।

কিন্তু অস্বীকার করতে দ্বিধা নেই যে, এর ব্যতিক্রমও দেখেছি। আইনের মর্যাদা অক্ষুণ্ণ রেখেও রাজবন্দীদের প্রতি ভদ্রতাসম্মত ও মানবোচিত আচরণ যে অসম্ভব নয়, তা প্রমাণ করেছেন তাঁরা। আইনের দাঁড়ি, কমা, সেমিকোলন অক্ষুণ্ণ রেখেও অনির্দিষ্ট কালের জগ্ন বন্দীর অন্তরের প্রতিও দৃষ্টি প্রসারিত করতে চেষ্টা ছিল তাঁদের। এবং সে দৃষ্টিতে ছিল দরদ ও সহানুভূতি! তাই রাজবন্দীদের সাথে যেমন তাঁদের ছিল হৃদয়তা, তেমনি সরকারী দপ্তরেও সু-প্রশাসক বলে তাঁদের যথেষ্ট সুনাম ছিল। সংখ্যা তাঁদের যতই কম হোক।

সত্য বলতে কি, এঁদের মধ্যেও কারুর কারুর সঙ্গে আমার ঠোকাঠুকি লাগতো। কি জানি ওটা ছাড়া বোধহয় থাকতে পারতাম না বেশী দিন। বোধহয় একঘেয়ে লাগতো। তাই, কারণ খুঁজে বেড়াইতাম। হোক না সামান্য, কিন্তু তাকেও তুচ্ছ করতাম না। সামান্য থেকেই শুরু করে অবশেষে বেশ পাকিয়ে ভুলতাম। ঠোকাঠুকি থেকে ঝগড়া, ঝগড়া থেকে কলহ, কলহ থেকে তা এমনি রূপ নিত যে, কমপক্ষে আমার স্থানান্তরিত করে গভর্ণমেন্ট শাস্তি

প্রতিষ্ঠার চেষ্টা করতেন। সামান্য কারণও যদি না পাওয়া যেত, তাহলে কারণ সৃষ্টি করে নিতাম। গায়ে পড়ে ঝগড়া বাধাবার মতো।

কি জানি, হয়তো সত্যিই আমি একজন ঝগড়াটে রাজবন্দী ছিলাম !.....

গ্রেপ্তার হবার দিনটি থেকে স্বগৃহে অন্তরীণকালের খানিকটা পর্য্যন্ত আমার বন্দীজীবনের লোমহর্ষক বহু ঘটনা বিবৃত করেছি আমার 'চৈত্রদিনের ঝরা পাতার পথে' নামক গ্রন্থে। এই গ্রন্থে তার পরবর্তী বিবরণ দিচ্ছি।

আমি তখন স্বগৃহে অন্তরীণ। ১৯৩৩ সালের এপ্রিল মাসে বহরমপুর বন্দী শিবির থেকে কেয়টখালীতে স্থানান্তরিত হয়ে আসবার পর প্রায় এক বৎসর অতীত হয়েছে। এই একটি বৎসরের মধ্যেই কর্তৃপক্ষের সঙ্গে আমার একাধিক বার ঠোকাঠুকি হয়ে গেছে। সর্বশেষে, মাসিক ভাতা মঞ্জুর করা নিয়ে যে ঠোকাঠুকি শুরু হয়েছিল এবং শৈনঃ শৈনঃ বা একটা রীতিমতো লংঘর্ষে রূপান্তরিত হতে চলেছিল, সরকার কর্তৃক অকস্মাৎ সেই ভাতা মঞ্জুর হয়ে যাওয়ায় অর্থাৎ কর্তৃপক্ষ অবশেষে পরাজয় স্বীকার করতে বাধ্য হওয়ায় সেই অস্বস্তিকর অধ্যায়েরও ঘটেছে পরিসমাপ্তি। ক্ষীণ আশা জাগছিল মনে, আমার জন্তু এমনভাবে মাসিক দশ টাকা অপব্যয় গভর্ণমেন্ট বেশী দিন বরদাস্ত করবেন না। আমিও স্থির করেছিলাম, ঠোকাঠুকিটা এবার এড়িয়ে চলতেই চেষ্টা করবো। হয়তো তাতে সরকারের মন ভিজতেও পারে !

কিন্তু ভাবলাম এক, হলো আর ! এমনি গুড বয়্ হয়ে চলবার পবিত্র সঙ্কল্প গ্রহণ করে, সত্য কথা বলতে কি, যখন মুক্তি আসন্ন মনে করে পুলকে রোমাঞ্চ জাগছিল, এমন সময় সেই সাজানো পম্পিয়াই নগরী কি ভাবে বিস্মৃতিস্রবের উদগীরিত লাভা স্রোতে একেবারে ধ্বংস হয়ে গেল, তারই বর্ণনা করছি।—

একদিন ভোর না হতেই গোরা সৈন্তের একটি দলসহ প্রায় পঞ্চাশ জন লাল-পাগড়ি পুলিশ এসে আমাদের বাড়ী ঘিরে ফেললো। শ্রীনগর থানার অফিসার-ইন-চার্জ তখন কলিমদ্দীন সরকার। কিন্তু তিনি আসেননি, এসেছেন এদের সঙ্গে নতুন একজন দারোগা, চিনিনে তাঁকে।

জিজ্ঞেস করলাম : আপনি কোন্ থানার ?

ধমক দিয়ে জবাব এল : তা দিয়ে আপনার দরকার কি ? এখন যা বলি, তাই করুন।

চূপ করে গেলাম তীক্ষ্ণ মেজাজ দেখে। মনে মনে হাসিও পেল। আই বি কলিমদীনকে পাঠায়নি, পাছে শ্রীনগর থানার দারোগা তাঁরই এলাকার রাজবন্দী বলে কিছু খাতির করে বসেন, তল্লাশীর কড়াকড়ি হ্রাস করে দেন। তাই এবার পাঠিয়েছে ভিন্ন থানার কড়া মেজাজের লোক।

গোরা সৈন্তেরা আমাদের বাড়ীর দক্ষিণ দিকের আমগাছগুলির নীচে অপেক্ষা করছে। তাদের হাতে সামরিক রাইফেল, সজীন চড়ানো। একেবারে যুদ্ধক্ষেত্রে যাবার পোশাক পরা। যেন সংগ্রাম করতেই বেরিয়েছে ব্রিটিশ গভর্নমেন্টের কঠিনতম শত্রুর সঙ্গে! ইংলণ্ডের গ্রামাঞ্চলের ভাঙ্গা ভাঙ্গা দুর্বোধ্য ইংরেজীতে নিজেদের মধ্যে কথা কইছে, একবর্ণও তার বোঝা হুঙ্কার। ওদের যিনি কমাণ্ডান্ট, দেখলাম একটি হাণ্টারের মাথায় আঁটা কেমন একটা ইম্পাতের পাত প্রসারিত করে নিয়ে দিবি্য তার ওপর বসে সিগারেট ধরিয়েছেন। তল্লাশীর সঙ্গে যেন এদের সম্পর্ক নেই কিছু।

দারোগাবাবুর বোধহয় ভালো লাগলো না তা। তাড়াতাড়ি এসে কমাণ্ডান্টের কানে কানে কী যেন বলতেই কমাণ্ডান্ট অকস্মাৎ সজাগ হয়ে উঠে দাঁড়ালো এবং সামরিক আদেশ উচ্চারণ করে ওদেরকে আমাদের সমগ্র বাড়ীখানা বেঠন করে দাঁড় করিয়ে দিল। বোধ হয় দারোগার ধারণা আমাদের বাড়ীর বোমা ও রিভলভার কারখানার শ্রমিকেরা খিড়কির দ্বারপথে অথবা টিনের দেয়াল টপকে পালিয়ে যেতে পারে।

তারপর শুরু হলো স্মরণীয় তল্লাশী। সাদা পোশাকে আই বি-র যে লোকটি এসেছেন এই অভিযানকারী দলের সঙ্গে, তিনি অকস্মাৎ চঞ্চল হয়ে উঠে হস্ত ইশারায় আমায় একান্তে ডেকে নিয়ে গেলেন। তারপর এদিক ওদিক ভালো করে দেখে নিয়ে অগুচ্চকণ্ঠে বললেন : কিছু থাকে তো বলুন। আমি ওদেরকে অত্র দিকে তল্লাশী করতে নিয়ে যাই, এই অবসরে সরিয়ে ফেলুন আপনি, নইলে পুকুরেই দিন না ফেলে।

চমকে উঠলাম শুভানুধ্যায়ীর নিঃস্বার্থ উপদেশের জ্ঞাত। চোখের দৃষ্টিতে যেন দেখতে পেলাম, গোথরো সাপের হাসি। কিন্তু অর্কটীন জানে না যে, অভিনয়ে আমিও বড় কম যাই না। বললাম : কিছু নেই।

লোকটা কণ্ঠস্বর আরও নামিয়ে দিল, বললো : মশাই, সরকারী নিষক খেয়েছি, বলা নিষেধ; তবুও বলে দিচ্ছি আপনাকে, বাদের আপনি বন্ধ মনে

করে অত্যন্ত বিশ্বাস করেন, তারাই এবার সব ফাঁস করে দিয়েছে। তারা বলেছে যে, আপনার এখানে এসে ছেলেরা রিভলভার চালানো অভ্যাস করে। আড়িয়ল বিলের ফাঁকায় নিয়ে যাওয়া হয়, বাতে শব্দ কেউ না শুনতে পায়। আরও বলে দিয়েছে যে, দেওভোগে বন্দুক চালিয়ে যারা পালিয়ে গেছে, তাদের মধ্যে আপনিও ছিলেন। মতিলালের তো ফাঁসী হবেই, আপনারও কি হয় বলা যায় না।

ফস্ করে প্রশ্ন করে বসলাম : দেখুন, একটা কথা জিজ্ঞেস করছি—আমায় রক্ষা করবার জন্য আপনার এত উদ্বিগ্ন কেন জানতে পারি কি ?

লোকটি জবাব দিল : ঐ তো, বিশ্বাস হবে না আপনাদের, ভাববেন যা বলি আমরা, সবই মিছে আর লোকের মন্দ ছাড়া ভালো করিনে কখনও।—বিশ্বাস করুন দ্বিজনবাবু, একেবারে ধর্মতঃ সত্যি কথা বলছি, আপনাকে দেখতে ঠিক আগার ছোট ভাইয়ের মতো। এই তো সেদিন মারা গেছে সে। ঠিক আপনারই মতো মাথায় ঘন চুল আর চশমা। আপনারই মতো স্বাস্থ্য।... একটি দীর্ঘনিশ্বাস ত্যাগ করে তারপর লোকটি আবার বললো : তাই চাকরির মায়া ত্যাগ করে বলে দিলাম আপনাকে, যদি থাকে কিছু, বলুন, আমি নিজেই সরিয়ে ফেলছি। আমায় ওরা সন্দেহ করতে পারে না।

আবেদনের ভাষা ও তা উচ্চারণের কৌশল এত নিখুঁত যে, সত্যিই কেউ সহজে সন্দেহ করবে না এবং সরল বিশ্বাসে গলা বাড়িয়ে দেবে এই ধারালো গিলোটিনে। আমি কিন্তু অতটা সরল নই।.....তাই অর্থবোধক হাসিতে মুখখানা ভরে ফেলে শুধু বললাম : বলেছি তো, কিছুই নেই।

ওদিকে পুরোদমে চলছে তল্লাশী। জনকতক পুলিশ দক্ষিণের কোঠায় ঢুকে পড়েছে। পূর্ব দিকের দেয়ালে যে মোটা ফাটল দেখা দিয়েছে, লাঠি দিয়ে ওরা তার মধ্যেও খুঁচিয়ে দেখছে। বিছানাপত্র টেনে নামিয়েছে মেঝের ওপর, তারপর বালিশ ও তোশক মুচড়ে মুচড়ে দেখছে তুলোর মধ্যে কিছু লুকিয়ে রেখেছি কি না।

উত্তরের কোঠায় যারা ঢুকেছে, তারা পড়ে গেছে কীপরে। এই ঘরে আছে গোটা ত্রিশেক ছোট বড় নানা সাইজের ট্রাঙ্ক, ছোটো বাসন-কোসন ভর্তি কাঠের সিন্দুক, একটি প্রকাণ্ড লোহার জাল দিয়ে ঘেরা আলমারি, চারখানা দেয়ালের আর একটি আলমারি, একটি বড় মিট্‌সেফ, গোটা কয়েক স্টুটকেন্স

এবং আরো মালপত্র। মাথার ওপর ঝুলছে কাপড় দিয়ে প্যাক করা গোটা দশেক লেপের বিরাটকায় বাঙালি। হিন্দুস্থানী মগজ এসব দেখে একেবারে গুলিয়ে গেছে। এ কেয়া তাজ্জব বাত হ্যায়!.....

এর পর একথানা দোতলা টিনের ঘর, তারপর রান্নাঘর, তারপর দক্ষিণের চারচালা টিনের ঘর...সব শেষে ওরা এল বাড়ীর পূর্ব দিকের পরিত্যক্ত আমাদের শরিক গান্ধুলীদের বাড়ীর অঙ্গলে ভরা প্রাঙ্গণে। কোদালি চালাতে লাগলো জনচারেক সিপাই।

এসবে আমার বিশেষ উৎসাহ ছিল না, উদ্বেগও ছিল না একবিন্দুও। কারণ সেদিন যা কিছু আপত্তিজনক ছিল আমার ওখানে, তার হৃদিস পাওয়া ওদের কৰ্ম্ম নয়।

ঘন্টা চারেক তল্লাশীর পর একেবারে ব্যর্থমনোরথ হয়ে ঘর্ম্মাক্ত কলেবরে সেই অপরিচিত দারোগাপুঞ্জব যখন আবার আমার ঘরের টেবিলে এসে বসে দীর্ঘ তালিকার ক্রস চিহ্ন দিতে লাগলেন, তখন ধীরে ধীরে আবার জিজ্ঞেস করলাম : পেলেন কিছু ?

কী করে পাবো? সরিয়ে ফেললে সব আর পাবো কী করে?—তারপরই বোধ হয় পৌরুষে যা লাগলো শ্রীমানের! কপালে কুঞ্জনরেখা ফুটিয়ে তুলে প্রশ্ন করলো : ঠাট্টা করছেন বুঝি ?

বললাম : না, না, ঠাট্টা করবো কেন ? আপনার খুব পরিশ্রম হয়েছে দেখতে পাচ্ছি। চা খাবেন ? এই রঙ্গলাল, একটু চা করতে বল রে হেনাকে। দারোগাবাবুকে—

Shut up—অকস্মাৎ গর্জন করে উঠলো দারোগা, বললো : চালাকির আর জায়গা পাওনা, না ?—বলেই সে ঘরের বাইরে চলে এল। আমিও বাইরে এলাম সঙ্গে সঙ্গে। শান্তস্বরে জিজ্ঞেস করলাম : কী বলছিস তুই ?

দারোগা বললো : যাও, ঘর থেকে গোটাকতক চেয়ার বাইরে এনে দাও, এঁরা সব বসবেন।—বলে সে ঐ গোরো সৈন্তদের দেখিয়ে দিল। ওরা সবাই আবার এসে জড়ো হয়েছে এক জায়গায়।

বললাম : সেজ্ঞা গভর্ণমেন্ট তোকেই তো চাকর রেখেছে। শুধু বসতে দিবি নয়, ওদের জুতোয় কালি লাগিয়ে ত্রাশ করে দিবি। ব্যাটা ছোটলোক কোথাকার !

Shut up !—আবার গর্জন করে উঠলো দারোগা ।

সহ হলো না আর । অত্যন্ত উত্তেজনার ক্ষেত্রেও আমার মাথা ভারী ঠাণ্ডা থাকে বলে সুনাম ছিল আমার । কিন্তু কেন জানিনে, আজ শুরু থেকেই এই দারোগাকে সহ করতে পারছিলাম না ; এইবার তা চরমে উঠলো ! এসে এক লাথি মেরে দিলাম দারোগার তলপেটে । দারোগার বিয়াট বপু ধূলিশয্যা গ্রহণ করলো মহীরুহ পতনের মতো ।

ছুটে এল লালপাগড়ির দল, ছুটে এল সাদা পোশাকপরিহিত আই বি-র লোক, ছুটে এল গোরা সৈন্তের কমান্ডার, ছুটে এলেন বাবা ও মা, রঙ্গলাল ও বোন হেনা, সংবাদ পেয়ে ছুটে এল পাড়াপড়শী, কাকা ও কাকীমারা, এমন কি, রেণুও । সংজ্ঞাহারা ধরাশায়ী দারোগাকে সবাই ঘিরে দাঁড়ালো । মারাত্মক কাণ্ড একটা কিছু ঘটবেই । বাবা বলে উঠলেন : এ কি রে ?

মা বলে উঠলেন : এ কী কাণ্ড করে বসলি তুই ?

কাঁদো কাঁদো স্বরে রেণু বলে উঠলো : তুমি শেষটায় খুন করে বসলে দাদা ?

আমি শুধু স্থিরভাবে দাঁড়িয়ে ধীরভাবে বললাম রঙ্গলালকে : এক ঘটি জল নিয়ে আয় আর একখানা পাখা ।

দুই

নিশ্চয়ই ভাবছেন আপনারা, এর পরই গোরা সেনাদলের সর্দার বিশ্রুতলাপ ত্যাগ করে স্বদেশের অবোধ্য কথ্য ভাষায় অকস্মাৎ জলদগন্তীর স্বরে সামরিক আদেশ উচ্চারণ করলো :

Aim your—guns

Safety catch—forward

One round—fire

এবং তারপরই সেই বারোট সামরিক রাইফেলের বারোট তপ্ত সীসে এসে বিঁধলো আমার শরীরে, শরীর একেবারে ঝাঁঝা করে দিল দ্বিতীয় বিশ্বযুদ্ধের শেষে মুসোলিনীর মতো ! কিন্তু তথাপি বেঁচে গেলাম রবার্ট ব্লেকের মতো অথবা মোহনের মতো । নইলে কি করে লেখা হবে রহস্য লহরী সিরিজ কিংবা মোহন সিরিজ ? তাই নয় কি ?

কিন্তু শুনে বিস্মিত হবেন আপনারা যে, আমার ছায়া একজন সাধারণ যুবকের একটিমাত্র লাথি, তা সে যত প্রচণ্ডই হোক না কেন, তার ফলেই এমনি বিরাটকায় পুরুষটিকে একেবারে ধরাশায়ী হতে দেখে প্রথমটা গোরা সেনাদল চমকে উঠলো, তারপর চোখেমুখে ওদের ফুটে উঠলো সহায় কৌতুক, তারপর অকস্মাৎ ওদের দলপতি আমার কাছে এসে আমার পিঠ চাপড়ে দিয়ে অবোধ্য কথ্যভাষায় একখানা গানই ধরে ফেললো, ট্রা-লা-লা-লা, ট্রা-লা-লা-লা.....

দারোগাবাবুর ততক্ষণে জ্ঞান ফিরে এসেছে । প্যান্টের খুঁলাবালি ঝেড়ে ফেলে দিয়ে তিনি একখানা ক্রমাল বার করে মুখমণ্ডল সম্মার্জনী করছেন । আড়চোখে একটি দৃষ্টি নিক্ষেপ করলেন আমার প্রতি চকিতে নিক্ষিপ্ত রবিনহুডের তীরের মতো, কিন্তু নীলকণ্ঠের মতো আমার মনে সে তীরের বিষ ক্ষণিকের তরে শুধু একটা রংয়ের বৈচিত্র্য সৃষ্টি করলো মাত্র, বিষের কোনো প্রতিক্রিয়া হলো না !

নিশ্চিত ছিলাম যে, দেওভোগের ঘটনার পরেই যখন হানা দিয়েছে পুলিশ, গ্রেপ্তার তখন আমার করবেই । কিন্তু কত আশা ও কত রঙীন পরিকল্পনা

নিয়ে শোভাযাত্রা করে যেমন এসেছিল দারোগা, আই বি, পুলিশ ও গোরা সেনার দল, তেমনি শোভাযাত্রা করেই বিদায় নিয়ে চলে গেল তারা গভীর হতাশাসে ভাঙ্গা বুক নিয়ে।

ওরা বেরিয়ে যেতেই দক্ষিণের ঘরের ঢেউ-তোলা টিনের বেড়ার ওপর খবরের কাগজ স্টেটে আমি যে পুরু কাগজের দ্বিতীয় দেয়াল তৈরী করে রেখেছিলাম, তার নির্দিষ্ট একটি স্থানে ব্রুড চালিয়ে খানিকটে ফাঁক করে দিতেই ভেতরে একটি ক্ষুদ্র খোপর দেখা গেল। সাবধানে রিভলভারটি বার করে রঙ্গলালের হাতে দিয়ে বলে দিলাম ওটা সুহাসিনীর হাতে গোপনে দিয়ে আসতে।

রঙ্গলাল বেরিয়ে গেল। মনে হলো, ঢাকার আই বি ওদের কর্তাদের কাছে তীব্র তিরস্কার খেয়ে হয়তো আবার একদিন এসে আমায় নিয়ে যাবে। কে জানে, ওদের সে প্রত্যাগমন পরদিনও সম্ভব হতে পারে, তাই নিশ্চিত নিরাপত্তার আশায় কালবিলম্ব করা সমীচীন মনে হলো না!

সুহাসিনী প্রসঙ্গে যখন এসেই পড়েছি, তখন তার অধ্যায়টি বিবৃত করা অপ্রাসঙ্গিক হবে না। পাড়ার জাতি-কাকাদের অতৃতম মণিমাহন চক্রবর্তী। ঢাকা শহরে মোক্তারী করেন। অর্থাগম যে তাতে কী পরিমাণ হয়ে থাকে, সঠিক তা না জানতে পারলেও কাকীমা ও তাঁর ডজনখানেক বাচ্চাকাচ্চর জীবনধারণের মান ও প্রণালী দেখেই তার শোচনীয়তা সন্দেহে কতকটা ধারণা করা যেত। আইনের অবোধ্য জটিলতা সন্দেহে তাঁর শ্লেষাজড়িত উচ্চকণ্ঠের ধারাবাহিক বক্তৃতায় মণিকাকার সাক্ষ্য মজলিস সরগরম হয়ে উঠলেও আমার অজানিত ছিল না যে, প্রায়ই তাঁর ভাতের হাঁড়ির মধ্যে চলতো ছুঁচোর অহোরাত্রি জলসা, সঙ্গীত ও নৃত্য! ঢাকা শহরে বাস করতেন তিনি তাঁর কোন্ দূরসম্পর্কীয়া আত্মীয়ের বাড়ীতে এবং প্রায় রবিবারেই এসে কাটিয়ে যেতেন কেয়টখালীর পারিবারিক হাটে। শক্তি ছিল তাঁর একেবারেই অকিঞ্চিৎকর, সামর্থ্য ছিল শোচনীয়ভাবে সীমাবদ্ধ, তবুও বহু ব্যক্তি ও সমাজহিতকর কাজে দেখেছি তাঁকে একেবারে নিরর্থোন্দের মতো সবার আগে এগিয়ে আসতে। মামলায় পরাজয়ের চুন-কালি গালে মেখে এসেও শ্লেষাজড়িত কণ্ঠে ও গুজবিনী ভাষায় এমনিভাবে ঘটনার বিবরণ দিতেন যে, মনে হতো যেন প্রতিপক্ষের চোদ্দ পুরুষের ভাগ্য যে, মণিকাকার অব্যর্থ গুলী নেহাৎ কানের পাশ দিয়ে চলে গেছে, নইলে.....ইত্যাদি, ইত্যাদি।

এই মোক্তার মণিমোহনেরই জ্যেষ্ঠা কন্যা সুহাসিনী। বছরখানেক হলো মানিকগঞ্জে বিয়ে হয়েছে কোন্ এক যুবক মুহুরীর সঙ্গে। তাকে সুহাসিনীর মনে ধরেনি। ডিংসাই শ্রোত্রীয় কুলমর্যাদা এক তিলও ক্ষুণ্ণ না করে মহা-মহোপাধ্যায় পণ্ডিত শ্রীঅমুকচন্দ্র বিজ্ঞাভূষণ, ত্রায়রত্ন, বেদান্তশাস্ত্রী, সার্বভৌমের প্রপৌত্র-এর সঙ্গে বৈশাখে মাসি শুক্লপক্ষে অষ্টম্যাং তিথৌ কন্যার উদ্বাহক্ৰিয়া সম্পন্ন করে তিনি যে ধরাধামে কী অমর কীর্তি রেখে গেলেন, সালঙ্কারে ও সবিস্তারে সেই পরম সত্য বর্ণনায় মণিকাকার শ্লেষাজড়িত কণ্ঠ যখন গমকে গমকে সপ্তমে উঠে বিলাস কাকার বৈঠকখানা উত্তপ্ত করে তুলছিল, ঠিক সেই সময়ই আমাদের নিরালা ছাদের এক কোণে বসে সুহাসিনী বিবাহিত জীবনের মর্যাস্তিক দুঃখের কথা বলে চোখের জলে বুক ভাসিয়ে দিচ্ছিলো। আর ফুলবোদি চেষ্টা করছিলেন তাকে সান্ত্বনা দিতে। গ্রামের মেয়ে হলেও সুহাসিনী বহুবার ঢাকা শহরে গেছে ও বাবার কাছে বাস করেছে। গ্রামের মেয়ে স্কুলে কিছু লেখাপড়াও করেছে সে। চুল ফাঁপিয়ে তোলবার বিশেষ কৌশলটি এবং শরীর জড়িয়ে শাড়ী পরবার বিশেষ ধরনটি সে শহর থেকে আহরণ করে এনেছে। বয়সও হয়েছে তার দ্ব্যস্ত আঠারো! এমনি সময় যখন তার মনের সরোবরে কল্পনার বেলোয়ারী তরঙ্গ ময়ূরের মতো পেখম তুলে নৃত্য শুরু করেছে, ঠিক সেই সময় এলো তার জীবনে মানিকগঞ্জ শহরের এক অখ্যাত মোক্তারের তেইশ বৎসর বয়স্ক মুহুরী, নোট বই হাতে করে ও পেন্সিল কানে জুঁজে যে শিকারের সন্ধানে হঠাৎ হয়ে ঘুরে বেড়ায় আদালতের চারদিকে, গাছের তলায় তলায়। ফুলবোদি বলেন, ওর স্বামী জুতো পায়ে দিতে পারে না ফোস্কা পড়ে বলে, সিনেমায় দেখতে পারে না অল্লীল বলে, আর দস্তখাবন করতে পারে না সমরভাবে। এই মূর্তিমান ব্রহ্মচর্য্য কর্ম্মবীর মহাপুরুষটি কিশোরী স্ত্রীর নিদ্রিত শয্যার সম্মুখানে এসেও চমকে উঠে থমকে দাঁড়ান, বড় বেশী স্পষ্ট মনে হয় সুহাসিনীকে। আলুথালু অসতর্ক আবরণ অনাবরণের চাইতেও মারাত্মক! যা অদৃশ্য, দৃশ্যমানের চাইতেও যেন তা বেশী প্রকট। তাই নিদ্রিত রূপকে অক্ষম স্বামী মনে করে অল্লীল, অস্পৃশ্য। ডাইরেক্ট বৈজ্ঞানিক কার্যেণ্ট, ছুঁলেই ছুঁড়ে ফেলে দেবে!.....

নড়বড়ে হারমোনিয়ামে যেমন সুর তোলা যায় না প্রাণপণে হাওয়া দিয়েও, চাবুকের আঘাতে আঘাতে রক্ত ঝরিয়ে দিলেও যেমন নিদ্রিত অশ্বের নিদ্রা আর ভাঙ্গা যায় না, ঠিক তেমনি উপর্যুপরি ব্যর্থকাম হয়ে নারী-জীবনের সর্বস্বত্ব ও

সর্বশাস্তি বিসর্জন দিয়ে ফিরে এসেছে সুহাসিনী অবশেষে গর্বিত পিতার আলয়ে।

বিজ্ঞাত্বষণ মহাশয়ের গৃহে বিজ্ঞাহীনের মতো যে ছেলেটি আনাগোনা করতো, গ্রামের বারোয়ারীতলায় মানময়ী গার্লস স্কুলে মানসরূপে দেখা দিত পান-প্রদীপের সম্মুখে, খেলার মাঠে যার পদাঘাতে উৎক্ষিপ্ত বল গিয়ে ঠেকতো যেন একেবারে আকাশের নীলে, বিন্দুচিকা রোগাক্রান্তকে অনর্থক সারারাত নাস' করে ভোরবেলা আবার তাকে বহন করে গ্রামের শ্মশানে নিয়ে যেতে যে অগ্রগামী, সেই প্রিয় দেবরটি এসে স্থান করে নিল সুহাসিনীর মানস-মরুতে ! প্রতিদিনকার অন্তরঙ্গতায় সেই মরুতেই ফুটে উঠলো একটি সুন্দর ওয়েসিস্ ! বিবাহিত জীবন যার ছত্তর এক সাহারায় পরিণত হয়েছে, উন্মুখ যৌবনের বিকশিত বসরাই গোলাপের মধুলোভী ভ্রমর যার জীবনে একটিবারও গুলনগুলানি গুলিয়ে যায়নি, তৃষিত চাতকের মতো অকরণ মেঘের প্রতি চেয়ে থেকে থেকে যার দিন কেটে যাচ্ছে, হাজারো হাত প্রসারিত করে সে যে ওয়েসিসের শ্রামলিমা গ্রাস করবার জ্ঞাত্ব ধরে যাবে, তাতে আর বিচিহ্নতা কি ?.....

বুড়ু কিরণময়ীর সম্মুখে থরে থরে সাজানো সুবাহু দিবাকরের অমৃত ব্যঞ্জন ! অনাস্বাদিতপূর্ব্ব ভোজ্য দর্শনে লকলক করে জলে উঠলো সুহাসিনীর অন্তরের আগুন !.....

এখনও আসে গোপাল মাঝে মাঝে। ছ'এক দিন থেকেও যায়। কাকীমা যে একেবারে টের পান না তা নয়, কিন্তু কথার ব্যর্থজীবনের হুঃখের কথা স্মরণ করে নলচে আড়াল দিয়ে অজ্ঞতার ভান করেন। এই সাইকোলজি অদ্ভুত ও অবিখ্যাত্ব হলোও সত্য। দিনের আলোর মতো সত্য !.....ফ্রয়েডি মনোবিকলন মনোবিকার বলে কে উড়িয়ে দিতে পারে ?

এ সবই সুহাসিনী অকপটে বলেছে ফুলবোদিকে, আর ফুলবোদি সবই বলেছেন আমায়। আরও বলেছেন যে, গোপালও নাকি কোন্ স্বদেশী দলে কাজ করে। গোপনে সুহাসিনীর কাছে কখনো কখনো পিস্তল রেখে যায়, ছোরা রেখে যায়—আবার নিয়েও যায় এসে। আরও একদিন বললেন যে, কিছুদিন হলো গোপাল এসে একটা ছোট্ট স্টকেস রেখে গেছে। সুহাসিনী বলে তার মধ্যে নাকি গোটা দুই পিস্তল, অনেকগুলো কার্তুজ ও খানচারেক ছোরা আছে।

এর পর আরও একটা কথা ফুলবোদি গোপনে বলেছেন আমায় যে, আমায়

নাকি খুব ভালো লেগেছে সুহাসিনীর। কিন্তু এগোতে সাহস পাচ্ছে না, কি জানি কিসের ভয়ে !.....

ব্যস্, প্ল্যান ঠিক হয়ে গেল। খসড়া নয়, একেবারে ব্লু প্রিন্ট। খরচ-খরচার এস্টিমেটও মনে মনে করা হয়ে গেল। এবার কাজ শুরু হোক। স্থির করলাম, ভয় ওর ভাবিয়ে দিতে হবে। সহজেই যে এগিয়ে আসা যায় আমার কাছে, কিছুক্ষণ বেশ হাসিঠাট্টাও করা যায়, আবার ফিরে আসবার সহায় অত্নরোধও যে শোনা যেতে পারে আমার তরফ থেকে, এ সব আপাত-সত্য সমঝিয়ে দিতে হবে ওকে। অবশ্য এই সত্যের অভিনয়ে নিতে হবে আমার প্রাণাস্তকর বুঁকি তা জানতাম, তবুও সেই ছোট্ট স্টকেসের ভিতরকার দুশ্রাপ্য দ্রব্যগুলি ছর্নিবার বেগে আমার আকর্ষণ করতে লাগলো।.....

আকর্ষণ সুহাসিনী নয়, আকর্ষণ সেই স্টকেস। লক্ষ্য সুহাসিনীর প্রেম নয়, লক্ষ্য সেই স্টকেসের পিস্তল, কার্তুজ ও ছোরা। কার্যোদ্ধারের জন্ত চরম পন্থা পারবো না গ্রহণ করতে ?.....

সুহাসিনীর সঙ্গে আমার সহায় আলোচনা, ঘণ্টার পর ঘণ্টা অলস মধ্যাহ্নে বসে একেবারে বাজে বিষয় নিয়ে কথা কাটাকাটি, হাসি-পরিহাস, কাজে ও অকাজে দিনের মধ্যে অসংখ্যবার তার আমাদের বাড়ীতে আমারই ঘরে আগমন, এমনি সব রোমাঞ্চকর অধ্যায়ের দ্রুতগতির মধ্য দিয়ে আমাদের দু'জনকার সম্পর্ক এমনি ঘনিষ্ঠ ও নিবিড় করে ফেললাম যে, একদিন আমি একেবারে দুই আর দুয়ে চারের মতো বেশ উপলব্ধি করলাম, সুহাসিনী আমার প্রেমে পড়ে গেছে। হ্যাঁ, সত্যিই প্রেমে পড়ে গেছে! প্রেম বলতে কী স্থূল সম্পর্ক বুঝতো সে, তাও টের পেতে দেরি হলো না আমার। কিন্তু আমার মধ্যে তখন অভিনেতা দ্বিঞ্জন গাঙ্গুলী জন্মলাভ করেছে এবং নিখুঁত অভিনয়ের পুরস্কার যে পাওয়া যাবে গোপালের সেই স্টকেসটি, এই সম্ভাবনাও সত্য হয়ে মনে গেঁথে গেছে। তাই অভিনেতা দ্বিঞ্জন গাঙ্গুলী ধাপে ধাপে এগিয়ে চললো জীবনের চরম সাফল্যের দিকে !.....

যে রাতে সুহাসিনী সেই অমূল্য দ্রব্যগুলি বয়ে এনে আমার ঘরে এসে দিয়ে গিয়েছিল, আজও তা ভুলিনি। সেদিন ছিল হয় অমাবস্যা, কিংবা তার কাছাকাছি কোনো তিথি। আকাশ সমাচ্ছন্ন ছিল ধূসর মেঘে। না ছিল বিদ্যুতের কোনো একটি চমক, না ছিল হাওয়ার মাতামাতি। কিন্তু আসন্ন ঝড়ের

ভয়াবহতা সেই গুমোটের মধ্যে দিয়েই যে প্রকট হয়ে উঠেছিল, দক্ষিণের ঘরের জানালার পাশে বসে বেশ উপলব্ধি করছিলাম তা। বোধহয় লিখতে চেষ্টা করছিলাম একটি কবিতা। কী কবিতা, আজ আর তা মনে পড়ে না। কিন্তু অনেক রাত পর্যন্ত ফুলবোদির চুইমির ফলে যে কিছুতেই মনোনিবেশ করতে পারছিলাম না রাইটিং প্যাডের কাগজে, তা আজও ভুলিনি।

রাত বারোটার পর আবার এলেন ফুলবোদি।

কি গো কবি, আর কত পেন্সিল কামড়াবে? ঘড়ির কাঁটা তো আর তোমার অচল পেন্সিলের অপেক্ষা রাখে না। চেয়ে দেখ একবার।

প্রায় সাড়ে বারোট। কিছু যায় আসে না তাতে। একটা সুন্দর কাব্যময় লাইন মাথার এসেও পেন্সিলের সীসের কেন আসছে না? এখনই যদি সেটিকে জোরজবরদস্তি করে প্যাডের পাতার ওপর না সাজিয়ে দেয়া যায়, তাহলে কে জানে কাল হয়তো সে পালিয়ে যাবে কোথায়, কোন্ আকাশের নীলে! স্মরণ—

বললাম : তা জানি। কিন্তু এটি শেষ না করে উঠতেও পারছি না। তুমি বার বার এসে বিরক্ত করছো কেন বল তো? তুমি ঘুমোচ্ছ না কেন?

সেটা আমার খুশী।—স্পষ্টভাবে জবাব দিলেন ফুলবোদি।

আমি বললাম : আমারও খুশী আমি সারারাত জেগে লিখবো।

তবুও বোদি বসে পড়লেন একেবারে টেবিলের ওপর আমার রাইটিং প্যাড চেপে। সিরিয়াস হয়ে বললেন : সারাদিন ছিলে না, সুহাসিনী অন্ততঃ দশবার এসেছিল তোমার খোঁজে।

কেন?

মুচকি হেসে বোদি বললেন : কেন, তা তুমিই জান। কী দিয়ে যে ভুলিয়েছ, সারাদিন বেচারী পড়ে থাকে আমাদের এখানে আর তুমি না থাকলে একেবারে তোমার ঘরে। তোমার লেখা সুন্দর, তোমার কথা মিষ্টি, তোমার ঘরখানা কী সুন্দর গোছানো, তোমার সবই সুন্দর আর তুমি মানুষটি এত ভালো যে তার নাকি তুলনা নেই।

হেসে বললাম : তোমার তুলনা তুমি শ্রাম।

বোদি বললেন : সত্যিই তাই। অন্ততঃ সুহাসিনী তাই মনে করে।—তারপর একটু থেমে নিঃশব্দে জিজ্ঞেস করলেন : কিন্তু ওদিকে কদরু? হলো কিছু ব্যবস্থা?

আমার অভিনয় কতখানি সাফল্যলাভ করেছে, জানালাম বৌদিকে। খুব শীগগিরই যে তার ক্লাইমেঞ্জ আসছে, তাও জানাতে দ্বিধা করলাম না। কিন্তু তারপর যেই বললাম যে, ক্লাইমেঞ্জের পরই কালো ভারী যবনিকা ঝপ করে নেমে আসবে রঙ্গমঞ্চের সম্মুখে, তখনই বাধা দিলেন ফুলবৌদি : পারা কঠিন। জোঁকের মতো ও তোমায় ধরেছে। পেট পুরে রক্ত না খেয়ে ছাড়বে বলে ভরসা করো না। আর দোবই বা কী দোব ওকে। বিয়ে দেবার সময় কাকার কি উচিত ছিল না উপযুক্ত ছেলে খুঁজে বার করা? তুমিই বল—

বাধা দিলাম : ছাথ বৌদি, এমনি বে-মানান বিয়ে আশেপাশে বহু আছে। অভিভাবক বিয়ে দেবার সময় আর সবই দেখেন, দেখেন না শুধু যার বিয়ে দিচ্ছেন, তাকে। ফলে, সারাটি জীবন ভুগতে হয় ঐ বে-মানান বিয়ের সঙ্গে যাদের প্রত্যক্ষ যোগাযোগ, তাদেরকে। কিন্তু, এ ব্যাপারে সে সব কথা কেন বৌদি? শ্রেফ কার্যোদ্ধারের জগুই তো এই অভিনয়, তাই সেই অভিনয়টি কেমন হচ্ছে, তাই বল!

হেসে বললেন বৌদি : চমৎকার!

এবার ধমক দিলাম : শীগগির যাবে কি না বল! আমার কবিতাটি একেবারে বরবাদ করে দিলে।

হেসে চলে গেলেন বৌদি আবারও আসবার ভয় দেখিয়ে। চেয়ে দেখলাম, রাত একটা বেজে গেছে। সেই মোলায়েম লাইনটি কোথায় পালিয়ে গেছে খুঁজে পাচ্ছি না। পেন্সিলের সীসের দূরের কথা, মগজের কোণেও আর উঁকিঝুঁকি মারছে না।...বাইরে চেয়ে দেখলাম, নিবিড় অন্ধকার। দক্ষিণের জানালা দিয়ে এবার ঝিরঝিরে হাওয়া ছেড়েছে। দূরে কোনো নৌকার মাঝি ছুর্গোধ্য ভাষায় গান গাইছে। ভাষা ঠিক বুঝতে না পারলেও মেঠো সুরটি ভারী মিষ্টি লাগছে! নিস্তরু আমাদের বাড়ী, পাড়াটাও সুবুগু,.....কিন্তু সেই লাইনের একটি শব্দও কি মনে আসবে না?

—অকস্মাৎ মনে হলো কে যেন পুকুরঘাট থেকে উঠে আসছে ছায়ার মতো। সহকর্মীরা কেউ হতে পারে!...বিপদভঞ্জন? খগেন? সুবোধ?...না, কোনো স্পাই? শালা বোধহয় দেখতে এসেছে আমায়!...না কোনো চোর?...কিন্তু ঘরে জলছে আলো, জলজ্যাস্ত বসে রয়েছে আমি জানালার পাশে—এমনি অবস্থায় চোর? এ কি সম্ভব?

—কিন্তু একটু পরেই সকল সন্দেহের নিরসন করে দিয়ে জানালায় পাশে সহাস্যমুখে ছায়া এসে দাঁড়ালো—পাগলিনী সুহাসিনী। দরজা খুলে দিতে হলো। নিঃশব্দে ভেতরে এসে দাঁড়ালো শ্রীমতী। চেয়ে দেখলাম। সমস্ত শরীর সিক্ত, সিক্ত শাড়ী গায়ে লেপটে গেছে। মাথার সঙ্গে পাগড়ির মতো করে বাঁধা একখানা শুকনো শাড়ী, হাতে একটি বড় পিতলের কলসী। কলসী মেঝেতে রেখে পাগড়ি খুলে তার ভেতর থেকে বার করলো দুটো রিভলভার ও এক বাঁক কান্ডুজ। টেবিলের ওপর রেখে বিজয়িনীর হাসিতে মুখখানা ভরে তুলে অলুচকণ্ঠে বললো সুহাসিনী : কেমন, পারবো না দিতে? এইবার হলো তো?—দাও পুরস্কার।

একেবারে ঝুঁকে পড়লাম রিভলভার ও কান্ডুজগুলির ওপর। সত্যিই রিভলভার এবং যত দূর বোঝা গেল তাজা রিভলভার। কান্ডুজগুলি ঠিক ফিট করে।—যাক, এতদিনে সত্যিকার সাফল্য লাভ সম্ভব হলো। প্রেমের অভিনয়ে এবার অনায়াসেই ছেদ টেনে দেয়া যেতে পারে!.....সরিয়ে ফেলতে হবে কাল সকালেই, যাতে এর পর গোপালের তাগাদায় মাথা খুঁড়ে রক্ত বার করে ফেললেও এই অমূল্য দ্রব্যগুলির আর ও সন্ধান না পায়। সত্যিই বলেছেন ফুলবোদি, ও ছিনে জৌক।

কিন্তু ছিনে জৌক ইতিমধ্যেই তার সিক্ত শাড়ীখানা পরিবর্তন করে শুকনো শাড়ী ও ব্লাউজ পরে ফেলেছে এবং দেখলাম, নিঃশব্দ হাসিতে সারা মুখখানা প্রদীপ্ত করে তুলে আলগোছে এসে বসে পড়লো আমার সম্মুখে টেবিলের ওপর, ঘণ্টাখানেক পূর্বে ফুলবোদি যেখানে বসে কিছুক্ষণ জ্বালাতন করে গেছেন।

কী বলে যে শুরু করবো, সেটা আমার আর ভাবতে হলো না। সুহাসিনী নিজেই বলে উঠলো : এত রাত অবধি বসে বসে কার কথা ভাবা হচ্ছিলো? সে সৌভাগ্যবতী কে জানতে পারি কি?

কাল হলে হয়তো অনায়াসে গদগদ স্বরে বলে দিতাম : সে তুমি গো, তুমি! আজ তার প্রয়োজন একেবারে ফুরিয়ে গেলেও বুঝতে পারলাম, এখনই সবটা ওলট-পালট করে দেয়া সম্ভব হবে না। রিভলভার যখন এসে পড়েছে হাতের মুঠোয়, তখন আর তা ফস্কে যাবার আশঙ্কা নেই। এবার অনায়াসে এই মেয়েটাকে একেবারে কুইক্ মাচ না করলেও এ্যাৰাউট টাণ্ড তো করিয়ে দিতে পারি। তাই স্বাভাবিক মিষ্টি সুরেই বললাম : কে যে নিজেকে সৌভাগ্যবতী

মনে করে, তা আমি কি করে জানবো বল? যেভাবে এসেছ তুমি, তোমার প্রশংসা না করে পারি না সূ। কিন্তু কাকীমা যদি জেগে গিয়ে থাকেন, তাহলে? আর আমাদের বাড়ীতেও তো বৌদিরা বা মা-বাবা জাগতে পারেন, তাহলে?

ডুই হাসিতে ভরে উঠলো সুহাসিনীর মুখ : তাহলে কী হবে শুনি?

তাহলে আমাদের ছ'জনের কীসি হবে, আর কী হবে। রাত দুপুরে জল সাঁতরে কি জন্তে তুমি আমার ঘরে এসেছ, তার যেমন কোনো কৈফিয়ত দিতে পারবে না তুমি, আমার পক্ষেও তেমনি—

কিন্তু আর কিছু বলা হলো না, একটা অদ্ভুত কাণ্ড করে বসলো সুহাসিনী। ঝুঁ দিয়ে কস্ করে দিল আলোটি নিভিয়ে, তারপরই কানের কাছে কী সব মিষ্টি ভাষা উচ্চারণ করতে লাগলো আধো-আধো স্বরে, আজ আর তা মনে পড়ে না।

বৃহতে পারলাম, আজ আর নিষ্কৃতি পাবার উপায় নেই। চক্রব্যাহে ঢুকে পড়েছিলাম পুরস্কার আহরণের আশা নিয়ে। তা তো পেয়ে গেছি আজ। কিন্তু এ থেকে বেরিয়ে যাবার পথ কোথায়? অভিমতের মতো কি মৃত্যু অনিবার্য?...ইলেকট্রিক শক্ থেকে আত্মরক্ষা করবার জন্ত তাই স্মরণ করলাম নাট্যাচার্য্য, নটসূর্য্য ও নটশেখরদের! বললাম মিহি স্বরে দরদ মিশিয়ে : তুমি একটি বোকা মেরে। কাকের মতো চোখ বুজেই বুঝি মনে করছো কেউ আর দেখলো না তোমার? জানো দেয়ালেরও কান আছে, অন্ধকারেরও আছে চোখ? ফুলবোদি যদি একবার টের পেয়ে যান, তাহলে তোমার ঐ কলসীটা গলায় বেঁধে জলে নামতে হবে।

তা না হয় নামবো—বিধাহীনভাবে জবাব দিল সুহাসিনী : তবুও তো মরবার আগে এই একটি রাত একেবারে নিজস্ব করে পাবো। অনেক দুঃখ ভুলে থাকতে পারবো তবু কিছুক্ষণের জন্ত।

এবার মরিয়া হয়ে বলতে লাগলাম : জানোই তো ভাই, সারাটি দিন আজ বাড়ীতে ছিলাম না! ভীষণ খাটনি গেছে। তারপর লিখতে বসেছি জরুরী একখানা চিঠি। লিখতেই হবে আজ। রাত সাড়ে চারটেতে একটি ছেলে এসে নিয়ে যাবে চিঠিখানা। তাই—

সুহাসিনী তৎক্ষণাৎ অসম্মতি প্রকাশ করলো এবং সহজভাবে বুঝিয়ে দিল যে, সুযোগ জীবনে অনেকবার আসে না। হাল আমি প্রায় ছেড়েই দিয়েছিলাম

কিন্তু নাট্যাচার্য্য ও নটশেখরদের কৃপায় ক্রমেই যেন আবার পানি পেতে লাগলাম। বড়ের দাপাদাপি কমে এল, কমে এল বুটের তোড়, পর্বতপ্রমাণ চেউগুলিও যেন শান্ত হয়ে এল। হেঁড়া পাল জোড়া দিলাম, ভান্ডা হাল তুলে নিলাম, কৃতকার্য্যতার খুশীতে ছেড়ে দিলাম সপ্তডিক্কা মধুকর.....বদর ! বদর !.....

তারপর এক সময় ধীরে ধীরে অত্যন্ত আদর করে পুকুরে নামিয়ে দিয়ে এলাম সুহাসিনীকে আগামী রাত্রির গালভরা প্রতিশ্রুতি দিয়ে। বার বার মাথার দিব্যি দিয়ে বললাম : কাল না এলে কিন্তু আড়ি, আড়ি, আড়ি !

কলনীটা উলটে দিয়ে বৃকের নীচে চেপে সোনার মতো ভেলে বইল সুহাসিনী। বললাম : কাল পরবে তুমি সেই গোলাপী শাড়ীখানি, খোঁপার স্তম্ভে আসবে ফুলের মালা, সুন্দরতর করে তুলবে তোমার সুন্দর দেহখানি, তারপর চলবে আমাদের অফুরন্ত গল্প সারাটি রজনী...

কিন্তু আরব্যোপভ্রাসের সেই সহস্র রজনীর একটিও আর এলো না আমার জীবনে !

ভিন্ন

সে যুগে গুপ্ত সমিতির সদস্য সংগ্রহের প্রথম পন্থা ছিল বই পড়ানো। সিনেমার প্রকোপ সে যুগে তত তীব্র না হলেও উপজ্ঞাসের ভিড় কম ছিল না। চুরি করে, লুকিয়ে উপজ্ঞাস পাঠ, তার প্রেমিক-প্রেমিকার প্রেমের ভাষা কণ্ঠস্থ করা এবং প্রেম আদান-প্রদানের রীতি অনুকরণ, সে যুগের কিশোর-কিশোরীদের মধ্যেও এই কদভ্যাস এসে গিয়েছিল। তাই সর্বপ্রথম আমরা এই কদভ্যাসটি পান্টাবার দিকে মনোনিবেশ করতাম। ভালো ভালো বই দেয়া হতো। শ্রীশ্রীরামকৃষ্ণ কথামৃত, বিবেকানন্দ বাণী, বিভিন্ন দেশের স্বাধীনতা আন্দোলনের ও অর্জুনের লোমহর্ষণ কাহিনী, ভারতবর্ষের অপ্রকাশিত রাজনৈতিক ইতিহাস, মহাপুরুষদের জীবনী, আনন্দমঠ, ভক্তিব্যাগ, কর্মব্যোগ, দেশবিদেশের প্রাতঃস্মরণীয় শহীদদের অমর জীবনী—এমনি ধরনের বই পড়তে দেয়া হতো। শুধু পড়া নয়, রীতিমতো অধ্যয়ন এবং শুধু অধ্যয়ন নয়, তা নিয়ে আলোচনা, সমালোচনা, বিতর্ক ও তা ভিত্তি করে প্রবন্ধ রচনা চলতো। গীতার ক্লাস হতো। ফলে, উপজ্ঞাসের পক্ষিল পরিণামের পাখাণ চত্বরে ফাটল দেখা দিত। পাঠকের মনে জাগতো আলোড়ন ও প্রশ্ন : কোন্টা ভালো? পথ কি? কে বড়? কর্তব্য কি?... এই সব প্রশ্নের জবাব দেয়া হতো না। জবাব সে নিজেই সংগ্রহ করবে অনুসন্ধান করে।

এই ধরনের গ্রন্থপাঠের ফলে পাঠকের মনে জাগতো আলোড়ন, ক্রমে সে আলোড়ন সেখানে ঝড় তুলতো, ঘূর্ণি ঝড়—নীচের ধূলাবালি, খড়কুটো সব উড়িয়ে নিয়ে যেত আকাশের নীলে, নীচে দেখা দিত ঝকঝকে তকতকে নিস্পাপ মন। এমনভাবে পাঠকের মনে জন্মলাভ করতো আর একটি বিপ্লবী। মন আগে তৈরী করা হতো, মজবুত মন। মন তৈরী হয়ে গেলে পাঠানো হতো তাকে হয়তো কোনো কাজে—ডাক লুণ্ঠনে, ডাকাতিতে বা কারুর ওপর চরম শাস্তি হানবার ব্যাপারে। একেবারে আসরে তাকে নামতে দেয়া হতো না। প্রথম প্রথম, একটু দূরে রাখা হতো, প্র্যাক করেই অথচ তাকে বুঝতে না দিয়ে। তারপর কাজের দ্বারা সে তার স্থান করে নিত। হয়তো অতি দ্রুত সে পরিচালকের সমকক্ষ হয়ে উঠতো কিংবা হয়তো নেমে যেত নীচে, আরও

নীচে !—এর পর একবার আই বি বা এস বি অফিসে দিন পনেরো হাজতবাস করে এলেই সে হয়ে পড়তো একেবারে ঝয়লারঞ্ফ্ !...

আর একটা পন্থা অবলম্বন করা হতো সে যুগে সদস্য সংগ্রহের জন্ত । দলের চতুর কোনো একটি ছেলেকে স্থানান্তর সার্টিফিকেট নিয়ে বার বার স্কুল পরিবর্তন করানো হতো আর কোনো বৎসরই তাকে পরীক্ষা দিতে দেয়া হতো না । স্কুল থেকে স্কুলে সে বিপ্লবমন্ত্র ছড়িয়ে যেত আর পরীক্ষা না দেবার ফলে প্রতি বৎসরই তার ক্লাসে এসে পড়তো নতুন নতুন ছাত্র ।

আমাদের সুবোধ চক্রবর্তীকেও এমনভাবে বার বার স্কুল পরিবর্তন করানো হয়েছিল এবং বার বারই বাৎসরিক পরীক্ষার সময় তার অস্থখ হতো !

কিছুদিন ধরেই আমি অভাব অনুভব করছিলাম বইয়ের, জাতীয়তামূলক বা আমাদের প্রয়োজনমতো গ্রন্থের । এই বইয়ের অভাবে বহু স্থানে আমাদের কাজে বাধা পড়তে লাগল । যেগুলো ছিল তাই বার বার ঘুরিয়ে ফিরিয়েও চাহিদা মেটানো সম্ভব হলো না । অনেকগুলো কেন্দ্রে থেকেই সংবাদ আসতে লাগলো, বইয়ের অভাবে তাদের কাজে অস্থবিধে হচ্ছে । বই পড়তে নেবার ব্যাপারে অনেকগুলো নিয়ম করা হলো, কড়া নিয়ম । কিন্তু কিছুতেই কিছু হলো না । একসময় মনে হতে লাগলো, এই বইয়ের প্রয়োজন অবিলম্বে না মেটাবার ব্যবস্থা করলে সংগঠনের সমগ্র কার্যামোটাই বুঝি ভেঙ্গে পড়বে । সুতরাং—

এক অন্ধকার রজনীতে যাত্রা করলো আমাদের অভিযানকারী ক্ষুদ্র দলটি । রাত তখন অনেক । কারুরই জেগে থাকবার কথা নয় । অন্ধকার রাত্রি গাছ-পালা ও বোপ-ঝাপের দঙ্গলে আরো অন্ধকার মনে হয় । আমাদের গ্রামের মুসলমান চাষীরাও তখন ঘুমিয়ে পড়েছে । চারিদিকে নিস্তরতা ।

পূর্বপাড়া ছাড়িয়ে আমরা রওনা হলাম ডানদিকে বীরতারা অভিমুখে । সামরিক আদবকায়দা আমি প্রবর্তন করে চলতাম প্রায় প্রতি কাজেই । তাই চলেছি আমরা ফাইলে—একের পশ্চাতে অপরে । পুরোভাগে চলেছে দীর্ঘদেহ খগেন হাতে নিয়ে একটি দীর্ঘ লৌহখণ্ড । তার পশ্চাতে রত্নলাল । সাপের মতো অন্ধকারে সে দেখতে পায় । চারিদিকের নিবিড় অন্ধকারে তার দৃষ্টি ঘুরে বেড়াচ্ছে । অনভিপ্রেত কিছু দেখতে পেলেই সে স্পর্শ করবে সন্মুখের খগেনকে আর পশ্চাতের অনাথকে । অনাথ স্পর্শ করবে নেপালকে, নেপাল স্পর্শ করবে সুবোধকে । এমনি করে স্পর্শের মধ্য দিয়ে ঐ সঙ্কেত এসে পৌছোবে লাইনের

একেবারে পশ্চাতে আমার কাছে। ততক্ষণে থেমে গেছে সবাই। অপেক্ষা করছে দলপতির আদেশের। আমি তৎক্ষণাৎ ত্রস্তপদে বেরিয়ে আসবো রঙ্গলালের কাছে। সমস্ত ব্যাপারটা শুনে নেব সংক্ষেপে, তখনই সিদ্ধান্ত গ্রহণ করবো নিজের মনে এবং তারপরই অতুচ্ছবরে জানিয়ে দেব আমার আদেশ রঙ্গলালকে।...মুহূর্ত্ত পরে দেখা যাবে আমাদের দলটি পার্শ্ববর্ত্তী জঙ্গলে বা পাটক্ষেতের মধ্যে একেবারে অদৃশ্য হয়ে গেছে।

রণক্ষেত্রে সৈন্যদলের অধিনায়কের মতোই আমার স্থান দলের পুরোভাগে নয়, পশ্চাতে। ওয়ারলেসে সংবাদ আদান-প্রদানের মতোই সহকর্মীরা প্রয়োজনবোধে সংবাদ পাঠাতো আমার কাছে এবং তৎক্ষণাৎ ফিরিয়ে নিয়ে যেতো আমার সিদ্ধান্ত। রণক্ষেত্রে সৈন্যদলের অধিনায়কের মতোই বিন্দুমাত্র কালক্ষেপ করবার রীতি ছিল না।

রাত প্রায় একটার সময় আমরা এসে পৌছোলাম সিংপাড়া বাজারের পশ্চিম দিকের বড় কাঠের পোলটার নীচে। ত্রীনগর থেকে মুন্সীগঞ্জগামী উঁচু সড়কের ওপর এই পোলটি। নীচে তখন আর জল নেই। তাই নীচের অন্ধকারে আমরা নিশ্চিন্তে জড়ো হলাম।

এইবার আমাদের এই অভিযানের লক্ষ্যস্থল ব্যক্ত করা হবে। যারা এসেছে বাড়ী ছেড়ে বেরিয়ে চুপি চুপি, তাদের মধ্যে একজনও জানে না কোথায় আমাদের যেতে হবে, কী আমাদের করতে হবে, সে কাজের কুঁকি কতখানি এবং এ কথাটিও জানে না তারা যে, কাজের শেষে আবার তারা সুস্থদেহে চুপি চুপি বাড়ীতে ফিরে আসতে পারবে কি না! একেবারে অনিশ্চিতভাবে তারা যাত্রা করে। ঠিক যে সময় তাদেরকে কাজের খবরটি জানানো দরকার, ঠিক সেই সময় তা জানানো হয়।...এমনিই ছিল গুপ্ত সমিতির গোপনতা।

কাজের হুঁসি পেলো সবাই। কীভাবে কার্যোদ্ধার করতে হবে, তাও দ্রুত স্থির করা হলো। তারপর সাবধানে এগিয়ে চললাম আমরা পূর্ব দিকে বাজারের পশ্চাতে বেলতলা হাই স্কুলভবনের দিকে।

লাইব্রেরী চিনে নিতে দেয়ি হলো না। যাকে যেখানে পোস্ট করা দরকার, তেমনিভাবে ব্যবস্থা করে রঙ্গলাল এসে জানালো আমার, সব রেডি। স্লবোধ পূর্বেই লাইব্রেরী ঘরের নম্বরী তালার চাবিটি সংগ্রহ করে এনেছিল। বেশ মোটা ও মজবুত তাল। একেবারে স্লবোধ বালকের মতো খুলে গেল। ভেতরে

প্রবেশ করলাম বিপদভঞ্জন, নুবোধ, খগেন ও আমি। ঠিক দরজার বাইরে দাঁড়িয়ে রইলো রঙ্গলাল।

টর্চ আলিয়ে দেখা গেল, অনেকগুলি কাঁচের আলমারি ভর্তি থরে থরে সাজানো গ্রহ। এক ঘূষিতেই কাঁচ ভেঙ্গে ফেলা যায়, কিন্তু শব্দ করা সম্ভব হবে না। তাই আবার চাবির সাহায্য নিতে হলো এবং এবারও আশ্চর্য্য, প্রত্যেকটি আলমারি অনায়াসে খুলে গেল। প্রকাণ্ড টেবিলের ওপর বইগুলো ছড়িয়ে ফেলে বাছাই শুরু হলো এবং বাছাই-করা বইগুলো বিভিন্ন থলিতে পুরে ফেলা হলো।

একেবারে যন্ত্রের মতো কাজ হচ্ছে। নিশ্চিত্তে, কারণ বাইরে সতর্ক গ্রহরা আছে! সময়মতো সঙ্কেত পাবোই!

ক্যাশবাক্সের মতো কালো টিনের একটা বাক্স দেখা যাচ্ছে একটি আলমারিতে। কোনো চাবিতেই কাজ হলো না দেখে যেই আমি বাটাণি দিয়ে ওর ডালার নীচে চাড়া দিতে যাবো, এমন সময় অকস্মাৎ বাইরে থেকে দরজায় টোকা পড়লো : ঠক্ ঠক্ ঠক্ !

অর্থাৎ বিপদের সঙ্কেত ! টর্চ তৎক্ষণাৎ নিভিয়ে দিয়ে রুদ্ধস্থানে প্রতীক্ষা করতে লাগলাম পরবর্তী সঙ্কেতের।

বাইরের সতর্কতামূলক ব্যবস্থাটি এমনি নিখুঁত যে, কখনও কোনো সময়েই বিন্দুমাত্র আশঙ্কার কারণ দেখা দেবার উপায় নেই। বাজার থেকে এসে যে রাস্তাটি লাইব্রেরী-গৃহের পশ্চিম ও উত্তর ঘুরে দূরে গ্রামের ঘন অন্ধকারে অদৃশ্য হয়ে গেছে, সেই রাস্তার পাশে পাশে ঝোপ-ঝাপের আড়ালে কালো রংয়ের চাদর জড়িয়ে একেবারে ঘাসের সঙ্গে মিশে রয়েছে একজন এখানে আর একজন একটু তফাতে। কালো মজবুত সরু দড়ি তাদের পরস্পরকে সংযোজন করে এসে পৌঁছেছে লাইব্রেরী-গৃহের কিছুদূরে লুঙ্কায়িত অনাথের হাতে। আবার তার কাছ থেকে এমনি একটি সরু দড়ি এসে পৌঁছেছে একেবারে রঙ্গলালের হাতে। এই দড়ির সাহায্যে সেই একশো গজ দূরে পথের বাঁক থেকে সংবাদ এসে পৌঁছোচ্ছে অনাথের কাছে, অনাথ আবার তা পাঠিয়ে দিচ্ছে রঙ্গলালের কাছে আর রঙ্গলাল দরজায় টোকা দিয়ে বাইরের অবস্থা জানিয়ে সতর্ক করে দিচ্ছে ঘরের মধ্যে আমাদেরকে।

এমনিভাবে বাজারের দিকেও পাহারায় রত আছে একজন এবং আর একজন

আছে দু'রে দরওয়ানের ঘরের কাছে। নিবিড় অন্ধকারের মধ্যে আমরা জাল ছড়িয়ে বসেছি নিপুণভাবে। রুই-কাতলা তো দূরের কথা, সামান্য পুঁটি-ট্যাংকারও সাধ্য নেই সে জালের কীক দিয়ে ভেতরে প্রবেশের।

একটু পরই আবার শব্দ শোনা গেল। এবারের আঘাত ছ'বার, খানিকটে নীরব থেকে আবার ছ'বার। অর্থাৎ অলু ক্লিয়ার। আবার কাজ শুরু হয়ে গেল। কালো বাক্সটা খুলে ফেললাম। পাওয়া গেল ওর মধ্যে কিছু স্বর্ণালঙ্কার, কিছু রূপোর টাকা ও একতড়া নোট।

আধ ঘণ্টার মধ্যেই কাজ সুসম্পন্ন করে সবাই বেরিয়ে পড়লাম। সতর্ক পদক্ষেপে এসে আবার জমায়েৎ হলাম সেই কাঠের সেতুর নীচে। সামরিক কায়দায় এবার সবাই ফল্ ইন করে দাঁড়ালো। অনেকগুলো বই গোটাকয়েক পুটলি করে বণ্টন করে দেয়া হয়েছে। তথাপি—

কমান্ডার আদেশ করলেন : ব্যক্তিগত প্রয়োজনের জন্ত কেউ কিছু নিয়ে এসেছ কি ?

মুহূর্তকাল সবাই নীরব। একটু পর সহসা ফল্ আউট করে বাইরে এসে দাঁড়ালো খগেন।

কি এনেছ ?

অপরাধীর মতো জবাব দিল খগেন : কতকগুলো নিব আর খানকতক পোস্টকার্ড।

That's dangerous ! আমাদের এই অভিযানের পশ্চাতে আছে একটি মাত্র উদ্দেশ্য—দেশসেবা। বিপ্লবমন্ত্র প্রচারের জন্ত বা কিছু প্রয়োজন, জীবনপণেও তা করতে এগিয়ে বাবো। কিন্তু ব্যক্তিগত সুখ বা সুবিধার জন্ত যদি আমরা লালায়িত হয়ে উঠি, তাহলে সাধারণ চোর ডাকাতের সঙ্গে তফাৎ কোথায় আমাদের ? Why did you steal away those things ? Answer why ?

এগিয়ে এল আমার অর্ডারলি—নেপাল। মাত্র পনেরো বছর বয়সের নেপাল। অত্যন্ত চটি মুখখানি, দেখলে মায়া হয় ! আদেশের অপেক্ষা করতে লাগলো এ্যাটেনশন্ হয়ে।

হাঁক দিলাম যথাসম্ভব নিম্নস্বরে : Speak out—I give you one minute's time.

শার্টের নীচে আমার যে রিভলভার আছে, এরা সবাই জানে এবং এ-ও

জানে যে, যে কোনো সময় তা ব্যবহারে দ্বিধা করবো না আমি এতটুকুও!... আর নিজের হাতে তার প্রয়োজনও হবে না। নেপাল এগিয়ে এসেছে হুকুম তামিল করতে।

থগেনের কর্তৃ শোনা গেল মৃত্যুদণ্ডপ্রাপ্ত আসামীর মতো: আমার অপরাধ হয়ে গেছে, সে জন্ত ক্ষমা চাইছি দাদা—

Search his person and search everybody—হুকুম উচ্চারিত হলো। নেপাল প্রত্যেকের দেহ তল্লাশী করলো। দেখা গেল, শুধু থগেনই খানকতক পোস্টকার্ড ও কয়েক বাত্স রেড ইংক নিব নিয়ে এসেছিল। ওগুলো এখানেই ফেলে দিলে হতো। কিন্তু যেখানে আমরা এসেছিলাম, দাঁড়িয়েছিলাম, কণা বলেছিলাম, সেখানকার সন্ধান দেবার কী প্রয়োজন আছে?...তাই নেপাল ওগুলো নিয়ে দ্রুত অথচ সতর্ক পদক্ষেপে চলে গেল স্কুলের পশ্চিম দিকের খেলার মাঠে।

সে ফিরে এলে আবার যাত্রা করলো অভিযানকারী আমাদের ক্ষুদ্র দলটি বিজয়ীর গর্ব নিয়ে।

এমনি করে মালখানগর, রুসদী, বোলোঘর, হাঁসাদা প্রভৃতি গ্রামের স্কুল-লাইব্রেরীতে হানা দিয়ে অসংখ্য জাতীয়তা-প্রচারক গ্রন্থ সংগ্রহ করা হলো। সাবধানে ভেতরকার রবার স্ট্যাম্পগুলো ব্রেড দিয়ে কেটে ফেলে দিয়ে কেন্দ্রে কেন্দ্রে সেগুলো বণ্টন করে দেয়া হলো। কাজ চলতে লাগলো অপূর্ণ উৎসাহ ও উদ্দীপনার সঙ্গে।.....

বইয়ের অভাব মিটে গেলেও যে অভাবটি বার বার কাঁটার মতো খচখচ করে আমার মনে বিঁধতো, সে হচ্ছে টাকার অভাব। যাকে বলা যায় সত্যিকার পনী, তেমনি একজনও ছিল না আমাদের দলে। শুধু মধ্যবিত্ত নয়, এদের সবাইকে নিম্নমধ্যবিত্ত বলা যায়। ছ'একজন ছিল, যাদের অবস্থা স্বচ্ছল হলেও নগদ অর্থের প্রতিটি পাই আগলে রাখতেন যথের মতো তাদের অভিভাবক। ছেলের খাণ্ড, স্বাস্থ্য ও বাসস্থানের মনোরম ব্যবস্থা করে দিয়ে অভিভাবক শ্রোনদৃষ্টি সর্বদাই খুলে রাখতেন পাছে বাড়ীর তৃণগাছটি স্বে টেনে নিয়ে যায় গাঙ্গুলী-বাড়ীতে দ্বিজন গাঙ্গুলীর কাছে! নেপাল ছিল এমনি অভিভাবকের অধীনে।

অত্যন্ত স্মার্ট যেমন, তেমনি কর্তব্যপনায়ণ। কার্যোদ্ধার করবার জন্ত সে যে-কোনো ঝুঁকি নেবার জন্ত এগিয়ে আসতো। সত্যি, এক-এক সময় আমার মনে হয়েছে, অবোধ বালক বুঝি উপলব্ধিই করতে পারে না। বিপ্লবী দলের কর্মপন্থা কতখানি ভয়াবহ! মায়া-মমতার সক্রমণ আবেদন মাঝে মাঝে অন্তরাকাশে চিন্তার বাষ্প সৃষ্টি করলেও শরতের মেঘের মতোই তা মুহূর্ত পরে কোথায় মিলিয়ে যেত!

কিন্তু টাকা? টাকা কোথায় পাই? সহকর্মীরা যা সংগ্রহ করে এনে দিত ভিক্ষে করে বা ধার করে বা চুরি করে, খুব সামান্য না হলেও সমগ্র বিক্রমপুরের সংগঠনো কাজ চালাবার পক্ষে তা নেহাৎ অকিঞ্চিৎকর! কী করা যায়? কী করা যেতে পারে?

বেশ ভালো করে ভেবে দেখলাম ডাকাতি করা ব্যতীত গতাস্তর নেই। ছেলেরা একবাক্যে সাই দিয়ে ফেললো। কোনো গৃহে চড়াও হয়ে লুণ্ঠন করবার মতো যথেষ্ট সংখ্যক কর্মী ও প্রচুর আগ্নেয়াস্ত্র থাকলেও সে সময় চারিদিক বিবেচনা করে তা যুক্তিসহ মনে হলো না। হ্যাঁ, ডাকাতি করতে হবে, কিন্তু তার মধ্যেও থাকবে তীক্ষ্ণ বুদ্ধির খেলা। কেউ কিছু টের পাবার পূর্বেই কাজ হাসিল করতে হলে যে কূটবুদ্ধি ও পরিকল্পনা প্রয়োজন, তাই প্রয়োগ করতে হবে। একটা কিছু করবার অধীর আগ্রহে সহকর্মীরা যেন টগবগ করে ফুটছে! শুধু ঝুঁকি নয়, আত্মবলিদানের প্রতিশ্রুতি দিতেও তারা পশ্চাৎপদ নয় তা জানি। জানলেও দলপতি হিসেবে আমার নিশ্চয়ই নীতি হবে যথাসম্ভব কম বিপদের পথে এদের এগিয়ে দিয়ে কার্যোদ্ধার করা।

মশাল জালিয়ে তরবারি, বল্লম ও গাদা বন্দুক নিয়ে বা খানকতক রামদা কাঁধে করে 'কালী মাইকি জয়' ধ্বনি করতে করতে দিক্ প্রতিধ্বনিত করে তুলে গৃহস্থের বাড়ীতে হানা দিয়ে, প্রহার করে, হত্যা করে, গুলী চালিয়ে, বোমা ফাটিয়ে, সিন্দুক ভেঙ্গে ও মহিলাদের অঙ্গ থেকে টাকা ও গহনা সংগ্রহ করে আবার সপদদাপে চতুর্দিক প্রকল্পিত করে জঙ্গলে লুকিয়ে পড়ার কাহিনী পাঠ করেছিলাম। শহরে ডাকাতির বিবরণীও অজানা ছিল না। হস্ করে এসে একথানা জিপ থামলো বাড়ীর সম্মুখে, স্টেনগান হাতে ঝপাঝপ্ নেমে পড়লো ক'জন, chemical solution ঢেলে মুহূর্তে খুলে ফেললো প্রকাণ্ড সিন্দুকের তাল, তারপর ক্যান্সিসের ব্যাগের মধ্যে পুরে ফেললো সব, তারপর যেমন হস্ করে

এসেছিল তেমনি হৃদয় করে অদৃশ্য হয়ে গেল জিগ, রাজপথের বাঁকে, যার number plate-এ লেখা একটি সংখ্যা, যা ঐ গাড়ীর নয়।

কিন্তু আমার পরিকল্পনা একেবারে অভিনব। সে যুগে একে একেবারে যুগান্তকারী বলা যায়! আয়োজনটি একেবারে শাস্ত ও স্বাভাবিক, কোথাও বিন্দুমাত্র সন্দেহের উদ্রেক করবে না। যেমন নিঃশব্দে শুরু হবে কাজ, তেমনি সহজভাবেই তা শেষ হয়ে যাবে। ছোঁরাছুরি, বোমা-রিভলভার নেই, শুধু বুদ্ধির খেলা আর কজির জোর। নিরামিষ ডাকাতির মতো, জোর করতে হবে বটে, কিন্তু জবরদস্তি নেই। অনিবার্যভাবে হত্যা হয়তো একটা হয়ে যাবে, কিন্তু নীরবে ও নিঃশব্দে। অন্ধকারে গোথরো সাপের ছোঁবলের মতো! তথাপি রিজার্ভ ফোর্সের মতো নাগালের মধ্যেই থাকবে একটি সশস্ত্র দল, শুধু জরুরী অবস্থায় যাদের আহ্বান জানানো হবে। ওৎ পেতে থাকবে এরা নেকড়ে বাঘের মতো কিন্তু লক্ষ্য দেবে তখনই, যখনই আসবে ইজিত!.....

শ্রীনগরের কাছাকাছি দেলভোগ নামে একটি গ্রাম আছে, সে গ্রামে আছে একটি গণিকাপাড়া। গণিকাদের সবাইকে পুলিশ চেনে, কারণ থানার খাতার তাদের নামের তালিকা আছে। এই গণিকাদের মধ্যে একচ্ছত্র আধিপত্য করে থাকেন উর্কশী, মেনকা বা রম্ভার মতো যিনি, তাঁর নাম চাঁপা। চাঁপার নামে মরা হাড়েও বিদ্রোহ চকমকিয়ে ওঠে। নৃত্যে, সঙ্গীতে, আদর-আপ্যায়নে ও অতিথিসেবার চাঁপা অতুলনীয়। শুধু গ্রামের খড়ো ঘরে বা টিনের চালে তার খ্যাতির ছাতি প্রদীপের মতো টিমটিম করে না, শহরের অনেক অট্টালিকার চার-পাঁচতলাতেই চাঁপার মোহনীয় পোট্রেট কার্বন লাইট জালিয়ে রাখে এবং সে শুধু ঢাকা শহরে নয়, কলকাতাতেও।

এই সব গুরুত্বপূর্ণ সংবাদ কৌশলে সংগ্রহ করে আনলো রঙ্গলাল আর তাকে সর্বতোভাবে সাহায্য করলো বিপদভঞ্জন। দালালের মারফত রঙ্গলাল একেবারে গিয়ে হাজির হলো চাঁপার প্রকাণ্ড টিনের ঘরে, মেঝের বিছানো পুক গদির ওপর বসে চাঁপার সঙ্গে ছ'চার দিন খোশগল্পও সে করে এল। সঙ্গে চা ও মিষ্টি। বলে এল যে, চাঁপার নাম দেশে দেশে ছড়িয়ে পড়েছে। কলকাতার বনেদী জমিদার হরিপ্রসন্ন দাসের একমাত্র পুত্র হরলালবাবুও শুনেছেন চাঁপার অসামান্য সৌন্দর্যের কথা। তিনি একবার পদধূলি দেবেন চাঁপার গৃহে। দিনচারেক থাকবেন। চাঁপার কর্তব্য হবে এই চারটি দিন ও রাত শুধু হরলালবাবুর জন্ত

রিজার্ভ করে রাখা। পান ও আহারের ব্যবস্থা এবং নৃত্য ও সঙ্গীতের আসর রাখতে হবে বটে, কিন্তু বেশী রাত পর্যন্ত নয়, কারণ হরলালবাবু চাঁপাকে একান্তে চান। বাবু সেই কলকাতা থেকে একা আসবেন গোপনে বাপকে লুকিয়ে, স্নতরাং মিস্ চম্পকরাণী—বলতে বলতে রঙ্গলাল একেবারে মোসাহেবের অভিনয় করে এসেছে : স্ত্রীর যাত্রে কোনো কষ্ট না হয়, সেজন্ত আপনি সব ব্যবস্থা করে রাখবেন কিন্তু।

চাঁপা মহা অপরাধিনীর মতো জিজ্ঞেস করেছিল : কিন্তু এখানে যে সব বাংলা—বিলিতি তো এখানে পাওয়া যায় না বিরিঞ্চিবাবু !

বিরিঞ্চি !—স্ত্রীর জন্ত আপনি কেন ভাবছেন ? তাঁর সঙ্গেই আসবে কয়েকটি বাক্স—সব বিলিতি মাল—দেখবেন একবার টেস্ট করে, আর ভুলতে পারবেন না মিস্—বরং আপনি এক কাজ করবেন, এই কেমিক্যালের গয়নাগুলো যেন স্ত্রীর সামনে পরে বেরুবেন না।

কেমিক্যাল ?—বিস্ময়-বিস্ফারিত নেত্রে চেয়ে রইলো চাঁপা !

বিরিঞ্চি বলে উঠলো : না, না, আমি আপনার গয়নার কথা বলছি না। আপনাদের মধ্যে অনেকেই অমনি পরে থাকেন কিনা। কৃত্রিমতা রাত্রে ধরা কঠিন।

প্রায় ক্রুদ্ধস্বরে জবাব দিল চাঁপা : কিন্তু আমার গয়না একেবারে খাঁটি সোনার, তা জানেন ? আর এ কী দেখছেন, আমার জড়োয়া গয়না আছে ছ’ সেট, দেখবেন ?

বলে উত্তরের অপেক্ষা না করেই সে একটা কাঁচের আলমারি খুলে ফেলে বার করলো একটি মাঝারি সাইজের টিনের বাক্স। বিরিঞ্চির চোখের সামনে ডালাটা খুলে ফেলে বললো : দেখুন, পছন্দ হবে কিনা আপনার স্ত্রীর। আমি মশাই মেকি জিনিসের কারবার করি না। খাঁটি জিনিস পাবেন আমার কাছে।

বিরিঞ্চি অহুরোধ জানালো : এইগুলোই তাহলে সে ক’দিন পরবেন, বুঝলেন ? ভালো না লাগাতে পারলে আমারও চাকরি যাবে, মিস্ চম্পকরাণী—সেদিকে একটু যদি লক্ষ্য রাখেন। আপনার রূপগুণের কথা কত করে আমি বলেছি—

চাঁপা কথা দিয়ে দিয়েছে রঙ্গলালকে সে সবগুলো জড়োয়া গহনা পরে সাদর অভ্যর্থনা জানাবে কলকাতার হরলালবাবুকে।

স্থির হলো, মোসাহেব বিরিকিকে সঙ্গে করে বাবে হরলাল চাঁপার গৃহে । অকস্মাৎ অসুস্থতার ভান করে সেদিনকার নৃত্যগীতের আসর ভেঙ্গে দেওয়া হবে । তারপর রাত্রে চাঁপার নির্জন কক্ষে হরলাল মগ্নপান করবেন । বিরিকির হাতসাঁফাই-এর ফলে চাঁপার ঘ্রাসে পড়বে একেবারে খাঁটি জ্বনিওয়াকার ! পুলিশ এসে বাইরে থেকে এদের একবার হাঁক দিয়ে চলে যাবার পর অকস্মাৎ হরলালের ভেতর থেকে বেরিয়ে আসবো আমি । গলা টিপেই শেষ করা যাবে চাঁপাকে । ইশারা পেয়ে নির্জন কক্ষে এসে প্রবেশ করবে রঙ্গলাল । জড়োয়া গহনাগুলো নিয়ে নিঃশব্দে সরে পড়া যাবে । উত্তর দিকের বট গাছের ডালে সশস্ত্র যে দলটি আত্মগোপন করে থাকবে, তারা নিঃশব্দে নেমে রঙ্গলাল ও আমার দেহরক্ষীর মতো আমাদের ঘিরে অসুসরণ করবে ।.....

একেবারে নিখুঁত পরিকল্পনা । শীঘ্রই বাস্তবে রূপান্তরিত করবার সর্ব আয়োজন শেষ হয়ে গেল । কোনো স্বদেশীদলের ক্রিয়াকলাপ বলে আদৌ সন্দেহ করতে পারবে না পুলিশ । ফাস্তনের এক জ্যোৎস্নাপ্লাবিত রাত্রি নির্দিষ্ট করা হলো । দেলভোগে সেদিন সাহাদের বাড়ীতে যাত্রাগান । স্বভাবতঃই গ্রামবাসী ও শ্রীনগরের পুলিশ, এমন কি গণিকাপাড়ার সবাই ঐ যাত্রাগান দেখতে যাবে । সেই অবসরে চাঁপার গৃহে আমরা গিয়ে হাজির হব । ওদিকে হবে ঘোষালের যাত্রা আর এদিকে চাঁপার গৃহে নাটকাভিনয় । সেনাপতি বলবন্ত সিং এনামেল করা তরবারি চালনায় ও মুহুমুহঃ কর্ণপটবিদারী ছুঁকারে যখন সহস্র সহস্র দর্শকের কাছ থেকে পারিতোষিকস্বরূপ অর্জন করবেন ঘন ঘন করতালি ও উল্লাসধ্বনি, চাঁপার রুদ্ধদ্বার কক্ষে একান্তে স্তিমিত আলোর নীচে তখন চলবে শিশির ভাঙুড়ীর মুক অভিনয়, শঠনঃ শঠনঃ সে অভিনয়ের নায়িকা এগিয়ে চলবে ক্লাইমেক্সের পানে যেমন করে অজ্ঞ নৈশ মেলগাড়ী এগিয়ে যায় ফিসপ্লেট-খোলা লাইনের ওপর দিয়ে ।.....

দেখে তো ফুলবোদি হেসেই অস্থির ! হাসতে হাসতে বললেন : আজ আবার এ কী কাণ্ড বল তো ? তোমার তো গোটাকতক ছদ্মবেশের কথা জানি, কিন্তু এই রূপ তো দেখিনি কোনো দিন ! আজ কোন দিকে ?

হেসে বললাম : অবাস্তুর প্রশ্ন । তার চাইতে তুমি একটু সজাগ থাকবার চেষ্টা করো । তিনটের মধ্যে ফিরে আসবোই । আর ভোর হয়ে গেলেও যদি

না ফিরি, তাহলে কাল সকালে ফুলদা'কে শ্রীনগর থানার পাঠিয়ে জামিনের ব্যবস্থা করবার জন্ত।—বলে আবার হাসলাম।

বৌদি চুপ করে গেলেন। এই নীরবতার অর্থ কী, তা আমি জানি। দুঃখ এঁদের অনেক দিয়েছি, আমাদের দুঃসাহসিক ক্রিয়াকলাপের ফলে অনেক বিনিত্র দুশ্চিন্তাগ্রস্ত রজনী এঁদের যাপন করতে হয়েছে, তাও আমার অজানা নয়। কিন্তু সমস্ত আবেগ ও আকুলতার উর্দ্ধে তুলে ধরেছি আমরা দেশাত্মবোধের ঝাঙা!...জন্ম থেকেই আমরা মায়ের জন্ত বলিপ্রদত্ত!

রাত তখন বারোটাই হবে। মা, বাবা ও অত্যাগত সবাই ঘুমিয়ে পড়েছেন। তমিজদী চৌকিদার একবার হাঁক দিয়ে সরকারী চাকরি বহাল রেখে চলে গেছে। রজলাল তো গেছে সেই সন্ধ্যাবেলায়। চাঁপাকে সাজিয়ে-গুজিয়ে ফুলপরী তৈরী করে রাখতে হবে সবগুলো জড়োয়া গহনা পরিয়ে। নইলে জমিদারপুত্র কলকাতার কাপ্তান হরলাল স্তার খুশী হবেন কেন! বিপদভঞ্জন তার সঙ্গে গেছে জল-ভরা গোটাকয়েক বিলিভা মদের বোতল আর কয়েকটি সত্যিকারের নারায়ণগঞ্জী সোডা নিয়ে। অত্যাগত যারা রিভলভার ও ছোরা নিয়ে রিজার্ভ ফোর্সের কাজ করবে, তারাও চলে গেছে। ঠিক সময়ে ঠিক জায়গায় অপেক্ষা করবে তারা। আমার পকেটে থাকবে শুধু একখানা স্কাউট ছুরি, হাতলের বোতাম টিপলেই খুচ করে বেরিয়ে আসে একখানি তীক্ষ্ণধার ফল। অসুবিধা বোধ করলে চাঁপার কণ্ঠনালী সহজেই কেটে ফেলা যাবে।.....

বৌদি বললেন : ফিরবে কি না, তাও বুঝি ঠিক নেই আজ ?

বললাম : না। তবে যদি অকৃতকার্য হই, তাহলে জীবনে এই হবে আমার প্রথম পরাজয়। তোমার কি মনে হয়—

সে কথায় কান দিলেন না বৌদি, বললেন : মা, বাবা—তারপর চুপ করে গেলেন আবার।

আরশির সন্মুখে এসে দাঁড়লাম। প্রতিবিশ্রিত হয়েছে কলকাতার কাপ্তান হরলাল দাসের চেহারা। ঠোঁটের ওপর সরু গৌফের রেখা, মাঝখানে তেড়ি-বাগানো ঘন চুল কপালের ছ'পাশে ছুটি শিং-এর মতো করে ঘোরানো, চোখে ডিমের মতো কাঁচওয়াল লোনার চশমা। পরনে শান্তিপুত্রী গিলে-করা হুতি, গায়ে সিন্ধের পাঞ্জাবী, গলায় পাতলা ফুরফুরে চাদর আর হাতে কুকুরের মুখওয়াল সরু ছড়ি।

ফুলবোদি বললেন : কিন্তু তোমার কাছে এলেই স্পিরিট গামের গন্ধ পাওয়া যাচ্ছে। কৃত্রিম গৌফ ধরা পড়ে যাবে।

হেসে জবাব দিলাম : তা হবে না। কলকাতার কাপ্তানের গা থেকে স্পিরিটের গন্ধ বেরবে না তো কি হুপধুনীর সুবাস বেরবে? ওতে কাজ হবে। মনে হবে এইমাত্র ইনি পান করে এসেছেন কোনো রূপসীর স্বাস্থ্য!

আবার জিজ্ঞেস করলেন : কিন্তু কলকাতার কাপ্তানের পোশাকই-বা কেন, আজ যাচ্ছেই-বা কোথায়?

আমার কিছু কিছু কাজের আভাস ফুলবোদিকে দিতে হতো, খানিকটে আঁচ করেও নিতেন তিনি। তাই তাঁর প্রশ্ন স্বাভাবিক হলো আমার আজকের অভিযানটি যেমন অভিনব, তেমনি মারাত্মক। তাই গোপনতা একেবারে অক্ষুণ্ণ রাখাই যুক্তিযুক্ত।

ফুলবোদির প্রশ্নের জবাবে নীরবে তাঁর মুখের পানে চেয়ে রইলাম মুহূর্তমাত্র। তারপর হু'জনেই হেসে উঠলাম। সাবধানে দক্ষিণের দরজা খুলে বাইরে আসতেই দেখলাম চতুর্দিকে জ্যোৎস্নার বন্যা। পুকুরঘাটের ওখানে নীচে নামতে গিয়ে পেছন দি়রে চাইলাম, ফুলবোদি তেমনি দরজা খুলে দাঁড়িয়ে আছেন।..... দ্রুতপদে চললাম এগিয়ে। ম্যান্ডার বাড়ীর হিজল গাছের নীচে অন্ধকারে অপেক্ষা করছিল অনাথ। আর জমির কারিগরের বাড়ীর ওপাশে গাব গাছের ডালে বসেছিল মণীন্দ্র। তারা একজন চললো পিছনে, আর একজন সম্মুখে।

ষোলোঘরগামী সড়ক দিয়ে নিঃশব্দে অথচ দ্রুত গাঢ়ক্ষেপে এগিয়ে চললো কলকাতার বনেদী জমিদার হরিপ্রসন্ন দাসের একমাত্র কাপ্তান পুত্র হরলাল দাস।

দেলভোগের গণিকাসম্রাজ্ঞী চম্পকরাণীর গৃহে তাঁর নৈশ আমন্ত্রণ!...

চার

একটু পরই আমরা কেয়টখালী গ্রামের সামান্য অতিক্রম করে এসে মাঠে পড়লাম। চারিদিকে অপূর্ব জ্যোৎস্না! ক্ষেতে তখনো শস্য বোনা হয়নি বা বীজ ছড়ানো হয়নি, তবে লালচালিয়ে মাটির ডেলাগুলো উলটে ফেলা হয়েছে। রূপালী জ্যোৎস্নায় ডেলাগুলোকে মনে হচ্ছে যেন অসংখ্য অনড় ক্ষুদ্র তরঙ্গ। এর পর বীজ ছড়ানো হবে, তা থেকে একদিন মুখ বাড়াবে অঙ্কুর, পরিণত হবে চারাগাছে। তারপর একদিন সেই চারাগাছ বড় হয়ে উঠলে শ্রামল সেই শস্যক্ষেত্রের ওপর জ্যোৎস্না আবার সৃষ্টি করবে অসংখ্য দোহুলায়মান তরঙ্গ। সে তরঙ্গ আর মাটির ডেলা নয়, ধানের শীষের দোলন-তরঙ্গ!

নীরবেই পথ অতিক্রম করছিলাম, অকস্মাৎ মণীন্দ্র বলে উঠলো : পুলিশের বাবারও সাধি নেই দাদা যে, আপনাকে চিনতে পারে। আমরা নেহাৎ আপনার গলার স্বরও চিনি, তাই। নইলে যে নিখুঁত মেকআপ করেছেন—

একবারে হরলাল দাস ছাড়া আর কিছুই হতে পারি না, তাই না?—বলে হেসে উঠলাম।

একটু পরে জিজ্ঞেস করলাম : ওদিকে সব রেডি তো ?

মণীন্দ্র বলল : হ্যাঁ, দাদা! সন্ধ্যার পরই রহুদা' আর বিপদভঞ্জন মদের বোতল ভর্তি প্যাকিং কেসটা নিয়ে গেছে। খগেন ওদের সঙ্গে গিয়েছিল। এসে বললো, চাঁপা খুব পরিপাটি করে মুরগীর কোর্মা রান্না করেছে। বিরিঞ্চিবাবু বলেছেন কিনা, হরলাল স্তার মুরগীর ঠ্যাং খুব ভালোবাসেন। যাত্রা শুনে বাবে বলে অগ্রাহ্য ঘরেও নাকি তাড়াতাড়ি রান্নাবান্না চলছে। চাঁপা সবাইকে আগেই জানিয়ে রেখেছে যে, সে আজ আর কোথাও যাবে না, কারণ ঘরে নতুনবাবু আসবেন। খগেন থাকতেই সে কেঁট ছোকরা নাকি আবার এসেছিল। ইশারা করতেই চাঁপা তাকে বাজে কথা বলে ভাগিয়ে দিল বটে, কিন্তু বললো, ও নাকি খুব ছোটবেলার বন্ধু আর এ পথে কেঁটই নাকি চাঁপাকে প্রথম নিয়ে আসে। সুতরাং একটা কৃতজ্ঞতা—

কৃতজ্ঞতা তো থাকবেই।—বলে মনে মনে হাসলাম। মনে মনে বললাম, ছোটবেলাকার বন্ধুত্বের আজই হবে সমাধি! কাল সকালে ঘরের মেঝেতে মরা চাঁপাকে দেখে ছোটবেলার বন্ধু যে তাজা কোনো চাঁপার সন্ধানে তৎক্ষণাৎ

বেরিয়ে পড়বে, তাতে এতটুকুও সন্দেহ নেই। এরা ভ্রমের জাত। ফুল থেকে ফুলে আনাগোনা করাই এদের স্বভাবস্বার্থ।

দূরে ষোলোঘর গ্রামের গাছপালা দেখা যাচ্ছে। তীব্র জ্যোৎস্নায় যে ছ'চারখানা বাড়ীও দেখা যাচ্ছে, মনে হয় সেখানে কেউ আর জেগে নেই। কিন্তু ষোলোঘরের বাজার অতিক্রম করবার পরই চাঞ্চল্য আশঙ্কা করছি। কারণ সাহাদের বাড়ীতে আজ আর কোনো দল নয়, একেবারে ঘোবাল অপেরা পাটির যাত্রাগান। আশেপাশের অন্ততঃ দশখানা গ্রামের নরনারী সেখানে ভেঙ্গে পড়বেই।

অনাথ একসময় নিরর্থক মন্তব্য করলো : মড়া পোড়ানো হচ্ছে।

দেখলাম, ডান দিকে ষোলোঘর গ্রামের উত্তরে দূরে মাঠের মাঝখানে সত্যিই পাকা শ্মশানে আগুন জ্বলছে। বর্ষাকালে যে শ্মশান জলে ডুবে যায় না এবং যেখানে শান-বাঁধানো চুল্লী তৈরী করা থাকে, বিক্রমপুরে তাকে বলা হয় পাকা শ্মশান বা পাকা চিতা। গ্রামের কোনো কোনো ধনী এই শ্মশান প্রতিষ্ঠাকে পুণ্যকাজ বলে মনে করেন।

খুব ভালো করে লক্ষ্য করলে ছ'চারজন লোকের উপস্থিতি ও নড়াচড়া দেখা যায়। চিতার লাল আলো আশেপাশের গাছগুলোকে কেমন ভরাবহ রূপ দিয়েছে। রূপালী জ্যোৎস্নার এই ফ্লোরোসেন্ট প্রাচীরের মধ্যে যেন দেশী কোম্পানীর সস্তা কার্বনভর্তি বাল্ব জ্বলছে। বিরক্তিকর মনে হয়।

কে একজন মাঁরা গেছে। কার ঘর শূন্য করে বেবিয়ে এসেছে খোকা, অথবা খুকু অথবা মা, বাবা, জানি না। কোন নিরবচ্ছিন্ন স্নেহের নীড়ে এমনি বজ্রাঘাত হয়েছে কে জানে! জ্যোৎস্নাবিধৌত এই অনির্বচনীয় রাত্রি কার অন্তরে সৃষ্টি করছে মৃত্যুর ভয়াল বিভীষিকা, কে তার সংবাদ রাখে! চলিষু ছনিয়ার ষ্টীম রোলার ধক্ ধক্ করে যখন এগিয়ে চলে, তখন তার নীচে চাপা পড়ে কোন্ অসহায় পিপীলিকা একেবারে নিশ্চিহ্ন হয়ে মুছে গেল, তা নিয়ে কোনো দিন কখনো বিন্দুমাত্রও আলোড়ন সৃষ্টি হয় কি?.....কেমন অদ্ভুত একটা কথা আমার মনে জাগলো। কে জানে, কাল হয়তো এই পাকা শ্মশানেই আসবে দেলভোগের গণিকাসম্রাজ্ঞী চম্পকরাণীর শবদেহ ময়না। তদন্তের পর, রাত্রিকালে এমনি দেশী কোম্পানীর বাল্ব জ্বালিয়েই হয়তো তার অন্ত্যেষ্টিক্রিয়া শেষ হয়ে যাবে। কেউ কি স্বপ্নেও একবার ভাবতে পারবে যে, নিজের

অজ্ঞাতে দেশজননীর বেদীতলে এই স্বৈরিণী কী ভাবে আত্মবলিদান করে গেল ?...

মনে পড়ে, ১৯২৫ সালে হাসাড়া স্কুলে ম্যাট্রিকুলেশন ক্লাসে পড়বার সময় একবার ঐ শ্মশানে গিয়েছিলাম। দিনে নয়, গভীর রাত্রে। দলবল নিয়ে নয়, আমার এক আত্মীয়কে সঙ্গে নিয়ে। শ্মশানে যে ছুটি কাজে সবাই গিয়ে থাকে—হয় নিজে পুড়ে ছাই হয়ে যেতে কিংবা কাউকে পুড়িয়ে ছাই করে দিতে—তার কোনোটার জ্ঞানই যাইনি।

গিয়েছিলাম ভূত দেখতে। দেখতে নয় শুধু, ভূতের মোকাবিলা করতে। আমাদের প্রজা গোয়ালাবাড়ীর মদন ঘোষ নাকি তান্ত্রিক সাধক। ভূত-প্রেত নিয়ে নাকি তার কারবার। ঝাড়ফুক, জলপড়া, বাটি চালানো, বাণ মারা প্রভৃতি কাজে সে সিদ্ধহস্ত। বশীকরণ, মারণ, উচাটন ব্যাপারে তার জুড়ি নেই। কেউ কেউ বলতো সে নাকি শবসাধনা করে অলৌকিক শক্তি অর্জন করেছে। ভূত প্রেতিনী ব্রহ্মদৈত্যেরা নাকি তার চকুম তামিল করবার জন্তু ব্যস্ত চায়ের দোকানে বয়-এর মতো। ফলে, অনেকেই মদন ঘোষকে যে শুধু সময়ে চলতো তাই নয়, মনে মনে বোধহয় তাকে শ্রদ্ধা ও ভয় করতো।

আমার এসব সহ্য হলো না। বললাম, এসব বুজরুকি, তাঁওতা। ভূত বলে কিছু নেই, মনের ভয়। মদন বললো যে, ভূত আছে, ব্রহ্মদৈত্যও আছে এবং খোলোঘরের পাকা শ্মশানেই তাদের এ অঞ্চলের হেড কোয়ার্টারস্। সুতরাং তারিখ ও সময় জানিয়ে ঘোষণা করলাম যে, হেড কোয়ার্টারস্ এ হানা দিয়ে ভূত ও ব্রহ্মদৈত্যদের সাথে মোলাকাৎ করে আসবো। মদন আমার নিবৃত্ত করবার জন্তু বহু চেষ্টা করলো, কানও দিলাম না তার কথায়।

নির্দিষ্ট দিনে বিকেল বেলায় হঠাৎ হাসাড়া থেকে সুন্দরবোধির ভাই শ্রীনাথ বেড়াতে এল। তাকে বললাম সব। শুনেই লাফিয়ে উঠলো শ্রীনাথ। সেও যাবে। ভালোই হলো। ভূতের আক্রমণ যদি সইতে না পারি, তাহলে একজন হয়তো সরে পড়তে পারবো তান্ত্রিক সাধক মদন ঘোষকে খবরটা দেবার জন্তু যাতে করে সে তার চ্যালা-চামুণ্ডাদের সীজ ফায়ার অর্ডার দিতে পারে।

প্ল্যান শুনে প্রাণ খুলে হাসলেন বোধিরা। কিন্তু গভীর রাত্রে দক্ষিণের কোঠায় দরজায় আমাদের হৃৎজনকে বিদায় দেবার সময় কিন্তু ফুলবোধিকে বেশ গভীর মনে হলো। শ্রীনাথের হাতে হকি স্টিক, আমার হাতে মোহার রড।

টিক ও রড্ দেখিয়ে বললাম : এ ভেটো ভেজে না যাওয়া পর্য্যন্ত লড়াই চালিয়ে যাবো। সুতরাং যদি আমরা না ফিরি, তাহলে কাল সকালে ফুলদা'কে শ্মশানে পাঠিয়ে ভগ্ন স্মৃতিচিহ্ন দুটি নিয়ে আসবার জ্ঞাত।

নিঃশব্দে হাসলাম পাছে টিনের ঘরের দোতলায় বাবার ঘুম ভেজে যায়। ফুলবোদি কিন্তু হাসতে পারলেন না।

বোধহয় কার্তিকের শেষাশেষি। জ্যোৎস্না রাত, কিন্তু ঘন কুয়াসা। চারিদিকে শুভ্র আন্তরণ, দশ হাত দুবের কিছুই দেখা যায় না। এর আগে কোনোদিন শ্মশানে যাইনি। তাই রাস্তা চিনি। শুধু কোন্ দিকে, সে ধারণা ছিল। গ্রামেব বাইরে ষোলোঘরগামী সড়কে দাঁড়িয়ে দিক্ নির্ণয় করছিলাম। প্রকাণ্ড মাঠ, মাঠের পূব-দক্ষিণ কোণে প্রায় মাইলখানেক দূরে সেই শ্মশান।

শ্রীনাথ জিজ্ঞেস করলো : এখান থেকে শ্মশানে যাবার রাস্তা আছে তো ?

বললাম : হয়তো আছে, কিন্তু তা চিনি। অচেনা রাস্তায় এই কুয়াসা ভেজে যেতে গিয়ে কোথায় চলে যাবো কে জানে। তার চাইতে চল, সোজা পূব-দক্ষিণ কোণে এগিয়ে যাই। পর্য্যটাল্লিশ ডিগ্রি কোণে না গিয়ে বরং ঝাঁ দিকে ত্রিশ ডিগ্রিতে যাই। তাহলে সোজা শ্মশানে না পৌঁছলেও ষোলোঘর গ্রামে গিয়ে ঠেকবে। তারপর ডান দিকে হবে গেলেই পেয়ে যাবো।

রওনা হলাম। সড়ক ছেড়ে, ক্ষেতের আইল ছেড়ে একেবাবে কোণাকোণি। মাঝে মাঝে জলকাদা, কাঁটাগাছ, ছোট ছোট ঝোপঝাপ। পাঁচ ব্যাটারীর টর্চ আছে বটে, কিন্তু ঘন কুয়াসায় টর্চ দিয়ে কি হবে?.....

প্রায় আধ ঘণ্টা চলবার পূব গাছপালাব আভাস পাওয়া যেতে লাগলো।

শ্রীনাথ বললো : এসে পড়লাম বোধহয়।

কিন্তু এ কোথায়? চতুর্দিকে ইতস্ততঃ হিজল গাছ আর সেই গাছের নীচে নীচে, এখানে ওখানে উঁচু উঁচু মাটির ঢিবি। একটু চেষ্টা করেই বোঝা গেল ওগুলো আর কিছু নয়, কবর। পাশেই মুসলমানপাড়া। এটা তাদের কবরস্থান। শ্মশানে যেতে গিয়ে কবরস্থানে এসে পড়েছি। তা হোক, শ্মশানে যদি ভূত থাকতে পারে, তাহলে কবরস্থানে জিন-টিন কেউ থাকবে না কেন? সুতরাং আমরা কবরের ওপর উঠলাম, নীচে নামলাম, চারিদিকে বাব বার খুঁজলাম, এদিকে ওদিকে শুধু নয়, হিজল গাছেও টর্চ ফেললাম। কিন্তু হায়, কোনো স্মৃতিরই দেখা পাওয়া গেল না। বোঝা গেল, তাস্তিক মদন ঘোষের

মতো কোনো বরকতুলা ককির জিন নিয়ে বোধহয় কারবার করে না। তাই জিনেরা সব বেহেস্তে বা দোজ্জখে চলে গেছে, কবরের শান্তি নষ্ট করতে আর এখানে বসে নেই।

জিনের আশা ত্যাগ করে আমরা ভূতের উদ্দেশ্যে গ্রামের পাশে পাশে ডান দিকে চলতে লাগলাম। কুয়াসা এবার ফিকে হয়ে এসেছে। মিনিট দশেক চলবার পর হঠাৎ সম্মুখে পড়লো একটি খাল, খালের ওপারেই সেই পাকা শ্মশান। সেই পুঁটিমারা খাল। কার্তিকের শেষাশেষি। জল অনেক নীচে নেমে গেছে। পাড়ে বেশ কাঁদা। এখান থেকেই টর্চ ফেললাম ওপারের শ্মশানে।

শ্রীনাথ বললো : ওপারে আর গিয়ে কি হবে। ঐ তো শ্মশান। ভূত-চুত থাকলে আলো দেখেই ছুটে আসতো ঘাড় মটকাতো। ওপারে যাবার সাঁকো-টাকোও নেই কিছু।

না থাক—আমি তৎক্ষণাৎ বললাম : তবুও যেতে হবে। তা না হলে মদন বলবে যে আমরা ভয়ে শ্মশান পর্য্যন্ত যাইনি। পেয়েই যখন গেছি, তখন হেস্তনেস্ত একটা কিছু না করে ফিবে যাচ্ছি না।

শ্রীদাম তবু বললো : কিন্তু কতখানি জল—

কতখানি আর হবে—বাধা দিলাম : না-হয় কাপড় ভিজবে, না হয় সাঁতার কাটতে হবে, এর চাইতে তো আর বেশী কিছু হবে না।

নেমে পড়লাম জলে। হাঁটু ছাড়িয়ে জল ওপরে উঠলো, তারপর কোমর, তারপর আবও ওপরে একেবারে বুক পর্য্যন্ত। হাতিয়ার ও টর্চটি উঁচু করে ধবে এপারে এসে উঠলাম। সম্মুখেই উঁচু শ্মশান। বর্ষাকালে যাতে ডুবে না যায়, তাই এত উঁচু। গট গট করে ছ'জনে ওপরে উঠে গেলাম। বোঝা গেল, কোনো বড়লোক এটা নির্মাণের সমস্ত ব্যয়ভার বহন করেছেন বটে, কিন্তু রক্ষণাবেক্ষণের ভালো ব্যবস্থা নেই। চৌ-চালা একখানা টিনের ঘর শববাহীদের জন্য। হঠাৎ বৃষ্টি এলে এখানে তাবা অপেক্ষা করবে। কিন্তু ঘরের কোনো বেড়া নেই, কয়েকখানা খুঁটির ওপর ঘরখানা একপাশে হেলে রয়েছে। মনে হলো, একটা দমকা হাওয়াতেই ভূ'মস্তাৎ হবে। চতুর্দিকে প্রায় কোমর-সমান জঙ্গল, ঝোপ-ঝাপ, গোটা কয়েক হিজল ও একটা বট গাছ। গাছে টর্চ ফেলতেই গোটা দুই বিরাটাকার পাখী ঝুপঝাপ শব্দ করে ডালপালা নাড়িয়ে দিয়ে উড়ে চলে গেল।

বললাম হেসে : শ্রীনাথ, কয়েকটা ব্রহ্মদৈত্য চলে গেল।

আমরা ইতস্ততঃ ঘুরে বেড়লাম, প্রায় প্রত্যেকটি গাছের নীচে গিয়েই দাঁড়ালাম, চর্চ ফেলে ফেলে যোপজঙ্গলের মধ্যে ব্রহ্মদৈত্যদের অহুসস্থান করতে লাগলাম, অবশেষে হতাশ হয়ে এসে দু'জনে দুটো বাঁধানো চিতার ওপর বসে পড়লাম। কোথায়-বা মদন ঘোষের ভূত, কোথায়-বা ব্রহ্মদৈত্য! হেড্ কোয়ার্টারস্ ছেড়ে সবাই পলাতক!.....

বাড়ীতে ফিরে এসে নানা রং দিয়ে মুখরোচক করে শাশান অভিযানের অভিজ্ঞতা যখন বর্ণনা করতে লাগলাম, ফুলবোদি তখন হেসেই অস্থির। ভিজ্ঞ জামা-কাপড়ে তখন শীত ধরে গিয়েছিল। বেশ পরিবর্তন করতে করতে বললাম : কাল দেখো, মদন এসে পায় পড়বে। বলবে তার রুজি-রোজগারটা যেন নষ্ট না করে দিই, বুঝলে বোদি?.....

অকস্মাৎ যেন ভূত দেখতে পেলাম! ষোলোঘর গোয়ালাপাড়া ছাড়িয়ে মাঠের মাঝখানে একটা হিজলবন আছে। সেই বনের মধ্যেই রাস্তাটা একটা মোড় ঘুরে একেবারে অদৃশ্য হয়ে গেছে। সমকোণ সেই মোড়টা যেই ঘুরেছি, অমনি মাত্র ত্রিশ হাত দূরে দেখতে পাওয়া গেল হন্ হন্ করে এগিয়ে আসছে জনকয়েক পুলিশ আর তাদের পুরোভাগে শ্রীনগর থানার দারোগা বা সহকারী দারোগা। ঠিক কে, তা জানা গেল না।

না গেলেও বিপদ যে একেবারে ঘাড়ের ওপর এসে পড়েছে তা জানা গেল। কোনো দিকে পলায়নের পথ নেই। দৌড়লেই ওরা ধাওয়া করবে। চতুর্দিকে খোলা মাঠ আর জ্যোৎস্না। স্তূতরাং ধরে ফেলবেই। ব্যস, তাহলেই বিরাট মামলা আর এদের প্রচুর পুরস্কার লাভ। দ্বিভ্রম গাঙ্গুলীকে 'সি' ক্লাস কয়েদী করে শ্রীঘরে পাঠিয়ে ঢাকার আই বি আফ্লাদে তাণ্ডব নৃত্য শুরু করবে!

কিন্তু চিন্তা করবার সময় কোথায়?

ছড়িটাতে ভর করে অকস্মাৎ আমার পা খোঁড়া হয়ে গেল। অনাথ তাড়াতাড়ি পেছন থেকে রাস্তা ছেড়ে একটু এগিয়ে ক্ষেতের মাঝখানে মৃত্যুত্যাগে বসে গেল আর মণীন্দ্র চিরকালই হীরা সি-এর মতো বিপদকে খোঁড়াই কেয়ার করে চলে কিনা; তাই সে ডান হাতখানা শার্টের পকেটে পুরে দিয়ে বুক ফুলিয়ে এগিয়ে চললো। অন্ত্রবিধে বুঝলেই সে আজ এদের একটিকেও যে আর থানায় ফিরে যেতে দেবে না, সে সত্য আমার অজ্ঞাত নয়।

কিন্তু বরাবরের মতো ভাগ্য আমার সুপ্রসন্ন, তাই দারোগাসহ পুলিশের দল যেমন গট্ গট্ করে এগিয়ে আসছিল, তেমনি গট্ গট্ করেই আমাদের ক্রস করে চলে গেল। কিন্তু বিশ পা গিয়েই বোধহয় ওদের মনে সন্দেহ জেগেছে। দেখলাম, ওরা থমকে দাঁড়িয়ে পেছন ফিরে দেখছে। তাড়া করতে পারে, আশ্চর্য্য নেই। মণীন্দ্র তো পকেট থেকে রিভলভারটা বার করেই ফেলেছিল আমার সত্যিকারের দেহরক্ষীর মতোই, আমি বাধা দিলাম। ওদের টেনে নিয়ে আবার রওনা হলাম। পেছন ফিরে দেখলাম, ওরাও অদৃশ্য হয়ে গেছে।

আমার খোঁড়া পা আবার জোড়া লেগে গেল।

দেলভোগ সাহা বাড়ীর পূর্ব দিককার পুকুর ঘিরে যে পথটি চলে গেছে, সে পথে অগ্রসর হবার সময় বুঝতে পারা গেল, যাত্রাগান পুরো দমে চলেছে। হুঁটার জন দর্শকের সজে দেখাও হয়ে গেল। তাতে কোনো ক্ষতি নেই, কারণ এরা হরলাল দাসকে চিনতে পারবে কী করে? সাহা বাড়ীর দক্ষিণ দিকে বিরাট গেট-এর নীচ দিয়েই পথ। দেখলাম, হুড় হুড় করে তখনো দর্শক গেট পেরিয়ে যাচ্ছে। মনে মনে হাসি পেল, সাহা বাড়ীর যাত্রা চলছে, একটু পরই চাঁপার বাড়ীতে শুরু হবে নাটক। যাত্রার পরিণতি আনন্দময় হওয়াই স্বাভাবিক, কিন্তু নাটকের পরিণতি কী হবে কে বলবে?...বৌদিকে তো বলেই এসেছি, না ফিরলে সকাল-সকাল ফুলদা'কে শ্রীনগর থানায় পাঠাতে জামিনের ব্যবস্থা করবার জন্ত।

মণীন্দ্রের মনে অস্বস্তি বোধহয় তখনো ধোঁয়া পাকাচ্ছিল। একসময় বলে উঠলো : ও ব্যাটারা যদি কেয়টখালী যায় দাদা?

অনাথ স্বভাবতঃই স্বল্পভাষী। সারাটি পথ একটি কথাও বলেনি সে। মণীন্দ্রের প্রশ্নে হঠাৎ যেন একটা বিপদের প্রশ্ন জাগলো তার মনে। তৎক্ষণাৎ বলে উঠলো : সত্যিই তো, বা বলেছি সু মনি, কী হবে ওরা যদি গিয়ে থাকে?

সজে কাকে দেখলে? কোন্ দারোগা?—প্রশ্ন করলাম।

মণীন্দ্র জবাব দিল : নাঃ, কোনো দারোগা নয়। বোধহয় কোনো এ এস আই। তাই বোকার মতো পাশ কাটিয়ে চলে গেল। দারোগা হলে নিশ্চয়ই চ্যালেঞ্জ করতো।

বললাম : তাহলে বোকার মতো সে আর কেয়টখালী গাঙ্গুলী বাড়ী যাবে না। আর শত হলেও এ এস আই। যে বাড়ীতে যায় কালীপদ মৈত্রের মতো কই

আর বড় দারোগার মতো কাতলা, সেখানে চুনো পুঁটি হয়ে তার সাহসই হবে না হানা দেবার !

ওরা আর কথা কইলো না, কিন্তু বুঝলাম মনে মনে ওরা হুঁজুনেই ক্ষুব্ধ হয়েছে। মণীন্দ্র শাটের পকেটে করে যে বস্তুটি এনেছে, তা ব্যবহার কববার জ্ঞাত তার হাত যে নিশপিশ করছে, তা আমি জানি। কিন্তু ঠাণ্ডা মস্তিষ্কের প্রয়োজন যেখানে সীমাহীন, সেখানে ক্রোধ দেখাবার অবকাশ কোথায় ?

গণিকাপাড়ায় প্রবেশ-পথের মুখেই রঙ্গলাল দাঁড়িয়েছিল। সঙ্গে বিপদভঞ্জন। যেতেই বললো : সব মাটি হয়ে গেছে দাদা ! বেটি আবার কোন্ ব্যাটার পাল্লার পড়ে গেছে যাত্রাগান শুনতে। অবশ্য ঝি-এর কাছে বলে গেছে যে, পনেরো মিনিটের মধ্যেই ফিরবে। সে তো প্রায় এক ঘণ্টা হয়ে গেল।

আরও আধ ঘণ্টা অপেক্ষা করবার পরও চাঁপা যখন ফিরলো না, রঙ্গলাল তখন মরিয়া হয়ে উঠেছে। এতদিনকার পরিকল্পনা সব ভেসে যাবে এক অবিমূঢ়কারিণী গণিকার হঠকারিতায় ? এক বদমায়েস জমিদারপুত্রের মোসাহেব সঙ্গে কী মারাত্মক অভিনয় করে সে সব দিক গুছিয়ে এনেছিল, তা কি এমনভাবে চুরমার হয়ে যাবে এক মুহূর্তে ? এই ডাকাতি-লব্ধ অর্থে সংগঠনের কাজ কতখানি বাড়িয়ে দেয়া যাবে, তা নিয়ে আমার সঙ্গে সহর্ষ আলোচনায় যে সে একাধিক রাত্রি ভোর করে ফেলেছে ! কেউ কি আমাদের বৃদ্ধান্ত দেখাবে ?

সত্যিই রঙ্গলাল মরিয়া হয়ে উঠলো। বললো : এসেই যখন পড়েছি দাদা, তখন চল, শেষ না দেখে যাচ্ছি না আজ। কেউয় সঙ্গে যাত্রাগান শুনতে ও গেছে নিশ্চয়ই। সেখানে চল। আমায় সে চেনে আর ছোটকোন্কেও তার ভোলবার কথা নয়। ছোটকোন্ আর তুমি দর্শকের ভিড়ের মধ্যে দাঁড়াবে আর আমি কৌশলে মহিলাদের দিকটাতে ঘোরাফেরা করবো। ওকে দেখলেই ইশারা করবো কিংবা আমায় দেখতে পেলে ও নিজেই উঠে আসবে, দেখো। "নগদ পাঁচশো টাকার লোভ সহজে ছাড়তে পারবে না। তারপর ইশারায় ছোটকোন্কে দেখিয়ে দিলেই ও বেটি তোমায় দেখতে পাবে। তারপর আমাদের খপ্পরে না এসে ও যাবে কোথায় !

পরিকল্পনা মন্দ নয়। ঝুঁকির মাত্রা একটু বৃদ্ধি পেলেও দারুণ আশঙ্কার কোনো হেতু নেই। আর হত্যার সিদ্ধান্ত যেখানে গ্রহণ করা হয়েছে, সেখানে আর কোনো প্রতিবন্ধকতা আমাদের বিমুখ করবে কী করে ?

সশস্ত্র যে দলটি নির্দিষ্ট স্থানে অপেক্ষা করছিল, তাদের ডেকে আনা হলো। তারপর সবাই রওনা হলো সাহাদের বাড়ীর দিকে।

কিন্তু বিবাট গেট দিয়ে প্রবেশ কবতেই অপ্রত্যাশিতভাবে আমি আর এক বিপদের সম্মুখীন হয়ে পড়লাম। সাহাদের জনকতক প্রতিনিধি গেট-এর কাছে দাঁড়িয়ে দর্শকদের অভ্যর্থনা জানাচ্ছিলেন। ধূল্যবলুণ্ঠিত কৌচা, ছড়ি ও সোনার চশমা দেখে আমাকে নিশ্চয়ই তাঁদের মনে হলো জনৈক বিশিষ্ট অচেনা অতিথি; স্নতরাং বাস্তবাবে দু'তিনজন এগিয়ে এসে একেবারে কলবব কবে অভ্যর্থনা জানালেন : আসেন, আসেন ! আমাগো মতো গরীবের বাড়ীতে আপনাকোর মতো মহাশয় ব্যক্তিদেব পদধূলি—আসেন, আসেন !

এই অভ্যর্থনা এমনভাবে করা হলো এবং বিনয়ের পবাকার্তা দেখিয়ে সাহা বাড়ীর প্রতিনিধিরুদ্ধ এমনভাবে আমার সাদব আহ্বান জানালেন যে, কিছুতেই তাঁদের এড়ানো সম্ভব হলো না এবং একই সঙ্গে জনকতক পুলিশ দর্শকসহ আমার নিয়ে তাঁরা অগ্রসব হলেন যাত্রা-মণ্ডপের দিকে। এড়াতে চেষ্টা কবেও শোচনীয়-ভাবে ব্যর্থ হলো এবং এঁদের অভ্যর্থনার বস্তায় আমার সমস্ত আপত্তি তৃণের মতো ভেসে গেল। যখন ধাতস্থ হলো, তখন দেখি বসে আছি একাট বেঞ্চে ঘেসাঁঘেসি আবও জনকতক পুলিশ দর্শকের সঙ্গে। বিপদভঞ্জন কিন্তু আমাব সঙ্গ ত্যাগ করেনি। দেহরক্ষীর মতোই সে এসে বসেছে আমাব পাশেই।

অত্যন্ত সাবধানে যাত্রার স্টেজের দিকে দৃষ্টি রেখেই প্রায় ফিস্ ফিস্ কবে স্জিঙ্কেন্স করলাম : রঞ্জলাল ওরা কোথায় ?

বিপদ বললো : কি জানি, দেখছি না তো তাদের একজনকেও।

এরা আমার চিনে ফেলেছে নাকি ?

ফেলেনি এখনও মনে হচ্ছে। তবে একেবারে একই বেঞ্চে পুলিশের সঙ্গে—ঝুঁকিটা বড় বেশী মনে হচ্ছে দাদা ! হবলালেব খোলসটা ওবা চিনে না ফেলে।

বললাম : সহজে পারবে না। ছদ্মবেশে কোথাও ক্রটি নেই। আর গৌফজোড়া থেকে যে স্পিরিট গামের গন্ধ বেকছে, তাতে আরও নিঃসন্দেহ হবে ওরা।

কিন্তু পরিস্থিতি আদৌ ভালো নয়। পেছনের বেঞ্চে বসে আছেন স্বয়ং যতীন দারোগা, হামেসাই যিনি আমাদের বাড়ী গিয়ে থাকেন। তাঁর পাশেই এ এস আই রবীন দত্ত। আশেপাশে অস্ত্রাফিসার আর আমাদের বেঞ্চেও

দিনগুলি মোর কোথায়ে যেন

জনকতক পুলিশ। এতগুলো শ্রম দ্বীপে কীক দিয়ে কষ্টকর রাখা হইবে পারে? কিন্তু মুশকিল এই যে, বিনা কারণে অকস্মাৎ স্থানত্যাগ করে উঠে গেলেও তো সবার চোখে পড়ে যাবো! কে জানে, হয়তো কাছেই কোথাও অপেক্ষায় আছে অভ্যর্থনাকারী দলের জনৈক সদস্য। উঠে দাঁড়াতেই হয়তো হস্তদস্ত হয়ে ছুটে এসে তিনি আবাব অজস্র বিনয় ও নম্রতা প্রকাশ করে বলে উঠবেন : এ কি, অখনই চললেন যে বাবু? পালাটা কি ভালো লাগতে আছে না নাকি? আর এক অঙ্ক দেইখা যান।

অনুবোধে হয়তো ঢেঁকি না গিলে পারা যাবে না। বসতে হবে।.....

বিপদভঞ্জন বললো : রহুদা'কেও দেখা যাচ্ছে না। ভিড়ে কোথাও মিশে গেছেন। আমাদেরও হয়তো খুঁজে পাচ্ছেন না। আমাদের দেরি করাও ঠিক হবে না।

একজন লোক এসে আমাদের সবাইকে প্রোগ্রাম বন্টন করে গেল, আর একজন এসে দিয়ে গেল মিঠে পান। পান খাই না, কিন্তু খেতে হলো। প্রোগ্রামখানি পরীক্ষা করে বিপদ বললো : এই দৃশ্যেই তৃতীয় অঙ্ক শেষ হবে। কনসার্ট শুরু হলেই আমাদের সব পড়তে হবে কিন্তু—

অনুচ্চকণ্ঠে বললাম : অল্ রাইট।

সাহা বাড়ীর নীচে নেমে আমবা কিছুক্ষণ অপেক্ষা কবলাম। রঙ্গলালের দেখা নেই। ভেবেছিলাম ভিড়ের মধ্যে ওরা হয়তো গা-ঢাকা দিয়ে আছে, আমাদের বেরিয়ে আসতে দেখেই ওরাও বেরিয়ে এসে যোগদান কববে। কিন্তু কোথায়?...তবে কি চাঁপাকে নিয়ে বেরিয়ে গেছে রঙ্গলাল? কার্যোদ্ধার করবার জ্ঞা ও যেমন পাগল হয়ে উঠেছিল, কিছুই বলা যায় না। হয়তো দেলভোগে ও আমারই অপেক্ষায় রয়েছে। না দেখে তো চলে যাওয়া যায় না।

সুতরাং আমরা আবার এলাম গণিকাপাড়ায়। বিপদভঞ্জন দেখে এল, চাঁপার ঘরে তখনো তালা বুলছে। বেঞ্জার আবার কথার মূল্য কী? হরলালের জ্ঞা লর্দ আয়োজন করে অবশেষে কেউলালকেই সে হয়তো অভ্যর্থনা জানাবে, এতে আর বিশ্বাসের কী আছে?.....

কিন্তু আর বিলম্ব করা সমীচীন নয়। রাত তখন তিনটে বেজে গেছে। যাত্রাগানের আসর ভাঙতে যত দেরিই থাক, কিছু সংখ্যক দর্শক নেমে আসছেন

দেখা গেল। গৃহ-গমনেচ্ছুর সংখ্যা উত্তরোত্তর বৃদ্ধিই পাবে। যেভাবে ফাঁড়া কাটিয়ে বেরিয়ে আসা গেছে, এর পর আবার অতখানি ঝুঁকি নেয়া যুক্তিসঙ্গত মনে হলো না। তাই বিপদ ও আমি দ্রুত পদক্ষেপে রওনা হলাম গৃহাভিমুখে।

ম্যান্ডার বাড়ীর কাছে এসে চমকে উঠে থমকে দাঁড়ালাম। দক্ষিণ দিকের আমার কক্ষে আলোরেখা!

সমস্ত ব্যাপারটাই মুহূর্তে দিনের আলোর মতো স্পষ্ট হয়ে গেল। নিশ্চয়ই সেই এ এস আই শ্রীমান্ এসেছে ধূর্তের মতো স্বগৃহে অন্তরীণ রাজবন্দী দ্বিঞ্জন গাঙ্গুলীকে দেখে যেতে। এসে দেখে সে নেই। ফুলবোধি বা ফুলদা' বেগতিক দেখে বোধহয় আবোল-তাবোল কিছু বলে ধামাচাপা দেবার ব্যর্থ চেষ্টা করছেন। এখন শ্রীমান্ ওত পেতে বসে আছে শিকার ধরবার আশায়।

বিপদ বললো : আমি দেখে আসি দাদা! আপনি এখানে থাকুন।

বলেই সে এগিয়ে যাচ্ছিল, আমি হাত ধরে ফেললাম। ওর পকেট থেকে রিভলভারটি বার করে নিয়ে শাস্ত্র স্বরে বললাম : এবার যাও। ধরা পড়লে একটা গান ধরো। এটা পকেটে থাকলে গানের কথা ভুলে যাবে, Gun-এর কথা মনে পড়বে এবং তখন তোমায় সামলানো যাবে না।

মুহূর্ত পরেই বিপদভঞ্জন ফিরে এল ও হাসিতে সারা মুখমণ্ডল উদ্ভাসিত করে তুলে আমার একেবারে হ'হাতে জড়িয়ে ধরলো এবং বললো : চলুন!

রঙ্গলালের মুখে যা শুনলাম তা হচ্ছে এই যে, দারোগা পুলিশ সহযোগে সাহা বাড়ীতে আমাদের অভ্যর্থনার বহর দেখে ওরা বুঝে নিয়েছিল যে, আমার ছদ্মবেশ ধরা পড়ে গেছে। তাই পেছন থেকে ওরা সবাই সরে পড়ে সোজা ছুটে এসেছে বাড়ীতে। আমার গ্রেপ্তার করবার পর পুলিশ অনতিবিলম্বেই যে এসে হানা দেবে গ্রামের প্রত্যেক ছেলের বাড়ীতে, সে তো জানা কথাই। তাই ওরা এসে প্রত্যেকের বাড়ী থেকে আপত্তিজনক জিনিসপত্র নিরাপদ স্থানে সরিয়ে ফেলে সর্বশেষ এসেছে আমার কক্ষে।

সুতরাং হাসাহাসি শুরু হয়ে গেল। ফুলবোধি আপত্তিকর দ্রব্যের পোটলা-বাঁধা বন্ধ করে চুপটি করে ঘটনাটি শুনলেন, এবার বলে উঠলেন : দাও, ক্ষতিপূরণ দাও! সারাটি রাত যে আমার ঘুম হলো না, তার দাম দেবে কে?

সবাই হেসে উঠলো।

পাঁচ

গণিকাশ্রেষ্ঠা চম্পকরাণীর গৃহে হানা দেবার পরিকল্পনা এমনভাবে ব্যর্থ হয়ে যাবার প্রতিক্রিয়াস্বরূপ ছেলেদের সবার মনেই অসম্ভব জিদ দেখা দিল। একটা কিছু তারা করবেই। কী করবে, কোথায় করবে, কেমন করে করবে, তা নিয়ে নাকি মাথা ঘামাবার সম্পূর্ণ দায়িত্ব আমার একার। ওরা শুধু চায় অর্ডার, হুকুম। থিজির খাঁর মতো আমি নাকি শুধু হুকুম করে যাবো আর সানন্দে ওরা সবাই তা তামিল করে যাবে কাফুর খাঁর মতো। 'Theirs' not to reason why—কেন, এ-প্রশ্ন কখনো জাগবে না তাদের মনে। কিসের অভিযান, কোন্ পথে আঘাত হানলে সর্বাধিক সাফল্যের সম্ভাবনা আছে, সে আঘাতের বুঁকি কতখানি, কার্য্যাস্ত্রে প্রত্যাগমনের কোনো পথ খোলা থাকবে কি না, এই সব মারাত্মক প্রশ্ন তাদের কাছে একেবারে নিশ্চয়োজন ঔৎসুক্য, অবাস্তর, অপ্রাসঙ্গিক। ফলাফল হৃদয়কেশের হাতে তুলে দিয়ে উৎসর্গীকৃত সন্তানের মতো তারা আত্মবিলোপনে উন্মূখ। আধুনিক যুগের অত্যাধুনিক গণতান্ত্রিক ভার্ণিশে পালিশ-করা মন নিয়ে সে যুগের সৈনিক মনোবৃত্তির পরিমাপ করা সহজ নয়। এ যুগে ব্যক্তিকে স্থান দেয়া হয়েছে সবার ওপরে, গণতান্ত্রিক বিধানাবলীর জলসিঞ্চনে সমষ্টিগত দৃঃসাহসী প্রস্তাবকে একেবারে ঠাণ্ডা করে ফেলবার চেষ্টা হয়েছে। যুক্তির ষাঁতাকলে ফেলে আবেগময় আবেদনকে একেবারে পিষে ফেলা হয়েছে। এ যুগে তাই নেতার অভাব, সত্ত্বের প্রাধান্য এখন সীমাহীন প্রবল। এ যুগে তাই গণতান্ত্রিক পথে চলে আলাপ-আলোচনা, শুভেচ্ছা মিশন প্রেরণ, পুষ্প-স্তবক বিনিময়, চলে প্রতিনিধি সভা, চলে পত্রালাপ, সাক্ষাৎকার ও সংবাদপত্রে বিবৃতি। কোনো কাজে কাউকে ডাকা যায় না। ডাকলেও সে আসবে না। কারণ, ও-ভাবে ডাকা গণতন্ত্রবিরোধী। ডাকতে হলে সে আহ্বানের একটি খসড়া প্রস্তাব রচনা করতে হবে। তার প্রোপোজার, সেক্রেটার ও সমর্থকদের ঘরোয়া বৈঠকে সেই মূল খসড়া নিয়ে আলোচনা করতে হবে। যদি কোনো সংশোধন প্রস্তাব থাকে, যথারীতি তা উপস্থাপিত হবে। তারপর হয়তো মূল প্রস্তাব অথবা তার সামান্য সংশোধন সাব্যস্ত হলে প্রস্তাবটির চূড়ান্ত আকার দিতে হবে। তাতেই কাজ শেষ হলো না। এবার প্রস্তাবটি

প্রতিনিধি সভায় পেশের পূর্বে লবীর আলোচনায় কান রেখে বুঝতে হবে যে, ঝাঁরা গলা বাজিয়ে ছ'হাত তুলে ঘরোয়া বৈঠকে সমর্থন জানিয়েছিলেন, প্রতিনিধি সভায় সত্যিই তাঁরা যোগদান করবেন কিনা, করলেও তাঁদের গলায় সন্দি যাতে বসে না যায় এবং হাতে যাতে বাত না ধরে, সেদিকে তীক্ষ্ণ দৃষ্টি রাখতে হবে।

তারপর পয়েন্ট অব অর্ডার, কোর্শেন, সংশোধনী প্রস্তাব, জুতো ছোঁড়াছুড়ি, ওয়াক আউট, বিধান সভা অভিযান প্রভৃতি হাজিরো হার্ডলস্ অতিক্রম করে প্রস্তাবটি যদি অক্ষত অবস্থায় পাশ হয়ে যায়, তবেই—তাহলেই—এবং তখনই কাউকে সেই কাজে ডাকবার অধিকার আপনার করারান্ত হলো।

কিন্তু অধিকার মাত্র। সেই অধিকার প্রয়োগ করতে গেলেই সর্বাগ্রে কি কাজ, তা বিশদভাবে ব্যাখ্যা করে বলতে হবে। কাজের কি উদ্দেশ্য, কি কাজের পদ্ধতি, আশেপাশে সাহায্য করবার জ্ঞাত কে কে থাকবে, কি তাদের পূর্ব ইতিহাস, কি তাদের পরিচয়, সাহায্য করবার সামর্থ্য তাদের কতখানি, কাজে এগিয়ে যেতে যেতে সাফল্যপূর্ণ পশ্চাদপসরণের পথ খোলা থাকবে কিনা, কোথায় সে গুরুত্বপূর্ণ পথ, সে পথে ফিরে এলে আজকের সম্মান ও পজিশন অক্ষুণ্ণ থাকবে কিনা—এর প্রত্যেকটি পয়েন্ট চুলচেরা ব্যাখ্যা করে বলবার পর যিনি কাজ করতে এসেছেন, হয়তো তাঁর শ্রীচরণে গতি দেখা দেবে কাদায় ভর্তি মেঠো পথে গরুর গাড়ীর মতো!

Order of the day উচ্চারণ করবার মতো এ যুগে যেমন নেই কোনো বিসমার্ক, কোনো নেপোলিয়ন, তেমনি নেই কোনো হীরা সিং, কোনো লাইট ব্রিগেড!

ছেলেরা যখন একটা কিছু করবার উদগ্র আকাঙ্ক্ষায় হয়ে উঠলো আবেগচঞ্চল, আমি তখন মনে মনে ঝুঁজে বেড়াতে লাগলাম আর-একটি নিখুঁত পরিকল্পনা। চাঁপার গৃহে আর যাওয়া যেতে পারে না। কেঠলাল তার ছোটবেলাকার বন্ধু। তার মোহ কাটানো সম্ভব নয়। তাই সে বেশ সহাস্তে ও সহজেই রক্তলালের কাঁদে পা বাড়িয়ে আবার ফস্কে গিয়ে ধরা দিল কেঠলালের জালে। ওর ঘরে জল-ভরা যেসব বোতল রেখে আসা হয়েছে, এত দিনে নিশ্চয়ই কেঠ তার স্বাদ গ্রহণ করে দেখেছে এবং বুঝতে পেরেছে কলকাতার কাপ্তান সংক্রান্ত ব্যাপারে কোথাও গলদ আছে! কাজেকাজেই দেলভোগ আর যাওয়া চলে না।

একদিন বিকেলে শ্রীনগর থানার সাপ্তাহিক হাজিরা দিয়ে ফেরবার পথে

দেলভোগের হাটের কাছে একটু দাঁড়ালাম। সেদিন ছিল গরুর হাট অর্থাৎ ঐ দিনে শুধু গরু বেচা-কেনা হয়ে থাকে। বিরাট হাট। অসংখ্য গরুর সমাবেশ। অসংখ্য ক্রেতা। বহু হাজার টাকার লেন-দেন হয়। সন্ধ্যার পরও কিছুক্ষণ হাট চলে, তারপর ভিড় ভাঙতে থাকে।

হঠাৎ মাথায় একটা বুদ্ধি এল।...পরের সপ্তাহে আবার শনিবারে ঐ হাটে ঘুরে বেড়ালাম কিছুক্ষণ। ছ'একটা গাইয়ের দামও যাচাই করলাম নিরর্থক। অপর ক্রেতার প্রদত্ত টাকার পানে আড়চোখে চেয়ে দেখলাম, দেখলাম সরু দীর্ঘ খলিতে নোটের তাড়া পুরে দিয়ে বিক্রেতা সেটা কোমরে এঁটে জড়িয়ে রাখলো।.....চলে এলাম।

তার পরের সপ্তাহেই সর্ব আয়োজন শেষ হয়ে গেল। রত্নলাল ও বিপদভঞ্জনকে পাঠানো হলো দেলভোগ গরুর হাটে ছপুর বেলাতেই। ক্রেতা হিসেবে হাটে প্রবেশ করে তারা ঘুরে ঘুরে নানারকম গরুর দাম যাচাই করতে লাগলো এবং সঙ্গে সঙ্গে রাখলো খুলে তাক্স দৃষ্টি লক্ষ্য রাখবার জ্ঞান কোন্ বেপারী বেশ মোটা টাকা কোমরে জড়িয়ে রাখছে। অনাগ আর খগেন অপেক্ষা করতে লাগলো হাটের বাইরে মাঠে আর কালাচাঁদকে নিয়ে আমি নিজে অপেক্ষা করতে লাগলাম আরও দূরে পূর্ব দিকে মাঠের মাঝখানে যে একটা বৃহৎ পুষ্করিণী আছে, তারই ধারে। ক'জন লোক মাছ ধরছিল ছোট ছিপ ফেলে। পুঁটি ও ট্যাংরা মাছ। দেখতে ভালো লাগলেও সে দৃশ্য অকস্মাৎ আমাদের কাছে যেন অত্যধিক সুন্দর মনে হলো। তাই আমরা সাগ্রহে দাঁড়িয়ে গেলাম সেখানে। একটি চক্ষু ফাতনার দিকে নিবদ্ধ রেখে অপর চক্ষু প্রসারিত করে রাখলাম হাটের পথে।

পূর্ণিমার কাছাকাছি কোনো তিথি ছিল, বেশ স্পষ্ট মনে পড়ে। সন্ধ্যা হতে না-হতেই খগেন এসে সংবাদ দিয়ে গেল যে, রত্নলাল ও বিপদ হাট থেকে রওনা হয়েছে। একটু পরই দেখা গেল, তারা হাসিমুখে আলাপ করতে করতে আরো দশজন পথিকের মতোই হাট থেকে বেরিয়ে এল এবং আমাদের দিকে আড়চোখে একটি অর্থবোধক দৃষ্টি হেনেই এগিয়ে চললো দক্ষিণ দিকের পথ বেয়ে। কিছু দূরে থেকে থেকে আমরাও একে একে তাদের অনুসরণ করলাম।

যে পথটি দেলভোগ হাট থেকে বেরিয়ে খানিকটে দক্ষিণ দিকে এগিয়ে এসে আবার পূর্ব দিক দিয়ে ঘুরে গিয়ে দক্ষিণে সাব-রেজিস্ট্রী অফিসের কাছে বুঙ্গাগঞ্জগামা বড় সড়কের সঙ্গে মিশে গেছে, আমরা সেই পথে এগিয়ে চললাম।

চলতে চলতে পেছনে পড়ে বিপদ এক সময় এসে চুপি চুপি আমার জানিয়ে গেল যে, সম্মুখে যে লোকটা ছোট একটা বাছুর নিয়ে চলেছে, অনেক টাকা আছে তার কাছে এবং সে-ই হচ্ছে আমাদের শিকার।

এগিয়ে চলতে চলতে সহগামী পথিকের সংখ্যা ক্রমেই কমে এল এবং এক সময় দেখা গেল কিছু দূরে দূরে জনতিনেক লোক অনেকক্ষণ যাবৎ একই পথে এগিয়ে চলেছে। তাদের প্রত্যেকের সঙ্গেই একটি করে গরু বা বাছুর আছে। নিশ্চয়ই বেচা-কেনার পর এটি অবশিষ্ট আছে, তাই বাড়ীতে ফিরিয়ে নিয়ে চলেছে। সবার সম্মুখে চলেছে যে লোকটি, তার মাথায় তেল চপ্-চপে ঝাঁকড়া ঝাঁকড়া বাবরী চুল বেড়িয়ে বাঁধা একটি গাঢ় লাল কাপড়ের টুকরো, সরু গৌফ, খুঁতনিতে ছোট্ট নূর, হাতে গরু চরাবার পাচন, গায়ে হাতকাটা ফতুয়া। লোকটাকে দেখলেই লাঠিয়াল বলে মনে হয়। তার পশ্চাতে কিছু দূরে যে লোকটি চলেছে, সে একেবারে বৃদ্ধ, দীর্ঘ ঋশ্মিতে মুখ ঢাকা, ময়লা লুঙ্গি পরিধান, কাঁধের ওপর ততোধিক ময়লা গামছা। একটি অস্থিচর্খসার বাছুর নিয়ে চলেছে সে। সবার পশ্চাতে যে চলেছে একটি গরুর দড়ি হাতে করে, সে একেবারে অল্পবয়সী কুড়ি-একুশের বেশী হবে বলে মনে হয় না।

বিপদ আবার পেছনে পড়লো। বললো : দাদা, ঐ বাবরীওয়ালাকে ধরতে হবে। কিন্তু আর দুটো লোকও যে চলেছে সঙ্গে সঙ্গে। এদের কি করা যায় ?

বললাম : একজনকে ধরবার কথা ছিল, এবার তিনজনকে ধরতে হবে।

সহজ জবাব পেয়ে সহজ সৈনিক বিপদের মন একেবারে নিশ্পিশ করে উঠলো ! বললো : তাহলে আমি ধরবো ঐ ছোকরাকে, আর বাবরীওয়ালাকে আপনি। কেমন দাদা ?

পিঠ চাপড়ে বললাম : ছোকরাটাকে ধরবে খগেন আর তুমি, আর তুমিই হচ্ছে তোমাদের গুপে লীডার। খগেন তোমার নির্দেশ মেনে চলবে।

আরও খুশী হয়ে উঠলো সে। অহুরোধ জানালো : তাহলে ওটা আমার কাছে দেবেন না ?

হেসে জবাব দিলাম : তাহলে লোকটা অতি সহজেই প্রাণ হারাবে। খুব ঠাণ্ডা মাথা রাখতে হয় এসব কাজে। পোড়ানো লোহার মতো তুমি যে গরম, ছুঁলেই ও ব্যাটা পুড়ে যাবে। তাই এটা আমার কাছেই থাক।

বিপদ হাসলো।

আরো কিছুক্ষণ হাঁটা গেল। কিন্তু তিনজনের জুটি আর ভাঙবার নয়। আমরাই বা আর কত দূর এদের অনুসরণ করবো? গ্রামের পায়ে-চলা পথ অনেক সময় পাড়ার মধ্য দিয়ে, পুকুরপাড় ঘুরে, রান্নাঘরের পাশ দিয়ে, লাউয়ের মাচার নীচে দিয়ে, অনেক সময় একেবারে উঠানের মাঝখান দিয়ে এগিয়ে চলে। এমনভাবে আমাদের এগিয়ে যেতে হলো অনেক দূর।

আকাশে চাঁদ থাকলেও মেঘও আছে প্রচুর। সঞ্চরমান লঘু মেঘ। তাই চাঁদের সঙ্গে লুকোচুরি খেলা চলেছে বেশ। কি মাস, তা মনে নেই। তবে হেমন্তের শেষাংশেই হবে। শীত একেবারে এসে না পড়লেও তার আমেজ অনুভব করা যায় সন্দেহ হতেই। গ্রামের চতুর্দিকে নীরবতা এসে যায় সন্ধ্যার পরেই।

আর দেয়ি করা সঙ্গত মনে হলো না। পথবাট ভাল করে জানা না থাকলেও আমরা যে বীরতারা অভিযুক্ত চলেছি, তা বোঝা গেল। সূতরাং বিপথে যাবার আশঙ্কা নেই।

আমরা ছয় জন, আর ওরা তিনটি। সূতরাং হ'জনের তিনটি দল তৈরী হয়ে গেল। সবার সম্মুখে চলেছে সে বাবরীওয়াল লাঠিয়াল, সবার পশ্চাৎ থেকে এগিয়ে এলাম আমি কালাচাঁদকে সঙ্গে করে। বুকের পশ্চাতে এসে জুটে গেল রঙ্গলাল ও অনাথ। ছোট ছেলেটার কাছাকাছি এসে পড়লো খগেন ও বিপদভঞ্জন। এমনভাবে আরও কিছুক্ষণ চলবার পর আমরা একটা মাঠে এসে পড়লাম। এবং—

অকস্মাৎ আমি ঘুরে দাঁড়িয়ে লাঠিয়ালের চোখের ওপর তীক্ষ্ণধার ছোরা তুলে হুকুম করলাম : এই, কী আছে টাকাকড়ি, বার কর। জলদি—

পশ্চাতের ছেলেরাও তেমনি একসঙ্গে লাফিয়ে পড়লো শিকারের ওপর।

লাঠিয়াল প্রথমটা হকচকিয়ে গেল, তার পর-মুহূর্তেই পলায়নের চেষ্টা করতেই লাফিয়ে তার সম্মুখে এসে পড়লাম এবং প্রাণপণ শক্তিতে ছুরিকাঘাতের অভিনয় করে শুধু ছোরার তীক্ষ্ণ অগ্রভাগটি তার পিঠের ওপর চেপে ধরে কালাচাঁদকে হুকুম করলাম : ছুরি দিয়ে এর পেটের ঝুলি বার করে ফেলতো রহমৎ।

রহমৎ তৎক্ষণাৎ ছোরা বার করতেই লোকটা কম্পিতস্বরে বললো : হজুর, আমার লগে কিছুই নাই।

সূতরাং ছোরার অগ্রভাগ আরো একটু চেপে গেল মাংসের ভেতর। ধমক দিলাম : চোপরাও বেয়াদপ। কী আছে, বার কর, নইলে টুকরো টুকরো করে ফেলবো তোকে।

লোকটা তবুও ইতস্ততঃ করতে লাগলো। ছোরার ফলা নিশ্চয়ই ততক্ষণে আধ ইঞ্চি বসে গেছে। প্রয়োজন হলে আধ ইঞ্চি কেন, আধ হাত বসিয়ে দিতেও কসুর করবো না আমি। কিন্তু চরম ব্যবস্থা তখনই গ্রহণ করা হবে, যখন অস্ত্র সব পছা ব্যর্থ হয়ে গেছে। তাই ছোরার ফলাটি আরো একটু বসিয়ে দিয়ে ধীরে ধীরে ঘোরাতে লাগলাম পাখীর পালক দিয়ে কানে সুড়সুড়ি দেবার মতো করে। রক্তে লাঠিয়ালের ফতুরার একাংশ সিক্ত হয়ে উঠলো।

এবার হুঁশ হলো শ্রীমানের। ধীরে ধীরে কোমর থেকে সরু থলিটা খুলতেই কালাচাঁদ সেটা ছিনিয়ে নিয়ে পকেটস্থ করে ফেললো। আর যেই আমি ছোরাটি তুলে নিলাম, অমনি সাহসী লাঠিয়াল জমির মধ্য নিয়ে সোজা ছুটে পালাল তাড়া-খাওয়া পাতি শেয়ালের মতো। পড়ে রইলো তার পাচন, পড়ে রইলো তার মাথার লাল বৈজ্ঞয়ন্তী। হতভম্ব হয়ে দাঁড়িয়ে রইলো গরুটি।

এবার ছুটে এলাম বুড়ো বেপারীর দিকে। দেখলাম, বিপদভঞ্জন আর খগেনও ততক্ষণে এসে গেছে সেখানে। বুড়োর সাহস দেখা গেল প্রায় অসহনীয়। রঙ্গলাল বার বার ছোরা ঘোরাচ্ছে তার নাকের ডগায়, আর বার বার ধমক দিচ্ছে, কিন্তু সে মিন মিন করে প্রাণভিক্ষা চেয়ে অনর্থক দেরি করাচ্ছে আমাদের। দেরি করবার সময় কোথায়? লাঠিয়ালকে ছেড়ে দেয়া হয়েছে, পালিয়ে গেছে সেই ছোকরা। কাছেই কোনো পাড়াতে গিয়ে উঠলেই কে জানে, লোকজন ছুটে আসতে পারে লাঠি, সড়কি ও লঠন নিয়ে। অকস্মাৎ মনে হলো বুদ্ধ খুব হুঁশিয়ার ব্যক্তি, ইচ্ছে করেই এমনি কাঁছনি গাইছে কালহরণের অভিসন্ধিতে! সূতরাং—

এগিয়ে এলাম আমি। ছোরা বার করে লোকটার কাঁধের ওপর চেপে ধরলাম আর হুকুম করলাম রঙ্গলালকে : ওর চোখ দুটো উপড়ে ফেল ছমিরদি!

খগেন পশ্চাৎ থেকে হুঁহাতে জাপটে ধরলো ওকে আর রঙ্গলাল অদ্ভুত বাঁকুনি দিয়ে তীক্ষ্ণধার ছোরাখানি একেবারে তুলে ধরলো ওর চোখের ওপর।...এবার কাজ হলো। লোকটা কঁদে উঠলো : দিতেছি হজুর, দিতেছি।...বলে সে কোমর থেকে সরু থলিটা খুলে ফেলে রঙ্গলালের হাতে তুলে দিল। আমরা ছেড়ে দিলাম ওকে।

কিন্তু কার্য্যাস্তে আর মুহূর্ত বিলম্ব করা উচিত নয়। কোথা দিয়ে কোন্ অজানা বিপদ এসে পড়বে, কে বলতে পারে!...ডবল্ মার্চ করে রওনা হলাম

জমির মধ্য দিয়েই সোজা উত্তর দিকে। কিছু দূর আসার পরই অদূরে একজন পথচারীকে দেখা গেল। আমরা তাকে অতিক্রম করে চলে আসতেই লোকটা পশ্চাৎ থেকে হাঁক দিয়ে প্রশ্ন করলো : কারা যায় ?

বিপদ তৎক্ষণাৎ জবাব দিল : Your forefathers !

তৎক্ষণাৎ হুঁশিয়ার করে দিলাম : ভুল করলে। লোকে রেগে গেলেই হিন্দী বা ইংরেজীতে কথা কয়। অত্যাচারী তাতে কিছু না এলে-গেলেও এই কাজে নেমে খুব সতর্ক হতে হয়। আমরা সাধারণ ও নিরক্ষর মুসলমান ডাকাত সেজে যদি ইংরেজীতে কথা বলি, তাহলে আমাদের ছদ্মবেশ তো ব্যর্থ হবেই, উপরন্তু আই বি এর মধ্যে পাবে স্বদেশীর গন্ধ। বুঝলে ?

লজ্জিত বিপদভঞ্জন ক্রটি স্বীকার করলো।

বিপদভঞ্জনদের বাড়ীতে এসে দেখি আর এক বিপদ! রঙ্গলাল প্রবল ঝাঁকুনি দিয়ে ছোরা উত্তত করবার সময় তা আচমকা লেগে গেছে অনাথের কলুইয়ের নীচে। খানিকটে মাংস উপড়ে কোথায় পড়ে গেছে। প্রবল রক্তপাত হচ্ছে। অনাথের কাপড়-জামা ও গায়ের সাদা চাদরখানা লাল হয়ে উঠেছে। যদিও হাসিমুখে সে বারবার বলছে যে বিশেষ কিছু হয়নি, তথাপি আমি বুঝতে পারলাম, বেশ কিছু হয়েছে। দেরী করা চলে না। থগেন ও বিপদ এক মুঠো কচি ঘাস খেঁতলে নিয়ে এল তাড়াতাড়ি আর রঙ্গলালকে তৎক্ষণাৎ পাঠিয়ে দিলাম হাঁসাড়া গ্রামে রাজনৈতিক বন্ধু গোপাল সেনের দাদা ডাক্তার বিজয় সেনকে ডেকে আনতে। হোমিওপ্যাথিক হলেও বিজয়বাবুর নামডাক আছে।

ইতিমধ্যে কালাচাঁদ এসে বললো : মোট এক হাজার তিন শো কুড়ি টাকা পাওয়া গেছে।

অল্ রাইট্।

বিপদদের পুকুরের বাঁধানো ঘাটে এসে বসলাম। আকাশে তখনো চলছে চাঁদ ও মেঘের লুকোচুরি খেলা। সঞ্চরমান মেঘ। ঝিরঝিরে হাওয়া ভারী মিষ্টি লাগছে কপালে বুলিয়ে-দেয়া নরম হাতের মতো।.....

স্বস্তির নিঃশ্বাস ফেললাম।

ছয়

পূর্বে যে কথা বহুবার বলেছি, বড় গলায় আবারও সে কথার পুনরাবৃত্তি করছি যে, কখনো কোনো অবস্থাতেই যেমন পুলিশের আশঙ্কায় বিন্দুমাত্র আতঙ্কিত হয়ে কোনো পরিকল্পনার সামান্ততম সংশোধনও আমি করিনি, তেমনি আশ্চর্য্যাতম সত্য যে, সহস্র চেষ্টা করেও তার কোনো দিন হাতে-নাতে ধরতে পারেনি আমার। সন্দেহ করেছে তারা প্রবলভাবে এবং অনেক সময়ই দেখা গেছে তাদের সন্দেহের পশ্চাতে আছে অকাট্য যুক্তি, কিন্তু সন্দেহের ফলে একজনকে রাজবন্দী করে রাখা চলতে পারে অনির্দিষ্ট কালের জুজু, বড়বস্ত্র মামলার আসামী সাজিয়ে যাবজ্জীবন আন্দামানে পাঠাবার জুজু স্টিমার সাজানো যায় না।।.....

ফুলগুলি থেকে এই যে জাতীয়তামূলক গ্রন্থরাজি উধাও হয়ে গেল এবং সর্বশেষ পায়ে-চলা পথের ওপর এই যে ডাকাতি হয়ে গেল, পুলিশের সন্দেহ-পঙ্কিল মনে এতটুকুও সন্দেহ জাগলো না যে, এর মূলে থাকতে পারে কোনো স্বদেশী দলের অদৃশ্য হস্ত! অনাগের হাতের গভীর ক্ষত বিজয় সেনের হোমিওপ্যাথিক চিকিৎসায় সহজেই ও শীঘ্রই সেরে উঠলো। বন্ধু ও সহকর্মী গোপালের দাদা হলেও বিজয় সেনের কণ্ঠের তুলসী মালা ও তাঁর তিরিফি মেজাজকে সর্বদাই সমঝে চলতাম আমি। বৈষ্ণবের কণ্ঠি যখন তাঁর মনে 'মেরেছিস কলসীর কাণা, তাই বলে কি প্রেম দিব না' সঙ্গীতের চন্দন-প্রলেপ বুলিয়ে দিত, তখন সোমাহান সরল হয়ে উঠে যেমন বিজয় সেন অকাতরে, কোনো দিকে দৃকপাত না করে আমাদের গোপনীয়তম কথাগুলিও একটি একটি করে প্রকাশ করে দিতে পারতেন একেবারে হাটের মাঝখানে, আমি জানি এবং নিশ্চিতভাবে জানি, তেমনিভাবে মেজাজের প্রাইমাস্ স্টোভটি একবার দপ করে জলে উঠলেই শুধু যে শব্দব্যঞ্জনা ও উৎপ্রেক্ষায় অগ্নিদ্রাব ছড়াবেন তিনি তাই নয়, তখন হাতের কাছে একখানা হাতিয়ার পেলে হয়তো রক্তই দর্শন করে বসবেন বিজয় সেন। এমনি লোককে নিয়ন্ত্রণ বোধহয় আমিই একা করতে পেরেছি যতদিন আমার সংস্পর্শে ছিলেন, তত দিন।

ঢাকা শহরে রক্তলালকে পাঠিয়ে কিং কোম্পানী থেকে বিজয় সেনের

প্রেসক্রিপশন অনুযায়ী কিনে আনা হলো—যত দূর মনে পড়ে, কলেজুলা। প্রতিদিন সকাল বেলা আমাদের বাড়ীতেই চলতো অনাথের ক্ষত ধোওয়া ও ব্যাণ্ডেজ। গ্রামের মধ্যে এই বাড়ীখানাই ছিল পুলিশের কঠিনতম নেক-নজরে এবং বোধহয় সেই জন্তই সর্কাপেক্ষা নিরাপদ স্থান ছিল এই বাড়ীটি। গ্রামে আমরা রটিয়ে দিলাম যে, মোহনগঞ্জ হাটে রত্নলাল ও অনাথ গিয়েছিল বেড়াতে। সেখানে একটি লেমনেডের বোতল খুলতে গিয়ে অকস্মাৎ তা বিস্ফোরিত হয় এবং এক টুকরো কাঁচে অনাথের হাত কেটে গেছে। গ্রামের লোককে স্বকপোলকল্পিত গল্পে ভুলিয়ে দিলেও পুলিশ বা আই বি এই চুরি ও ডাকাতি সম্পর্কে কেন যে অবিলম্বে আমাদের বাড়ীতে হানা দিল না, তা আজ পর্যন্ত আমার কাছে হ্রস্বোধ্য রয়ে গেছে। সমগ্র বিক্রমপুরের যেখানে যত রাজনৈতিক বা অরাজনৈতিক ডাকাতি বা নরহত্যা সংঘটিত হয়েছে, তার প্রত্যেকটির জন্তই আই বি সহযোগে পুলিশ প্রতি সন্ধ্যায় মা কালী দর্শনের মতো একবার করে কেয়টখালী গাঙ্গুলী বাড়ীতে হানা দিতই, অথচ এত কাছে এমনি নিখুঁত ডাকাতির পর একটি বারও তাদের টিকিটিরও দেখা পাওয়া গেল না!

অবশ্য ত্রীনগর থানার দুর্ধর্ষ যতীন দারোগা যে নিশ্চিন্তে নিদ্রা দিয়ে থাকেননি, তা পরে জানতে পারা গেল। ঐ রাত্রেই তাঁরা দেলভোগে চম্পকরাণীর গৃহে সদলবলে হানা দেন। সেখানে একদল বিদেশী গ্রাহক সে রাত্রে চম্পকরাণীর নৃত্য ও গোলাপী পেয়ালার মধুরসে একেবারে নন্দনকানন সৃষ্টি করছিলেন। যতীন দারোগা সে কমলবনে মত্ত করার মত প্রবেশ করলেন। মোটা দড়ি দিয়ে বেঁধে টানতে টানতে তাদেরকে নিয়ে এলেন থানায় এবং পেটেন্ট দাওয়াই প্রয়োগে পেটের কথা টেনে বার করতে চেষ্টা করলেন। কিন্তু হায়, সেখানে যে দেশী মালের সমুদ্র—তরঙ্গহীন, অস্তহীন, অতলস্পর্শ! সেখানকার কথা শুধু চম্পকরাণীর চুংরা ও গজল।...তাই শেষকালে গলাধাক্কা দিয়ে সে দলকে থানা থেকে বার করে দিয়ে ছ'হাত ঝেড়ে ফেললেন যতীন দারোগা।

অতএব বোঝা গেল আমরা পুরোপুরি কৃতকার্য হয়েছি। স্কুলের জাতীয়তা-মূলক গ্রন্থরাজি চুরি ও এই ডাকাতি এমনি নিখুঁত পরিকল্পনা অনুযায়ী সমাধা করা হয়েছে যে, পুলিশের মগজে এগুলো আদৌ ঘা দেয়নি।...অবশ্য একদিন এঁদের জ্ঞানচক্ষু উন্মোচিত হয়েছিল, কিন্তু সে বড় দেরিতে...সে ইতিহাস যথাস্থানে বিবৃত করবো।

বন্দীশিবিরের রাজবন্দীদের কাছে আই বি দারোগারা সে সময় সঙ্গত্বে ঘোষণা করতেন যে, বিক্রমপুরের বৈপ্লবিক তৎপরতার কণ্ঠ তাঁরা এমনভাবে ছ'হাতে চেপে ধরেছেন যে প্রাণত্যাগ করা ব্যতীত তার গত্যন্তর নেই। ঠিক সেই সময় আমার গুপ্ত কার্যাবলীর ঝলকানি তাঁদেরকে মাঝে মাঝে এমনি বিভ্রান্ত করে তুলতো যে, আমরা তাঁরা মনে করতেন একটি মারাত্মক বিস্ফোটক। সরকারীভাবে কখনো ঢাকা থেকে কোনো আই বি অফিসারই আসেননি আমাদের বাড়ীতে রত্নলাল বা আমার সঙ্গে কথা কইতে এবং কথোপকথনের মাধ্যমে উত্তেজক কিছু নৈবেদ্য সংগ্রহ করে নিয়ে গিয়ে যোগিনী বসু বা জিতেন ধরের শ্রীপাদপদ্মে নিবেদন করতে। অথচ পরে সংবাদ সংগ্রহ করেছিলাম যে, যে-সরকারীভাবে তাঁদের মধ্যে অনেক ধুরন্ধরই রাজির অন্ধকারে গা ঢাকা দিয়ে ঘোরাঘুরি করতেন আমাদেরই বাড়ীর আশেপাশে নিশাচর প্রেতের মতো। কিন্তু পূর্বেই বলেছি, রেক ও স্মিথের মতো আমার ও রত্নলালের মৃত্যু নেই কোনো কালে।

যাঁরা বলেন আই বি পুলিশ অত্যন্ত বুদ্ধিমান, তাঁদের একস্-রে আইজ ও শারলক হোমি কন্সতৎপরতার প্রচণ্ড তোড়ে সে যুগের বৈপ্লবিক গুপ্ত সমিতির সর্বপ্রকার সতর্কতার বর্ষ একেবারে ঝাঁঝরা হয়ে ভেঙ্গে পড়েছিল, আমি তাঁদেরকে বলবো এবং সর্ব দায়িত্ব নিয়েই বলবো যে তাঁরা ভ্রান্ত, শোচনীয়ভাবে অন্ধবিশ্বাসী। যেখানে যত ষড়যন্ত্র মামলা হয়েছে, তার সূচনায় আই বি পুলিশের তদন্তের ইতিহাসের পৃষ্ঠা ওলটালে নিশ্চয়ই দেখা যাবে, লিপিবদ্ধ রয়েছে আমাদেরই সহকর্মী ও বিশ্বস্ত সূত্রদের বিশ্বাসঘাতকতার কলঙ্ককর কাহিনী। প্রকাশে, স্পেশাল ট্রাইবিউনালের এজলাসে দাঁড়িয়ে আসামীর কাঠগড়ায় সমবেত সহকর্মীদের একটি একটি করে অঙ্গুলিনির্দেশে সনাক্ত করে দিয়ে তোতা পাখীর মতো শিথিলে-দেয়া বুলি উচ্চারণের মর্শাস্তিক সত্য কাহিনী কারুর অবদিত নেই। রাষ্ট্রবিরোধী পাপকার্যের জ্ঞাত অল্পশোচনা প্রকাশ করে নাকে খৎ দিয়ে মহামাণ্ড বৃটিশ সম্রাটের করুণাভিক্ষার ঘটনাগুলিও নিশ্চয়ই মন থেকে মুছে যায়নি। সেখানে আই বি পুলিশের কুতিত্ব কোথায়? যতগুলি বৈপ্লবিক গুপ্তকার্য সম্পূর্ণ উদ্ঘাটিত করে বুক ঠুকে পুলিশ প্রচার করে বেড়িয়েছে নিজেদের দূরদর্শিতা ও কৃতকার্যতার কাহিনী তার প্রত্যেকটির মূলে আছে আপনার, আমার, সবার বিশ্বস্ততম সূত্রদের নৃশংস বিশ্বাসঘাতকতা।...পশ্চাৎ

থেকে আমরাই ছুরি মেরেছি আমাদের দেশের বিপ্লবীদের জন্মদায়ক মীরণের মতো, অগৎশেষ-উমিটাদের নীল রক্ত এখনও অবশিষ্ট রয়েছে আমাদের ধমনীতে। তিক্ততম এ সত্য অস্বীকার করবার উপায় নেই।.....

১৯৩৪ সালের জুন মাসের দুই তারিখ।

কি কাজে যেন রাত জেগেছিলাম, উঠতে একটু দেরী হয়ে গেছে। ফুলবোদিটাও এমনি, ডাকেনি। দক্ষিণের কোঠার দরজা খুলে বাইরে এসে দেখলাম ততক্ষণে পূর্বাকাশ বেশ রান্ধা হয়ে উঠেছে। আলোকের দ্যুতি সারা আকাশে মেঘের গায়ে গায়ে অসংখ্য মণিমাণিক্য সৃষ্টি করেছে। পাখীদের কলরব শুরু হয়ে গেছে অনেকক্ষণ। দক্ষিণ-পূব কোণের শিউলি গাছের ডালে বসে একটা কাক বিজ্রী স্বরে ডাকছে। প্রভাতের শান্ত সৌন্দর্য্যে কর্কশ শব্দ অসহ্য মনে হলো। তাড়া দিলাম কাকটাকে। উড়ে গিয়ে বসলো আম গাছের ডালে, তারপর ছাদের কার্নিশে। ঢিল তুলতে দেখে উড়ে গিয়ে বসলো দোতলা টিনের ঘরের চালে। সেখানেও বিজ্রী স্বরে গলাবাজি করলো বারকতক। অবশেষে, বাড়ী ছেড়ে আকাশে উড়লো।

কিন্তু বাড়ীটা যেন কেমন শান্ত মনে হচ্ছে। এতক্ষণে তো উল্লুনে আঁচ পড়ে যায়, খোলা জানালা দিয়ে রান্নাঘরে ফুলবোদিকে দেখা যায়। রান্নাঘরের শিকল তোলা কেন? উচ্চৈঃস্বরে মাকে ডাকতেই দোতলার ফুলবোদিকে দেখা গেল। ইশারায় চুপ করতে বলে ওপরে ডাকলেন।

ছুটে গেলাম। গিয়ে দেখি, বালাপোশে সর্কান চাকা দিয়ে বাবা শুয়ে আছেন আর শিয়রে বসে মা হাওয়া করছেন। বাবা অসুস্থ। জ্বর হয়েছে। শেষ রাতেই এসেছে জ্বরটা। খুব বেশী না হলেও বুকের পক্ষে কমও নয়, ১০১ ডিগ্রি। চোখ মেলে বাবা আমার পানে একবারটি চাইলেন। চোখ বুজে যেন সবাইকে সান্ধনা দিয়ে বলতে লাগলেন : এ কিছু না, কালকের রুটিতে একটু ঠাণ্ডা লেগেছে। খানিক পরেই নেমে যাবে।—ফুলবোদিকে বললেন : পাশ বালিশটা আমার পায়ের নীচে দিয়ে দাওতো বোমা!

বাবা চুপ করলেন। আমার কিন্তু ভালো লাগলো না। জ্ঞান হয়ে অবধি বাবাকে কোনোদিন অসুস্থ হতে দেখিনি। প্রায় ছয় ফুট দীর্ঘ দেহ, তেমন

বৃকের খাঁচা, তেমনি চওড়া হাতের কজ্জি। মার মুখে শুনেছি ওমনি অপূর্ব স্বাস্থ্য দেখেই রেল কোম্পানীর সাহেব বাবাকে চাকরিতে নিয়ে নিয়েছিলেন। নইলে রেল কোম্পানীর ইঞ্জিনারিং বিভাগে কাজ করবার মতো বাবার কোনো ইঞ্জিনারিং শিক্ষা বা অভিজ্ঞতা ছিল না। একেবারে নিম্নপদ থেকে নিজের যোগ্যতা ও পারদর্শিতা দেখিয়ে ইনসপেক্টার অব ওয়ার্কস হয়েছিলেন। অবসর গ্রহণের বয়স উত্তীর্ণ হবার পর আরও দু'বছর চাকরি ছিল শুধু অটুট স্বাস্থ্য ও অদ্ভুত কর্মক্ষমতার জ্ঞাত। বহুকাল বিদেশে বিদেশে কাটিয়ে অবসর গ্রহণের পর আমাদের সবাইকে নিয়ে ফিরে এলেন আমাদের কেস্টখালী গ্রামের বাড়ীতে।

কিন্তু সারাজীবন যিনি কাজ করেছেন, রোদ বৃষ্টি মাথায় করে টুলিতে টুলিতে ঘুরে বেড়িয়েছেন রেলের কাজে, অসময়ে নাওস্না-খাওয়াই ধীর অভ্যাসে পরিণত হয়ে গিয়েছিল, অকস্মাৎ তাতে ছেদ টেনে দিয়ে গ্রামের বাড়ীতে কর্মহীন স্ত্রনিয়ন্ত্রিত জীবন তাঁর ভালো লাগবে কেন? তাই দেখতাম, চাকর থাকে সবেও নিজের রূপো-বাঁধানো হাঁকোটি নিজেই প্রতিদিন তৈতুল দিয়ে মাজতেন ও নলের মধ্যে শিক চালিয়ে পরিষ্কার করতেন। দেখতাম, আমাদের শত নিষেধ সবেও কুমড়ো চ্যাড়স লঙ্কা বা পেঁয়াজ লাগাবার জ্ঞাত একটা ছোট্ট কোদালি দিয়ে নিজেই মাটি কোপাতেন। দেখতাম, বিকেলের দিকে নিম্নের ডাল দিয়ে তৈরী লাঠিটা হাতে নিয়ে গ্রামের পথে দ্বিবিয় একাই বেড়াতে বেরোতেন। ফিরতে প্রায়ই সন্ধ্যা উৎরে যেত এবং গ্রামের কেউ লঠন হাতে পৌঁছে দিয়ে যেত। এই আটবটি বৎসরের যুবক-বৃদ্ধকে গ্রামের প্রতিটি কাজে পাওয়া যেত। কি ফুটবল খেলার মাঠে, কি সমাজপতিদের গুরুত্বপূর্ণ সভায়, কি গ্রাম্য যাত্রা, কবিগান বা নাটকের আসরে, কি যুবকদের লাঠি-ছোরা খেলার আখড়ায় সর্বত্র বাবাকে দেখতাম। কিন্তু কোনোদিন শয্যা নিতে দেখিনি।

অজানিত শঙ্কায় বুকটা ছলে উঠলো! সেই নাছোরবান্দা কাকটার কর্কশ ডাক যেন কানে বাজতে লাগলো।

কিছুনা কিছুনা বলে ব্যাধি বেড়ে ফেলে দিয়ে বাবা কিন্তু উঠে দাঁড়ালেন কোনো ওষুধ ব্যবহার না করেই মাত্র পাঁচ দিন পরই। আমার জ্যাঠতুতো দাদা অবিনাশকে একখানা পোস্টকার্ড লিখে আমার হাতে দিলেন পোস্ট করতে।

পড়ে দেখলাম এক সময়। মাত্র কয়েক লাইন, কিন্তু এত বাঁকাচোরা অক্ষর যে, দেখেই বুঝতে পারলাম কম্পিত হাত নিয়ন্ত্রণ করে অনেক মেহনত

করে লিখতে হয়েছে। চমৎকার হাতের লেখা তাঁর। অসুখ যদি সেরেই গিয়ে থাকে, তাহলে সে লেখা কোথায় গেল? অত্যন্ত জেদী মানুষ, বয়স সত্তরের কাছাকাছি এসে গেলেও জেদটা রয়ে গেছে সত্তরের। আমার আশঙ্কা আরও বেড়ে গেল।

স্পষ্ট মনে আছে, আট দিনের সকালে আবার তাঁর জর হয়। বুদ্ধ এবার বোধহয় অবস্থাটা বুঝতে পেরেছেন। আমার ডেকে বললেন, সবাইকে তাঁর দেখতে ইচ্ছে করছে। তৎক্ষণাৎ আমি জরুরী টেলিগ্রাম পাঠিয়ে দিলাম বড়দা' অবিনাশ গাঙ্গুলীর কাছে, কাশীতে সুন্দরদা'র কাছে, কলকাতায় মেজদা'র কাছে, আরও কয়েকটি স্থানে। মেজদা'র কাছে প্রেরিত টেলিগ্রামে লিখে দিলাম : Father dying, start immediately !

তৃতীয় দিবসে এর জবাবে পেলাম মেজদা'র ফুলদা'কে সোধোদন করে কড়া ভাষায় লেখা একখানা পোস্টকার্ড : টেলিগ্রাম করলেই টাকা পাঠাবো, আমাদের কি টাকার গাছ আছে ?

জবাবে আবার পাঠালাম টেলিগ্রাম : Horrified noticing callousness —start, Father desires to see you !

এদিকে মাঝে মাঝেই বাবা জ্ঞান হারাচ্ছেন। ডাক্তার বিলাস সাহা এসে গেছেন হাঁসাড়া থেকে, বিজয় সেনও এসেছেন তাঁর হোমিওপ্যাথিক বাজটা নিয়ে আর পারিবারিক কবিরাজ রসিক তো সারাক্ষণই রয়েছে। তাঁদের মিলিত প্রচেষ্টায় মাঝে মাঝে আবার জ্ঞান ফিরে আসছে। জিজ্ঞেস করছেন : কি রে, ওরা সবাই এল ? গ্যানা বোধহয় ছুটি পায়নি, ঘীরেনেরও নতুন চাকরি—

বাধা দিবে বললাম : না, না, তাঁরা টেলিগ্রাম করেছেন—আসছেন।

কিন্তু এই সান্দ্রনা কি ব্যর্থ হবে ? আমার জরুরী তারবার্তা কি এমনিভাবে ভুল বুঝবেন দাদারা ? মৃত্যুর পূর্বে সাত-সাতটি ছেলে, পুত্রবধূ, নাতি-নাতনী সবাইকে দেখে যাবার অন্তিম ইচ্ছা কি বাবার পূর্ণ হবে না ?.....বিচলিত হয়ে উঠি, ক্ষোভও মাঝে মাঝে মাথা উঁচু করে ওঠে, কিন্তু মনের সমস্ত বেদনা ও সকল আবেগ সর্বশক্তি প্রয়োগ করে চেপে রেখে আশার কথা শোনাই মৃত্যু-পথযাত্রী বুদ্ধকে : আসছেন, তাঁরা আসছেন।.....

দলে দলে গ্রামের স্ত্রী ও পুরুষ এসে বাবাকে দেখে যাচ্ছেন, মুসলমান প্রজারা আসছে দল বেঁধে, আসছেন গ্রামান্তরেরও অনেকে। অত্যন্ত জনপ্রিয়

ছিলেন এই বৃদ্ধ। সে যুগের অনগ্রসর সংস্কারাচ্ছন্ন গোড়া গ্রামের অন্ধবিশ্বাসের অন্ধকারে বাবার আধুনিক মতবাদগুলি বিপ্লবের অগ্নিপুচ্ছ ছলিয়ে দিত। হরিসভা থেকে শুরু করে ফুটবল প্রতিযোগিতার তিনিই ছিলেন স্থায়ী সভাপতি। গ্রাম্য যে সমাজের দাপটে সে যুগে দলাদলি ও রেবারেবি অহর্নিশি উদ্ভাল হয়ে উঠতো এবং যার ফলে গ্রামের সহজ ও শান্তজীবনে চিরস্থায়ী হয়ে থাকতো অসহ বিড়ম্বনা, আমার বাবা সে সমাজকে আদৌ পরোয়া করতেন না। বরং ঐ সমাজই তাঁকে সমীহ করে, ভয় করে চলতো।।.....

মৃত্যুর পূর্বদিন বিকেলের দিকে শেষবারের মতো বাবার জ্ঞান ফিরে আসে। শয্যাপার্শ্বে আমাকে দেখেই জিজ্ঞেস করলেন : কিরে, ওরা সব এসেছে ?

আবারও মিথ্যে প্রবোধ দিতে হলো : লিখেছে কালই এসে পৌছোবে।

আর কাল!—বলে চোখ বুঁজলেন বাবা।

তার পরের ঘটনা বেশ সরল। সারা রাত ধরে চললো যমের সঙ্গে টাগ-অব-ওয়ার। টেনে তাকে ফেলে দিতে না পারলেও সে-ও পারলো না জয়লাভ করতে। সারা শরীরে কম্পন জেগেছে, নিঃশ্বাস পড়ছে ঘন ঘন, ক্ষীণায়মান নাড়ীর গতি, কিন্তু কি গভীর শান্তির দ্রুতি সারা মুখমণ্ডলে!...সারাটি রাত ঠায় বসে রইলেন তিনজন চিকিৎসক—বিলাস সাহা, বিজয় সেন আর রসিক কবিরাজ। বিলাস সাহা দিলেন ইনজেকশন, বিজয় সেন নাকে লাগিয়ে দিলেন আর্সেনিক আর রসিক কবিরাজ জিহ্বায় ঘষে দিলেন কস্তুরীঘটিত ঔষধ। এলোপ্যাথি, হোমিওপ্যাথি ও কবিরাজী যুগপৎ তিনটি শক্তিশালী ঔতিবন্ধককে ঠেলে ফেলে দিতে পারলো না সর্বজয়ী মৃত্যু অন্ততঃ সেই রাত্রির মতো।...কিন্তু পরদিন ১৯৩৪ সালের ১১ই জুন সকালে সাড়ে ন'টার সময় সেই অজ্ঞান অবস্থাতেই বাবার ফুসফুসের ক্রিয়া চিরদিনের মতো বন্ধ হয়ে গেল!

মৃত্যুর প্রাক্কালে আবার ছুটে এলেন দেবেন কাকা, অতুল কাকা। বললেন যে, ঘরের মধ্যে মৃত্যু হলে নাকি আত্মা মুক্তি লাভ করতে পারে না। শাস্ত্রে বলে—

বললাম আমি : আপনাদের সে শাস্ত্র আমি মেনে নিতে পারিনে। খাটের উপর যেমন শাস্তিতে শুয়ে আছেন তিনি, তেমনি শাস্তিতেই যাত্রা করুন পথিক মহাপ্রস্থানের পথে। টানাটানি করে তাঁর শাস্তিতে ব্যাঘাত দেয়া অত্যাশ হবে।।.....

বাবা বলতেন ম্যান্দার বাড়ীর ঝাশানেই তিনি দেহ রাখবেন। এ-ও তাঁর জেদ। নইলে, কলকাতা থেকে মেজদা' কতবার লিখেছেন মা ও বাবাকে তাঁর ওখানে গিয়ে থাকতে, কাশী থেকে সুন্দরদা' কতবার তাঁদের শেষ বয়সে কাশীতে গিয়ে থাকবার প্রস্তাব পাঠিয়েছেন, মা রাজী হলেও বাবা তাতে কর্ণপাতও করতেন না। বলতেন : পূর্বপুরুষ যে ঝাশানে দেহ রেখেছেন, তার মতো পবিত্র স্থান আর নেই। সারা জীবন বাইরে বাইরে কাটিয়ে সেখানেই ফিরে আসবার সৌভাগ্য লাভ করেছে। আমার ম্যান্দার বাড়ীর কাছে তোর কাশীও কিছু নয়।

সেই ম্যান্দার বাড়ীর ঝাশানেই তাঁকে নিয়ে যাওয়া হলো। গ্রামের লোক সেখানে ভেঙ্গে পড়লো। কোথা থেকে একদল কীর্তনীয়া এসে রাম নাম শুরু করে দিল। শেষশয্যার পাশে রইলাম ফুলদা', রঙ্গলাল আর আমি !.....

পরদিন হস্তদস্ত হয়ে এসে সর্ব্বাঙ্গে হাজির হলেন সোনাদা'। তখন সব শেষ হয়ে গেছে! খানিকক্ষণ কাঁদলেন তিনি হাউমাউ করে ছোট্ট ছেলের মতো মায়ের কোলে মাথা ঝুঁজে! মা যেন স্বামী হারাননি, তিনিই বাবা হারালেন!.....তারপর চললেন আমায় নিয়ে ম্যান্দার বাড়ীর ঝাশানে বাবার চিতাভস্ম আনতে। সেখান থেকে এসে উঠলেন টিনের ঘরের দোতলায় বাবার শয়নকক্ষে। সব তেমনি সাজানো রয়েছে।—ড্রেসিং টেবিল, তার ওপর হেল্লার ব্রাশ, ব্রাশে ঝুঁজে রাখা চিরুনি। গদী-আঁটা খাট, তার ওপর প্রসারিত দুধফেননিভ শয্যা। মোটা মোটা ছোটো পাশ-বালিশ। পায়ের নীচে ভাঁজ করা সুদৃশ্য বালাপোশের চাদর। মাথার ওপর তোলা নেটের মশারি। ব্রাকেটে বাবার ডিলে-হাতা পাঞ্জাবী, চাদর ও তার নীচেই খুঁটির কোণে সেই বহু স্মৃতি-জড়িত নিমের লাঠিগাছ।

সোনাদা' পরম শ্রদ্ধাভরে ধীরে ধীরে তুলে নিলেন লাঠিখানা। বললেন : এটা আমি নিয়ে যাবো রে! এই সব জিনিসের মূল্য অনেক।.....

সোনাদা'র মুখেই তারপর শুনতে পেলাম কলকাতার মর্যাস্তিক অধ্যায়। আমার প্রথম টেলিগ্রাম পেয়েই কাশী থেকে সপরিবারে সুন্দরদা' এসে হাজির হন কলকাতায় মেজদা'র বাসায় একই সঙ্গে সবাই চলে আসবেন বলে। কিন্তু

সেখানে তেমন উদ্বেগ না দেখে বিস্মিত হন তিনি। তারপর প্রকাশ পায় আমার প্রথম টেলিগ্রামকে আমলই দেননি সেজদা'! আমল না দেবার যে কোনো কারণ ছিল না, তা নয়। ফুলদা' যেভাবে মাঝে মাঝে কেয়টখালী থেকে লোমহর্ষণকারী পত্রাঘাত করে কলকাতার দাদাদের ব্যস্ত করে দিয়ে টাকা চাইতেন অবশ্য সাংসারিক প্রয়োজনেই, সেজদা' মনে করেছিলেন আমার নামে প্রেরিত এই টেলিগ্রাম সেই বোকামিরই আর একটি শোচনীয়তর নিদর্শন। তাই এর কথা আর মেজদা'কে না জানিয়ে তিনি নিজেই জবাব দেন পোস্টকার্ডে।

আমার দ্বিতীয় টেলিগ্রাম মেজদা'র হাতে পড়ে। এবার তিনি ক্ষোভ প্রকাশ করেন এবং বলেন যে, বাবার এমনি সংবাদের ওপর আস্থা স্থাপনের ফলে যদি বোকা বনতে হয়, তাও ভালো। তথাপি আর চুপ করে থাকা আত্মঘাতী অত্যাশ হবে। 'সুন্দরদা' বিশেষ কিছু নয় শুনে তখন ফিরে চলে গেছেন কালীতে, মেজদা'রও সরকারী চাকরিতে ছুটি নিতে দু'দিন দেরী হতে পারে। তাই সোনাদা'ই যাত্রা করলেন সর্বাগ্রে বৌদি ও পুত্রকন্যা সহ।

এই শোচনীয় ভুল বোঝাবুঝির ফলেই মৃত্যুকালের আশা পূরণ হলো না বৃদ্ধের, ছেলেরা, বোমার, নাতি ও নাতনীর অনেকেরই এসে পৌছোতে পারলো না সময়মতো।.....

দ্বিধাহীন চিন্তে শুধু নয়, পরম শ্রদ্ধাভরে আজ স্মরণ করি আমার সোনাদা'কে।

সাধারণ মানুষের সঙ্গে কোথায় যেন তাঁর ছিল একটুখানি ব্যবধান, একটুখানি পার্থক্য, চিরপরিচিত কালিমা-পঙ্কিল স্তরের একটুখানি উর্দ্ধে বিচরণ করতেন তিনি। সাংসারিক কূটনীতিক্ষেত্রে একেবারে অচল ছিলেন তিনি। ওসব কিছুই বুঝতেন না, বোঝবার চেষ্টাও করতেন না। গায়ে পড়ে কেউ বোঝাতে এলে দারুণ অস্বস্তি অনুভব করতেন এবং এক কান দিয়ে বা প্রবেশ করতো, অপর কান দিয়ে তৎক্ষণাৎ তা বেরিয়ে হাওয়ায় মিলিয়ে যেত। ফলে, দারিদ্র্যের সঙ্গে স্নেহসহ সংগ্রামে ক্ষতবিক্ষত হয়ে অবশেষে প্রাণ বিসর্জন করেন! কিন্তু আমি নিজেই দেখেছি দক্ষিণ কলকাতার সাদার্ণ মার্কেট অঞ্চলে কী জনপ্রিয়তা ছিল তাঁর! ১৯৪৫ সালে তাঁর মৃত্যুর পর বহু দিন বহু লোকের মুখে শুনেছি তাঁর অশেষ গুণাবলীর কথা। আর সঙ্গে সঙ্গে তাঁদের বুক ভেঙ্গে বেরিয়ে এসেছে একটি প্রিয়জন-ব্যথাতুর দয়াদী দীর্ঘনিঃশ্বাস!.....আমি জানি এবং নিশ্চিতভাবে

জানি যে, অনাঙ্কীরদের এই সহানুভূতি-সজল দীর্ঘশ্বাস অনাহত শান্তি দেবে তাঁকে পরলোকে, বিধবা সোনাবোধি ও তাঁর পুত্রকন্টার শিরে এই দীর্ঘশ্বাস আশীর্বাদে গুঁড় ফুল হয়ে ঝরে পড়বে। যে প্রচণ্ড দুঃখের সঙ্গে লড়াই করে গেছেন মনোরঞ্জন গাঙ্গুলী, নীলাঞ্জন গাঙ্গুলীর জীবনে সে দুঃখের হবে সমাধি, সেই দীর্ঘ তমসচ্ছন্ন রজনীর হবে অবসান !.....

অকস্মাৎ একদিন পুলিশ এসে হানা দিল আমাদের বাড়ীতে। দেখা গেল, এবার লাল পাগড়ির সংখ্যা প্রায় জন কুড়ি, যতীন দারোগা একা নন, সঙ্গে এসেছেন সহকারী দারোগা রবীন দত্ত। বোঝা গেল, এবার সত্যিই তল্লাশী হবে। প্রস্তুত হলাম।

যতীন দারোগাকে যেন একটু গম্ভীর মনে হলো। চা দিতে চাইলাম, আপত্তি জানানলেন, বললেন : চা খেতে তো আমি আসিনি। যে কাজে এসেছি তাই শেষ করে চলে যাবো।

তথাস্ত। যতীনবাবু আবার বললেন : মহিলাদের একটি ঘরে অপেক্ষা করতে বলুন দ্বিজেনবাবু ! কেউ যেন এখন এই বাড়ী ছেড়ে না যান, আর নতুন কেউ যেন না আসেন। সব দেখা হয়ে গেলে মহিলাদের দয়া করে একটি-বার আমাদের সমুখ দিয়ে এ-ঘর থেকে ও-ঘরে হেঁটে যেতে হবে, আপনি গুঁদেরকে একটু বুঝিয়ে বলুন দ্বিজেনবাবু ! গুঁরা আবার কিছু মনে না করেন—

বাধা দিলাম : না, না, এতে মনে করবার কী আছে। আজ নিয়ে বোধহয় বাইশ বার এই বাড়ী তল্লাশী হচ্ছে, একটি ছুঁচও পাওয়া যায়নি কোনো কালে। কিন্তু যতীনবাবু, আজ মহিলাদের সম্বন্ধে এতটা সতর্কতার কারণ জানতে পারি কি ? বোধহয় কোনো পলাতক রাজনৈতিক আশামী মহিলা সঙ্গে লুকিয়ে আছে, এই সংবাদই পাঠিয়েছে আই বি কর্তারা ?

যতীনবাবু হেসে বললেন : হবে হয়তো।

শুরু হলো তল্লাশী বেশ তোড়জোড় করে। আমি কিন্তু প্রতিবারের মতো নিশ্চিন্তেই ঘোরাঘুরি করতে লাগলাম। একেবারে যে কিছু নেই, তা নয়। একটা রিভলভার, গোটা চারেক ছোরা ও খানদশেক বাজেরাশু বই আছে।

কিন্তু কোথায়? দক্ষিণের কোঠার দেয়ালে একটি কুলুঙ্গি আছে, তার ওপর চমৎকার করে একখানা বড় ক্যালেন্ডার-আঁটা। পুলিশের মগজে কুলুঙ্গির কথা আসতেই পারে না, কারণ আর কোনো কোঠার এমনি কুলুঙ্গি নেই।...আমার নির্লিপ্ততায় যতীন দারোগা যে খুশী নন, তা বুঝতে কষ্ট হচ্ছে না আমার।

কিন্তু আমার কাঁচের আলমারির বইগুলো তল্লাশীর সময় অকস্মাৎ যেন সাপ বেরিয়ে পড়লো। যতীন দারোগা মহা উল্লাসে প্রায় চীৎকার করে উঠলেন : Here it is ! here it is ! যা চেয়েছিলাম, তাই। স্কুল থেকে চুরি-করা বই! রবীন, ভালো করে খুঁজে দেখ, আর কতখানা এমনি ব্লেন্ড দিয়ে স্কুলের সীল-কাটা বই পাওয়া যায়।

চমকে উঠলাম। তাহলে হেনা পূর্বাঞ্চেই সব সরাতে পারেনি দেখা যাচ্ছে। কোনোখানাতেই সীল নেই সত্য, কিন্তু মালখানগর, রুসদী, বোলোঘর, হাঁসাড়া প্রভৃতি স্কুল থেকে যেসব বই সম্প্রতি উধাও হয়ে গেছে, এগুলো যে তারই অত্মতম, সে সত্য দিনের আলোর মতো স্পষ্ট হয়ে গেল।...চোরাই মাল পাওয়া গেছে। সোজা চারশো এগারো ধারা। এবার কোথায় যাবে দ্বিজন গাঙ্গুলী?...স্পষ্ট দেখতে পেলাম, যতীন দারোগার চোখেমুখে খুশীর হাজার ভোটের ইলেকট্রিক আলো দপ করে জ্বলে উঠলো। আর তল্লাশী করে কী হবে? প্রয়োজন কী? এবার শুধু প্রয়োজন চমৎকার করে তল্লাশী-তালিকা তৈরী ও নিখুঁতভাবে রিপোর্ট রচনা। বিশেষ বার্তাবহ মারফত সেই রিপোর্ট ঢাকাতে পাঠাতে-না-পাঠাতেই আসবে গ্র্যাসবি সাহেবের ফরমান : Arrest that scoundrel ! তার পরের ঘটনাগুলো ঘটবে দ্রুতগতি যন্ত্রের মতো—গ্রেপ্তার, তদন্ত, চার্জশীট দাখিল, মুন্সীগঞ্জে বিচার, উকিলের সওয়াল...তারপর গভীরমুখে স্পেশাল ম্যাজিস্ট্রেটরূপে কালীপদ মৈত্রের রায়...অতএব, আইন ও শৃঙ্খলার উপর প্রতিষ্ঠিত এই গভর্নমেন্ট ও সন্ত্রাসের অল্পগত প্রজাদের জীবন ও সম্পত্তির নিরাপত্তার খাতিরে আমি আসামী দ্বিজন গাঙ্গুলীর প্রতি সাত বৎসর সশ্রম কারদণ্ডের আদেশ দিতেছি.....

একটু চা হবে কি?

আমার প্রশ্নে চমকে উঠলেন যতীন দারোগা। আকাশ-কুসুম রচনায় বোধ হয় বাধা পড়লো! বললেন : চা? না, না, চায়ের প্রয়োজন নেই, এবার ভাড়াভাড়া থানায় যাবার আয়োজন করতে হয়।

উনিশ-শো আটাত্ত সালে গোবরকে চকিতে চিং করে ফেলে দিয়ে অসংখ্য শীত, কাপ ও মেডেল নিয়ে সমবেত জনতার মুহূৰ্হুঃ আনন্দধ্বনির মাঝে কুস্তিগীর গামা যেভাবে কলকাতার পার্ক সার্কাসের বিরাট মণ্ডপের বাইরে এসে উঠেছিলেন অপেক্ষমান মোটরে, ঠিক তেমনি আমার একেবারে হতভম্ব করে দিয়ে কোলা-হলরত পুলিশদের মধ্য দিয়ে যতীন দারোগা আট-দশখানা বই হাতে নিয়ে গট গট করে এসে উঠলেন তাঁর অপেক্ষমান নৌকোয়। সদলবলে রবীণও গিয়ে তাঁর নৌকোয় আরোহণ করলো। দেবেন কাকা ও ইউনিয়ন বোর্ডের সদস্য জমির কারিগর ছিলেন তল্লাশীর সাক্ষী, সাদা তালিকার নীচে স্বাক্ষর করে তাঁরা সরে পড়লেন। পাড়ার কোতুহলী ছুঁচাৰজন এসেছিলেন দর্শক হয়ে, তাঁরাও নৌকো ভাসালেন।

যতীনবাবুর পশ্চাতে আমিও এসে নৌকোয় উঠলাম এবং পেছনে তাকিয়ে দেখলাম তমিজ্জদী চৌকিদারের লম্বা দাড়ির ফাঁকে হাসির ছুরি চকচক করছে। এইবার শালা বোধহয় তার ঘরে আশুন লাগানোর প্রতিশোধ নেবে আর পাবে মোটা রকমের বখশিশ।.....

বেশ ভারি স্মৃতি স্মরে কথা কইলেন যতীন দারোগা : কোথায় পেলেন এই বইগুলো ?

উদাস কণ্ঠে জবাব দিলাম : কিনেছি—সে অনেক কাল আগে কলকাতায় কলেজ স্কোয়ারের ফুটপাথে। যাই বলুন, ভারী সস্তা কিন্তু দারোগাবাবু, মাত্র চার আনা করে।

ভেতরের স্ট্যাম্পগুলো সাবধানে কাটা কেন ?

কেন-র যা উত্তর হতে পারে, তাই দিলাম : চোরাই মাল-টাল হবে হয়তো। নইলে জলের দামে দেয় কী করে।—এই দেখুন না, গোর্কির মাদার, বঙ্কিম গ্রন্থাবলী, সঞ্চয়িতা, ধর্ম ও জাতীয়তা—এর এক-একখানার সত্যিকার দাম কত, একবার ভেবে দেখুন !

আমার হাত থেকে বইগুলো ধীরে ধীরে টেনে নিয়ে নিজের কোলের পাশে গুছিয়ে রাখলেন দারোগাবাবু বিড়ালছানার মতো। তারপর বেশ টেনে উচ্চারণ করলেন : হুঁ—মুস্লিম কি জানেন দ্বিজেনবাবু, কিছু দিন হলো গোটাকয়েক স্কুল থেকে এমনি ধরনের অনেকগুলো বই চুরি গেছে। জানেন না সে সংবাদ ?

কই, না তো !

ফুলগুলির তালিকা দিলেন দারোগাবাবু, তারপর বললেন : বইগুলো আমার একবার থানায় নিয়ে যেতে হবে, ফুলের তালিকার সঙ্গে মিলিয়ে দেখতে হবে ।

প্রমাদ গুললাম ! বেশ বুঝতে পারলাম, থানায় গেলেই সব বেকাঁস হয়ে যাবে এবং এই চুরির মধ্যে স্বদেশীর কটু গন্ধ একবার পেলেই ঝপাঝপু গ্রেপ্তার করে ফেলবে ছেলেদের । মামলাও চালাবে নিশ্চয়ই, সাজা হয়ে যাওয়াও বিচিত্র কিছুই নয় । অবশেষে কি পরাজয় মানতে হবে পুলিশের কাছে ?

ঘাবড়ে না গেলেও একটু চিন্তিত হলাম । বোধহয় কোনো সূত্র থেকে সংবাদ পৌঁছেছে শ্রীনগর থানায় । আই বি-র কান অবধি বোধহয় এখনও পৌঁছেনি, নইলে এই তল্লাশী-অভিযানের পুরোভাগে নিশ্চয়ই দেখা যেত সেই বীরপুঞ্জব দলকে । পুরো কেরামতিটা নিজেই গলাধঃকরণ করবার উদ্দেশ্যে বড় দারোগাকে দিয়ে এই তল্লাশীর হুকুম করিয়ে নিয়ে এসেছেন যতীন দারোগা ! তাই আজ এত গম্ভীর তিনি সেই শুরু থেকেই । তাই চা—

অকস্মাৎ আবার বললাম হেসে : সে যা করেন, করবেন'খন মশায় । এখন আসুন তো, একটু চায়ের বাটিতে চুমুক দেয়া যাক—

না, না, চা খাবো না, পেটটা আজ সকাল থেকে খারাপ যাচ্ছে । বাড়ীতেই খাইনি ।—বলে একটু অস্বস্তির ভান করলেন তিনি ।

বোঝা গেল, আজ আর চা চলবে না । ব্যাটা চালাক হয়ে গেছে ।

একথা সেকথা তাই শুরু করলাম ওর মনটা হাল্কা করে দেবার জন্ত । দেশের বর্তমান জটিল পরিস্থিতি থেকে শুরু করে একেবারে আজকের ইলিশ মাছের দর পর্যন্ত আলোচনা হলো । কাটলো অবশ্য ঘণ্টাখানেক, কিন্তু দেখলাম, ইলিশ মাছের ঝোল, ঝাল, ভাজা, তেঁতুল সহযোগে পাতলা টক্, এমন কি, সরষে-কাঁচালঙ্কা দিয়ে ভাতের মধ্যে ভাপে রান্নার সরস উপাখ্যানেও যতীন দারোগার মুখে হাসি ফোটানো সম্ভব হলো না ।.....

বইগুলো সে নিয়ে যাবেই ।

রবীন এসে জানালো : স্মার, বেলা বারোটা বাজে ।

এঁয়া,—চমকে উঠলেন দারোগাবাবু : বল কি ? তাহলে এক কাজ কর । তোমার নৌকায় সিপাইদের নিয়ে চলে যাও তুমি । আমি পরে আসছি, বলো বড়বাবুকে ।

রবীন স্ট্রালুট করে বেরিয়ে গেল। ওদের নৌকো চলে গেল। রইলো গোটাচারেক মাঝা আর ছোটো পুলিশ আর যতীন দারোগা। তমিজদী একটু আড়ালে গেল বিড়ি খেতে। আমার দলবল নিয়ে এ কটা লোককে সায়ন্তা করা কিন্তু আমার কাছে কঠিন কাজ নয়। বইগুলো ছিনিয়ে নিয়ে একবার জলে ফেলে দিতে পারলেই তো কেলা ফতে। বর্ষার শ্রোতে কোথায় তলিয়ে যাবে হৃদিসই তার পাওয়া যাবে না। কিন্তু গায়ের জোর সর্বত্র সমানভাবে নির্বিচারে প্রযোজ্য নয়। কোনো কোনো সময় কজির চাইতে মগজের শক্তি বেশী কার্যকরী দেখা যায় ! এ ক্ষেত্রেও মগজ চালানোই প্রশস্ত মনে হলো। অবশ্য দেখলাম, প্রতিপক্ষও আজ অত্যন্ত সতর্ক ও সজাগ।

তথাপি কালবিলম্ব না করে আসরে নেমে পড়লাম বুদ্ধির ক্ষুরধার তলোয়ার নিয়ে। সে তলোয়ারের তীক্ষ্ণ ফলায় যতীন দারোগার ম্যাজিনো লাইনের কংক্রিট কচু কাটবার মতো কেটে ফেলতে লাগলাম। সহস্র রকম যুক্তিপূর্ণ কথার পদাতিক সেনা ছড়িয়ে দিলাম পিপীলিকার মতো। দারোগার গান্ধীর্ষ্যপূর্ণ কচিৎ জবাবের কামানের অবিশ্রাম গোলার আঘাতে তারা দলে দলে ছিন্নভিন্ন হয়ে গেলেও রক্তবোজের ঝাড় এগিয়ে চললো, যেমন করে দ্বিতীয় রণাঙ্গন সৃষ্টির নেশায় জার্মান গুলী-গোলা অগ্রাহ্য করে ফ্রান্সের উপকূলে অবতরণ করে এগিয়ে চলেছিল ইঙ্গ-মার্কিন সেনাদল।

আসল প্রশ্ন এড়িয়ে অবাস্তব ও অপ্রাসঙ্গিক কথার হালুকা অবতারণায় যোগ দাব না বলে শপথ গ্রহণ করে দারোগা মুখ ফিরিয়ে বসে থাকলেও আমার সাঁড়াশি অভিযানের সম্মুখে তাঁর নির্লিপ্ততা কতক্ষণ টিকে থাকতে পারবে ? তাই ঘণ্টাধানেক প্রতিরোধের পর যতীন দারোগা পৃষ্ঠপ্রদর্শনে বাধ্য হলেন, ডানকার্কের পুনরাবৃত্তি হলো !.....

আমার কষুর্কষ্ট যুক্তির অগ্নিদ্রাব ছড়িয়ে তখন ধাওয়া করে চলেছে পলায়মান শত্রুকে : এতে আপনার ব্যক্তিগত লাভ কী হবে, সত্যি করে বলুন তো ? ওপরওয়ালার কাছ থেকে হ'এক লাইন প্রশংসা-বাণী ব্যতীত আর কী পাবেন ? ওতে পেট ভরবে কি ? স্ত্রী পুত্র নিয়ে আপনিও তো বাস করেন, মিষ্টি কথার চাইতে ছোটো টাকার মূল্য আপনার কাছে বেশী নয় কি ?...আর এ একেবারে ছোটো নয়, পুরো একশো টাকার কথা বলছি। কাল সকালে গিয়ে আমি একটি একটি করে দশখানা নোট গুণে দিয়ে আসবো আপনার বাড়ীতে।...যতীনবাবু,

আমরা যে কাজে আত্মোৎসর্গ করেছি, সে কাজ তো সমগ্র দেশের, আপনারও। দেশ স্বাধীন হলে শাস্তি পাবেন আপনি নিজেও। প্রকৃষ্টভাবে আমাদের সাহায্য করতে পারেন না সরকারী চাকরি করেন বলে, তা স্বীকার করি। কিন্তু এমনভাবে যদি কিছু করা যায়, যাতে আমাদের যেমন সাহায্য হয়, তেমনি আপনিও না ধরা পড়ে যান, তাহলে কেন তা করবেন না আপনি? দেশের নামে স্বদেশী দলের পক্ষ থেকে এই অনুরোধটি কি করতে পারিনে আমি আপনাকে?

হুর্ঘ্যোধনের মতো একেবারে উরু ভেঙ্গে পড়বার পূর্বে যতীন দারোগা বিড়-বিড় করতে লাগলেন : তবুও তো জানেন, honesty of profession বলে একটা জিনিস আছে তো—

এবার একেবারে এ্যাটম বোম নিয়ে আকাশে উঠলাম : Honesty of profession? কার কাছে? এই অত্যাচারী ব্রিটিশের কাছে honesty? ভারত অধিকারের কালো ইতিহাসের কোনো পৃষ্ঠায় আছে কি এদের honestyর কথা? কোথাও দেখিয়েছে কি এরা বিন্দুমাত্র সততা? বেইমান প্রভুর কাছে সাধুতার সার্থকতা আছে কি?—

যতীনবাবু বললেন : কিন্তু ব্যাপার কি জানেন দ্বিজেনবাবু, রবীন জেনে গেছে যে কতকগুলো বই পাওয়া গেছে।

বাধা দিয়ে বললাম : রবীন! ওর সাধ্য হবে এ এস আই হয়ে আপনার মতো একজন senior officer-এর বিরুদ্ধে যাবার?

জানেন না দ্বিজেনবাবু, আমাদের পুলিশ লাইনটাই এমনি হারামির জাত। Boss-এর কানে লাগিয়ে নিজের উপকার কিছু করতে পারুক আর নাই পারুক, পরের অপকার করবার চেষ্টা সব শালাই করে থাকে।

হেসে বললাম : আচ্ছা, তাহলে না হয় ঐ রবীন শালাকেও দোব গোটা পঞ্চাশেক। তাহলে তো আর ভাবনা থাকবে না?

এবারে যতীনবাবুর ভারী ও শক্ত ঠোঁট হু'খানি হালকা ও আলগা হয়ে এল, হু'পাশে থানিকটে প্রসারিত হয়ে পড়লো, থানিকটে ঝাঁকও হয়ে গেল আর তার মধ্য দিয়ে উঁকিঝুঁকি মারলো গোটাচারেক তাড়ুলচর্চিত কালো রংয়ের দাঁতের অগ্রভাগ। যতীনবাবু হাসছেন, রীতিমতো মুচকি মুচকি হাসছেন, অর্থবোধক হাসি তাঁর সারা মুখমণ্ডলে চকচক করছে। বললেন : তা যা বলেছেন দ্বিজেনবাবু,

টাকা পেনে ও শালারা ঢেঁকিও হজম করে ফেলতে দ্বিধা করবে না। এমনি হারামির জাত !

মনে মনে বললাম : আহা, কী আমার ধর্মপুত্রর যুধিষ্ঠির রে ! পঞ্চাশ নিলে যদি হারামির জাত হয়, তাহলে তার ডবল নিলে কী হয় ? কিন্তু, যাকগে—

কাজ হাঁসিল হয়ে গেছে। আমার ফাঁদে গলা বাঁড়িয়ে দিয়েছেন দারোগা-বাবু। ইঁচকা একটি টান মারলেই একেবারে ফাঁসি, ভল্লুক তখন টুমটুমির তালে তালে নাচবে। এবার তাই সিংহাসনত্যাগী ঔরংজেবের অভিনয় শুরু করলাম : না, না, ভেবে দেখুন যতীনবাবু, আপনার বিন্দুমাত্র ক্ষতি হয়, এ ইচ্ছে আমার আদৌ নেই। এ পথে আমরা যখন নেমেছি, তখন সমস্ত ক্ষতি স্বীকার করে নিয়েই এসেছি। কিন্তু তা বলে আপনার ব্যক্তিগত অকল্যাণ আমাদের কাম্য হতে পারে না। ফিরিয়ে নিয়ে যান না বইগুলো, যদি মনে করেন তাই আপনার কর্তব্য। কী আর হবে এর ফলে ? জনকতক ছেলে ধরা পড়বে, রাজবন্দীর সংখ্যা কিছু বেড়ে যাবে আর হয়তো আমার সাজা হয়ে যাবে কয়েক বৎসর!—তা হোক না, এখানে থেকে আমি তো সেই শুভদিনেরই প্রতীক্ষায় আছি, দেশের কাজে আন্দামান, ফাঁসি—

মহা অপরাধীর মতো গল্ গল্ করে উঠলেন যতীন দারোগা : ছিঃ ছিঃ ছিঃ, কী যে বলেন দ্বিজনবাবু ! নিন্, এই নিন্ বইগুলো, আজই সরিয়ে ফেলবেন। রবীনকে আমি ঠিক ম্যানেজ করে নোব। আপনি সকাল ন'টার মধ্যেই সোজা আমার বাসায় গিয়ে উঠবেন। মনে রাখবেন, বাবুদেহ বাড়ী ঘুরে পশ্চিম দিক দিয়ে যাবেন, খানার কেউ যেন না দেখে।

বইগুলো নিয়ে ছইয়ের বাইরে আসতে যতীন দারোগা আবার বললেন : রবীন—তা পনরোখানা নোটই নিয়ে যাবেন দ্বিজনবাবু, কেমন ? সাপের জাতকে বিশ্বাস নেই মশাই ! আর আমার ওখানে আপনার চা খাবার নেমন্তন্ন রইলো, বুঝলেন ?

বললাম : চা তো আমি খাইনে।

খান না ?

না, কারণ আপনি নিজে আজ আমার এখানে চা খেলেন না।

হা হা করে পাগলের মতো ছেসে উঠলেন যতীন দারোগা, বললেন : খাবো,

যাবো। শুধু চা কেন, একেবারে পেট ভরে খেয়ে যাবো একদিন। আরে মশাই, তাও কি নিশ্চিন্তে পারবার যো আছে? ঐ আই বি শালাদের কি মশাই, কাণ্ডাকাণ্ড জ্ঞানটুকুও থাকতে নেই? Honesty of professionটুকুও তো রাখতে পারে?

মনে মনে হাসি পেল। চোরাই মাল হাতে পেয়ে দেড়শো টাকার লোভে তা ছেড়ে দিয়ে সাধুতার পরকাঠা দেখালেন উনি। আবার বড়াই হচ্ছে honestyর!

নৌকো ছাড়বার সময় গলুইয়ের ওপর দাঁড়িয়ে প্রতিশ্রুতিটা আর একবার স্মরণ করিয়ে দিলেন : আপনার জ্ঞান আমি প্রতীক্ষায় থাকবো কিন্তু দ্বিভ্রেনবাবু! সকাল ন'টার মধ্যেই—

নৌকো ম্যান্ডারবাড়ীর বাঁকে অদৃশ্য হয়ে যেতেই রঙ্গলাল এসে জানালো : প্রায় ত্রটো বাজে। তাড়াতাড়ি খেয়ে নাও। শেখরনগর যেতে হবে মনে আছে তো?

...কিন্তু পর দিন, তার পর দিন, তারও পর দিন এবং তারও পর পর করে করে অনেক দিনই চলে গেল, আমার নৌকো কোনো সকাল বেলাই আর বাবুদের বাড়ী ঘুরে পশ্চিম দিক দিয়ে গিয়ে চুপি চুপি যতীন দারোগার ঘাটে ভিড়লো না।

বিরহিণী বক্ষপ্রিয়ার প্রতীক্ষা আর শেষ হলো না।

সাত

এমনিভাবে ‘এপ্রিল ফুল’ হবার পর যতীন দারোগা আর আসেননি আমাদের বাড়ীতে। তাঁর মনের উত্তাপ আমার গারে সোজাসুজি এসে না লাগলেও তা টের পেতে দেয়ি হলো না আমার। থানায় হাজিরা দিতে গেলে সবাই কলরব করে আমার সর্ধর্কনা জানালেও যতীনবাবুকে দেখতাম অকস্মাৎ অস্বাভাবিক গম্ভীর, কাগজপত্র ও ফাইলের প্রতি বেশী রকম মনোযোগী খালের ধারে ধানরত বকের মতো। ক্ষুদ্রতম মাছ দেখলেই যে তিনি তৎক্ষণাৎ লম্বা ঠোট নিয়ে ঝাঁপিয়ে পড়বেন তার ওপর, তা বেশ বুঝতে পারলাম। তাই আমাদের সতর্কতা আরো বৃদ্ধি করা হলো। স্কুল থেকে আনা বইগুলো আর প্রকাশে বার করা হতো না, বাজেয়াপ্ত বইয়ের মতো গোপনে চলতো আদানপ্রদান। ওর মধ্যেই বাছাই করে কতকগুলো বাজে বই ফুলদা’কে দিয়ে পাঠিয়ে দেয়া হলো। ইচ্ছাপুরায় ফুলবোদিদের ওখানে। সেখানে সেগুলো একেবারে মাটির নীচে কবর দেয়া হলো। এই গুপ্ত গ্রন্থাগারের সর্বময় কর্তৃত্ব দেয়া হলো রাজদিয়ার মধুসূদন ভট্টাচার্য্যকে। বিপ্লবী দলে একদিন আমিই তাকে নিয়ে এসেছিলাম সত্যি, কিন্তু উত্তরকালে প্রথর বুদ্ধি চালনায়, কর্মক্ষমতার, সংগঠনের দক্ষতার সে আমাদেরও স্তম্ভিত করে ফেলেছে! বেঙ্গল ভলান্টিয়ার্সের বোধহয় একজনও সদস্য নেই, যিনি মধুসূদনকে চেনেন না বা তাব নাম শোনেননি। অতি সাধারণ তার চেহারা, কথা কয় সে অত্যন্ত ধীবে অনুচ্চকণ্ঠে, চলাফেরা একেবারেই বৈশিষ্ট্যহীন, শুধু অদ্ভুত তার হাসি। কঠিনতম সংকটময় মুহূর্তেও তার অধরে দেখেছি অপরিমিত সেই হাসির ঝিলিক। একেবারেই মাটির মানুষ মনে হয়েছে তাকে। রাজদিয়া গ্রামে তাদের বাড়ীকে বলা হতো পণ্ডিতবাড়ী। দাদা ব্রজেন্দ্রদাস কাব্যতীর্থ রাজদিয়া হাই স্কুলের পণ্ডিত। সম্মানিত ব্যক্তি, স্বল্পভাষী ও যুক্তিবাদী। স্কুলের আয়ের ওপব সম্পূর্ণ নির্ভর করা চলে না বলেই বাড়ীতে তাঁর একটি প্রেস, নাম হরিদাস প্রেস। সাংসারিক ব্যক্তি হলেও ধর্মভীরু এবং স্বভাবতঃই স্নেহশীল।

মধু দাদার এই স্নেহশীলতার সুযোগ নিয়ে কী যে কাণ্ডকারখানা কবেছে, বাইরের লোক তার কতটুকু লংবাদ রাখে! ঐ হরিদাস প্রেসে কত যে বিপ্লবী

ইস্তাহার ছাপানো হবেছে, কত যে পলাতক রাজনৈতিক আসামী মধুদের বাড়ীতে রাজ্বেই সবক্কে সাঝানো এক খালা খাবার পেয়েছেন এবং পেয়েছেন রাজ্বেপানের মতো বিছানা ও মশারি, আই বি ঘুণাকরেও টের পারনি তা। অত্যন্ত স্তম্ভভাবে আঁকোঁ হাঁকডাক না করে নীরবে সমস্ত কাজ পরিচালনা করতো ঐ মধুসূদন ভট্টাচার্য্য। তন্ত্বরের সুবোধ চক্রবর্তীর মতোই মধুও বহু ছেলেকে এবং গোটা-কতক মেয়েকেও দীক্ষা দিয়ে নিয়ে এসেছিল আমাদের দলে।

অনেক কাল ছাড়াছাড়ির পর ১৯৪৪ সালে সিকিউরিটি বন্দী হিসেবে রাজসাহী জেলে গিয়ে আবার সুনলাম মধুসূদন ভট্টাচার্য্যের অদ্ভুত গুণপনার ইতিবৃত্ত। সুনলাম, জেলের সিপাইগুলোকে সে একেবারে বশীভূত করে ফেলেছিল। বাইরে থেকে আসতো জাতীয়তাবাদী নানারকম বই, দলীয় জরুরী পত্র এবং ভেতরের সব সংবাদ বাইরে যথাস্থানে নিরাপদে গিয়ে পৌছে যেত এই মধুরই সূচত্বর ব্যবস্থাপনায়। অসংখ্য দল ও উপদল এবং তাঁদের মধ্যে পারস্পরিক মতানৈক্য প্রবল থাকলেও অবিসংবাদিত প্রশংসা সুনতে পেলাম আমার বন্ধু মধুর। আমি জলপাইগুড়ি জেল থেকে রাজসাহী জেলে স্থানান্তরিত হয়ে আসবার ক’দিন পূর্বেই মধুকে নিয়ে যাওয়া হয়েছিল বক্স। দুর্গে। তাই দেখা হলো না।

কিন্তু ভারী আনন্দ পেলাম। বর্ণের সঙ্গে পরিচয় যার একদিন আমিই করিয়ে দিয়েছিলাম, আর একদিন সে যখন সর্বশাস্ত্রবিশারদ হয়ে প্রস্তুতিত হয়ে উঠলো। সহস্রদল যুগলের মতো, তখন ছনিয়ায় সবার চাইতে বেশী তৃপ্তি পেলাম আমি নিজে। এই শিক্ষকতায় যে কী আনন্দ, তা তাঁরাই শুধু জানেন, হারা এমনি শিক্ষকতা করেছেন।

কুটবুদ্ধি ভীষণ গুরু দ্রোণাচার্য্যের মতো শিষ্য একলব্যের বুদ্ধাঙ্কুর্ভ উপঢোকন চাইবার শোচনীয়তম মুহূর্ত এতে দেখা দেওয়া দূরে থাক্, এতে আছে সৃষ্টির আনন্দ, ছাত্রের কাছে পরাজয়ের অনন্তভূত শাস্তি, অগ্রবর্তী শিষ্যের উপর্যুপরি বিজয়ে রোমাঞ্চকর তৃপ্তি!

কলকাতা এসেও মধু বিপজ্জনক অনেক কাজ করেছে। এক সময় মাসিক পত্রিকা ‘বেণু’ প্রতাপ চাটার্জী লেনের যে ‘বঙ্গলেখা’ প্রেস থেকে ছাপানো হতো, মধুই তার তত্ত্বাবধান করতো দারুণ ঝুঁকি নিয়ে। অনেক গোপনীয় ইস্তাহার সে প্রেস থেকে ছাপানো হয়েছে। অনেক গোপন বৈঠক বসেছে সে প্রেসের

কার্য্যাধ্যক্ষের কক্ষে। বেঙ্গল ভলান্টিয়ার্সের বৈপ্লবিক প্রচেষ্টার মধুমুদন ভট্টাচার্য্যের দান অনস্বীকার্য্য।

১৯৩৪ সাল শেষ হয়ে গেল। মনে পড়লো, একটি একটি করে বন্দিজীবনের দীর্ঘ চারটি বৎসর যেমন কাটালাম, তেমনি বয়সও এসে পৌছোলো। পাঁচশের কোঠায়। ধীরেনদাস'র উৎকট উৎসাহে বহরমপুর বন্দীশিবিরে থাকাকালীন আই এ পরীক্ষা দিয়ে পাস করেছি বটে, কিন্তু তারপর বি এ-র বইগুলো আর কিছুতেই ছুঁতে পারিনি। বাইবে এলে যে আমাদের পক্ষে আর পড়াশুনার সময় পাওয়া কঠিন, সে কথা অক্ষরে অক্ষরে সত্য। এরপর অবশ্য বি কম পরীক্ষা দিয়েছি এবং পাসও করেছি। কিন্তু সে-ও রাজসাহী সেনট্রাল জেলে সিকিউরিটি বন্দিজীবন যাপনের সময় ১৯৪৫ সালে।

১৯৪৫ সালের কথা যখন এসেই পড়লো, তখন রাজসাহী সেনট্রাল জেলে থাকাকালীন একটি মজার ঘটনা না বলে পারছি না।

পূর্বেই বলেছি, ১৯৪৪ সালে মেটেলীতে যখন আমি একটি ব্যাক্সের ম্যানেজার, জলপাইগুড়ির আই বি পুলিশ তখন আমায় গ্রেপ্তার করে এবং আই বি ইনসপেক্টর রহমান আসেন গ্রেপ্তারী পরোয়ানা নিয়ে। মাস তিনেক জলপাইগুড়ি জেলে কাটাবার পর নাই রাজসাহীতে।

১৯৪৫ সালের জুন মাসে একদিন বিকেলে জেল সুপার এ সি দত্ত আমায় অফিসে ডেকে পাঠান। বগুড়ার জনৈক প্রথম শ্রেণীর ম্যাজিস্ট্রেট আমার নামে সরকার পক্ষের সাক্ষী হিসেবে সমন পাঠিয়েছেন এবং হুকুম করেছেন ২৮শে জুন বেলা দশ ঘটিকার তাঁর আদালতে উপস্থিত হতে। উপস্থিত না হলে আইন অনুসারে আমার বিরুদ্ধে যে ব্যবস্থা অবলম্বন করবেন, সমন-পত্রে ছাপার অক্ষরে তা-ও লেখা আছে।

দত্ত বললেন : একথানা সই করে দিন, আর-একথানা আপনি নিন।

জিজ্ঞেস করলাম : তারপর ?

তারপর আর কি ? যাবেন কি করে ? ও সময়ের কোনো মূল্য নেই। বেশ মুকুবি চালে মন্তব্য করলেন দত্ত মহাশয়।

মনে মনে হাসলাম। চারথানা দেয়ালের মধ্যে ধীরে আধিপত্য গীমাবদ্ধ,

দেয়ালের বাইরে যে তাঁর মতো বা তাঁর চাইতেও জাঁদরেল আরও কত নবাব আছেন এবং তাঁদের অঙ্গুলিহেলনে যে কত কুরুক্ষেত্র সংঘটিত হতে পারে, সুপার সাহেবের সে সম্বন্ধে কোনো ধারণাই নেই। যাকগে, আমার কি! বললাম : তাহলে একটা কাজ করতে হয়। আদালতের হকুমনামা হাতে পেয়েও যে তা পালন করবার ক্ষমতা আমার নেই, সে কথাটা ম্যাজিস্ট্রেটকে জানিয়ে দিতে হয়। এখনই একখানা দরখাস্ত লিখে দিচ্ছি এইভাবে যে, মহাশয়, আপনার সমন পাইলাম। কিন্তু যেহেতু এক্ষণে আমি রাজসাহী সেনট্রাল জেলে নিরাপত্তা বন্দীরূপে আটক রহিয়াছি এবং যেহেতু জেলের সুপারিনটেনডেন্ট সাহেব আপনার সমন সম্বন্ধে আমাকে বাইতে দিতে নারাজ, সেই হেতু—

দাঁড়ান, দাঁড়ান! বাধা দিলেন দস্ত : আমি যেতে দিতে নারাজ কে বললো?

কেন, আপনিই তো বললেন, ও সমনের কোনো মূল্য নেই। হেসে বললাম : বেশ তো, মূল্য যদি আছেই মনে করেন, তাহলে যেতে দিন, চলে যাই। সরকারের পক্ষে সাক্ষ্য দিয়ে আসি। বন্দীকে সুপারিনটেনডেন্ট সাহেব না ছাড়লে সে যাবে কি করে?

দস্ত কোনো জবাব না দিয়ে সমন-পত্রখানা ভালো করে পরীক্ষা করে দেখতে লাগলেন। না, কোনো ভুল নেই। আমি যে আর মেটেলীতে নেই, বর্তমানে মহামাঝ ব্রিটিশ সরকারের অতিথি হয়ে এই রাজসাহীতে অবস্থান করছি, রগুড়ার ম্যাজিস্ট্রেট তা জানেন। তাই সমন-পত্রে মেটেলীর নয়, রাজসাহীর ঠিকানা লেখা। তবে?

দস্ত সাহেবের মাথা-ভরা টাক। সেই টাকেই হাত দিয়ে কল্পিত চুল টানতে লাগলেন নীরবে। আমি ফাঁড়ন দিলাম : ২৮শে জুন বেলা দশটায় না যেতে পারলে আমার নামে গ্রেপ্তারী ওয়ারেন্ট ইস্যু করা হবে বলে পরিষ্কার বলা হয়েছে। কিন্তু আমি যেতে না পারলে দায়ী হবেন কিন্তু আপনি, সেটা যেন ভুলবেন না।

এমন সময় সাইকেলে এক ভদ্রলোক এসে হাজির। তাঁরও হাতে ওমনি দুই কপি সমন-পত্র। একখানাতে জেলা ম্যাজিস্ট্রেট পুলিশ সুপারকে লিখেছেন আমার এসকোর্টের ব্যবস্থা করতে এবং অপরখানায় সেই নির্দেশেরই কপি পাঠিয়েছেন জেলের সুপারিনটেনডেন্টের কাছে for information and necessary action—

Necessary action ! যেন ভেলে-বেগুনে জলে উঠলেন দত্ত ! কার ওপর, টিক বুঝতে পারা গেল না। বললেন : কি একশন নোব আমি ? সরকারী হুকুমে উনি আছেন এখানে, সরকারী হুকুম দাও, ছেড়ে দিচ্ছি।

ভদ্রলোকটি সহজভাবেই বললেন : ম্যাজিস্ট্রেটের এই মেমোই সরকারী আদেশ স্মার।

মাপ করবেন স্মার। বাধা দিয়ে বললাম : নিরাপত্তা বন্দীরা সরকারের যে স্তরের অতিথি, সেখানে জেলা ম্যাজিস্ট্রেটের হুকুম অচল, যাকে বলে, আলট্রা ভার্স। হোম পলিটিক্যাল বিভাগের হুকুম ছাড়া আমার ছেড়ে দিয়ে মিস্টার দত্ত যদি বুঁকি নিতে চান, নিন, আমি কিন্তু যাবো না। আমার হোস্টের হুকুম কোথায় ? যান না, আপনার ম্যাজিস্ট্রেট সাহেবকে বলুন না গিয়ে আমার নামে একথানা অর্ডার করে দিতে যে, তুমি ২৮শে জুন বগুড়ায় গিয়ে সাক্ষ্য দিয়ে এস। দেখি, আপনার জেলা ম্যাজিস্ট্রেটের ক্যামত।

দত্ত আবার টাকের চুল টানতে লাগলেন। এমনি চুল টেনে টেনেই লোকটা সারা মাথায় টাক সৃষ্টি করেছেন নাকি ?...কিন্তু ব্যাপারটা সত্যিই জটিল। হোম পলিটিক্যালের হুকুমে আমি রয়েছি জেলে। এমন সময় ম্যাজিস্ট্রেটের সমন। হয়তো ধোঁড়াই কেয়ার করা যেত সমনকে যদি না আমি সরকারী সাক্ষী হতাম। কিন্তু সমন অতুয়ারী বন্দীকে বগুড়া যাবার হুকুম কে দেবে ? নিশ্চয়ই হোম পলিটিক্যাল। মাঝখানে জেলা ম্যাজিস্ট্রেট নাক গলাচ্ছেন কেন ? যদি গলিয়েই থাকেন, তাহলে স্পষ্ট করেই বলুন না আমার যে, তুমি বগুড়া যাও ও আবার ঘূবে এস। গুণ্ণুগুণি স্মৃণারকে বলে লাভ কি ? হোম পলিটিক্যাল বলেছে until further order বন্দীকে আটকে রাখতে আর জেলা ম্যাজিস্ট্রেট বলছেন বগুড়া পাঠাতে। এখন শ্রাম রাখি, কি কুল রাখি ?... টাকে একগাছিও চুল না পেয়ে দত্ত বোধহয় টাকের চামড়াই টানতে লাগলেন।

এমন সময় সাইকেল রিকসার নামলেন আর একজন ভদ্রলোক। এসেই পরিচয় দিলেন, তিনি আই বি ইনসপেক্টর। সঙ্গে করে নিয়ে এসেছেন যথাবিধি ও যথারীতি হোম পলিটিক্যাল বিভাগের অর্ডার। আমার পরিচয় পেয়ে একখানার আমার স্বাক্ষর করিয়ে নিলেন, অপরখানা আমার দিয়ে গেলেন। তৃতীয় একখানা দিয়ে গেলেন দত্ত সাহেবকে।

আই বি ও সেই ভদ্রলোক চলে যেতেই স্বস্তির নিঃশ্বাস ফেললেন দত্ত :

রেডি হয়ে থাকবেন। কাল সকাল দশটার আপনার ট্রেন। বগুড়া সাব-জেলে আমি একটা message পাঠিয়ে দিচ্ছি।

জিজ্ঞেস করলাম : সাব-জেলে কেন ?

সাব-জেলেই তো নিয়ে যাবে আপনাকে, দত্ত জবাব দিলেন : কাল রাতটা সেখানে থেকে পরশু যাবেন কোর্টে।

মাপ করবেন, তৎক্ষণাৎ বাধা দিলাম : সরকারী ছকুমনামায় আমার এখান থেকে বগুড়ার আদালতে যেতে বলেছে ও তারপর আবার আপনার এতিমখানায় ফিরে আসতে বলেছে। ওসব সাব-জেল টাব-জেলের নামগন্ধ নেই এতে।

আবার দত্তের মুকুব্বীয়ানা দেখা দিল : কিন্তু রাত্রে তো আর আপনাকে বাইরে কোথাও থাকতে দেয়া যেতে পারে না।

বললাম : সেজ্ঞ যদি আপনার মাথা গরম হয়ে থাকে, তাহলে দিন না, একখানা অর্ডার দিন না আমার যে, কাল রাতে আমার সাব-জেলে থাকতে হবে।

এ্যা! আবার টাকে হাত দিলেন দত্ত : আমি অর্ডার দোব কি!

আর বুদ্ধিতে কুল পেলেন না, ডাকলেন জেলারকে। জেলার বললেন : কথাটা ঠিকই। সাব-জেলে যেতে উনি বাধ্য নন। গভর্নমেন্ট বলেছে গুঁকে সাক্ষ্য দিয়ে আসতে। সাব-জেলে পাঠাতে হলে গভর্নমেন্ট-অর্ডার আসতো। আমরা কি করে সেখানে পাঠাবো?

বাস, আবার জটিল প্রশ্ন। নাঃ, দত্তের টাকের চামড়া বুঝি আর থাকে না!.....

পরদিন সকালে এসকোর্ট পাটি এলে তাদের কমান্ড সার্টিফিকেটেও দেখা গেল লেখা রয়েছে to escort him to the Court and back to jail আর মুখে বলে দেয়া হয়েছে যে, এসকোর্ট পাটি রীতি অনুযায়ী আমার ঠিক এসকোর্ট করবে না, শুধু ফলো করবে। কারণ, আমার এই বাওরা-আসা কোনো ট্রান্সফার নয়। অতএব—

অতএব ২৭শে জুন সকাল দশটার ট্রেনের একটি ইন্টার ক্লাস কামরায় আমি দিবি উঠে বসলাম এবং বগুড়ার উদ্দেশে রওনা হলাম মেটেলীর ব্যাঙ্কের ম্যানেজাররূপে। ম্যানেজারের কথাটা বললাম এজ্ঞ যে, আমার ব্যাঙ্কে একটি জাল চেক ভান্জাতে চেষ্টা করা হয়। ভান্জানোও হয়ে যায়, কারণ যার এ্যাকাউন্ট

তার স্বাক্ষরের সঙ্গে অফিসে রেকর্ড-করা স্বাক্ষরের ছব্বছ মিল ছিল। জালিয়াৎ তার পরে ধরা পড়ে বগুড়ায়। তাই সেখানে সেই চেক জালের মামলা শুরু হয়েছে, আমি যাচ্ছি সাক্ষ্য দিতে ব্যাক্সের ম্যানেজাররূপে।

আমায় ফলো করবার তার যাদের ওপর চুক্তি, তারা হলো দু'জন সশস্ত্র হিন্দুস্থানী সিপাই আর একজন আই বি-র এ এস আই। প্রথম সন্ধ্যাধনেই এ এস আই যখন আমার চাইতে অন্ততঃ বছর দশেকের বড় হয়েও আমার 'দাদা' বলে ফেললো, তখনই বুঝলাম এর মাথায় শুধু কাঁঠাল ভেঙ্গে খাওয়া কেন, এর পুরো মাথাটাই চর্ষণ করে ফেলা মোটেই কঠিন হবে না। পরিকার বুঝিয়ে দিলাম যে, আমি একজন সরকারী সাক্ষী এবং সরকারী হুকুমমতো বর্তমানে স্বাধীনভাবে বগুড়ায় যাচ্ছি। ফলো করতে এসে আমার বেশী বাঁটাতে সুরিধে হবে না।

ভাইটি আমার দাদার কথায় তৎক্ষণাৎ তথাস্ত্ব করে মাথা নীচু করলেন। কড়া মেজাজ দেখাবার পর কিন্তু ধীরে ধীরে ব্যারোমিটারের পারাটা নামিয়ে আনতে লাগলাম, দু'এক টুকরো হালকা মস্তব্য বেরিয়ে পড়তে লাগলো এবং এক-আধ বলক মুচকি হাসিও উঁকিঝুকি মারতে লাগলো এবং ঘণ্টা চারেক পর দাদা দ্বিভ্রেন গাঙ্গুলী ও ভাই মন্থ দত্ত একই ছড়া থেকে ভেঙ্গে ভেঙ্গে মর্তমান কদলী ভক্ষণ করতে লাগলো। যেন রাম আর লক্ষণ !.....

সকলোবেলায় বগুড়ায় নেমে কোথায় গিয়ে উঠলাম জানেন? আজ্ঞে না, সাব-জেলো তো নয়ই, কোনো হোটেলে বা কারুর বাড়ীতেও নয়, সোজা একেবারে পুলিশ ক্লাবে। পুলিশ অফিসাবরাই শুধু মফস্বল থেকে এসে দু'দিনের জন্ত সেখানে ওঠেন, সেখানে এসে আস্তানা গাড়লেন নিরাপত্তা বন্দী দ্বিভ্রেন গাঙ্গুলী।

বন্দী হলে কি হবে, তখন আমি সরকারী সাক্ষী। সুতরাং ধমক দিলাম চাকরকে বাথরুমে জল কম আছে বলে, ধমক দিলাম রাঁধুনী ঠাকুরকে রান্না ভালো হয়নি বলে, ধমক দিলাম সিপাই ছটোকে আমার ঘরের মেঝেতে শুতে চাইছিলো বলে, ধমক দিতে হলো লক্ষণ-ভ্রাতা মন্থকেও তার অহেতুক চাকরি হারাবার কথা বার বার বলছে বলে।

সবাইকে ধমকে-ধামকে সচকিত, চমকিত ও আতঙ্কিত করে দিয়ে রাত প্রায় ব্যারোটায় মশারির মধ্যে ঢুকে পড়লাম ও অচিরেই ঘুমিয়ে পড়লাম।

সাক্ষ্য-টাক্ষ্য তেমন কিছু নয়, দশ-পনেরো মিনিটের ব্যাপার। কিন্তু

রাজসাহী থেকে বগুড়া আসা ও যাওয়া এবং শহরে এক রাত্রি যাপনের বাবদ রাহা-খরচ ও ভাড়া বাবদ যা পাওয়া গেল, তা মন্দ নয়। আমি যে ব্যাকের ম্যানেজাররূপে সাক্ষ্য দিতে এসেছি, স্ততরাং মাইনে ও স্ট্যাটাস অনুযায়ী আমি পেলাম রেলের সেকেন্ড ক্লাসে যাতায়াতের ভাড়া এবং এক রাত্রি হণ্টের জন্ত সাড়ে সাত টাকা।

রাস্তায় বেরিয়েই বললাম : মন্থথবাবু, চলুন, বাজারে যাই। বন্ধুরা বলে দিয়েছেন তাঁদের জন্ত কিছু নিয়ে যেতে। চলুন, কিছু আম, লিচু ও কিছু চকোলেট ও লজেন্স কিনে আনি।

ঘাবড়ে গেলেন মন্থথবাবু : বাজারে আর কেন দাদা, এই তো এই রাস্তার ধারেই সব পাবেন, এখান থেকেই কিনে নিন।

আপনি বড় ভীতু, ধর্মকের সুরে বললাম : হাজার বার বলেছি, এমন কিছুই করবো না যাতে আপনার চাকরি নিয়ে গোলমাল হতে পারে, তবুও আপনার ভয়। আরে মশাই, একদিনকা স্মৃত্তানের মতো যখন জেলের বাইরেই আসতে পেরেছি, তখন স্বাধীনতাটা বেশ ভালো করেই উপভোগ করা যাকনা। এতে আপনার ক্ষতি কি?—আবার কবে বাইরে আসতে পারবো, কত বছর পরে, কে জানে! কর্তৃপক্ষ বেশ ভারী করে কথাগুলো উচ্চারণ করে যেন একটা দীর্ঘশ্বাস চেপে রেখেই বিষম্মুখে দৃষ্টিক্ষেপ করলাম ভ্রাতাটির প্রতি! আহা, দাদার সেই করুণ মুখখানি কি ভাইটি সইতে পারে? বললেন মন্থথবাবু : তাহলে চলুন রিকসায় যাই।

তথাস্তু ।.....

সারা বগুড়া শহর চবে ফেললাম। বড় রাস্তা, অলিগলি, কাণা গলি ঘোরা-ঘুরি করে, যেখানে-সেখানে নেমে চা ও মামলেট খেয়ে এক বস্তাবোঝাই আম ও বুড়িবোঝাই লিচু ও কয়েক পাউণ্ড চকোলেট ও লজেন্স কিনে নিয়ে যখন শহরতলীর দিকে রিকসা চালাতে বললাম, তখন বিকেল চারটে বেজে গেছে। মন্থথবাবু কাঁদো কাঁদো হয়ে বললেন : দাদা, ঠিক ছ'টার আমাদের ট্রেন।

বললাম : আজ আর যাবো না। তার চাইতে চলুন ছ'টার শো-তে সিনেমায় যাই।

সিনেমায়! মন্থথবাবু কেঁপে উঠলেন : দাদা, তাহলে আমার চাকরি যাবে। আজ ছ'টার ট্রেনে যদি না যাই—

বলে দেবেন ডেটিনিউ তার শরীর খারাপ লাগছে বলে শুয়ে রইলো, ওদিকে ট্রেনের সময় গেল পার হয়ে। আবার ধমক দিলাম : আপনি মশাই, বড্ড ভীতু। আপনি তো আমার এসকোর্ট করছেন না, শুধু ফলো করছেন। স্ত্রীরাং যা বলি ও করি, শুধু ফলো করে যান। যদি দরকার হয়, না-হয় লিখে দোব আমি যে, মন্থথবাবুর অহরোধ সন্তেও আমি বিকেলের ট্রেনে যাইনি, তাহলেই হবে তো ?

অত্যন্ত নিমরাজী হয়ে মন্থথবাবু আমার সঙ্গে পুলিশ ক্লাবে ফিরে এসে সিপাই হু'জনেকে কি বলে বুঝিয়ে দিলেন যে, আমরা পরদিন সকালের ট্রেনে উঠবো এবং আমরা হু'জনে একটু ঘুরেফিরে রাত ন'টায় ফিরবো। ঠাকুর ও চাকরকেও জানানো হলো ও বকশিশ বাবদ গোটা চারেক টাকা তাঁর হাত দিয়ে পাঠিয়ে দিলাম।

কোন সিনেমায় গিয়েছিলাম, আজ আর মনে নেই। তবে মনে আছে সিনেমাগৃহের পাশেই একটি বড় পুকুর এবং হু'খানা প্রথম শ্রেণীর টিকিট কেটে আমরা হু'জনে সেই পুকুরের ধারে বসে বেশ গল্প করছিলাম। আমার প্রতি মন্থথবাবুর বিশ্বাস গত দেড় দিন মেলামেশার পর বেশ দৃঢ় হয়েছে বোঝা গেল, কারণ সিনেমা শুরু হতে এখনও আধ ঘণ্টা দেরী আছে দেখে তিনি বাজার থেকে গোটাকতক কলাই-করা বাটি ও গেলাস কিনে আনবার প্রস্তাব করলেন। আমিও পুনরায় তাঁকে নির্ভর্য হবার উপদেশ দিয়ে বিদায় দিয়ে সিনেমাগৃহের লাউঞ্চের দিকে অগ্রসর হতেই একেবারে মুখোমুখি রহমান সাহেবের সঙ্গে দেখা হয়ে গেল।

রহমান, মানে, জলপাইগুড়ির সেই আই বি ইনসপেক্টার রহমান। মেটেজীতে আমার যিনি গ্রেপ্তার করেছিলেন। দেখেই অসীম বিস্ময়ে হুই চক্ষু বিস্ফারিত করলেন : আরেঃ, দ্বিজনবাবু, আপনি এখানে ? আপনাকে রিলিজ করে দিয়েছে নাকি ?

পার্টা প্রশ্ন করলাম : আপনি এখানে কেন ?

আমার বাড়ী যে এখানে, জবাব দিলেন রহমান : দশ দিনের ছুটিতে এসেছি, কালই চলে যাবো। তারপর আপনি আমাদের দেশে কেন ?

সিনেমা দেখতে এসেছি। হেসে জবাব দিলাম।

সিনেমা দেখতে ! হাঁ করে চেয়ে রইলেন রহমান। সবই খুলে বললাম

তাকে। রহমানও বললেন যে, মাসিক একশো টাকা এ্যালাউন্সের জন্ত সুপারিশ করেছেন তিনি। তাঁদের খাতার নাম নেই এমনি আমার যখন শুধু কলকাতার রিপোর্টের ওপরই কনফারমন্ড করে দেয়া হলো, তখন আমার এ্যালাউন্স-এর পরিমাণটা বাতে মোটা হয়, সেজন্ত আমার কেস-টা খুব জোরদার করে লিখেছেন তিনি।

অকস্মাৎ দূরে মন্থথবাবুকে দেখা গেল এবং আমার সামনে রহমানকে দেখে তাঁর আত্মারাম খাঁচা-ছাড়া হবার উপক্রম হলো। তিনি এগোবেন, না পেছোবেন বুঝতে না পেরে একেবারে অহল্যার মতো পাথর হয়ে গেলেন!

বোঝা গেল, রাজসাহীর আই বি-র লোক হয়েও জলপাইগুড়ির আই বি রহমানকে উনি চেনেন। কাজের সুবিধার জন্ত বিভিন্ন স্থানের আই বি অফিসার ও কর্মীর মধ্যে যোগসূত্র থাকাই স্বাভাবিক। কিন্তু এক জায়গার আই বি অফিসারের রিপোর্টে যে অপর জায়গার আই বি কর্মচারীর চাকরি নিয়েই বিভ্রাট দেখা দিতে পারে, মন্থথবাবুর ন যথো ন তথ্যে অবস্থা দেখে বেশ অনুমান করতে পারলাম। তাই লক্ষণ-ভ্রাতার জন্ত অবশেষে সরাসরি আসরে নামতে হলো। অভয় দিয়ে হাতের ইশারায় ডাকলাম তাঁকে।

বলির পাঠার মতো কাছে আসতেই রহমানকে জিজ্ঞেস করলাম : এই ভদ্রলোককে চেনেন ?

যথেষ্ট।

বললাম : ইনিই আমার ফলো করে এসেছেন এবং কাল সকালের ট্রেনে ফলো কবে আবার রাজসাহী নিয়ে যাবেন। আমার মতো বিশ্বাসী রাজবন্দীকে এখানে রেখে কিছু সওদা করতে গিয়েছিলেন।—ঐ দেখুন, হাতে কলাই-করা বাটি। এখন ব্যাপারটা কি জানেন রহমান সাহেব—একেবারে আসল কথাতেই এসে পড়লাম : সিনেমার দ্রু'খানা টিকিট কিনেছি। আমাদের সঙ্গে আপনাকেও যেতে হবে।

না, না, এ বই আমি দেখেছি। রহমান আপত্তি জানালেন।

হেসে বললাম : দেখুন রহমান সাহেব, আপনাদের, আই বি-দের বিশ্বাস করা কঠিন। কে জানে, হয়তো জলপাইগুড়িতে ফিরে গিয়েই সোজা কর্তার নামে একখানা কনফিডেনসিয়াল ছেড়ে দিলেন শীলমোহর করা খামে—বগুড়ায়

দেখিলাম সিকিউরিটি থ্রিজনায় দ্বিজন গাঙ্গুলী ও রাজসাহীর এ এল আই মন্থন দত্ত একসঙ্গে সিনেমা দেখিতেছে।—ব্যস, চাকরিটি খোয়ালেন ইনি।

কি যে বলছেন, বাধা দিলেন রহমান : গায়ে পড়ে ওমনি চুকলি করা আমার স্বভাব নয়।

তা জানি, তৎক্ষণাৎ যেনে নিলাম : তবু আমার অল্পরোধে বিশেষ এই চাকুরে ভ্রমলোকের নিশ্চিততার জন্য আপনাকে আমাদের সঙ্গে সিনেমার যেতে হবে। নিজেও সিনেমা দেখে, শুধু উনি আর আমি দেখেছি, এমনি কথা কিছুতেই বলবেন না আপনি, এ বিশ্বাস আছে।

রহমান হেসে ফেললেন, তারপর বললেন : আচ্ছা বেশ, আপনার অল্পরোধে বসবো আপনাদের সঙ্গে। তবে সত্যিই আমার কাজ আছে, কিছুক্ষণ বসেই চলে যাবো। আর বললাম তো, এ ছবি আমি দেখেছি পরশু দিন।

মন্থনবাবু, আর-একখানা টিকিট—

না, না, আমার টিকিট লাগবে না, বললেন রহমান : আমার এখানে টিকিট লাগে না। রহমান জবাব দিলেন।

তারপর তিনজন গিয়ে সিনেমা গৃহে প্রবেশ করলাম। হু'জন আই বি-র লোক, একজন ইনসপেক্টর আর একজন এ এস আই এবং সে-যুগের অগ্রতম স্বাধীনতা নিরাপত্তা বন্দী দ্বিজন গাঙ্গুলী। জেল থেকে বেরিয়ে এসে দেড় দিনের এই স্বাধীনতা এমনিভাবে উপভোগ করবার সৌভাগ্য ক'জন রাজবন্দীর হয়েছিল জানি না।

অভিভাবকেরা কিন্তু ভাবলেন, এই অবসরে যদি বিবাহের শৃঙ্খলে আমরা একবার বেঁধে ফেলতে পারেন, তাহলেই তাঁদের মনস্তানমনা সিদ্ধ হবে। পরাক্রান্ত ব্রিটিশ গভর্নমেন্টের আতিথ্যেরও একদিন শেষ আছে, কিন্তু বিবাহের বন্ধন একেবারে অটুট ও অবিনশ্বর !

গোপনে চললো তাঁদের সলা-পরামর্শ, উদ্ভোগ-আয়োজন। গুপ্ত সমিতির বিশিষ্ট সদস্য আমি নিজে, বাঘের ঘরে ঘোগের মতো আমাদেরই ফাঁকি দিয়ে চললো তাঁদের গোপন অভিযান। ধীরে ধীরে একটি দলই পাকিয়ে ফেললেন তাঁরা। মরণি পিলিমা নিয়ে এলেন কয়েকটি মেয়ের সংবাদ, আরও অনেক

শুভাকাঙ্ক্ষী নিয়ে এলেন আরো অনেক মেয়ের সংবাদ অর্থাৎ কেয়টখালী গ্রামের প্রায় সব মেয়ের পক্ষ থেকেই অনিখিত আবেদন-পত্র গোপনে এসে অন্ততঃ একবার করে নিবেদিত হলো মার কাছে।

কিন্তু আমার জানাবে কে? বিবাহ তো করতে হবে আমাকে। সুতরাং আমার তো মেয়েগুলোর ইতিবৃত্ত জানা দরকার। কিন্তু কার স্বক্ষে দশটা মাথা আছে যে, এই সংবাদ আমার কাছে পৌঁছে দেয়?...অনেক ইতস্ততঃ, অনেক সঙ্কোচ ও অনেক দ্বিধার পর সাহসে ভর করে স্বয়ং মা-ই এসে একদিন সন্ধ্যায় হাজির হলেন আমার কক্ষে।

মাকে আমি দুঃখ দিয়েছি অনেক, বোধহয় তার সীমা-পরিসীমা নেই, কিন্তু নিশ্চিতভাবে জানতাম মা-ই আমার ভালবাসেন সবার চাইতে বেশী। অপরেও জানতো। বোধহয় সে জুড়ই মাকেই পাঠানো হলো আমার ঘায়েল করবার জ্ঞ। সব খবরই ছিল আমার নখদর্পণে; তাই মা যেই ভূমিকা শুরু করলেন, আমি আসল প্রসঙ্গে এসে পড়লাম : কিন্তু আমার কে বিয়ে করবে বল! এমনি বোকা মেয়ে এখনো আছে নাকি?

মা বললেন : মেয়ে আছে অনেক, তবে তারা একটিও বোকা নয়। একবার রাজী হয়ে যা দেখি, তার পরের সব ব্যবস্থা আমি করবো'খন।

প্রসঙ্গ হালকা করে ফেলতে চেষ্টা করলাম : নাম দাও তো মেয়েগুলোর, একবার আচ্ছা করে বকুনি দিয়ে আসি। সবাই কি এই কেয়টখালীর, না দূরের মেয়েও আছে?

মা গম্ভীর হলেন : না, শোন, তুই আর আপত্তি করিস না। বিয়ে করবি, এই কথাটা শুধু আমার দে বাবা। আমার শেষ বয়সের এই আকাঙ্ক্ষা পূরণ করতে দে।—বলে মা আমার মাথায় হাত রাখলেন।

বিচলিত বোধ করলাম। হাত ধরে অল্পরোধ জানাবার মতো মা আমার মাথা স্পর্শ করেছেন। শেষ বয়সের আকাঙ্ক্ষা পূরণের কথাটি এমন ধরা গলায় উচ্চারণ করলেন যে, সহসা তার জবাব খুঁজে পেলাম না। বাবার আকাঙ্ক্ষা ছিল আমার ডাক্তারী পড়াবেন, আমার বিলেতে পাঠিয়ে ব্যারিস্টার করে আনবেন, আমার কলেজের প্রিন্সিপ্যাল তৈরী করবেন। মনে আছে, আমি ম্যাট্রিকুলেশন পাস করবার সঙ্গে সঙ্গেই মেজদার কাছ থেকে অনেকগুলো লিখিত হিসাব সংগ্রহ করেছিলেন তিনি, কোন লাইনে পড়াতে কত খরচ, ভর্তির উপায়

কি এবং ভবিষ্যতে কেমন উন্নতি হতে পারে ইত্যাদি। তাঁর একটি আকাঙ্ক্ষাও পূরণ করতে পারিনি। আটবটি বৎসর বয়সে আমার সম্বন্ধে হতাশা নিয়েই চিরবিদায় গ্রহণ করেছেন। বিয়ের প্রস্তাব তাঁর কাছেও বছবার গেছে এবং সে আজ থেকে নয়, আমার বড় ছ'জন দাদার বিয়ে হবার আগে থেকেই। কিন্তু বাবা বেশ ভালো করেই জানতেন তাঁর অবাধ্য ছেলেকে। তাই অনেক সময়ই দোতলায় শুনেতে পেতাম তাঁর ক্ষুব্ধ কণ্ঠ : তা যান না, যান না ঐ দক্ষিণের ঘরে। আগে ওকে রাজী করিয়ে আনুন। মেয়ে-দেখা ও দেনা-পাওনার কথা তার পর হবে। কেউ আর আমার কাছে আসতে সাহস করেনি। বাবাও কোনোদিন ভুলেও বিয়ের কথা ভোলেননি। মার মুখে আমার মনোভাব জানতে পেয়ে ক্ষোভে চূপ করে থাকতেন।.....

আজ এসেছেন মা। শেষ বয়সের আকাঙ্ক্ষা পূরণের দাবী জানাচ্ছেন। না, দাবী নয়, অনুরোধ। মাথার হাত রেখে কাতর অনুরোধ! আত্মীয়েরা, প্রতিবেশীরা, গ্রামবাসীরা সবাই মিলে একই অনুরোধ জানাচ্ছেন, বিয়ে কর, সংসার ধর্ম পালন কর, স্ত্রী ও পুত্রকণ্ঠ দিয়ে পরিবার গড়ে তোল। কিন্তু এঁরা সবাই মিলে কি আমরা হত্যা করতে চান? যে একটিমাত্র পথ জীবনে বেছে নিয়েছি, সে-পথে চলতে গিয়ে পদে পদে দুঃখ দিয়েছি অনেককে। আমার মেধা ও বুদ্ধির ওপর তৈরী করা অনেকের অনেক রঙীন পরিকল্পনার কুতুবমিনার স্থান লুটিয়ে দিয়েছি। শুধু দীর্ঘশ্বাসের কালো মেঘ নয়, অশ্রান্ত অশ্রুবর্ষণে পথ পিচ্ছিল হয়ে উঠেছে। তথাপি—তথাপি এগিয়ে চলেছি আমরা দিনের পর রাত্রি, রাত্রির পর দিন বুকে নিয়ে দুর্জয় সাহস আর অন্তরে নিয়ে অপরিমিত আশা.....আমাদের এই সুকঠিন তপশ্চর্যা অবশেষে কি গৌরী এসে ভেঙ্গে দেবে?

তাই বৃক্তির আশ্রয় নিতে হলো : তুমি বুঝছো না মা, তোমাদেরই শাস্তি দিতে পারলাম না কোনো দিন, এর মধ্যে আবার আর একজনকে কেন টেনে আনতে চাও বলতো! বিয়ে করবার সময় কোথায় আমাদের? আর জোর করে জুটিয়ে দিলেও সে বামেলা পোহাবে কে? সে দায়িত্ব পালনের অবসর কোথায়? বৃথাই আর একটি পরিবারের শাস্তি নষ্ট করা হবে মাত্র।

মা তবু ছাড়তে চাইলেন না : বৌমা তো হবে আমার মেয়ে, আমার হেনার মতো। তোমার আবার ভাবনা কি? দায়িত্ব তোমায় নিতে হবে না কিছু।

কিন্তু শেষ পর্যন্তও আমার সঙ্গে অটল রইলাম আমি, মা ক্ষুব্ধ হয়ে ক্রিয়ে গেলেন। এর পর ১৯৩৭ সালের ডিসেম্বর মাসে যখন সত্যিই বিয়ে করলাম, তখন আর মা বেঁচে নেই। মা শুধু কটোই দেখলেন তাঁর ভাবী পুত্রবধূ, হেনার মতো আর-একটি মেয়েকে আর কাছে আনতে পারলেন না।.....

সে কাহিনী যথাস্থানে বিবৃত করবো।

আট

বিক্রমপুরের প্রায় গ্রামেই একটি করে ড্রামেটিক ক্লাব আছে, যার সদস্যদের পেশা আদৌ নয়, নেশা হচ্ছে প্রতি বছর একবার বা সম্ভব হলে একাধিকবার নাটক অভিনয় করা। কোনো কোনো গ্রামে হয়তো কোনো বড়লোকের পক্ষপুটচ্ছায়ায় এই ক্লাব গড়ে ওঠে ও টিকে থাকে। বড়লোকটিরই চণ্ডীমণ্ডপের বিপরীত দিকে মঞ্চ বাঁধবার উপযোগী করে তোলা একটি টিনের ঘর আছে। সিন্ধুলো গুলিয়ে ওপরে বাঁধা থাকে আর উইংগুলো থাকে মাথার ওপর তোলা। দু'-তিন বাস্তব পোশাক-পরিচ্ছদও আছে, সম্বন্ধে তা রক্ষিত হয় ঐ বড়লোকেরই গৃহে। উনিই ক্লাবের আজীবন সদস্য ও সভাপতি এবং কার্য্যতঃ ডিক্টেটর। কারণ অভিনয়ের যাবতীয় ব্যয় একাই বহন করেন উনি নিজে। আর যে গ্রামের ড্রামেটিক ক্লাব গরীব অর্থাৎ নিজের অস্তিত্বের জন্য যাকে সম্পূর্ণভাবে নির্ভর করতে হয় সদস্য ও পৃষ্ঠপোষকের চাঁদার ওপর, সেখানে প্রায়ই হানা দেওয়া হয় কারুর চণ্ডীমণ্ডপে অথবা সুরিধেমতো কোনো ঘরেই। হয়তো কখনো অস্থায়ীভাবে একখানি একচালা খাড়া করা হয়, আবার অভিনয়ের পর তা ভেঙ্গে ফেলে দেওয়া হয়।

আরো দরিদ্র নাটুকে দল আছে, যাদের সঙ্গতির দৈন্ত ঢাকা পড়ে বাস্তব সদস্যদের সীমাহীন উৎসাহ ও উদ্দীপনার প্রাবল্যে। মঞ্চ বাঁধবার জন্য এরা হয়তো কারুর শোবার ঘরেরই বেড়াগুলো খুলে ফেললো, হয়তো গোটা দুই খুঁটিই খুলে ফেলে দিল এবং গোটাকরেক তক্তাপোশ জুড়ে তৈরী করে বসলো বিরাট রঙ্গমঞ্চ। এরা বাঁশ ও দড়ি থেকে শুরু করে সিন, উইংস, পোশাক-পরিচ্ছদ, গৌফ, দাড়ি ও মেয়েদের চুল—সবই ধার করে নিয়ে আসে বিভিন্ন গ্রাম থেকে।

হুসলমান মাঝিরা নৌকো চালানার লগি ও পাল দিয়ে সানন্দে সাহায্য করে থাকে আর মেয়েরা ইচ্ছার হোক বা অনিচ্ছার হোক—সাহায্য করে থাকেন শাড়ী ও ব্লাউজ দিয়ে।

গ্রামের অভিনয়ের আরো একটা বৈশিষ্ট্য আছে। ভূমিকালিপি নির্ধারিত হয়ে গেলে পাটগুলো লিখে ফেলা হয় এবং সেগুলো বন্টন করা হয় শিল্পীদের মধ্যে। তাঁদের মধ্যে অনেকেই থাকেন বিভিন্ন শহরে কর্মব্যাপদেশে। তাতে কোনোই অসুবিধে হয় না ড্রামেটিক ক্লাবের। কারণ বিদেশে অফিসে কলম চালাবার ফাঁকে ফাঁকে নায়ক বা সহকারী নায়ক যখন রামের পাট মুখস্থ করতে থাকেন, তখন গ্রামে চলতে থাকে পুরোদমে মহলা। সেখানে প্রকৃতি দিয়ে রাম বা লক্ষ্মণ চালানো হয়। এমনিভাবে ঢাকা, কলকাতা, “ময়মনসিংহ বা বরিশালে হয়তো প্রস্তুত হতে থাকেন রাম, লক্ষ্মণ, ভরত ও সীতা। অবশেষে ক্যাজুয়েল লীভ অথবা তাতে সুবিধে না হলে প্রিভিলেজ লীভের সুযোগ নিয়ে একদিন ঢাকা, ফরিদপুর ও বরিশাল থেকে রাম, সীতা ও লক্ষ্মণ এসে পাদপ্রদীপের সম্মুখে আবির্ভূত হন। অভিনয়ের ছ’চারদিন পর আবার এঁরা নিজেদের চাকুরীস্থলে ফিরে যান। এমনি নাটকের নেশা বিক্রমপুরের প্রায় গ্রামেই আছে।

কেসটখালী গ্রামের এই নাটুকে দলের একচ্ছত্র অধিপতি ছিলেন—আজ সম্মানের সঙ্গে স্মরণ করি—ডাঃ উমাচরণ বন্দ্যোপাধ্যায়। ডিসপেনসারি ছিল বটে একটা বনবিহারী বন্দ্যোপাধ্যায়দের বৈঠকখানা ঘরে কিন্তু তার আলমারিগুলো যেমন খালি তেমনি প্রায় সময়ই তার দরজার খুলতে থাকে বড় একটি তাল। ডাক্তারবাবুর জায়গা-জমি যা আছে, তাতেই চলে যায় তাঁর সারা বছর। চিন্তাভাবনা যখন তেমন কিছু নেই এবং অবসর যখন প্রচুর, তখন স্বভাবতঃই গ্রামের নাটুকে দলের সভাপতির আসন পাবার যোগ্যতম ব্যক্তি তিনি। মহলা হতো তাঁরই তত্ত্বাবধানে ও উপস্থিতিতে। একটি হুকো হাতে করে একখানা চেয়ার নিয়ে এক কোণে বসে থাকতেন তিনি সজাগ দৃষ্টি মেলে। কাকুর ফাঁকি দেবার উপায় ছিল না। মহলার নিয়মিত উপস্থিতির জ্ঞাত ডাক্তারবাবুর বানরসেনার একটি অক্ষৌহিণী ছিল। দশ মিনিট দেরি হলেই এরা এসে একেবারে বাড়ীতে হাজির হতো এবং ঘাড়ে চেপে বসে থাকতো যতক্ষণ না শিল্পী-আসামী এসে হাজির হতো মহলা-কক্ষে।

আরো বিষয়ের বিষয় এই যে, পর্যটাল্লিশ বৎসর বয়সে নিজের নাতিদীর্ঘ ও

অপৃষ্ট দেহের সুযোগ নিয়ে ডাক্তারবাবু একেবারে ব্যালাড গার্লের ভূমিকায় নেমে পড়তেন এবং রীতিমতো যৌন-আবেদনময় লাস্ত্র নৃত্যে আবহাওয়া একেবারে সরগরম করে তুলতেন। মাথার চুল বা গালের দাড়ি একগাছিও কালো ছিল না তাঁর, তথাপি অপাঙ্গ দৃষ্টিক্ষেপ ও চটুল নৃত্যে ঐ অঞ্চলে নর্তকী ডাক্তার উমাচরণ বন্দ্যোপাধ্যায়ের সমকক্ষ কেউ ছিল না বলা চলে। সংলাপ উচ্চারণ করা তাঁর অবশ্য একটু শক্ত কাজ ছিল, কারণ পূর্ববঙ্গীয় বিশেষ একটা টান প্রায় প্রতি শব্দেই এত স্পষ্ট হয়ে ধ্বনিত হতো যে, দিল্লীর দরবারে মতি বাদ্লয়ের কথা শুনে বার বারই মনে হতো বুঝি ঢাকা থেকে আমদানী করা হয়েছে তাঁকে। নিজেকে আবার ছিলেন নৃত্যশিক্ষক। ছোট ছোট ছেলেদের রিক্রুট করে মজুমদার বাড়ীর মণ্ডপে এক-দুই-তিন এক-দুই-তিন করে নৃত্য শিক্ষা দিতেন। অভিভাবকরা এতে এতটুকুও আপত্তি করতেন না, কারণ ডাক্তারবাবু নাটক-পাগল হলেও নীতিরক্ষায় তিনি ছিলেন একেবারে পাথরের মতো কঠিন !.....

কেয়টখালী গ্রামের পশ্চিম পাড়ায় আমাদের বাড়ী। গ্রামের নাটুকে দলের একজন বিশিষ্ট সভ্য হয়েও ব্যক্তিগত প্রচেষ্টায় নাটকাভিনয় করবার অধিকার ছিল আমার। প্রত্যেকটি অভিনয়ের পশ্চাতে আমাদের রাজনৈতিক প্রচ্ছন্ন একটা অভিসন্ধি ছিল বলেই এই অধিকার খুব ঘন ঘন প্রয়োগ করতাম আমি, বিশেষ করে স্বর্গহে অন্তরীণ থাকে কালে। ১৯৩৫ সাল পড়তেই আমরা মহলা শুরু করলাম মন্থরায়ের “কারাগার” নাটকের। ভূমিকাগুলো বণ্টন করা হলো এমনি সব ছেলেদের মধ্যে, এক দিকে যেমন তাদের অভিনয়ের যোগ্যতা আছে, তেমনি দলে টানবারও উপযুক্ত তারা। আমাদের বাড়ীতেই মহলা শুরু হলো নিয়মিতভাবে।

সরস্বতী পূজোর রাত্রে অভিনয় হবে ঠিক করা হলো। রাজদিয়ার হরিদাস প্রেস থেকে বাকিতে ছাপিয়ে নিয়ে আসা হলো নিমন্ত্রণ-পত্র ও প্রোগ্রাম। কংসের ভূমিকায় অবতরণ করবো আমি নিজে। আমাদের বাড়ীর পূর্ব দিকে আমাদের শরিকদের পরিত্যক্ত বাড়ীতে মঞ্চ নির্মিত হলো। বহিরদী মুসলমান-পাড়া থেকে অসংখ্য বাঁশ, দড়ি ও নৌকোর পাল এনে দিল। হাঁসাড়ার বান্ধব সম্মিলনী ধার দিলেন সিন ও উইংস। পূর্বেই বলেছি, অভিনয়ে আমার খুব সুনাম

ছিল। তাই শুধু আমাদের গ্রামেই নয়, আশেপাশে অনেকগুলো গ্রামের দর্শকেরা অধীর আগ্রহে প্রতীক্ষা করতে লাগলেন সরস্বতী পুজোর রাজিটির জন্ত।.....

ঠিক অগের দিন। দক্ষিণের কোঠায় সকাল বেলা নর্তকীদের নৃত্যের মহলা শুরু হয়েছে সঙ্গীত পরিচালক রঙ্গলালের পরিচালনায়। শুরু হয়ে গেছে সঙ্গীত :

ফুলবাড়ীতে ফুটলো যে ফুল

খায় মধু তার ফুলটুকি—

রঙ্গলাল নতুন-শেখা বেহালায় ছড় টানছে, আমি বাজাচ্ছি হারমোনিয়াম, রসিক কবিরাজ ঠুক ঠুক করে করতালে ঠোকা দিচ্ছে আর তার ভাই উমেশ বাজাচ্ছে তবলা। ছোট ছোট আঁটটা ছেলে ঘুঙুর বাজিয়ে, কোমর ছলিয়ে, হাতে নানারকম মুদ্রা দেখিয়ে চীৎকার করে গান শুরু করেছে :

ভ্রমর-বঁধু পালিয়ে গেছে

মধুহারার মুখ শুঁকি।

এমন সময় একেবারে এ্যাটম বোমা নিয়ে গট গট করে এসে হাজির হলেন স্বয়ং যতীন দারোগা। সঙ্গে মাত্র একজন পুলিশ। যেন স্কুড স্টেশনে অপেক্ষা করছেন তুফান এক্সপ্লোসের জন্ত। থামবে মাত্র এক মিনিট, তারই মধ্যে উঠে পড়তে হবে। এমনি স্মার্ট!

গড় গড় করে বললেন : I am extremely sorry Dwijen Babu—

বাধা দিলাম : কেন ?

There is a transfer order by the Government—আপনাকে আবার Village internment-এ যেতে হবে, একেবারে মেদিনীপুর, কেশিয়ার্ডী খানায়।

বলেই তিনি দীর্ঘ চার পৃষ্ঠা সম্বলিত একখানা সবকারী হুকুমনামা বার করলেন। ছাপানো ফরম, মাঝে মাঝে ফাঁকগুলো টাইপ করে পূরণ করা। স্বাক্ষর ঝাঁর পেয়েছিলাম, তাঁর নাম—যত দূর মনে পড়ে, গদাধর সিংহ রায়। স্মার জন এ্যাণ্ডারসনের অত্যন্তম সেক্রেটারী।

ভারী খুশী দেখলাম যতীন দারোগাকে। এতদিন পর তাড়াতে পেরেছেন বিক্রমপুর থেকে দ্বিজেন গাঙ্গুলীকে। এবার স্ননিদ্রা হবে তাঁদের। সুখে ঘরকন্না করতে পারবেন। আমি একটু চিন্তিত ছিলাম বৈ কি ! এতগুলো নিমন্ত্রণ-পত্র ছাড়া হয়ে গেছে, স্টেজ বাধা হয়ে গেছে, বিশেষ ধরনের দৃশ্যগুলোর জন্ত বিশেষ

সব জানালা ও দরজা ও কারাগার তৈরি করা হয়েছে মূলি বাঁশের বাতা দিয়ে ফ্রেম করে তাতে রঙীন বা সাদা কাগজ সঁটে। শহর থেকেও ছ'চারজন শিল্পী আসছেন, সঙ্গে আসছেন তাঁদের ছ'চারজন বন্ধু কংসরূপী দ্বিজন গাঙ্গুলীকে দেখতে। সমস্ত আয়োজন শেষ, ঠিক এমনি সময় এসে যতীন দারোগা যেন নিক্ষেপ করলেন হিরোসিমার ওপর এ্যাটম বোমা !...

হারমোনিয়াম বন্ধ হয়ে গেল, বন্ধ হয়ে গেল অত্যাচারী বাঁশের, নর্তকীদের বিদায় করে দেয়া হলো এবং যতীন দারোগা আমার আহবানের অপেক্ষা না রেখেই সোজা ঘরে ঢুকে পড়লেন এবং একখানি চেয়ার দখল করে বসলেন। চোখেমুখে যুদ্ধবিজয়ী সেনাপতির বেপরোয়া ভাব !

হুঃসংবাদ বাতাসের আগে রটে গেল। বিক্ষুব্ধ অন্তর নিয়ে সবাই এসে হাজির হলেন। পাড়ার কাকারা, কাকীমারা, ছেলেরা, মেয়েরা, বছিরদী ও তার সাকরেদের দল, পূব পাড়ার খগেন, অনাথ ও বিপদভঞ্জন—গ্রামের অনেকেই। ধোঁকা কোলে করে দেখলাম রেণুও এসেছে, এসেছে সুহাসিনীও।

সাহসে ভর করে রসিক কবিরাজ জিজ্ঞেস করলো : একদিন পরে গেলে হয় না দারোগাবাবু ? আমাদের নাটকের এমনি আয়োজন—

না, হয় না। সরকারী হুকুম অমান্য করবার সাধ্য আমার নেই।—সংক্ষেপে সেরে দিলেন দারোগাবাবু।

রত্নলাল বললো : কিন্তু সাধারণ নিয়মে বাড়ীতে অন্তরীণ করে রাখবার পর তো ছেড়ে দেওয়া হয়।

তা হয় আমিও জানি। কিন্তু আপনার দাদার ক্ষেত্রে সে নিয়মের ব্যতিক্রম হলো। কারণ আপনার দাদার ব্যাপার সাধারণ নয়, অসাধারণ।—বলে কাষ্ঠ-হাসি হাসতে চেষ্টা করলেন তিনি।

বিপদ যুক্তি দেখালো : কিন্তু সবাইকে নেমন্তন্ন করা হয়ে গেছে যে—

মুহুরি চালে বললেন দারোগাবাবু : তা সরকারী আদেশের কথা বলে সবার কাছে মাপ চেয়ে নেবেন, তাহলেই হবে।

বোঝা গেল, কোনো উপায় নেই। দেখলাম মা একেবারে স্তব্ধ হয়ে দাঁড়িয়ে রয়েছেন সবার সঙ্গে। আমি হেসে বললাম : মা, যাক, কিছুদিনের অজ্ঞ বিয়ের অত্যাচার থেকে বাঁচা যাবে।

মা কোনো কথাই কইলেন না। কী-ইবা আর বলবেন। এত কাল বলে

যেখানে কোনো দিন কোনো কথাই থাকেনি, সেখানে মিছে আর কথা বাড়িয়ে লাভ কি? সন্তানবৎসল মা-বাবার কোনো কথাই, শুনি নি কোনো দিন, বরং সারাটি জীবন আমাদের কথাই জোর করে চাপিয়ে দিয়েছি তাঁদের ওপর!.....

উপায়ান্তর নেই। তাই প্রস্তুত হয়ে নিলাম। বহরমপুর বন্দী শিবিরে থাকতে প্রকাণ্ড একটা চামড়ার ট্রাক কিনেছিলাম, তাতেই সব ভরে ফেললাম। আর পেছনে চেয়ে লাভ নেই, আর মায়া করে কাজ নেই। প্রায় দু'বছর বাড়ীতে কাটালাম। এই দু'বছরে কাজ যা করেছি, তার হিসাব করবে তারাই, যাদের রেখে গেলাম। সারা বিক্রমপুরে যে বীজ ছড়িয়ে গেলাম, আশা করি একদিন সেই বীজ অঙ্কুরিত হবে এবং ফল ধরবে। আমার অল্পপস্থিতি তখন আর অনুভূত হবে না, কারণ পূর্ব-স্বরীদের কাছ থেকে রিলে হয়ে বিপ্লবের ঝাণ্ডা উত্তর-স্বরীদের হাতেই যায়। তাই স্বাধীনতা সংগ্রাম চলে যুগের পর যুগ, শতাব্দীর পর শতাব্দী। এক দল দেহরক্ষার প্রাক্কালে আর-এক দলের হাতে দিয়ে যায় হাতিয়ার। অনির্বাক্য অলিম্পিক বস্তিকার মতো!.....

গরম গরম মাছের ঝোল আর ভাত খেয়ে বাইরে এসে দেখি জনসমাবেশ আরো বেড়ে গেছে ততক্ষণে। প্রায় ভিড় বলা চলে। আমার চামড়ার ট্রাকটা সটান মাথায় তুলে নিয়ে বছরদী বললো : লন, আমি স্ট্রাক্যাসটা থানায় পোছাইয়া দিয়া আসতে আছি।

বললাম : সে কি রে, সে যে প্রায় চার মাইল।

চল্লিশ মাইলেরও ডরাই না কর্তী! আমাগো যা কইরা খুইয়া গেলেন, খোদাই তা জানে।—বোধহয় একটা দীর্ঘশ্বাস ত্যাগ করলো বছরদী।

সর্বাগ্রে মাকেই প্রণাম করবার রীতি হলেও কাকাদেয়, কাকীমাদেয়, বোদি ও পাড়ার দিদিদের সবাইকে প্রণাম করে সবার শেষে মার কাছে গেলাম। মায়ের পায়ে হাত রাখতেই টপ করে এক কৌটা জল আমার কাঁধের ওপর পড়লো। মাথা তুলে আর তাঁর মুখের পানে চাইতে সাহস হলো না। মা কাঁদছেন! হাউমাউ করে কাঁদছেন। কান্নায় একেবারে ভেঙ্গে পড়লেন। ফুলবোদি তাড়াতাড়ি এগিয়ে এসে মাকে জড়িয়ে ধরলেন। তাঁর চোখেও জল।

না, আর দেয়ী করা নয়। আবহাওয়া প্রথমটায় ছিল ফ্রু, তারপর কন্সন, এবার সজল হয়ে উঠেছে। এর পর হয়তো একেবারে অসহ হয়ে উঠবে।

তাই তাড়াতাড়ি ভিড় ঠেলে দক্ষিণ দিকের রাস্তা দিয়ে বাড়ীর নীচে নেমে এলাম। অকস্মাৎ দেখি ম্যান্ডারবাড়ীর নীচে হিজল গাছটার পাশে একান্তে দাঁড়িয়ে রেণু, কোলে খোকা। কথা কইলাম না, বোধহয় কইতে পারলাম না। কিন্তু এগিয়ে গিয়েই মনে হলো পা ছ'থানা ভারী হয়ে গেছে, আর চলছে না। থমকে দাঁড়ালাম। পেছন ফিরে দেখি ছুটি নিষ্পলক কালো চোখ, চোখের সমুদ্রে উদ্বেলিত অতলম্পর্শ মায়ার তরঙ্গ! ছ'পা এসে জিজ্ঞেস করলাম : কিছু বলবে আমায় ?

মুহূর্ত্ত কাল চুপ করে আমার মুখের পানে তাকিয়ে রইলো রেণু পাথরের প্রতিমার মতো, তারপর পাথরের ঠোঁট ডাট থেকে উৎসারিত হলো ছুটি মাত্র কথা : মনে রেখো।

গট্ গট্ করে এগিয়ে চললাম শ্রীনগর থানার উদ্দেশ্যে সম্মুখে ট্রাক মাথায় নিয়ে বহিরদী, আর পশ্চাতে এ্যাটম বোমা যতীন দারোগা।

পশ্চাতের অপেক্ষমান জনতার পানে ফিরে চাইতে পারলাম না।.....

সোদিন ৫ই ফেব্রুয়ারী, ১৯৩৫ সাল।

নয়

নিয়ম হচ্ছে, কোনো রাজবন্দীকে জেলা থেকে স্থানান্তরিত করার সময় জেলার পুলিশ সুপার সাহেবের সমক্ষে তাকে একবার উপস্থিত করা হয়। চেহারা নিরীক্ষণ ও ছ'চারটে কথাবার্তার মধ্য দিয়ে সাহেব বিচার করতে চেষ্টা করেন বন্দিদের যাতাকলের চাপে বন্দীর পূর্ব্বেকার গৌঁ কমেছে কি না এবং কতোখানি কমেছে। আবার যে জেলায় তাকে স্থানান্তরিত করা হলো, সেখানেও অমনি জেলার কর্তা অতিথির সঙ্গে প্রথম সাক্ষাৎ ও পরিচয়ের মধ্য দিয়ে তার গুরুত্ব নির্ধারণের চেষ্টা করেন, কারণ রোগ বুঝে ও তার বিশেষ লক্ষণগুলো দেখে যথাযথ দাওয়াইয়ের ব্যবস্থা যে তাঁকে করতে হবে হোমিওপ্যাথি চিকিৎসকের মতো।

কিন্তু নিয়ম হলেও হামেশাই এর ব্যতিক্রম হয়ে থাকে। হয়তো বন্দীকে জাঁদরেল গোছের জনৈক ইনসপেক্টরের কক্ষেই আনা হলো, চা ও খাবার দিয়ে আদর-আপ্যায়নের কীকো কীকো আলগোছে ছ'একটি প্রশ্ন করা হলো। জবাব পাওয়া গেল, ভাল; আর না পাওয়া গেলেও সুপার সাহেবের ডায়েরীতে কিন্তু স্পষ্ট করে লেখা হয়ে রইলো : *The detenu was produced before me, I had an hour's talk with him and I was convinced that he had not shaken off those abominable views and practices...* সুতরাং আরও কয়েক বছর তাকে আটকে রাখলে ভালো হয়। এমনি সুপারিশ করা সুপারের পক্ষে ভারী সহজ, বিশেষ রাজবন্দীদের বেলায়, যাদের মেয়াদের কোনো নির্দিষ্ট সীমা নেই। ব্রিটিশ গভর্নমেন্ট কাগজে ও কলমে ভারী ছুরস্ত—গলদ ধরবার উপায় নেই।...

ত্রীনগর থানার সহকারী দারোগা রবীন দত্ত সহযোগে রমনার আই বি অফিসে এসে উঠতেই যোগিনীবাবু রবারের মতো একেবারে কলরব করে অভ্যর্থনা জানানলেন বিয়ে বাড়ীর কনের বাপের মতো : আসন্ন দ্বিজেনবাবু ! পথে কোনো কষ্ট হয়নি তো ?—বসুন।

এই মামুলী প্রশ্ন জবাব আশা করে না, তাই যোগিনীবাবু বলে চললেন : ফেব্রুয়ারী হলে কী হবে, বেশ ঠাণ্ডা, কি বলেন ? রবীন, যাও তুমি পোশাক

ছেড়ে হাতমুখ ধোও গে, যাও। আর এখনি দ্বিঞ্জনবাবুর হাতমুখ ধোয়ার বন্দোবস্ত করে দাও।—দ্বিঞ্জনবাবু, সাহেব একটু বেরিয়ে গেছেন। এলেন বলে। আপনাকে যে একটু অপেক্ষা করতে হবে ভাই!—দাদা আমার যেন মহা অপরাধীর মতো কথা কইলেন।

বললাম : তাতে আর কী হয়েছে।

রবীন, চা ও খাবার জলুদি।—বলেই জলুদি বেরিয়ে গেলেন যোগিনীবাবু।

এই দ্বিতীয়বার এলাম ঢাকার আই বি অফিসে। ১৯৩১ সালে প্রথম গ্রেপ্তারের সময় অফিস ছিল আদালতের পেছনে, এবার উঠে এসেছে রমনায়। ছোট দোতলা বাড়ী। পারিবারিক গৃহকে অফিসে রূপান্তরিত করা হয়েছে। সমুখে পিচ-ঢালা রাস্তা, ওপারে প্রকাণ্ড মাঠ। জেলা আই বি-দের কাছে আমি ‘টেরর’ বলেই সর্কদাই ওরা আমার সর্কদায়িত্ব চাপিয়ে দেয় কেন্দ্রীয় আই বি-দের ওপর। তাই আমার ওপর কড়া নজর রাখা ব্যতীত জেলা আই বি অগ্নাঙ্ক ব্যাপারে আমার কেন্দ্রীয় কর্তাদের বন্দী হিসেবে গণ্য করে। জেলার বাইরে একবার পাঠাতে পারলেই এদের দায়িত্ব শেষ হয়ে যাবে। এরা বাঁচবে!

কয়েক মিনিটের মধ্যেই চা ও জলখাবার এসে গেল। সোফায় বসে দিবিয়া তার সদ্যবহার করবার সময় লক্ষ্য রাখলাম সম্মুখের বারান্দার দিকে। যারা যাওয়া-আসা করছে, সবগুলোই স্পাই না-ও হতে পারে, কিন্তু যেভাবেই হোক আমাদের আশ্রয় প্রয়াসকে ব্যর্থ করে দেবার জন্তই যে তারা বদ্ধপরিকর, সে কথা মিথ্যে নয়। তাই তাদের মধ্যে যত বেশী সংখ্যককে চিনে রাখতে পারা যায়, কাজের পক্ষে ততই ভাল।

কিছুক্ষণ পরই বাইরে মোটর এসে থামবার শব্দ পাওয়া গেল এবং সর্কদ্রই যেন একটু চাঞ্চল্যও লক্ষ্য করলাম। বুঝতে দেরি হলো না যে, ওদের সাহেব এসেছেন।

কয়েক মিনিট পরই শব্দবাস্তে ফিরে এলেন যোগিনীবাবু। বললেন : চা খেয়েছেন? আশুন তাহলে দ্বিঞ্জনবাবু! সাহেবের সঙ্গে একবার দেখা করবেন, আশুন।

দোতলায় উঠেই যোগিনীবাবু অকস্মাৎ দাঁড়িয়ে পড়লেন, হেসে প্রশ্ন করলেন : সঙ্গে আবার কিছু নেই তো?—আশুন, নিয়ম রক্ষা করবার জন্ত পকেটগুলো একবার দেখে নিই।

তৎক্ষণাৎ বাধা দিলাম : মাক করবেন যোগিনীবাবু ! আপনাদের সাহেবের সঙ্গে দেখা করবার জ্ঞান আমি লাভায়িত হয়ে উঠিনি, ইচ্ছে প্রকাশ করেছেন আপনারা বা আপনাদের সাহেব নিজে। আপনাদের দেবতার মন্দিরে প্রবেশের পূর্বে দেহতল্লাশী যদি অপরিহার্য্য বিধি হয়ে থাকে, তাহলে এখান থেকেই প্রণাম জানাচ্ছি তাঁকে।—চলুন, নীচে যাই।

মহা বিপদে পড়লেন যোগিনীবাবু : এই তো, আবার হাঙ্গামা করছেন শুধু শুধু। কী হবে ভাই একটুখানি নামকোওয়াস্তে—

সেটা আপনাদের কাছে হতে পারে দাদা ! আমাদের কাছে ওটা অবমাননাকর, নীতির পরিপন্থী। যেখানে নীতির কথা, সেখানে আমরা এক ইঞ্চিও হেলিনে কখনো। হয়তো ভেঙ্গে যাবো, কিন্তু ছুয়ে পড়বো না। বুঝলেন ?

কী বুঝলেন, তা যোগিনীবাবুই জানেন। দেহতল্লাশীর জ্ঞান আর পীড়াপীড়ি করলেন না। গ্র্যাসবি সাহেবের কক্ষের দরজায় পৌছে দিয়ে তিনি বিদায় নিলেন নীরবে।

গ্র্যাসবি সাহেবের সঙ্গে এই আমার প্রথম সাক্ষাৎ। বয়স যে খুব বেশী তা নয়। তবে চোখেমুখে তীক্ষ্ণ বুদ্ধির ছাপ দেখলাম বেশ স্পষ্ট। বড় বড় ছুটি চোখে অন্তর্ভেদী দৃষ্টি। নাকের পাশে ক্ষতের দাগটি এখনও মিলিয়ে যায়নি, যেখানে রিভলভারের গুলী আটকে ছিল। আমি চেয়ারে বসতেই বোধহয় কটিবন্ধ থেকে বা ড্রয়ার থেকে ছুটে রিভলভার বার করে ত্রীমান্ টেবিলের ওপর ছ'হাতের সামনে রাখলো। তারপর চোখ দিয়ে আমার বিধিতে চেষ্টা করে প্রশ্ন করলো : ভারী গুণ্ডগোল শুরু করেছ তুমি।

আকাশ থেকে পড়লাম : কই, না !

ঝুট বাৎ বলছো।—বলে সাহেব মিঠিয়ে মিঠিয়ে বলতে লাগলো : মেদিনীপুরে যারা ম্যাজিস্ট্রেটকে খুন করলো, তারা সব তোমার দলের লোক আছে, তাই না ? I know your party is B. V.—সত্য শুণ্ড, ষতীশ শুহ, স্পতি রায়, ভূপেন রক্ষিত সব তোমার দলের লোক। তাই না ?

আমি চুপ করে রইলাম।

বুহুর্ভ নীরব থেকে গ্র্যাসবি আবার বললো : All right, we shall find out all your activities—এর মধ্যে সবই জানতে পারবো আমরা but in

the meantime you will have to rot in village domicile—আর তোমার ছাড়া পাবার উপায় দেখি না। অন্ততঃ দশ বরষ।

তবুও আমি নীরব।

সাহেব ঘন্টা বাজালো। যোগিনীবাবুর প্রবেশ। ইশারা করতেই আমায় নিয়ে নীচে নামলেন যোগিনীবাবু। আমার escort party এসে গেছে ততক্ষণে। দু'জন সশস্ত্র গাড়োয়ালী সৈন্ত, একজন সহ-দারোগা।

ঢাকা স্টেশনে ট্রেনে আরোহণ করে যাত্রা করলাম নারায়ণগঞ্জ অভিমুখে। নারায়ণগঞ্জে এসে চেপে বসলাম গোয়ালন্দগামী মেল স্টীমারের রিজার্ভ-কর। ইন্টার ক্লাস কামরায়। কিন্তু একটু পরেই সঙ্গী সহ-দারোগার সঙ্গে আমার বেশ এক পশলা বচসা হয়ে গেল।

লোকটার বয়স চল্লিশের নীচে নয়। ভারী অলস ও বদমেজাজী। ইন্টার ক্লাসের লম্বা বেঞ্চিতে লম্বা হয়ে শুয়ে পড়ে ব্যাটা আমায় সতর্ক করে দিলেন যেন আমি কোথাও না যাই।

কেন—প্রশ্ন করলাম।

জবাব দিলেন : সিপাইরা কি আপনার পেছনে পেছনে ঘুরে ঘুরে বেড়াবে ?

বললাম : না ঘুরে বেড়ায়, তারা আপনার মতো লম্বা হয়ে শুয়ে পড়ুক। কিন্তু তাই বলে আমার চলা-ফেরা বন্ধ করে রাখতে হবে আপনাদের আরামের জন্ত এতখানি রাজভক্তি আশা করবেন না।

আপনি যদি নদীতে লাফিয়ে পড়ে সাঁতরে পালান ?

তৎক্ষণাৎ জবাব দিলাম : তা পালাবার সুযোগ পেলে হয়তো সদ্যবহার করবো। কিন্তু আপনার উর্বর মস্তিষ্কে এই বুদ্ধিটা কি আসছে না যে, home internment-এ থেকে যে পালানো না, village internment-এ বদলির বেলায় সে পালাবে ? কেন, সেখানে কি আমায় ফাঁসিতে লটকাতে নিয়ে যাচ্ছেন নাকি ? সেখানে পালাবার সুযোগ পাওয়া যাবে না ?

লোকটা মেজাজ দেখাবার চেষ্টা করলো : আপনার সঙ্গে আমি তর্ক করতে চাইনে, শুধু বলে দিচ্ছি, আপনি অনর্থক স্টীমারে ঘোরাঘুরি করবেন না।

রাগ হলো। গ্র্যাসবিকে ঘোল খাইয়ে এলাম, আর এ কোথাকার টুনটুনি ! বললাম : সে কৈফিয়ত আমি আপনার কাছে দিতে রাজী নই।

তাহলে কিন্তু বাধা দিতে হবে আমায়।

উঠে দাঁড়ালাম, চ্যালেঞ্জ জানালাম : পারেন, বাধা দিন ।

বাধা যে ওরা দিতে পারে এবং বেশ ভালোভাবেই দিতে পারে ও দেবার সময় তার মাত্রাজ্ঞান ওরা বেশ সহজেই হারিয়ে ফেলতে পারে, এ সত্য আমার অজানা ছিল না । কিন্তু যেখানে আত্মসম্মানের প্রশ্ন, সেখানে বিপ্লবীদের কাছে ছুটি মাত্র পথ আছে খোলা—হয় সম্মান অটুট রাখা, নয় তো প্রতিরোধ করা এবং দুর্ভাগ্যক্রমে বিপক্ষ যদি অমিতবিক্রম হয় তাহলে রণক্ষেত্রেই শেষ শয্যা রচনা করা । মধ্যবর্তী পন্থার কোনো সম্ভাবনা নেই, নেই আলোচনা ও আপস-রফার সুযোগ । আত্মসম্মানের প্রশ্ন উঠলে বিপ্লবীরা ক্ষমাহীন নিক্ষিপ্ত শায়কের মতো হয় । সোজা ভেদ করে বেরিয়ে যায়, নইলে প্রতিপক্ষের ইস্পাতের বর্ষে ঠোঁকর খেয়ে টুকরো টুকরো হয়ে ভেঙ্গে পড়ে । ভায়া-মিডিয়ায় সুযোগ নেই সেখানে । হয়তো একটুখানি পাশ কাটালেই বা একটুখানি পাশ দিলেই একটা বড় রকমের সংঘর্ষ এড়ানো যায় । কিন্তু হুঃখের বিষয়, সেখানে কোনো স্ক্যাটেজি নেই, এক পা পেছিয়ে এসে ছ’পা এগিয়ে যাবার tactics নেই ! আত্মসম্মানবোধ সীমাহীন তীব্র বলেই নিজের দেশমাতার সম্মানরক্ষার জন্ত বিপ্লবীরা বিলিয়ে দেয় প্রাণ হেলার ফেলার ঝড়ো হাওয়ার মুখে এক মুঠি ধুলির মতো !.....

গাড়োয়ালী সেনাদের বন্দুক ছুটি যে একেবারে মিলিটারী রাইফেল, বেয়নেটে যে আছে ফুরের ধার এবং সহকারী দারোগার কোটের নীচে যে ঝাঁটা আছে একটি সার্ভিস রিভলভার, এ সত্য আমার অজানা ছিল না । কিন্তু চ্যালেঞ্জের জবাব দেবার সময় রাইফেল বা রিভলভার বিপ্লবীদের কাছে সমানই তুচ্ছ বস্তু ।

তৎক্ষণাৎ বেরিয়ে পড়লাম এবং চলন্ত স্টীমারে যত্র-তত্র ঘুরে বেড়াতে লাগলাম উদ্বেগহীনভাবে । দারোগা তার অগ্রতম সহকারীকে পাঠালো আমার পেছনে ফেউয়ের মতো ।

ফেক্রয়ারী মাস । ঠাণ্ডা একেবারে শেষ হয়ে যায়নি । স্টীমারের একেবারে সম্মুখভাগে দাঁড়িয়ে থাকতে বেশ ভালো লাগে । হু হু করে এগিয়ে চলেছে স্টীমার প্রচণ্ড বেগে ছ’পাশে জলরাশি উৎক্ষিপ্ত করে । বাতাসের বেগে সেই জলরাশির অজস্র ঠাণ্ডা কণা এসে গারে লাগে । মাঝে মাঝে ছ’এক বলক জলও স্টীমারের ওপর উঠে আসে যেন বিক্ষোভ জানাবার জন্তই । কিন্তু পরমুহূর্তেই উত্তত ফণা তাদের নুটিয়ে পড়ে, নিশ্চাপ হয়ে তারা গড়িয়ে পড়ে আবার সেই নদীতে ।

ট্রেনেব মতো ভীরের দিকে তাকিয়ে কিন্তু স্টীমারের গতি নির্ণয় করা যায় না। প্রথমতঃ, ভীর বেশ দূরে, লাইনের ধারে ধারে ঝোপঝাপের মতো নয়। তারপর জলের মধ্যে ঢাকা চালিয়ে এগিয়ে যেতে হয় স্টীমারকে। ট্রেন ছুটে চলে মশ্ণ লাইনের ওপর দিয়ে শুধু বাতাসের বাধা ঠেলে। স্টীম থেকে যে শক্তি সঞ্চারিত হয়ে স্টীমারের প্রপেলার ছ ছ করে ঘুরিয়ে দেয়, সেই শক্তি রেল লাইনের ওপর চলমান কোনো বাষ্পীয় যানে সংযোজিত করলে তার গতিবেগ কতখানি হতে পারে, দাঁড়িয়ে দাঁড়িয়ে নিরর্থক তাই কল্পনা করতে লাগলাম। জলকণা মাঝে মাঝে এসে শরীরে তুষারকণার মতো বিঁধলেও বেশ ভালো লাগছিল এমনি গতিবেগ নিরীক্ষণ করতে।

মনে পড়ে গেল আজ সরস্বতী পূজো। সরস্বতী পূজো আমাদের দেশে আমাদের গ্রামে ঘরে ঘরে হয়ে থাকে। সারাটি বছর একেবারে বই না স্পর্শ করলেও এই দিন ছাত্রছাত্রীরা অকস্মাৎ অতীব ভক্তিভরে বইখাতার ধুলোবালি ঝেড়ে নিয়ে কালির দোয়াতে ছধ পুরে তার মধ্যে কাশদণ্ড দিয়ে তৈরী কলম স্তম্ভে বাণীদেবীর সম্মুখে পরিপাটি করে সাজিয়ে দেয়। তারপর মুখে অঞ্জলির মন্ত্রগুলি উচ্চঃস্বরে উচ্চারণ করলেও মনে মনে বোধহয় নিবেদন করে : হে মা সরস্বতী, সারাটি বছর তো ফাঁকি দিয়ে চলেছি। এবার অন্ততঃ পাস মার্কের ব্যবস্থা করে দাও মা! নইলে বাবা যে আর রক্ষে রাখবেন না!...

সরস্বতী পূজোর দিন বাজার থেকে ইলিশ মাছ আসবেই। ইলিশ সেদিন আর সাধারণ মাছ নয়; সেদিন সে মর্ত্তে আগত স্বর্গের দেবীবিশেষ। একা আসেন না, আসেন জোড়া বেঁধে। বাড়ীতে এসে পৌঁছোবার পূর্বেই এয়োরা স্নান করে পরিচ্ছন্ন হয়ে প্রস্তুত হয়ে থাকেন। প্রাঙ্গণে প্রবেশ করলেই তাঁরা এগিয়ে আসেন হলুধবনি করে। পরিষ্কার করে ধোওয়া একটি কুলোর ওপর তাদের শুইয়ে দিয়ে একখানা ছুরি দিয়ে ধীরে ধীরে আলগোছে আঁশ ছাড়িয়ে ফেলা হয়। যেন ব্যথা না লাগে! তারপর স্নান করানো হয় তাদের কলসীর তোলা শীতল জলে, তারপর এয়োরা ভক্তিভরে পরিয়ে দেন এঁদের কপালে সিঁদুরের টিপ। শূণদীপ জালিয়ে শঙ্খধবনি করে সারি বেঁধে নিয়ে যান একেবারে বাড়ীর প্রধানতম কক্ষে। সেখানে তাঁদের উৎসর্গ করা হয় তীক্ষ্ণধার বঁটির কাছে। শুধু হলুদ আর কাঁচা লঙ্কা দিয়ে রান্না করা সেদিনকার ইলিশ মাছ মনে হয় যেন অমৃত!... এই অমৃত-ইলিশ আজ আর জুটলো না আমার ভাগ্যে। সরস্বতী

পূজো আর সে উপলক্ষে নাট্যকাভিনয়ের আনন্দ এ বছর মাঠেই মারা গেল দেখছি।

চলনদার যদি কুপণ হন, তাহলে রাজবন্দীদের সাধারণ নীতি হচ্ছে একেবারে দিলদরিয়া বনে যাওয়া। বুধা ও বাজে পরসা ব্যয়ই তখন নীতি হয়ে দাঁড়ায়। তাই, দ্বিপ্রহরে আহ্বারের কথা উঠতেই একই সঙ্গে ফার্স্ট ও সেকেন্ড ক্লাসের খাণ্ডের হুকুম ছেড়ে দিলাম অবলীলাক্রমে। দোতলায় পেছন দিকে খাবার ঘর। লম্বা টেবিলের ওপর বিছানো রঙ্গীন রুখ। বারুচির সাদা পোশাক তাড়াতাড়ি পরে নিয়ে স্বয়ং রাঁধুনী মিঞাই এসে গেলেন পরিবেশন করতে। সাদা ধবধবে ভাত, একটির সঙ্গে অপরটির সান্নিধ্য থাকলেও সংযোগ নেই। কিন্তু দেখা গেল ভাগ্য অতি সুপ্রসন্ন, শাক ও মুগের ডালের পরই এসে গেল একেবারে ইলিশ মাছ, ইলিশ মাছের ঝাল। চট্টগ্রামী ঝাল মানে সত্যিকার গলা-জ্বালানো ঝাল। তাতে যেমন অজস্র পেঁয়াজ ও রসুন আছে, তেমনি আছে ‘অষ্ট গুণা লঙ্কা!’ কোণায় হলুদ আর কাঁচালঙ্কার ঝোল আর কোথায় পেঁয়াজ আর রসুনের ছালন্ !

তবুও ধনুবাদ জানালাম মনে মনে খাড়া বিভাগীয় মিঞাদের উদ্দেশ্যে। কারণ সরস্বতী পূজোর দিনটিতে ইচ্ছেয় হোক বা অজানতেই হোক, ইলিশ মাছের ব্যবস্থা করা হয়েছে। সেকেন্ড ক্লাসের খাড়া-সুচী শেষ হয়ে গেলে এল ফার্স্ট ক্লাসের মেহু—মুরগীর কোর্মা।...আহারটি বেশ পরিতোষ সহকারেই শেষ করা গেল।

শিয়ালদহ স্টেশনে নেমে ট্যাক্সিতে সোজা আমার নিরে যাওয়া হলো হাওড়া স্টেশনে। মেদিনীপুরগামী ট্রেন অপেক্ষা করছিল, তার একখানি ইন্টার ক্লাস কামরা জাঁকিয়ে বসলাম আমরা। এতখানি পথ একটিও পরিচিত লোকের সঙ্গে দেখা হয়নি। চেষ্টা করেছিলাম এবং আশাও করেছিলাম। রিভলভার দুটি যে কোথায় রেখে এসেছি, সে সংবাদটি অন্ততঃ যথাসম্ভব সম্বর যথাস্থানে পাঠানো একান্ত আবশ্যক হয়ে পড়েছে। আমার ঘরের কুলুঙ্গিতে যে আর নেই তারা। এই সব নিষিদ্ধ দ্রব্য কখনো একটি স্থানে বেশী দিন জমা রাখা বুদ্ধিমানের কাজ নয়। তাই বৌদিরা এই গুপ্ত স্থানের অস্তিত্ব টের পাওয়ামাত্রই তার আশ্রয়স্থল পরিবর্তন করা হয়েছে। পূর্ব দিকের ভূতের বাড়ীর বেতকোপের মধ্য দিয়ে খুব সতর্কতার সঙ্গে একটি সুড়ঙ্গ কাটা হয়েছে। পরিধি কম, বসে বসে প্রবেশ করতে হয়। প্রায় ত্রিশ গজ সোজা চলে যাবার পর একটি ধূতুরা ফুলের গাছ

আছে। তার গোড়াকার মাটি তুলে ফেললেই গ্রায় আঠারো ইঞ্চি নীচে থেকে বেরুবে একটি গ্লাক্সোর বড় টিন। সেই টিনের মধ্যে ছোট সাইজের দুটি রিভলভার আছে। কেউ জানে না, একা আমি ব্যতীত !.....

মেদিনীপুর শহরে এসে পৌছোলাম, তখন বিকেল হয়ে গেছে। উঠলাম বোধহয় পুলিশ ক্লাবে। ক্লাব মানে বাইরে থেকে বলা উচিত ডাক-বাংলো। তবে এখানে এসে থাকতে পারেন শুধু মফস্বল থেকে শহরে আগত পুলিশ অফিসার ও ঐ বিভাগীয় কর্মচারীরা। খাবার ব্যবস্থা আছে, চার্জ বাজারের চাইতে কম।

মেদিনীপুরের পুলিশ-রুপার তখন ছিলেন সি. উইলী। সেকালের কথা ষাঁদের মনে পড়ে তাঁরাই স্বীকার করবেন যে, ইনি অত্যন্ত কড়া মেজাজী ও মিলিটারী সাহেব নামে খ্যাত ছিলেন। এই সঙ্গুণের জন্তই তাঁর ওপরওয়ালার পরবর্তী কালে তাঁকে বোধহয় একেবারে পুলিশের ইনসপেক্টার জেনারেল অথবা কলকাতায় কেন্দ্রীয় আই বি অফিসে একেবারে ডেপুটি কমিশনার করে পাঠান। ঠিক মনে পড়ছে না। আমার কিন্তু আব উইলীর কাছে যেতে হলো না। নিশ্চয়ই তাঁর ডাইরীতে নির্জলা সত্য কথাটি লেখা হয়ে গেল—The Detenu was produced before me. He said he had his full meals in the journey and had no complain ইত্যাদি।

তারপর আবার ট্রেনে চড়লাম। এবার সঙ্গে এলেন মেদিনীপুর জেলা আই বিব লোক। নামলাম এসে কাঁথি রোড স্টেশনে, সেখান থেকে মাইল আটেক গরুর গাড়ীতে এসে অবশেষে পৌছোলাম কেশিয়াড়ী থানায়। তখন বেলা বারোটা হবে। বড়বাবু থানায় নেই, কোন্ মামলার তদন্তে মফস্বলে গেছেন। অভ্যর্থনা জানানলেন সহকারী দারোগা অবিনাশবাবু। বললেন : আসুন, আসুন। মালপত্রগুলো সব ডেটিনিউবাবুর ঘরে নিয়ে যাও তো, রামভরসা সিং ! চাবি দেখে দেয়ালে আছে মালখানার। এই বেলায় আর আপনার পক্ষে রান্না করা সম্ভব হবে না ডেটিনিউবাবু, আমার এখানেই দুটো ডালভাত—

কী যে বলেন !—বলে মুছ হাস্য করলাম।

দশ

আমার ঘরখানার পরিধি দশ ফুট চওড়া ও দশ ফুট লম্বা হবে। খড়ের ছাউনি, ঝাঁপের দরজা ও জানালা। মাথার ওপর ‘সিলিং’ বলে কিছু নেই, একবারে চালের নীচে বাঁশের কাঠামো দেখা যায়। ছিটে-বেড়ার ওপর মাটি লাগিয়ে সেটা দেয়ালের মতো তৈরী করবার চেষ্টা হয়েছে, জানালার শিকণ্ডলো বাঁশের, মাটির মেঝে। সম্মুখে আবার কয়েক ফুট চওড়া বারান্দা। সম্মুখেই একটি টিউবওয়েল সর্বসাধারণের জন্য। ওপারে আমার রান্নাঘর।

পশ্চিম দিকের জানালার বাইরেই একটি ফুলের বাগান। শোনা গেল, আমার পূর্বেকার রাজবন্দীর নিজের হাতের তৈরী বাগান। সারাটি দিন বাগান নিয়েই পড়ে থাকতেন তিনি। গাছে জল দেবার ব্যবস্থাটি কিন্তু চমৎকার। টিউবওয়েলের জল সরে যাবার ড্রেনটি টেনে নিয়ে বাগানের মধ্যে ছেড়ে দেওয়া হয়েছে এবং সারাটি বাগান ঘুরে সেই জল বেরিয়ে যাচ্ছে বাইরে।

টিউবওয়েলে স্নান সরে নিয়ে এসে তক্তপোশের ওপর বিছানাটা বিছিয়ে নিয়ে বসলাম। দেখা গেল তক্তপোশের দৈর্ঘ্য পাঁচ ফুটের বেশী হবে না। কেন সেটা সাত ফুট হলো না, সে ইতিহাস পরে জানতে পারলাম। ঘরে আছে একখানা টেবিল ও একখানা হাতলহীন চেয়ার। একখানা ধূতি ভাঁজ করে পরিপাটি করে বিছিয়ে দিলাম টেবিলের ওপর টেবিল-ক্লথের মতো। ‘বি’ টাইম-পিস্টা বসিয়ে দিলাম তার ওপর।

একটু পরেই এল খাবার ডাক। অবিনাশবাবুর ওখানে পাশাপাশি খেতে বসে থানার ইতিবৃত্ত মোটামুটি সংগ্রহ করা গেল।

অবিনাশবাবুর চাকরি হয়েছে সুদীর্ঘ পঁচিশ বৎসর। সরাসরি সহকারী দারোগার পদে নিযুক্ত হয়েও কেন তিনি আজও দারোগা পদের জন্য ওপর-ওয়ালার মনোনয়ন পেলেন না এবং কী করে সেদিনকার ছোকরা এল সি-গুলো বর্ষাকালে ব্যাঙের ছাতার মতো চড়চড় করে বেড়ে উঠলো দেখতে দেখতে ও সিনিয়রদের টপকে একেবারে দারোগা, এমন কি, অফিসার-ইন-চার্জ হয়ে বসলো, তারই সক্রিয় কাহিনী বিবৃত করে তিনি বললেন : মুশকিল তো ঐখানেই ঘিঞ্জনবাবু, পুলিশের চাকরি করি বলে ওদের মতো বিবেক তো আর থোয়াতে

পারলাম না আর সেটাই হলো আমাদের মস্ত অপরাধ। এই তো ধরুন না, আমাদের এই ক্ষীরোদবাবুর কথাই। মাস্তুর তো আট বছরের নোকরি। লাল পাগড়ি মাথায় বেঁধেছিঁস তো পুরো পাঁচটি বছর। বন্দুক কাঁধে ঘাস-বিচালি করেছিঁস তো পুরো ছটি বছর! তারপর যেই শুরু হলো সিভিল ডিঅর্বিডিয়েন্স, তখন কর্তারা চোখে দেখলেন সরষে ফুল আর গরু ভেড়া ছাগল সবাইকে রাতারাতি জমাদার করে থানায় থানায় পাঠালেন ভলাটিয়ারদের ডাঙা মেয়ে ঠাঙা করতে।

বলেই অবিনাশবাবু অকস্মাৎ নেপথ্য পানে তাকিয়ে দাঁত মুখ থিঁচিয়ে উঠলেন : কেন, কী হয়েছে তাতে? সত্যি কথা বলবো, তাতে আবার ভয় কীসের? দ্বিভ্রেনবাবু সবে এলেন, এখানকার ব্যাপার-স্তাপার গুঁর সব জানা থাকা ভাল।

বুঝলাম স্ত্রীর আপত্তি আছে। আমার আপত্তি কিন্তু আদৌ নেই। পশ্চিম-বঙ্গীয় পেটেন্ট ঝালবিহীন রান্না যতই বিস্বাদ লাগুক না কেন এবং সেই সঙ্গে অবিনাশবাবুর আত্মপ্রচার যতই বিশ্রী ঠেকুক না কেন, থানার পরিস্থিতি সম্বন্ধে পুঙ্খানুপুঙ্খ সংবাদ সংগ্রহ করাই যে আমার প্রাথমিক কর্তব্য। সে কর্তব্য যত শীঘ্র পালন করা যায়, ততই আমার পক্ষে সুবিধে।

হেসে বললাম : বৌদি বুঝি ভয় পাচ্ছেন?

জবাব দিলেন অবিনাশবাবু : ভয়? ভয় কীসের? আমি ক্ষীরোদেরটা খাই, না পরি? বদমাশকে বদমাশ বলবো না তো কি বলবো রামকৃষ্ণ পরমহংস? শুধুন দ্বিভ্রেনবাবু, বললে হয়তো হাসবেন মনে মনে, কিন্তু সত্যি কথা বলতে কি, আপনাকে দেখেই আমার ভালো লেগেছে। তাই এখানকার সব কথা জানিয়ে আপনাকে সতর্ক করে দেওয়া আমার কর্তব্য।

বলে অবিনাশবাবু আর একবার দৃষ্টিক্ষেপ করে বোধহয় নেপথ্যের নীরব সমর্থন নিয়ে যা বললেন, তার মর্ম্ম এই যে, ক্ষীরোদবাবু মহিষাদল থানায় এ এস আই থাকাকালীন এক সত্যাগ্রহীদের সভায় গুলী চালিয়ে তেরো জনকে আহত ও দু'জনকে নিহত করে এস আইয়ের অফিসিয়েটং পেয়েছে এবং একেবারে থানার কর্তা হয়ে এসেছে এই কেশিয়াড়ীতে। জানা গেল, ক্ষীরোদ অতি বদলোক, মাতাল, ঘুষখোর ও চরিত্রহীন। মফস্বলে গেলেই নিত্য নতুন সাঁওতালী মেয়ে তার চাই-ই। আর এখানে থাকতেও—না, না, তুমি যতই বারণ কর, সব আমি বলবোই। সত্য কথা বলবো, তাতে ভয় কীসের শুনি!

নেপথ্যে চুড়ির আওয়াজ ও শাড়ীর খসখস শোনা গেল এবং একটু পরেই অবিনাশবাবুর স্ত্রী রান্নাঘর থেকে বেরিয়ে আমাদের সম্মুখ দিয়ে বড় ঘরে গিয়ে প্রবেশ করলেন। কণ্ঠস্বর এবার খাটো করে বলতে লাগলেন অবিনাশবাবু : মশাই, ডাকে বৌদি বলে, অর্থাৎ মাতৃস্থানীয়া, যখন-তখন বেড়াতে আসে, হাসি-পরিহাসও করে। আমি তেমন আপত্তি করি না, কারণ আমরা জানি মেয়েরা মায়ের জাত আর বৌদি তো মায়ের তুল্য। বেশ তো, ঠাট্টার সম্পর্ক থেকে থাকে, তা কর না, তাতে কি যায় আসে। কিন্তু মশাই, সেই মাতৃসমা বৌদিকে কিনা আড়ালে পেয়ে বলে, বৌদি, তোমার ফিগারটা কী সুন্দর ! বলুন তো দ্বিঞ্জনবাবু, শুনেছেন কোনো দিন এমন লম্পট দেওরের কথা ? শালার সাতপুরুষের ভাগ্যি যে, আমি সদরে গিয়েছিলাম সে রাত্রে, নইলে জুতিরে শালার মাথা খেঁতলে দিতাম—না, না, ও কি, মাথাটা খান দ্বিঞ্জনবাবু। এ কিন্তু বরফের মাছ নয়, একেবারে জটাধরবাবুর পুকুরের, পাকা রুই যাকে বলে।

তৃপ্ত মনে মাথাটা টেনে নিলাম। প্রথম দিনেই মাত্র কয়েক ঘন্টার মধ্যেই থানার ইতিবৃত্ত সংগ্রহ করার কাজ সুষ্ঠুভাবে সম্পন্ন হলো বলা চলে। দারোগার নিন্দে করতে গিয়ে যে সহকারী দারোগা একেবারে প্রথম সাক্ষাতেই সাঁওতালী মেয়ে ও বৌদির ফিগারের গল্প করে বসতে পারে, তার সম্বন্ধেও আমার প্রাথমিক ধারণাটা বিশেষ ভালো হলো বলতে পারিনে। একে অর্কচাঁদ ব্যতীত সয়ল মাল্লম্ব কিছুতেই বলা যেতে পারে না।.....

কিন্তু সে যাই হোক, দারোগা আর জমাদারের এই কোন্‌দল খুশী মতো কাজে লাগানো যাবে। লিপ্সাকে লেলিয়ে দেয়া, হিংসাকে খাণ্ড দেয়া, অত্যাচারকে প্ররোচনা দেয়া, এরই নাম চাণক্যের রাজনীতি !...

পরদিন সকাল বেলাতেই বহুপ্রতীক্ষিত লম্পট দেওর, দারোগা-পুঙ্খব কীরোদ দস্তের সাক্ষাৎ পাওয়া গেল। অনেক রাতে ফিরেছেন মফস্বলের কাজ শেষ করে, তাই টের পাইনি। নতুন জায়গা প্রদক্ষিণ করবার জন্ত বেরিয়ে বাচ্ছিলাম, দেখি থানার বারান্দায় টেবিলে বসে নিবিষ্ট মনে ডাইরী লিখছেন। যেতে হলো এবং কাছে আসতেই বললেন : বন্ধন। কাজটা সেরে নিই, তারপর কথা বলছি।

সুপুরুষ নিশ্চয়ই বলতে হবে। যেমন ফর্সা রং, তেমনি বলিষ্ঠ দেহ। মাথায় কুক্ষিত কেশ, পুলিশী স্টাইলে ছাঁটা। সব করে কামানো গৌফ। আড়চোখে

দেখলাম, হাতের লেখাটিও স্পন্দর। ছ'পৃষ্ঠার মাঝে কার্বন লাগিয়ে ফাউন্টেন পেন দিয়ে চেপে লিখছেন। লিখতে লিখতেই সিগারেটের টিনটা ঠেলে এগিয়ে দিলেন। বললাম : আমি থাইনে।

কাজ সেরে প্রথম প্রশ্ন হোল তাঁর : আপনি কদিন ধরে ডেটিনিউ হয়ে আছেন ?

জবাব দিলাম : তা—প্রায় সাড়ে তিন বছর হবে।

ঢাকা জেল থেকে আসছেন ?

জেল নয়, ঢাকা জেলা। হোম ইন্টার্ন ছিলাম।

আপনার এরিয়াটা দেখেননি নিশ্চয়ই।—জমাদারবাবু !

শশব্যস্তে বেরিয়ে এলেন জমাদার অবিনাশবাবু ঘর থেকে। নেপথ্যে অজস্র আফালন দেখালেও এখন কিন্তু সাহসী পদক্ষেপ বা নিঃশঙ্ক ভঙ্গিমার আভাস পেলাম না। এতটুকুও, বরং দেখলাম স্পষ্ট এম ও এস-এর একটি নিকৃষ্ট সংস্করণ মাত্র।

ক্ষীরোদবাবু তাঁর দিকে না তাকিয়েই ভুকুম দিলেন : ডেটিনিউবাবুকে তাঁর এরিয়াটা আজই একবার দেখিয়ে দেবেন।

এই এরিয়া নিয়েই প্রথম মতভেদ ও মনোমালিঙ্গ শুরু হলো আমার ক্ষীরোদবাবুর সঙ্গে। কেশিয়াড়ী গ্রামের পূর্ব দিকে যে হাট আছে, সম্ভাহে তা ছ'দিন বসে—সোমবার ও শুক্রবার। ঐ হাটই আমার পূর্ব দিকের সীমারেখা। হাট-বাজারের সুবিধে দিতে হবে বলে ঐ ব্যবস্থা। উত্তর দিকে ঘন জঙ্গল, কাঁটা বাঁশের ঝোপে ভর্তি। সেদিকে দেওয়া হয়েছে একেবারে কেশিয়াড়ী গ্রামের শেষ সীমানা। দক্ষিণেও নলিনী রাউতের মণিহারী দোকানের কথা উল্লেখ আছে। কিন্তু পশ্চিম দিকের সীমানা নিয়েই গোল বেধে গেল। ক্ষীরোদবাবুর মতে ওদিকে জটাধর সেনাপতি মশাইয়ের বাড়ীর উল্লেখ থাকলেও বাড়ীটা সীমানার মধ্যে নয়, বাইরে। অর্থাৎ তাঁর বাড়ীর পূর্ব দিকের সীমানা আমার এরিয়ার পশ্চিম দিকের নিশানা।

বললাম যে, তা হতেই পারে না ; পূর্ব দিকে বা দক্ষিণ দিকে কেশিয়াড়ী হাট বা নলিনী রাউতের দোকান লেখা থাকলে যদি সে ছোটো স্থান আমার এরিয়ার অন্তর্গত হয়, তাহলে পশ্চিমের সীমানা বলে উল্লিখিত জটাধর সেনাপতির গৃহ বাইরে থাকবে কোন্ যুক্তিতে ? হয় সবগুলোই আমার এরিয়ার অন্তর্গত,

নইলে সবগুলোই বাইরে। ক্ষীরোদবাবুর স্থীমতো কোনোটা বাইরে ও কোনোটা ভেতরে হতে পারে না।

বাস্, লেগে গেল দারোগার সঙ্গে। বেদম কথা কাটাকাটি হবার পর কথা বন্ধ। বিকেল পাঁচটায় থানায় গিয়ে তাঁকে দেখেও বেন দেখতে পাইনে আমি। ভেতরে গিয়ে অবিনাশবাবুর টেবিলের পাশে বসি, দু'মিনিট বসে আবার বেরিয়ে যাই।

মনে মনে অবিনাশবাবু ভারী খুশী। যাক্, দারোগা তাহলে পাঁরেনি আমার হাত করতে। তিনি না থাকলে তো বিকেলের চা ও জলখাবার ওখান থেকে আসবেই, দুপুরেও আসবে ছাঁচড়া, মাছের ঝোল, বৌদির হাতের তৈরী গজা ও অণু কিছু। ক্ষীরোদবাবু আবার বড্ড বেশী মফস্বল-প্রিয় ছিলেন এবং একবার গেলেই দু'চারটে রাত বাইরে কাটিয়েই আসতে ভালোবাসতেন। জমাদারবাবুও তাই চাইতেন। কারণ তাহলেই রাত্রে এসে পড়তো আমার নেমন্ত্র দুটো ডালভাতের। কিন্তু দেখা যেত প্রকাণ্ড থালার ঠিক মাঝখানে দুটো ভাত এভারেস্টের মতো পরিপাটি করে সাজিয়ে থালাখানা বেঁটন করে সাজানো একই আকারের বাটি, নানারূপ বাজনে, মাছে ও মাংসতে ভর্তি। খেতে বসে একথা-সেকথার মধ্য দিয়ে কখন এসে পড়তো ক্ষীরোদ-প্রসঙ্গ : বুঝলেন মশাই, এমনি বাটি সাজিয়ে ঐ শালাকেও অনেক দিন গাইয়েছি। আদর কি কম করেছি মশাই, না আপনার বৌদি পর ভেবেছে কখনো? কিন্তু কি করা যাবে, শালা! আদরের কদর বুঝলো কই? আরে, বৌদিকে আমরা জানি মাতৃস্বরূপা; তাঁকে বলিস্ ফিগার সুন্দর—কিন্তু ও কি, তুমি চললে কোথায়? দ্বিজেনবাবু যে তাহলে না খেয়েই পালাবেন। বসো বসো—

কিন্তু বৌদি বসলেন না। নিজের ফিগারের বিশদ আলোচনায় যোগদানের ভিগার বোধহয় আর ছিল না তাঁর। তাই দরজার আড়ালে গিয়ে স্থান নিলেন।

সংবাদ সংগ্রহ করলাম যে, অবিনাশবাবুর ইনি তৃতীয় পক্ষ এবং কতকটা আধুনিক। তাই ক্ষীরোদ ঠাকুরপোর তারিফটাকে তিনি খুব সহজভাবে গ্রহণ করে স্বামীর কাছে উল্লেখ করে একটু আমোদ করতে চেষ্টা করেছিলেন মাত্র। বাস্, তাতেই দাদা একেবারে ফায়ার।...আধুনিক হলেও কিন্তু সূর্যের মুখ দেখবার আর উপায় নেই তাঁর। জমাদারবাবু শ্রুণদৃষ্টী মেলে সর্বদা পাহারা দেন। দু'মাস কেটে গেলেও আমার সঙ্গে তেমন হালকা সম্পর্ক কিছুতেই

স্থাপিত হলো না। ঘোমটাও দিতেন না, কথাও কইতেন, কিন্তু সে কথা বৌদি ও ঠাকুরপোর নয়, পাঞ্জাব মেইলের সেকেণ্ড ক্লাসের যাত্রীর সঙ্গে যাত্রিগীর নীরস ভদ্রতাব্যঞ্জক কথা মাত্র !.....

কিন্তু দারোগা-জমাদারের এই বিরোধ সুবিধেমতো আমার কাজে লাগাতে কসুর করলাম না। দারোগার সঙ্গে মনোমালিগ্ন ভুলে গিয়ে সিনেমার ভিলেইনের মতো এঁর কথা শুঁব কানে এবং ঠঁর কথা এঁর কানে লাগিয়ে কৌশলে এঁদেব কান বেশ ভারী করে তোলা গেল। ফলে দু'জনেই আমার পরম স্তূহাদ ও শুভানুধ্যায়ী মনে করতে লাগলেন পৃথকভাবে। কিন্তু দু'জনেই থানার থাকলে আমি পেছন দিক্কার গেট দিয়ে বেরিয়ে যেতাম, সদরের দিকে ফিরেও চাইতাম না। ক্ষীরোদ দত্তের মুখেই শুনলাম যে, অবিনাশবাবুর জ্বর পরিচয় নাকি রহস্যবৃত, খণ্ডরবাড়ী থেকে কেউ কোনো দিন আসেনি এখানে, বৌদিও কখনো যাবার নামটি করেন না। এমন কি, কোথায় তাঁর খণ্ডরবাড়ী। সে প্রশ্নের কোনো যুক্তিসহ জবাব তিনি দিতে পারেন না। এই রহস্যময়ী নারী অকস্মাত ক্ষীরোদবাবুকে দেবরাধিক আদরআপ্যায়ন করে তাঁকে এত আপনার করে নেন যে, ক্ষীরোদবাবু সত্যিই তাঁকে অবিশ্বাস করতে পারেননি। কিন্তু একদিন সন্ধ্যাবেলা, জমাদারবাবু যখন সদরে গিয়েছিলেন একটা মামলার সাক্ষ্য দিতে, তখন—বলতে বলতে দারোগা কর্তৃক নীচু কবে বললেন : সে ঘটনা আমি কিছুতেই বলতে পারতাম না আপনাকে, দ্বিভ্রমবাবু ! তবে কথাপ্রসঙ্গে এসে গেল বলেই বলছি। আর কাউকে বলবেন না যেন। কেমন আমাব ফিগারটি, বল তো ঠাকুরপো—বলে বৌদি আমার মুখের সামনে এগিয়ে এসে এমনি একটা বিস্তী ভঙ্গী করে দাঁডালো যে—

বাধা দিলাম : থাক্, সে ঘটনা আমার আর শুনে কাজ নেই।

এরিয়া নিয়ে যে মতভেদ, তার মীমাংসা করবার জন্য কড়া দরখাস্ত পাঠিলাম সদরে। যথারীতি তার কোনো জবাব এল না। আমি এবার লিখলাম, জটীধরবাবুর বাড়ীতে আমি যাবোই। এতে আইনভঙ্গ হয়ে থাকলে মামলা কর আমার নামে। তারও জবাব নেই। এদিকে ক্ষীরোদ দারোগা গোপনে পাঁয়তারা কহতে লাগলেন যে, গ্রেপ্তারের হুকুমটা একবার এলেই হয়। এল সি সুধীর সংবাদটা। গোপনে জানিয়ে দিল।

থানার বাইরে একটু দূরেই দাতব্য চিকিৎসালয়। সেখানকার ডাক্তার

রামমোহনবাবু বেশ ভদ্র ও অমায়িক। ডাক্তারী বিদ্যায় তাঁর পারদর্শিতা কতখানি, সে বিচার করবার সুযোগ অবশ্য আমি পাইনি, তথাপি প্রায়ই সকালবেলা সেখানে গিয়ে বসে বসে নানারকম রোগীর সমাগম দেখতাম শুধু সময় কাটাবার জগুই। ডাক্তারবাবু বাস করেন সপরিবারে, কিন্তু কম্পাউণ্ডার বাস করেন একা। স্ত্রী ও একটি মাত্র কন্যা গেছেন বাপের বাড়ীতে অনেক দিন। এত দিনে অবশ্য ফিরে আসা উচিত ছিল, কিন্তু মাইনে যা পান, তাতে করে চালানো দুষ্কর। আর দেশে বৃদ্ধা মায়ের পরিচর্য্যার জগু একজনকে অপরিহার্য্য-ভাবে প্রয়োজন। তাই আঁতুড় ঘর থেকে বেরিয়ে রাস্তার ধকলু সইবার মতো শক্তি অর্জন করতেই বিনোদবাবু স্ত্রীকে পাঠিয়ে দিয়েছেন মায়ের কাছে।

ডাক্তারখানা বন্ধ হয়ে গেলে প্রায়ই বিনোদবাবুর কোয়ার্টারে বসে গল্প করতাম। স্পষ্ট মনে পড়ে আজও বিনোদবাবুর অমায়িক বন্ধুত্বের কথা। অত্যন্ত নিরাহ প্রকৃতির লোক, প্রকৃত সজ্জন ব্যক্তি। যে সব নিরাহ ও নির্লিপ্ত লোক দেখে সাধাবণতঃ করুণার উদ্বেক হয়, বিনোদবাবু তেমনি ক্ষুদ্র নন; এঁকে দেখলেই কেন জানিনে এঁর সঙ্গে ছ'দণ্ড কথা কইতে ইচ্ছে করে হাতের কাজ ফেলে রেখে এবং ছ'চার দিন মেলামেশা করলেই এঁর দরদী অন্তরের কতকটা আভাস পাওয়া যায়।

দেশের কাজের কথা উঠতেই বিনোদবাবু বলেন : কংগ্রেসের আবেদন-নিবেদনে কাজ হবে বলে মনে হয় না আমার। কারণ আর্জিতে যতই যুক্তি দেখাই না কেন তার ফলে Boss কখনো চেয়ার ছেড়ে দিবে চলে যাবেন না। আর যেতে পারেন না যে! আমার দেশের টাকা দিয়ে যার সংসার চলে, ছ'বেলা উম্মনে হাঁড়ি চড়ে, সে কি এমনি আত্মঘাতী উদারতা দেখাতে পারে কখনো? তাহলে আমরাই যে তাকে বোকা বলবো।

সুযোগ পেয়ে গেলাম। মেদিনীপুরে বি ভির শাখা তো স্থাপিত হয়েছে বহু পূর্বেই, যার ফলে পর পর তিনটি সাদা চামড়ার ম্যাজিস্ট্রেটকে ধরাপৃষ্ঠ হতে বিদায় নিতে হয়েছে। তাই মন্ত্র ছড়িয়ে যেতে ক্ষতি কি? শাখার সঙ্গে পরে সংযোগ স্থাপন করে দিলেই চলবে। প্রশ্ন করলাম : তাহলে কোন্ পথটি আপনি সুপারিশ করেন?

বিনোদবাবু উত্তর দিলেন : শুধু সুপারিশ নয় দ্বিঞ্জনবাবু, সে পথ একেবারে অব্যর্থ বলে মনে হয় দ্রোণাচার্য্যের তীরের মতো। কিন্তু তার কথা ভাবতেই

যে আমার বুক কেঁপে ওঠে। বার্ষিকে মারবার সময় আমি ছিলাম শহরে। খেলার মাঠেও গিয়েছিলাম সেদিন বেড়াতে বেড়াতে। সত্যিই কষ্ট হলো বেচারাকে দেখে। একেবারে কুকুরের মতো গুলী খেয়ে পড়ে আছে রাস্তার ধুলোয়!.....তাই ভয় হয় আপনাদের দেখে। জীবনের মায়া একেবারে করেন না।

কিন্তু কার্যতঃ ভয় আদৌ আর রইলো না। কেশিয়াড়ীতে কম্পাউণ্ডার বিনোদবাবুই হয়ে উঠলেন আমার অন্তরঙ্গ বন্ধু। অবিনাশ জমাদার এতে আপত্তি করলেন না। এল সি সুধীরবাবু তো আহ্লাদে আটখানা আর থানার অস্ত্রাস্ত্র সিপাইও একবাক্যে বললো যে, কম্পাউণ্ডারের মতো আদমী এ তল্লাটে আর নেই। শুধু গোপনে সংবাদ পেলাম যে, ক্ষৌবোদ দাবোগার এটা ভালো লাগেনি। গাঁয়ের লোকের সঙ্গে ডেটিনিউ কেন মিশবে এত? ওরা তো কয়েদী!

কিন্তু পূর্বেই বলেছি, দারোগা ও জমাদারের মনোমালিখ আমি কাজে লাগাতে শুরু করলাম। ফলে, মাস চারেক কেটে যেতেই অবস্থা এমন দাঁড়ালো যে, ক্ষৌরোদবাবু একবার মফস্বলে গেলেই বাস্, সারা থানার মালিক তখন হয়ে বসি আমি। দিব্যি সন্ধ্যার পর থানার বারান্দায় বসিয়ে দিই তাসের আড্ডা কিংবা বিনোদবাবুর কোয়ার্টার্সেই রাও কাটিয়ে আসি, নইলে কোনো সিপাইয়ের সাইকেল নিয়ে গ্রামের মেঠো পথে খুলীমতো ঘুবে বেড়াই। ঘুগাঙ্করেও দারোগার কানে যাবার আশঙ্কা নেই আর।

বিনোদবাবুর নামে এনভেলপে বিক্রমপুর থেকে পত্র আসে। তাতে সেখানকার সংবাদ পাই সবই—কীভাবে কাজ চলছে, কোন্ গ্রামে বা স্কুলে চৌপ ফেলতে পারা গেছে, কোনো অসুবিধে হচ্ছে কিনা—আমিও তার জবাব লিখে পাঠিয়ে দিই একেবারে কলকাতায় মতি সাহার সঙ্গে। মতি সাহারই একমাত্র ফলের দোকান কেশিয়াড়ীতে। প্রতি সপ্তাহেই তাকে কলকাতায় যেতে হয় নানারকম ফল কিনে আনতে। বিনোদবাবুর মারফত তাকেও দলে টেনে নেয়া গেল।

এই ১৯৩৫ সালেই স্মার জন এ্যাণ্ডারসনের গভর্নমেন্ট কয়েক হাজার বিপ্লবী কর্মিকে কারাগারে বা অন্তরীণে পাঠিয়ে যখন সদস্তে ঘোষণা করে বেড়াচ্ছিল যে, বাংলা দেশের টেরোরিস্ট মুভমেন্ট তারা শুধু কন্ট্রোলই করেনি, প্রায় ওয়াইপ আউট

করে ফেলবার ব্যবস্থা করেছে, তখন ঘোষণাকারীদের মুখে চুণ-কালি লেপন করে দিয়ে এই ১৯৩৫ সালেই বাংলা দেশে অনেকগুলো বৈপ্লবিক ঘটনা ঘটেছিল। এবং সর্বাপেক্ষা উল্লেখযোগ্য যে, এই বৎসরই চই মে দার্জিলিংয়ের ঘোড়দোড়ের মাঠ লেবং-এ স্বয়ং গভর্নর স্ত্রীর জন এ্যাণ্ডারসনের ওপরই বিপ্লবীর রিভলভার গর্জে উঠেছিল এবং সেই স্বরণীয় অভিযান পরিকল্পনা ও পরিচালনা করেছিলেন বেঙ্গল ভলান্টিয়ার্সের কর্মীবৃন্দ।

লেবং-এর ঘটনার পূর্বে অত্র যে সব ঘটনা ঘটে, তার কিছু কিছু উল্লেখ করছি। যারা এই সব ঘটনার সঙ্গে পরোক্ষ বা প্রত্যক্ষভাবে যুক্ত ছিলেন, তাঁদের মধ্যে ছ'একজন ব্যতীত কারুরই নাম উল্লেখ করলাম না।

জাহ্নারী মাসে বীরভূমে একটি ষড়যন্ত্র মামলা শুরু করা হয়। ফ্রেডারীতে কলকাতার ছ'জন পলাতক রাজবন্দীকে গ্রেপ্তার করা হয়। বীরভূমের একটি পরিণত চালেক কলের মধ্য থেকে একটি পাঁচঘরা রিভলভার ও কয়েকটি তাজা কার্তুজ পাওয়া যায়। বরিশালের ঝালকাঠিতে একটি দোকানে পাওয়া যায় গোটাক তক তাজা বোমা। রংপুরের একজন উকিলের বাড়ী তল্লাশী করে পাওয়া যায় একটি লাইসেন্সবিহীন বন্দুক।

নলডাঙ্গা, কুড়িগ্রাম ও হিলি ডাকাতির মামলার রায় বেরবার পরই মার্চ মাসে রংপুর জেলায় বিপ্লবীদের তৎপরতা একটু বেশী দেখা দেয়। শহরের দেয়ালে দেয়ালে, ল্যাম্প পোস্টে ও গাছের গায়ে বৈপ্লবিক ইস্তাহার আঁটা দেখতে পাওয়া যায়। ১৭ই মার্চ জনকয়েক যুবককে রাস্তার মধ্যে অকস্মাৎ গ্রেপ্তার করে দুটি বন্দুক উদ্ধার করা গেলেও যুবকেরা সবাই পালিয়ে যায়। ১৯শে মার্চ কলকাতার সন্নিকটবর্তী আলমবাজারে জনৈক মহিলার গৃহ তল্লাশী করে পুলিশ হস্তগত করে দুটি অটোমেটিক পিস্তল। বরানগরে একটি গৃহসংলগ্ন বাগানে মাটির নীচে একটি সাবানের বাস্তের মধ্যে পাওয়া যায় একটি রিভলভার, একটি পিস্তল ও অনেকগুলো তাজা কার্তুজ। বরিশালে স্থানীয় কলেজের জনৈক অধ্যাপকের গৃহ ও প্রাঙ্গণ তল্লাশীর ফলে পুলিশ হস্তগত করে অনেকগুলো বোমার খোল, অনেকগুলো তাজা কার্তুজ, দুটো ছোরা, দুটো পিস্তল ও স্ত্রীপুরুত বিপ্লবী ইস্তাহার।

এপ্রিলের প্রথম দিকেই বাগিতে জনৈক জমিদারের গৃহে গ্রেপ্তার হন কলকাতা কর্পোরেশনের কাউন্সিলর পলাতক আসামী বিপিনবিহারী গাঙ্গুলী,

বাংলার দলনির্বিশেষে বিপ্লবীদের কাছে যিনি চিরকালের ‘বিপিনদা’। ১৯৩১ সাল থেকেই তিনি গা ঢাকা দিয়েছিলেন। ১৬ই এপ্রিল ময়মনসিংহ রেলস্টেশনে বিনা টিকিটে ভ্রমণের অপরাধে ছ’জন মুসলমান যুবককে রেলওয়ে পুলিশ গ্রেপ্তার করে। তাদের মালপত্র তল্লাশী করে পাওয়া যায় একটি পাঁচঘরা রিভলভার। সরিষাবাড়ী থানার অন্তর্গত একটি দাতব্য চিকিৎসালয় তল্লাশী করে পুলিশ হস্তগত করে কতকগুলি রিভলভারের কার্তুজ। ২৮শে এপ্রিল তমলুক থেকে আগত জনৈক যুবককে কলকাতার শ্রীশ্রী স্ট্রীটে গ্রেপ্তার করা হয়, তার সঙ্গে ছিল একটি পাঁচঘরা রিভলভার ও কতকগুলো কার্তুজ।

এ ছাড়া আরও অনেকগুলো ছোটখাটো ঘটনার পর এল স্মরণীয় সেই ৮ই মে, ১৯৩৫ সাল।

গ্রীষ্মকাল, বাংলার জ্বরদস্ত গভর্নর স্যার জন এ্যাণ্ডারসন সদলবলে গ্রীষ্মাবাস দার্জিলিং-এ এসেছেন। শহরের নীচে লেবং ঘোড়দোড়ের মাঠ। ৮ই সেখানে ঘোড়দোড় হচ্ছে। এই সময় দার্জিলিং শহরে প্রায়ই ধনী লোকের আমদানী হয়ে থাকে, বিশেষ করে বাংলার রাজা-মহারাজার প্রভুভক্তির পরাকাষ্ঠা প্রদর্শনের জন্য রাজ্যের হাজারো গুরুতর কাজ ফেলে রেখেই ওপরে উঠে আসেন এবং ঘোরাফেরা করেন বিলিতি গভর্নরের আশেপাশে যেমন করে রেষ্টোরার বয় ঘুব ঘুব করে ঘুরে বেড়ায় টেবিল থেকে টেবিলে একথানা রুপোর থালা হাতে করে হুকুম তামিল করবার জন্য।

তখন অপরাহ্ন, দোড় প্রায় শেষ হয়ে এসেছে। গভর্নরের আসন বৈশিষ্ট্যপূর্ণ এবং এই বৈশিষ্ট্যপূর্ণ আসনে সমন্বয়পোষাণী রাজকীয় পোশাক পরিধান করে সমাসীন স্যার জন এ্যাণ্ডারসন। Governor’s Cup দোড় হচ্ছে এবার। প্রত্যেকের সর্বমনোযোগ সেই দিকে। হজুরের কাপ!.....অসংখ্য সশস্ত্র পুলিশ ও দেহরক্ষীর গুন দৃষ্টিকে ফাঁকি দিয়ে এই রাজা-মহারাজার মাঝে নিঃশব্দে এসে উপবেশন করেছে বেঙ্গল ভলান্টিয়ার্সের ছ’জন কন্স্টেবল—ভবানী চক্রবর্তী ও রবীন বন্দ্যোপাধ্যায়। পরিধানে চক্চকে সাহেবী পোশাক আর গোরবর্ণ চেহারা, স্তূতরাং সন্দেহ হলো না কারুরই মনে।

দোড় শেষ হয়ে গেল। ঘোড়াগুলোকে টেনে নিয়ে আসা হয়েছে ঘোরা জায়গায়, এবার জিন ও লাগাম খুলে ওদেরকে একটু বিশ্রাম করবার সুযোগ

দিতে হবে পায়ে হেঁটে ঘুরিয়ে ঘুরিয়ে। প্রত্যেকের দৃষ্টি সেদিকে নিবদ্ধ, যেদিকে চরে আছেন তাদের হজুর!

ভবানী অহুচ্চস্বরে বললো : This is the time, let us start. Let both of us go to the front at point-blank range—চল!

কিন্তু গভর্নরের সম্মুখে না এসে রবি এল তাঁর দক্ষিণ দিকে এবং এসেই গুলী নিক্ষেপ করলো। গভর্নরের আসনের রেলিংয়ের ওপর হাত রেখে। একবার, দু'বার, তিনবার, এমন সময় বিহারের বারোয়ারীর জমিদার ভূপেন্দ্রনারায়ণ সিং কাঁপিয়ে পড়লেন তার ওপর, ধরে ফেললেন তাকে। ঠিক সেই সময় পুলিশ সুপার ও দেহরক্ষীদের নিক্ষিপ্ত গুলীও রবির শরীরে এসে বিদ্ধ হয়েছে। জোর করে তার হাত থেকে রিভলভার ছিনিয়ে নেয়া হলো!

ভবানী কিন্তু এদিকে ফিরেও চাইলো না। কার্য সম্পাদনের দায়িত্ব নিয়ে এসেছে সে, সতর্কর্মীর ভ্রূংখের দিকে ক্রক্ষেপ করবার তিলমাত্র অবসর তার কোথায়? রবির পশ্চাতে একেবারে সোজা সে সিঁড়ি বেয়ে উঠে এল গভর্নরের আসনের সম্মুখে, একেবারে point-blank range থেকে গুলী নিক্ষেপ করলো সে। প্রাণের ভয়ে গভর্নর রেলিংয়ের নীচে গুয়ে পড়লেন, লাথি গেয়ে ঘিয়ে-ভাজা কুকুর যেমন করে পায়ের নীচে লুটিয়ে পড়ে কেঁউ কেঁউ শব্দ করে। প্রথম গুলী ব্যর্থ হওয়ার ভবানী আবার উঁচিয়ে ধরলো আগ্নেয়াস্ত্র, এমন সময় অকস্মাৎ তাকে পশ্চাৎ থেকে দু'হাতে জাপটে ধরলেন পি ডবলিউ ডির ইঞ্জিনিয়ার মিঃ ট্যাণ্ডি গ্রীন। ভবানীও গ্রেপ্তার হলো।

.....তারপর চললো পুলিশের বৈজ্ঞাতিক অভিযান.....ঘিরে ফেলা হলো সমগ্র ঘোড়দোড়ের মাঠ, দার্জিলিং স্টেশনে ছুটলো পুলিশ, ছুটলো মোটরবাসের স্ট্যান্ডে, আটক করলো শিলিগুড়িগামী সমস্ত প্রাইভেট মোটর ও ট্যাক্সি এবং লরী, মাঝপথে থামিয়ে ট্রেনের প্রত্যেকটি কামরা। তন্ন তন্ন করে তল্লাশী চললো, পত্রপালের মতো ছড়িয়ে পড়লো আই বি ও পুলিশের দল একটি বিরাট ষড়যন্ত্রের ভগ্নদ্বন্দ্ব পেয়ে।.....কিন্তু এদের সর্বসতর্কতা ও প্রহরার চক্ষে ধূলিনিক্ষেপ করে একেবারে দার্জিলিং শহর থেকে ভবানী ও রবির সহগামী যারা নেমে এলেন কলকাতা শহরে, তাঁদের মধ্যে ছিলেন বি ভি-র বিপ্লবিনী কিশোরী উজ্জ্বলা মজুমদার।

এই মামলার কথা যাদের মনে আছে, তাঁরাই জানেন, ক্রমে ক্রমে পুলিশ

অনেককেই গ্রেপ্তার করে—মনোরঞ্জন বন্দ্যোপাধ্যায়, সুশীল চক্রবর্তী, মধুসূদন বন্দ্যোপাধ্যায়, নান্টু ঘোষ এবং আরো জনকতক বেঙ্গল ভলান্টিয়ার্সের সদস্য এবং অবশেষে উজ্জ্বলা মজুমদারকেও। মামলায় সওয়াল করতে গিয়ে পাবলিক প্রসিকিউটর এই পরিকল্পনার পশ্চাতে বাঁদের বুদ্ধি কাজ করেছে, তাঁদের কথা বলতে গিয়ে উল্লেখ করেন কামাখ্যা রায়ের নাম, যতীশ গুহের নাম। বেঙ্গল ভলান্টিয়ার্সের এই চ'জনকে অতিবুদ্ধি দেখিয়ে স্বগৃহে অন্তরীণ করে এবং বিনাস্তে মুক্তি দিয়ে কী মারাত্মক আত্মঘাতী ভুলই না করেছিল তখনকার বাংলার আই বি, সে সত্য মর্মে মর্মে তারা উপলব্ধি করলো।

পাবলিক প্রসিকিউটর উজ্জ্বলার কথা উল্লেখ করে বলেন যে, কোমলপ্রাণা নারীও যে চুপে লোকের প্রবোচনায় ও ষড়যন্ত্রকারীদের প্রভাবে কীভাবে নরহত্যা হয়ে উঠতে পারে, এই কিশোরীই তার উজ্জ্বল দৃষ্টান্ত। সাক্ষ্য ও দলিল থেকে সন্দেহাতীতরূপে প্রমাণিত হয়েছে যে, যতীশ গুহের পবিকল্পনা কার্যে পবিণত করবার দায়িত্ব গ্রহণ করে নান্টু ঘোষ, মধু তাকে সাহায্য করে দক্ষিণ হস্তের মতো। তারপর যে ক্ষুদ্র দলটি দার্জিলিং যাত্রা করে প্রস্তুত হলে, উজ্জ্বলাই ছিল সে দলের নাহিকা। সাধারণের মনে যাতে বিন্দুমাত্রও রাজনৈতিক সন্দেহের উদ্রেক না হয়, সেজন্য আধুনিকা বেশধারিণী এই স্মার্ট কিশোরী কিশোর সহকর্মীদের নিয়ে এসে ওঠে একটি ব্যয়বহুল হোটেলে। সেখানে একই কক্ষে এরা বাস করতো। রাত্রে হোটেলের সবাই গভীর নিদ্রায় অভিভূত হয়ে পড়লে এই বিপ্লবিনী নায়িকা দার্জিলিংয়ের শীতের প্রকোপে পাছে একেজে হয়ে যায়, তাই রিভলভারের কার্তুজগুলো আগুন জালিয়ে সেকে নিত, সহকর্মীদের নির্দেশ দিত কীভাবে কাজ শেষ করতে হবে।.....

স্পেশাল ট্রাইবিউনালের বিচারে ভবানী ব ফাঁসির হুকুম হয়। উজ্জ্বলাও ফাঁসি থেকে রেহাই পেল না। পেয়ে গেল শুধু মহিলা বলে।

আমার মাসিক ভাতা পচিশ টাকা প্রথম সপ্তাহেই আসতো নিয়মিতভাবে মেদিনীপুর আই বি অফিস থেকে মনিঅর্ডাবযোগে। ১৯৩৫ সালের অবস্থা এখন কিন্তু কল্পনা করা কঠিন। সে যুগে ত্রিশ টাকা মাইনের কেরাণী জ্বী-পুত্র-কত্না নিয়ে একখানা ঘর ভাড়া করে কলকাতা শহরে খুব স্বচ্ছন্দে না হলেও বিনা

হুঃখেই দিন কাটাতে পারতেন। একশো টাকা মাইনের বর সে যুগে অত্যন্ত মহার্ঘ মনে করা হতো।

আমার কিন্তু কিছুতেই চলতে চাইতো না। কি করে, কোথা দিয়ে সব টাকা শেষ হয়ে যেত তৃতীয় সপ্তাহেই। গিয়েই যে চাকরটা পাওয়া গেল, ব্যাটা একদিন আমার ফাউন্টেন পেন নিয়ে সরে পড়লো। তারপর জমাদার যেটাকে জুটিয়ে দিলেন, সেও একদিন চম্পট! ফলে, খাওয়া-দাওয়া নিয়ে প্রায়ই বিভ্রাট লেগে যেত। জমাদারের বাড়ীতে এমনি খাওয়া ভদ্রতাসূচক দেখায় না বলেই হাট থেকে মাছটা, মিষ্টিটা কিনে পাঠিয়ে দিতে হতো। তাই হতো ব্যয়বাহুল্য। কিন্তু উপায় কী? জীবনে মেসে খাইনি, রান্নাও করতে জানিনে।

কীরোদবাবু মফস্বল থেকে প্রায় সাত-আট দিন পর ফিরে এসে আমার ছরবস্তার কথা শুনলেন। আমি ত'বেলা অবিনাশবাবুর বাসায় খাই শুনে আমার অব্যবস্থার অজ্ঞাতার দরদর যেন অকস্মাৎ একেবারে উদ্ভাল হয়ে উঠলো। বললেন : বলেন কি, আপনার চাকর পলাতক? তাহলে তো ভারী কষ্ট হচ্ছে আপনার!

বলতে চেষ্টা করলাম : না, না, কষ্ট কিসের? অবিনাশবাবুর ওখানে বেশ যত্নেই তো খাচ্ছি একেবারে নিজের বাড়ীর মতো।

দারোগা কণ্ঠস্বর খাটো করে বললেন : দেখবেন, গৃহকর্ত্তী আবার আপনাকে বেশী আপনার না ভেবে বলেন। চেহারাখানা তো আপনার ভালো নয়, তাই সে আশঙ্কা—

বাধা দিলাম : না, না, ওকি কথা বলছেন, দারোগাবাবু! তবে ইঁা, আদর-যত্ন খুব করেন বোধি!

দারোগা হেসে উঠলেন।

তারপর রামভরসা সিংকে কোথায় পাঠিয়ে ডেকে আনালেন একটি মধ্যবয়সী জীলোককে। বললেন : দ্বিঞ্জনবাবু, চাকর-বাকর এখানে কিছুতেই পাবেন না। আমরাই পাই না, পাই তো রাখতে পারি না। শালারা কোথাও দু'দিন টিকে থাকে না। তার চাইতে এক কাজ করুন, এই মেয়েছেলেটিকে রাখুন। ভালো রাখতে পারে, খুব পরিকার পরিচ্ছন্ন। আপনি একা মানুষ, ও-ই সব কাজ করে দেবে। আর বাড়ী এই কাছেই, আপনাকে খাইয়ে-দাইয়ে কাজকর্ম সেরে রাত্রে বাড়ী চলে যাবে।—কি রে হরিমতী, থাকবি ডেটিনিউবাবুর বাসায়?

দৃষ্টিক্ষেপ করলাম। মুখখানা আধখানা ঘোমটার ঢাকা। দারোগার প্রশ্নের

জ্বাবে কোনো সাড়া না দিয়ে শুধু মাথা নাড়লো। মনে হলো, ভারী লাজুক। কাজ হয়তো ভালই করবে, অন্ততঃ দারোগার ভয়ে না-ও পাল্লাতে পারে।...কিন্তু মেয়ে রাঁধুনী—

বললাম : চাকর-বাকর কি এদেশে একেবারেই মেলে না দারোগাবাবু ?

হ্যাঁ, মিলবে না কেন,—দারোগা সোৎসাহে জবাব দিলেন : তবে কি জানেন, প্রায়ই দেখবেন গায়ে চকরওয়ালা। -রামমোহন ডাক্তারের ওখানে তো নিশ্চয়ই দেখেছেন এমন অসংখ্য রোগী। ম্যালেরিয়া আর সিকিলিস, এই হচ্ছে এ দেশের বৈশিষ্ট্য !

আঁৎকে উঠলাম ! সিকিলিস !...

দারোগা বলতে লাগলেন : তার চাইতে জানা লোক নেয়া অনেক ভাল। ভাবছেন বুঝি ঝি বলে। তাতে দোষ কী ? মিথ্যে বদনাম অন্ততঃ রাজবন্দীদের কেউ দিতে সাহস করবে না। আর করলেই কি আপনারা তাই কেয়ার করে চলবেন ?

সত্যিই তো, মিথ্যাকে কীসের পরোয়া ?...থানা কক্ষের অভ্যন্তরে একবার দৃষ্টিক্ষেপ করতেই দেখলাম অবিনাশবাবু তাঁর কোটর থেকে বেরিয়ে-আসা বড় বড় চোখ দুটো মেলে যেন আমার জালিয়ে দিতে চাইছেন রোদে ম্যাগনিফাইং গ্লাসের মুখে নারকেলের ছিবড়ের মতো।

কিন্তু দেৱী হয়ে গেছে। ক্ষীরোদ দারোগার বক্তৃতার তোড়ে আর 'না' করবার সুযোগই পেলাম না। হরিনতী বহাল হয়ে গেল। ঘোমটা কমিয়ে স্মার্ট মেয়ের মতো এগিয়ে গেল সে আমার ঘরের দিকে। বোকার মতো চেয়ে রইলাম সেদিকে।

শ্রীমতী হরিনতীর মতিগতি ভবিষ্যতে কি রকম হয়ে দাঁড়ায়, কে বলবে !.....

এগারো

অদ্ভুত এই কেশিয়াড়ী গ্রামটি। এর ইতিহাস যেমন বৈচিত্র্যময়, তেমনি করুণ। পরিধি দুই বর্গমাইল হবে। এককালে ঘন বসতি ছিল। জটাদর সেনাপতির বাবা ছিলেন এই গ্রামের ডাকসাইটে জমিদার। তাঁর দোর্দণ্ড প্রতাপে বাঘে-গরুতে এক ঘাটে নাকি জল পান করতো। প্রকাণ্ড হাট, তখন সপ্তাহে বসতো তিন দিন। হাটের দিকের সুবিশাল দীঘিতে গদাধর জমিদার অসংখ্য পোনা ছাড়তেন। পশ্চিম দিকের বট গাছটার নীচে ছিল হিন্দুস্থানী পাহারাওয়ালার আখড়া। মাছ পাহারা দিত সে রাত্তিকালে সাত ব্যাটারীর টর্চ জালিয়ে। গদাধরের বাড়ীতে বারো মাসে তেরো পার্কণ চলতো আর সাঁওতাল ও উড়িয়া প্রজাদের অন্ততঃ হাজারখানা পাতা পড়তো। গদাধর নিজে যেমন দাঁড়িয়ে থেকে ওদের সমাদর করে খাওয়াতেন, তেমনি সালের খাজনা একটি পয়সা বাকি পড়লে বা জমির ধান একটি সের কম হলে খড়ম নিয়ে ধেয়ে আসতেন দোতলা থেকে। রক্তারক্তি কাণ্ড একটা হতোই বকেয়া খাজনা বা ধানের ব্যবস্থা না করলে। অথচ পুলিশ এতে নাক গলাতো না। গদাধরের দপ্তরখানার ফরাশে বসে টিনের পর টিন সিগারেট উড়ে যেত আর সাক্ষ্য-প্রমাণ-গুলোও সব হয়ে যেত ধোঁয়া!

তারপর চাকা ঘুরতে লাগলো সেদিন থেকে যেদিন ম্যালেরিয়ার মশা এই অঞ্চলে প্রবেশ করে ডিম ছাড়তে শুরু করলো। পচা ডোবা, নালা, বাঁশঝাড়, ঝোপ-জঙ্গল একেবারে ছেয়ে গেল এ্যানোফিলিস মশার ডিমে। বারো মাস মড়ক লেগে রইলো ম্যালেরিয়ার। বাড়ীতে বাড়ীতে কান্নার রোল আর থামতে চাইলো না। ভরে আতঙ্কে পোটলা-গুঁটলি মাথায় করে, পুরুষানুক্রমে যারা বাস করে আসছে এই গ্রামে, তারা দলে দলে ভিটেমাটি ছেড়ে হারা-উদ্দেশ্যে যাত্রা করলো শুধু বাঁচবার প্রত্যাশায়।

গদাধর সেনাপতি শুধু সরকারী ব্যবস্থায় সন্তুষ্ট না থেকে সেনাপতির মতোই যুদ্ধ ঘোষণা করলেন কালান্তক বম মশার বিরুদ্ধে। কিন্তু শেষ পর্য্যন্ত পারলেন না, ধরাশায়ী হলেন চিরদিনের মতো। মাত্র সাত দিনের জরে বেচারি শেষ নিঃশ্বাস ত্যাগ করলেন।

গদাধর বিদায় নেবার পর সুবিশাল দীঘিতে কচুরীপানা দেখা দিল, শেওলা জমতে লাগলো তার বিরাট ঘাটলায়। পাহারাওয়ালার আখড়া মুখ খুবড়ে পড়লো মাটিতে। হাটে আর বেচাকেনা নেই। তিন দিন থেকে এখন হাট এসে ঠেকেছে দু'দিনে। সেনাপতির বাড়ীর নাটমন্দিরে কবুতর আর চামচিকের রাজত্ব, দোলমুখে জঙ্গল, সিংহদরজার পাট খসে পড়ে গেছে।...স্থানিটারী ইনসপেক্টর প্রেমতোষ সেনের কাছ থেকে কেশিয়াড়ী গ্রামের এই মর্মান্তিক ইতিবৃত্ত শুনতে শুনতে কেমন আনমনা হয়ে পড়েছিলাম, এমন সময় ট্রের ওপর চায়ের কাপ আর খাবারের প্লেট নিয়ে ঘরে প্রবেশ করলো ভৃত্য। বিকেল তখন গোটা চারেক হবে, সূত্রাং চা ও খাবারে আপত্তি থাকবার কোনো কারণ নেই। প্রেমতোষ কিন্তু বক্তৃতার সুযোগ পেয়ে তখনো বলে যাচ্ছেন : বর্তমান অবস্থা হচ্ছে এই গ্রামে মৃত্যুর হার জন্মের চেয়ে বেশী অর্থাৎ যে হারে লোক মরছে, বছর দশেক পর এ গাঁয়ে থাকবে শুধু বাঁশঝোপ আর কাঁটা গাছ।

জিজ্ঞেস করলাম : কিন্তু ম্যালেরিয়া তাড়াবার ব্যবস্থা গভর্নমেন্ট কী করছেন ?

চেষ্টার তো ক্রটি নেই। আমাদের যথাসাধ্য আমরা করছি।

চা খেতে খেতে নানারকম আলাপআলোচনা হতে লাগলো। আমার দেশ কোথায়, বাড়ীতে কে কে আছেন, কবে গ্রেপ্তার হয়েছি ইত্যাদি কথার মধ্য দিয়ে একসময় রাজনৈতিক প্রসঙ্গে এসে পড়লাম। প্রেমতোষ বললেন : যাই বলুন স্বিজেনবাবু, ছোটো সাহেব মেরে দেশ স্বাধীন করার স্বপ্ন দেখা বাতুলতা। কংগ্রেসের 'স্বদেশী পর' নির্দেশ আমার খুব পছন্দ হয়। ওদের মালপত্র বয়কট করলেই ব্যাটারা ভাতে মরবে। তখন না পালিয়ে পথ থাকবে না।

কংগ্রেস ও বিপ্লবীদের মতবাদ নিয়ে এঁর সঙ্গে কী আর তর্ক করবো! ছোরা-ছুরি বা খুন-জখমের কথা শুনলে সাধারণ মানুষ আঁৎকে উঠবেই। কিন্তু কী করে বোঝাবো এঁদের যে, কাঁটা দিয়েই কাঁটা তুলতে হয়। অস্ত্রোপচার যেখানে অপরিহার্য, সেখানে মিকশারের ফাঁকা প্রবোধ কার্যকরী হবে কি করে? আজ্জির আঘাতে কাউকে কাবু করতে পারা গেছে বলে রাজনৈতিক ইতিহাস সাক্ষ্য দেয় না।.....

অকস্মাৎ প্রেমতোষবাবু জিজ্ঞেস করলেন : রয়েল সার্কাস দেখতে যাননি স্বিজেনবাবু ?

চমকে উঠলাম। এ প্রশ্ন কেন? ক্ষীরোদবাবুর অস্থিতির স্তব্ধতা নিয়ে এই সার্কাস প্রায় রোজই দেখেছি আমি। স্যানিটারী ইনসপেক্টরকে দেখিনি সেখানে। পান্টা প্রশ্ন করলাম : কেন আপনি দেখেননি?

না, ভাই। আমি গিয়েছিলাম সদরে। অনেকগুলো Adulteration-এর মামলা ছিল।—বলে মুহূ হেসে বলতে লাগলেন : আর দারোগাবাবুও তো ছিলেন না। কাজে কাজেই থানা তো আপনারই ছিল, কি বলেন?

কি রকম?

প্রেমতোষ বললেন : রকম আর কি! দারোগাবাবু না থাকলে কে আর আপনাকে বাধা দেবে বলুন? কেন বাধা দিতে যাবে? তা ভালোই করেছেন স্বিজেনবাবু! এখানে সার্কাস হবে আর আপনি তা দেখতে পাবেন না, এ আমার ভালো লাগে না। কিন্তু কেমন সার্কাস বলুন তো? দেখবার মতো তো?

বললাম যে, একেবারে গ্রাম্য নয়। তবে প্রায় খেলাই balancing-এর খেলা। টাকা-পয়সা বোধহয় তেমন পায়নি, কারণ দেখা গেল সবই বিনে পয়সায় দেখবার গ্রাহক। সার্কাসের গল্প হতে হতে প্রেমতোষ আরও ঔৎসুক্য প্রকাশ করে বসলো যে, জটায়ুর সেনাপতির তাসের আড্ডায় আমি যাই কিনা, সেখানকার অপূর্ণ পান ও দামী সিগারেট আমার ভাগ্যে জুটেছে কিনা। অফিস ভেঙার গোপাল রায়ের সঙ্গে আমার আলাপ পরিচয় হয়েছে কিনা, প্রাইমারী স্কুলের প্রধান শিক্ষক ও স্থানীয় পোস্ট অফিসের মাস্টার নীলরতন জানা কেমন লোক, কম্পাউন্ডারের স্ত্রী কবে আসছেন ইত্যাদি। এমনভাবে প্রেমতোষের প্রশ্নের জবাব দিতে দিতে অকস্মাৎ মনে খটকা বেধে গেল, লোকটির ঔৎসুক্য এত বেশী কেন? কারণ কী?

সতর্ক হতে যাবো, এমন সময় ঢং ঢং করে ঘণ্টা বেজে উঠলো। চেয়ে দেখি মাথার ওপর ঝোলানো রয়েছে পেতলের একটি মাঝারী আকারের ঘণ্টা, যেমনটি থাকে মন্দির-প্রবেশদ্বারে—দর্শনেচ্ছুরা ওটা বাজিয়ে দিয়ে মন্দিরে প্রবেশ করেন। দেখলাম, দোলকটির সঙ্গে সরু দড়ি বাঁধা, আর তার অপর প্রান্ত বেড়ার কঁক দিয়ে অন্তরের দিকে চলে গেছে।

জিজ্ঞেস করলাম : ও কি, ঘণ্টা কিসের প্রেমতোষবাবু?

সহাস্ত্রে জবাব দিলেন প্রেমতোষ এবং সগর্বে : হার একসেলেন্সি কলিং।

অর্থাৎ প্রায় সময়ই এখানে এত লোকজন থাকেন যে, শ্রীমতী প্রয়োজন হলে আমায় আর ডাকতেই পারেন না এখানে এসে। তাই ঘন্টা করে দিয়েছি, দরকার হলেই দড়িতে টান দেয়—ভালো ব্যবস্থা হয়নি দ্বিজনবাবু ?

এবার উচ্চৈঃস্বরে না হেসে পারা গেল না। বললাম : আপনি একজন অফিসার। আপনি এমনিভাবে ঘন্টা বাজিয়ে ডাকবেন বেয়ারাকে। আর তা নয়, আপনাকেই তলব করবার জ্ঞাত এই ব্যবস্থা ? ষাঁরা থাকেন, সবাই বেশ উপভোগ করেন না এই ঘন্টাক্ষরনি ?

প্রেমতোষ ছাগলের মতো হা হা করে হাসতে লাগলেন। বললেন : কিন্তু কেমন অরিস্তিগ্ৰাণিটি বলুন তো ?—কিন্তু বসুন ভাই, এক মিনিট, আসছি। আমার বড় সাহেব নয়, বড় মেমের আহ্বান কিনা—বলতে বলতে বেরিয়ে গেলেন।

ঘন্টাটির দিকে আর একবার দৃষ্টিক্ষেপ করতে যেতেই নজরে পড়লো একখানা অক্টোফটো—প্রেমতোষের আটরকম ভাবের অভিযুক্তি। নানারকম মুখ-বিকৃতির মধ্য দিয়ে কি ভাব ফুটে বেরুচ্ছে, তা স্বয়ং প্রেমতোষ ব্যতীত আর কারুর পক্ষে বোঝবার ক্ষমতা আছে বলে মনে হলো না। কিন্তু এই মুখবিকৃতির নিদর্শন এমনিভাবে স্তূদৃশ্য ক্রমে বাঁধিয়ে ঘটা করে একেবারে বাইরের ঘরে টাঙ্গিয়ে রেখে আত্মপ্রচারের মধ্য দিয়ে অভিনেতার ক্ষুদ্র মনের যে পরিচয় পেলাম, আদৌ ভালো লাগলো না তা। অথচ, হয়তো এই রকম লোকদের সঙ্গেই এখানে কাটাতে হবে কয়েকটি বছর। ভাবতেই মনটা যেন কতকটা দমে গেল।.....

পাঁচটা বাজবার সঙ্গে সঙ্গে উঠে পড়লাম। পানায় একবার হাজিরা দিয়ে জানাতে হবে যে আমি বেঁচে আছি এবং পলায়ন করিনি। ক্ষীরোদবাবু নেই, স্তূতরাং সময়ানুবর্তিতার কড়াকড়িও নেই।

অবিনাশবাবু দেখেই বললেন : আসুন, আসুন! রামভরসা সিং, ঐ চেয়ারখানা ডেটিনিউবাবুকে এগিয়ে দাও।

বসলাম। ঘরে আর কেউ ছিল না। শুধু স্তূতীর এক পাশে বসে কি লিখেছে। আর দরওয়াজা রামভরসা বারান্দায় একটু আড়ালে টুলের ওপর বসে পাহারায় রত। কিংবা বিড়ি টানছে। গলাটা পরিষ্কার করে নিয়ে অবিনাশবাবু বলতে লাগলেন : আপনাকে তো মশাই একান্তে আর পাওয়াই যায় না। আর

আজকাল হরিমতীর আদরযত্নে আমাদের কথা বোধহয় আর মনেই পড়ে না, তাই না স্বিভেনবাবু ?

ভালো লাগলো না কথাটা ! জিজ্ঞেস করলাম : আদরযত্ন মানে ? কি, মাসের শেষে পাঁচ টাকা মাইনে দিই, পেটের দ্বায়ে খাটে, তার আবার আদরই বা কি, যত্নই বা কি ?

হেঁ হেঁ শব্দ করে বিত্ৰীভাবে হেসে উঠলেন অবিনাশবাবু । লক্ষ্য করলাম সুধীরের অধরেও হাসির ঝিলিক । ভালো লাগলো না এবং আরও খারাপ লাগতে লাগলো তখন, যখন অবিনাশবাবু সবিস্তারে, সবিস্ত্রাসে, টাকা ও টিপ্পনী সহযোগে শ্রীমতী হরিমতীর গোরবোজ্জ্বল অজ্ঞাত ইতিহাস বর্ণনা শুরু করলেন ! যৌবনে হরিমতী ছিল এ তল্লাটের ক্লিওপেট্রা । শ্রীক্ষেত্রের মতো প্রসাদ বিতরণে কার্পণ্য ছিল না তার কোনো দিন এবং সেকালে গদাধর সেনাপতি থেকে শুরু করে গোপাল রায় পর্যন্ত সবাই একাধিক বার হরিমতীর গৃহে পদার্পণ করবার সৌভাগ্য অর্জন করেছেন । তারপর ম্যালেরিয়ার আক্রমণে গ্রাম যেমন ছারখার হয়ে গেল, তেমনি দীর্ঘদিনস্থায়ী রোগে উর্কশী হরিমতীর যৌবনের বিভা অকালে নিশ্চভ হয়ে এল । ফলে পসার গেল কমে ।...তারপর এলেন দারোগা ক্ষীরোদবাবু । ডুবুরির মতো রক্তটিকে ঝুঞ্জে নিতে অবশ্র তাঁর দেবী হলো না । এখন ক্ষীরোদের চাহিদা অসুখায়ী সরবরাহের সোল এজেন্সী নিয়েছে এই হরিমতী । অবিনাশবাবু বললেন : আপনার এখানে চাকরি হওয়াতে বেশ সুবিধেই হয়েছে দারোগাবাবুর । আর্জেন্ট অর্ডারগুলো বেশ তাড়াতাড়ি দেওয়া যায় আর মালের গুণাগুণ সম্বন্ধে আলাপ আলোচনার সুযোগ পাওয়া যায় সহজেই । কি বল সুধীর ?

সুধীর টিপ্পনী কাটলো : তা ডেটিনিউবাবুকেও কোন্ দিন বঁড়শীতে গেঁথে ফেলবে কে জানে !

জিজ্ঞেস করলাম : এ্যাদিন বলেননি কেন ?

বলবো কি মশাই ! আপনি তো এখন ক্ষীরোদবাবুর কথাই বেদবাক্য মনে করেন । আমাদের মতো চুণোপুটী জমাদার আর সুধীরের মতো চ্যাংটাকি এল সি-কে তো আর চোখেই দেখতে পান না । কি বল সুধীর ?—বলে অবিনাশবাবু আবার হাসতে লাগলেন ।

দরওয়াজা এসে একখানা আজ্জি জমাদারের হাতে দিয়ে জানালো, বাইরে দুটো মরদ আর দুটো মাগী এসেছে দেখা করতে ।

উঠে পড়লাম। ঘরে এসে বিছানায় সটান শুয়ে পড়লাম। জানালার বাঁপ তোলা ছিল। ফাঁক দিয়ে দেখা যাচ্ছে এক টুকরো আকাশ আর সেই টুকরো-টুকুর মধ্যে আঁকা একখানি বেশ বড় চাঁদ। চাঁদের আলোয় চারিদিকের বাঁশ-ঝোপ ও জঙ্গলের নীৰ্বদেশ উদ্ভাসিত। দূরে কোথায় সাঁওতালদের মাদল বাজছে। থানার সীমানার বাইরে গোটাকয়েক ধানের ক্ষেতে চাঁদের আলো ঝিরঝির করে কাঁপছে। আমার বাগানে ফুটেছে অজস্র বেলফুল ও রজনীগন্ধা, গন্ধরাজ আর বুঁই। চমৎকার গন্ধ ভেসে আসছে। এমনি চাঁদ যেন অনেককাল দেখিনি আর এমনি ঝিরঝিরে হাওয়াও এত মিষ্টি লাগেনি।

আমার গ্রামের কথা মনে পড়ে গেল। আমাদের কেয়টখালী গ্রাম।

সে কি আদর্শ গ্রাম? সে কি বাংলা দেশের সেরা গ্রামের মধ্যে একটি? গ্রামের ইতিহাসের পৃষ্ঠায় কৃষি শিল্প ও বাণিজ্যে উন্নত এই গ্রামটি কি বিশেষ ভাবে চিহ্নিত হয়ে রয়েছে? না, তা নয়, একেবারেই নয়। দৈর্ঘ্যে দেড় মাইল ও প্রস্থে এক মাইল ক্ষুদ্র এই গ্রামে নেই কোনো ভালো পাঠশালা, হাইস্কুল নেই, নেই ভালো ডাক্তার বা দাতব্য চিকিৎসালয়, নেই দৈনিক বাজার, এমন কি, হাটও বসে না এই গ্রামে। একান্তভাবে পাশের গ্রামের মুখাপেক্ষী এই গ্রাম। গ্রামে বাঁধানো কোনো সড়ক নেই, ঘাটলা-বাঁধানো কোনো দীঘি নেই, নেই কোনো বারোমেসে খাল। অথচ, বর্ষাকালে নদীর জল এই গ্রামে এসে হানা দেয় শুধু নয়, গ্রাম ডুবিয়ে দেয়, থানাডোবা ছোট ছোট জলাশয় সব ভাসিয়ে দিয়ে জল এসে আঙ্গিনায় ওঠে, ঘরেও প্রবেশ করে কোনো কোনো বছর। সব একাকার হয়ে সারা গ্রামখানাই যেন জলের ওপর আধ-ডোবা হয়ে ভেসে থাকে। জলের প্রাচুর্যবের ফলে নিরাপদ আশ্রয়ের খোঁজে আঙ্গিনায় উঠে আসে, ঘরের মধ্যেও উঠে পড়ে নানারকম মাটির পোকা, ব্যাং, কেঁচো, জোঁক, এমন কি, সাপও। সর্পাঘাতে মৃত্যুর সংখ্যা বেশ বেড়ে যায়।

আগ্নিনির শেষে সেই জলে টান ধরে, থানাডোবা ও জলাশয়গুলিতে নানাজাতীয় জলজ-জলজ মাখাচাড়া দিয়ে ওঠে, জল পচে যায়, দুর্গন্ধে বাতাস ভারী হয়ে ওঠে। দেখা দেয় নানারকম দুরারোগ্য ব্যাধি। বিনা চিকিৎসায় বা হাতুড়ে চিকিৎসায় দলে দলে লোক মরে।

গ্রামের শতকরা আশীজন অধিবাসীই মুসলমান, এবং তারা চাষী। কেউ চাষ করে, কেউ জন খাটে, কাকুর কাকুর ছোটখাটো মুদির দোকান আছে।

অবশিষ্ট বিশ জন হিন্দুর মধ্যে গোয়াল্লা আছে, বাকুজীবী আছে, ধোপা ও নাপিত আছে, ভুঁইয়ালীও আছে। বর্ষাকালে অনেকেই নৌকো চালায়, ভাড়া খাটে। ভদ্রলোক শ্রেণীর যারা, তাঁদের মধ্যে অধিকাংশই চাকরিজীবী। বিদেশে বাস করেন, দেশের বাড়ীতে ঝাঁট দেবার জন্ত ও আলো জ্বালাবার জন্ত আছেন কোনো দিদিমা, পিসিমা বা বেতনভোগী কোনো লোক।

কেয়টখালীতে এত বেশী মুসলমান অধিবাসী কেন, তার পশ্চাতে একটি কৌতুকজনক ইতিহাস আছে।

একদা এই গ্রামে ছিল দিগন্তপ্রসারী ধানের ক্ষেত আর বিপুল সেই স্বর্ণ-ফসলের মালিক ছিলেন দুটি ডাকসাইটে জমিদার, পূর্ব পাড়ার মজুমদার আর পশ্চিম পাড়ার চক্কোতি। জমির সীমানা নিয়ে ও ফসলের ভাগাভাগি নিয়ে শুধু যে ঝগড়াই চলতো তা-ই নয়, রক্তদর্শনও হতো। রাতের অন্ধকারেই শুরু হয়েছিল প্রণয়টো, কিন্তু পরে অকস্মাৎ জমিদারদ্বয় উপলব্ধি করলেন যে, ছুরি করে ছুরি মারার মধ্যে যেন কোথায় ভয় ও কাপুরুষতা আছে, জমিদারের মর্যাদার বাধে।.....সুতরাং লাঠিয়াল আমদানী শুরু হয়ে গেল দিনের বেলায় মুখোমুখি ও হাতাহাতি লড়াইয়ের জন্ত। আর সে যুগে মুসলমান লাঠিয়ালদেরই যে একচ্ছত্র আধিপত্য ছিল, তা অস্বীকার করবার উপায় কোথায়? পিল পিল করে আসতে লাগলো তারা এবং কেউ নামমাত্র খাজনায়, কেউ-বা একেবারে বিনা খাজনাতেই বেশ কিছু ধানী জমি ও বসতবাটি পেয়ে প্রজা হয়ে বসে গেল।

কালক্রমে মজুমদার ও চক্কোতিদের ডাকসাইটে বংশে আসতে লাগলো নিরীহ শাস্ত ও নম্র স্বভাবের মানুষ। কলসীর কাণা নিয়ে রুখে না দাঁড়িয়ে তাঁরা প্রেমালিঙ্গনেই বেঁধে ফেললেন একে অপরকে। বিরোধ গেল, সখ্য স্থাপিত হলো, কিন্তু মুসলমান প্রজার। তখন কায়ম হয়ে বসে গেছে।

কিন্তু বিরোধ গেলেই কি সব অশিক্ষা ও অজ্ঞানতা দূর হয়ে গেল? না, তা নয়, একেবারেই নয়। আরো দশখানা গ্রামের মতো এই গ্রামেও আজও আছে ক্ষুদ্রতা, নীচতা, আছে ঈর্ষা, ঘেঁষ, পরপ্রীকাতরতা, আছে গ্রাম্য দেবতা, আছে নিন্দা, কুংসা, আছে গ্রাম্য দলাদলি আর মামলা-মোকদমা।

সবার কাছেই হয়তো মনে হবে বর্ণ-গন্ধ-স্বাদহীন, অতি তুচ্ছ, অতি নগণ্য এই কেয়টখালী গ্রাম। অহুল্লেকযোগ্য, অপ্রাসঙ্গিক, অবাস্তব এক মুঠো ধূলোর মতো!.....

কিন্তু তোমাদের কাছে বা-ই হোক, আমার কাছে এ-ই আমার গ্রাম, আমার নিজের গ্রাম। আমার কেয়টখালী! ছই বাহ বিস্তার করে চীনের প্রাচীর দিয়ে ঘিরে রেখেছি আমার এই গ্রামকে। আলিঙ্গনে তুলে নিয়েছি বন্ধের কোটরে, মা যেমন করে তুলে নেয় তার অক্ষম পঙ্গু সন্তানকে।

এই পঙ্গু গ্রামের প্রতিটি শিরা-উপশিরা, প্রতিটি রক্তকণিকা আমার চেনা, যেন জন্মজন্মান্তরের চেনা। চিনি, শুধু চিনি নয়, আমার অন্তরের গভীরে পাথরের রেখায় উৎকীর্ণ রয়েছে এর প্রতিটি পথ, প্রতিটি তৃণ, প্রতিটি বৃক্ষ, প্রতিটি গৃহ এবং সেই সব গৃহের প্রতিটি মানুষ!.....

কেউ যদি আমার কাছে জানতে চায় আমাদের বাড়ী থেকে তপাদার বাড়ী যাবার পথ কোনটি, চোখ বুজে বলে দিতে পারি। যদি ফাল্গুন-চৈত্র হয়, তাহলে আমাদের বাড়ীর উত্তর-পশ্চিম কোণের গাছের গুঁড়ি বিছানো ধাপ বেয়ে নামতে হবে। দক্ষিণে পুকুর, বামেও পুকুর, কিন্তু ছই পুকুরের মাঝখানের পাড়ের ওপর দিয়ে এসে উঠতে হবে চক্রবর্তী পাড়ায়। বিলাস কাকার বৈঠক-খানা বাঁয়ে রেখে আর ডান দিকে অখিল কাকার বাড়ী রেখে গলি দিয়ে এগিয়ে যেতে হবে সোজা উত্তরে! তারপরই সুরেনদা'র দালানের কোণেই ডান হাতে ঘুরতে হবে। বাঁ দিকে অখিনী কাকার ঘর, তারপর উঠোন, তার ওপারে হয়তো দেখা যাবে মহাপুরুষ পুরোহিত গরুকে জাবনা দিতে ব্যস্ত। একটু এগোলেই কালীমোহন কাকার দালান, তারপরই তাঁর রান্নাঘর। নির্বিবাদে সেই রান্নাঘর পার হয়ে এগুনো সম্ভব নয়। কারণ ভাঙ্গা বেড়ার ফাঁক দিয়ে দেখতে পেলেই কাকীমা হয় ডাকবেন, নইলে পাশ কাটাতে চাইলে নিজেই বেরিয়ে আসবেন গলিতে। তারপর কোনোরূপ ভূমিকা না করে, কোনো সমর্থন বা প্রতিবাদ এমন কি, কোনো কর্ণপাতের তোয়াক্কা না রেখে অনর্গলভাবে অশ্রাব্য ভাষায় বলে যাবেন পাড়ার বৌ ও মেয়েদের কদাচারের কথা, বাড়ীর কর্তা ও গিন্নীদের সন্দেহজনক নিষ্পৃহতার কথা এবং সেই কথার সমর্থনে এমনি সব লোমহর্ষক ঘটনাবলীর বিবরণ দিতে শুরু করবেন যে, পুঞ্জনীয়া কাকীমার বারবার অহুরোধেও আর অপেক্ষা করা সম্ভব হবে না। এগিয়ে যেতে হবে। ডাইনে এবং বাঁয়ে ডোবাগুলি অতিক্রম করে উত্তর দিকের রাস্তা ঘুরে আবার দক্ষিণে এসে মাখন বুদ্ধিদের পাড়ায় না ঢোকা পর্যন্ত কাকীমা রেহাই দেবেন না। সেখান থেকে ফিরে যাবেন ফেরার সময় তাঁর সঙ্গে দেখা করে যাবার বার বার অহুরোধ জানিয়ে।

মাখন মুদিদের পাড়ার পরই মিত্তিরমশায়ের বাড়ী। বহুকালের ভগ্নপ্রায় মন্দির আছে বাড়ীতে আর আছেন বোধহয় ঐ মন্দিরেরই সমবয়সী মিত্তির জ্যাঠা। গ্রামের আবালবৃদ্ধবনিতা সবারই মিত্তির জ্যাঠা। তাঁর বাড়ী পেরুলেই বাঁ হাতে রসিক কবিরাজের বাড়ী। ডান দিকে একটা বড় ডোবা। এককালে নাকি মিত্তিরদের কাজলা দাঁঘি ছিল। মজে গেলেও এখনো জল থাকে আর সেই জলে সন্মুখের বোসদের বাড়ীর অনেকগুলো পাতি হাঁস ভেসে বেড়াচ্ছে দেখতে পাওয়া যাবে। বোসদের বাড়ীও প্রায় খালি। দূর সম্পর্কীয় কে থাকেন আর আছে এক কর্মচারী। সবাই বিদেশবাসী। কেউ ঢাকায়, কেউ কলকাতায়, কেউ-বা আরো দূরে। আর একজন থাকেন আরও—আরও অনেক দূরে, একেবারে সাতসমুদ্র তেরো নদীর ওপারে পশ্চিম গোলাক্কে, আমেরিকায়। আমেরিকার বিখ্যাত আইওয়া বিশ্ববিদ্যালয়ের খ্যাতনামা অধ্যাপক সুধীন্দ্র বোস। ঐ বোসদেরই ছেলে, এই ক্ষুদ্র নগণ্য কেরটখালী গ্রামেরই ছেলে!.....

বোসদের বাড়ী ছাড়ালেই বারুই পাড়া, নাপিত পাড়া, তারপর ভুঁইমালী পাড়ার মধ্য দিয়ে সরু গলিপথ। ছ'পাশে সারি সারি মাদার গাছ, শিমুল গাছ, আম ও কলাবাগান, তার নীচে নীচে বেতঝোপ, বেঁটুফুল ও ধুতুরার জঙ্গল, কত নাম-না-জানা বুনো ফুল, গাছের ডালে ডালে কত নাম-না-জানা পাখীর কলরব।

পাড়া থেকে দক্ষিণ দিকে বেরিয়ে এলেই পড়তে হবে মাঠে। মাঠ মানে, ধানের ক্ষেত। বর্ষায় ধান আর শীতে হয় তরিতরকারি, মুগুর, মটর, কলাই। আল ঘুরে ঘুরে এগিয়ে গেলেই দূরে দেখা যাবে মজুমদারদের পুরোনো বাড়ী। ভগ্ন অট্টালিকা। আন্তরহীন, ছোট ছোট ইটের সারি দেখা যায়। চণ্ডীমণ্ডপের কানিশে কবুতরের দঙ্গল। মজুমদার বাড়ী বাঁয়ে রেখে য়্হ চাটুজ্জ্যমশায়ের বাড়ীও বাঁয়ে রেখে ঐ মাঠ দিয়ে পূব দিকে এগিয়ে গেলেই পড়বে ব্যানার্জী পাড়া।

তপাদার বাড়ী যেতে হলে এবার যেতে হবে পশ্চিমে। কামিনী ব্যানার্জী-দের প্রকাণ্ড টিনের চৌ-চালা, তারপর অনাথ চক্রবর্তীর বাড়ী, ওদের বাড়ীর পাশ দিয়ে আর-একটু এগিয়ে গেলেই এসে যাবো তপাদার বাড়ীতে। এগিয়ে আসবে যোগেশ তপাদার। শুধু ভদ্র ও বিনয়ী নয়, সদা হাস্তময়। নিয়ে গিয়ে একেবারে তার শয়নকক্ষে খাটেই বসাবে পরম সমাদরে।

জীবনে যতবারই দেখা হয়েছে বোগেশের সঙ্গে, ততবারই সেই অগ্নান হাসি দিয়েই সে কথা শুরু করেছে।.....

কেয়টখালীর সকাল স্পষ্ট মনে করতে পারি। শুধু সকাল কেন, সারাটা দিন আমাদের পাড়ার আমাদের গ্রামে বা যা ঘটে থাকে, শুধু তাই-বা কেন, প্রত্যেকটি ক্ষুণ্ণ কি প্রাকৃতিক পরিবর্তন নিয়ে আসে আর তার পরিবর্তনশীল প্রভাব কিভাবে প্রেরণা জোগায় আমাদের মনে আর কিভাবে তা ফুটে ওঠে আমাদের চলাফেরায়, মনের মধ্যে তা গাঁথা রয়েছে।

জ্যৈষ্ঠ মাসের শেষাংশে অথবা আষাঢ়ের প্রথম দিকে দ্রুতবর্ধমান নদীর জল হ হ করে থাল বেয়ে এসে পথঘাট ডুবিয়ে দেয় আর সেই জল নামতে শুরু করে আখিনের শেষাংশে। সুতরাং পুরো পাঁচটি মাস আমাদের দেশে বর্ষাকাল বলা চলে। আড়িয়ল বিলের ধারেই আমাদের গ্রাম, বিক্রমপুরের পূর্ব দিকের তুলনায় বেশ নীচু জমি। তাই আমাদের গ্রামের মাঠে কোথাও কোথাও জলের গভীরতা বারো হাত পর্যন্ত হয়ে থাকে। নদীর সঙ্গে প্রায় দশ মাইল দূরে বোগাযোগ থাকলেও জল নদীর জলের মতো ঘোলা নয়, একেবারে টলটলে, অনেকখানি নীচে পর্যন্ত দেখা যায়।

শ্রোতের সঙ্গে ভেসে আসে অজস্র কচুরিপানা। হয়তো সেই সুদূর নদী থেকেই আসছে কিংবা হয়তো শ্রোতের পথে কোনো গ্রামের পানাগুলো ঠেলে বার করে দেয়া হয়েছে। কোনো ডোবা বা পুকুরে শীতকালে হয়তো আটকে ছিল, বর্ষা পেয়েই এবং শ্রোতের সুযোগ পেয়েই গ্রামের স্বেচ্ছাসেবকরা তার মধ্য দিয়ে নৌকা চালিয়ে চাপ চাপ করে বিভক্ত ও বিচ্ছিন্ন করে পানাগুলো সাবধানে ও সযত্নে শ্রোতের মুখে ছেড়ে দেয়। যেখানে যায় যাক, নিজের গ্রামের জঞ্জাল তো দূর হলো।

পরের গ্রামগুলোও কিন্তু নিজের-পরের বলে কোনো তর্ক তোলে না, কোনো বিকোভ প্রকাশ করে না। কারণ তারাও ঠিক এমনিভাবে কচুরিপানা ঠেলে শ্রোতের মুখে ছেড়ে দেবে, বরং সঙ্গে নিজেরদের গ্রামের মজুত পানাও জুড়ে দিতে ভুল করবে না। ফলে গ্রাম থেকে গ্রামান্তরে ধাকা খেতে খেতে এবং শ্রোতে ভাসতে ভাসতে কচুরিপানার দলল অবশেষে আবার গিয়ে পড়ে ধলেশ্বরী নদীতে।

অপর গ্রামের কচুরিপানা যাতে আমাদের গ্রামে না প্রবেশ করতে পারে, সেজন্ত সতর্কতামূলক ব্যবস্থারও কি অন্ত আছে ? এ ব্যাপারে সবাই হাতে হাত মিলিয়ে দেয়। বুকেরা করেন প্ল্যান, দেন পরামর্শ আর যুবকেরা সেই প্ল্যান ও পরামর্শ অনুযায়ী দিন রাত খাটে। জলের স্রোত গ্রামের কোন্ কোন্ পথে প্রবেশ করছে, সর্বাগ্রে তা পর্যবেক্ষণ করা হয়। তারপর সেই সব পথের এপার থেকে ওপার পর্যন্ত সার্বজনীন চাঁদায়-কেনা একটি লোহার তার জলের সমান নীচু করে ঝুলিয়ে দেয়া হয়। কিন্তু তার তো আর জলে ভাসবে না; সুতরাং কলাগাছের টুকরো তার মাঝে মাঝে বেঁধে দেয়া হয়। ফলে, জলের কয়েক ইঞ্চি ওপর দিয়ে তার লম্বমান থাকে আর তাতে আটকে থাকে ভাসমান কচুরিপানা।

ক্রমবর্ধমান পানার দঙ্গল যদি কারুর বাড়ীর দিকে নৌকো চালাবার পথটি অবরোধ করে দাঁড়ায়, তাহলে সে কি করবে ? একদিন গভীর রাতে চুপি চুপি এসে তারটি তুলে ধরে রেখে নীচে দিয়ে পানাগুলো ছেড়ে দেয়। ধরে রাখার সাহস যদি না থাকে, তাহলে হয়তো গোটাকতক টুকরো কলাগাছ বিচ্ছিন্ন করে তারটা দেয় ডুবিয়ে কিংবা হয়তো গোটা তারটাই খুলে দিয়ে যায়।

পরিস্থিতি এমনি হয়ে পড়লে গ্রামসেবী যুবকের দল রীতিমতো রাত জেগে পাহাড়া দেয় এই তারের সীমান্তরেখা !

বর্ষাকালের বিক্রমপুরে কচুরিপানা সমস্যা বিশেষ !

কিন্তু আবার কাজেরও বটে।

সাদা ও সবুজ মেশানো কচুরিপানার ফুলের উপাদেয় বড়া হয়। বেসন দিয়ে ভাজা এই বড়া অনেকেই ভালোবাসে। কচুরিপানা ভালো সার। বর্ষাকালে কচুরিপানা গরুর খাওয়ারূপে ব্যবহৃত হয়। সব চাইতে মজার ব্যাপার, এই পানার শিকড়ের মধ্যে অনেক সময় শিল্পি, মাগুড়, কৈ, ট্যাংরা, বাম্ প্রভৃতি মাছ পাওয়া যায়। শিকড়গুলো নারদের লম্বমান দাড়ির মতো পানার তলায় ভাসতে থাকে আর মাছগুলি ওর মধ্যেই নিরাপদ আশ্রয় খোঁজে। এই মাছ ধরবার রীতিটাও অভিনব। সরু অথচ শক্ত বাঁশের তৈরী ত্রিকোণ ফ্রেমে-আঁটা জালটি সস্তূর্ণণে জলে নেমে পানার তলা দিয়ে ধীরে ধীরে চালিয়ে দিয়ে অকস্মাৎ উঁচু করতে হবে। মাছেরা টেরও পাবে না যে তাদের চতুর্দিকে জালের প্রাচীর

তৈরী হয়ে গেল। তারপরই ঝপাঝপ আরও দু'জন নেমে পড়বে এবং তিনজন তিনটি কোণ উঁচু করে ধরে জলের মধ্যকার পানাগুলো টেনে ফেলে দেবে। তারপর জালটি তুলে ধরলেই পাওয়া যাবে মাছ।

বর্ষাকালে মাছ ধরবার নানারকম কায়দা কাহুন আছে। টলটলে জলের নীচে কখনো কখনো দেখা যায় ঘাটের কাছে এসেছে বেলে মাছ অথবা ক্ষুদ্র ক্ষুদ্র বাচ্চা সঙ্গে করে টাকি মাছ। ছিপ দিয়ে অনায়াসে ধরা যায়। আরও গভীর জলে ধানক্ষেত, কলমি বা শালুক দলের পাশে পাশে ট্যাংরা, পাবদা বা ছোট সাইজের পোনা মাছ ছিপে ধরা পড়ে। আরও গভীর জলে সহজেই ধরা যায় চিংড়ি মাছ। বাঁশের কাঠি দিয়ে তৈরী খাঁচার মতো জিনিস আছে, যাকে বলা হয় গ্রাম্য ভাষায়, চেই। এতে প্রবেশের পথটি যেমন সহজ, বেরিয়ে আসার পথটি তেমনি গোলক ধাঁধার মতো কঠিন। চেই-এর সঙ্গে একথানা ইট বেঁধে লম্বা দড়িতে এটা নামিয়ে দেয়া হয় দশ-বারো হাত জলের নীচে যাতে চেইখানা মাটিতে গিয়ে স্থির হয়ে থাকে। দড়ির অপর প্রান্ত বেঁধে রাখা হয় ডুবন্ত কোনো গাছের ডালে। সারা রাতের পর টেনে তুললেই দেখা যাবে ওর মধ্যে আটকে রয়েছে বেশ কতকগুলি বোকা চিংড়ি মাছ।

বর্ষাকালে মাছ ধরবার আরও একটা পছা আছে। শক্ত স্নাতোর বাঁধা একটি বড় সাইজের বড়শিতে একটি জ্যাস্ত ছোট পুঁটিমাছ গোঁথে দেয়া হয়। চড়কে যেমন পিঠি কৌড়া হতো বলে শুনেছি, তেমনি ভাবে মাছটিকে আটকে স্নাতোর অপর প্রান্ত একটি ডুবন্ত গাছের নরম ডালের সঙ্গে এমনভাবে বেঁধে রাখা হয় যাতে মাছটা ঠিক জলের ওপর দিয়ে ছড় ছড় করে এদিক ওদিক দৌড়োদৌড়ি করতে পারে। ওর শব্দে আকৃষ্ট হয়ে ছুটে আসে বড় বড় শোল মাছ। কপ্ করে আধারটা গিলে ফেললেই বড়শিতে আটকে যায়। তারপর ছুটোছুটি করেও মুক্তি পায় না, কারণ নরম গাছের ডাল হয়ে পড়ে পড়ে ছইলের ছিপের নরম অগ্রভাগের কাজ করে।

আখিরের শেষাংশে বর্ষার জলে টান ধরলে প্রচুর মাছ দেখা দেয়। বেড়াজাল, ধর্মজাল, খেপজাল, ওচা, চেই, বড়শি, পলো প্রভৃতি নানাজাতীয় যন্ত্র দিয়ে মাছ ধরা হয়ে থাকে। বাজারে মাছ জলের দরে বিক্রয় হলেও মাছ ধরাটাই তখন নেশার মতো পেয়ে বসে। বাজার থেকে যত মাছই আসুক না কেন, নানাজাতীয় মাছের নানারকম ঝাল-ঝোল-চচ্চড়ি-ভাজা যতই রান্না করা

হোক না কেন, তথাপি নিজের হাতে ছিপে ধরা মাছগুলি যে কত বেশী সুস্বাদু লাগে, তা বিক্রমপুরবাসী সকলেই জানেন।

নদীর জল আবার নদীতে ফিরে গেলে থানা-ডোবা-পুষ্করিণী-খাল-বিল সব থাকে কানায় কানায় জলে ও জলজ-জললে ভর্তি। সেই জললে জল পচে যায়, নানারকম অসুখ-বিসুখ দেখা দেয়। আমাদের কেয়টখালী গ্রামে একটিও বাঁধানো পুষ্করিণী নেই যাতে বর্ষার জল প্রবেশ করতে পারে না। ফলে, এই সময় পানীয় জলের খুব কষ্ট। কিন্তু সে বেশী দিন নয়। জলজ-জলল সব তুলে ফেলে দিলে রোদ ও হাওয়ার সংস্পর্শে জল আবার ভালো হয়ে ওঠে।.....

আরও দশখানা গণগ্রামের মতো আমাদের কেয়টখালী গ্রামেও জাতিভেদ বা বর্ণভেদ বা সামাজিক ঠোকাঠুকি লেগেই আছে। এই অন্ধ কুসংস্কারচ্ছন্ন সমাজে বিদ্রোহের ঝাণ্ডা হুলিয়ে যে কিশোর দল খ্যাতির সঙ্গে সঙ্গে অখ্যাতি অর্জন করেছে, আমিও তাদের একজন।

বাবা কিন্তু ভেদাভেদ ততটা মানতেন না। চিরকাল বিদেশে চাকরি করেছেন। সেখানে গ্রাম্য দলাদলি কোথায়? খাওয়ার-পরাব বাছবিচারও নেই তেমন। অবসর গ্রহণের পর গ্রামে এসে বিদেশের মেজাজটা একেবারে পুরোপুরি বজায় রাখা সম্ভব না হলেও আমাদের অগ্রগতিমূলক কথায় বা কাজে সর্বদাই পরোক্ষ সমর্থন ছিল তাঁর। আর তাঁর কোনো ক্রলিং, তা সে বতই বৈপ্লবিক হোক না কেন, অগ্রাহ্য করা কোনো গ্রাম্য দেবতার পক্ষেই সহজসাধ্য ছিল না।

একবারের একটি ঘটনা মনে পড়ে।

নওগাঁয়ের নামজাদা মোক্তার রমেশ কাকা তাঁর অগ্রজ হেমকাকা সহ সেবার দেশের বাড়ীতে এলেন অল্পতম কত্থা রাণীর বিয়ে দেবেন বলে। রমেশ কাকা বাবার মামাতো ভাই, আমাদের বাড়ীর পাশেই চক্রবর্তী পাড়ায় তাঁর দোতলা টিনের ঘর। সবাই সারা বছর নওগাঁতেই থাকেন, শুধু পূজোর সময় একবার এসে মাসখানেক থেকে যান। বাড়ীতে থাকেন তাঁর বৃদ্ধা মাতা ও প্রৌঢ়া ভগ্নী। অনায়াসে নওগাঁতেই রাণীর বিয়ে দিতে পারতেন এবং সেটাই বোধহয় শোভন হতো। কিন্তু না, অল্প মেয়ের বেলা যা-ই করে থাকুন, বাপ পিতামহের ভিটেতে

এসে বিয়ে দেয়াই এবার যুক্তিযুক্ত মনে হলো। বিশেষ করে বৃদ্ধা মাতার পক্ষে অতদূরে যাওয়া আর সম্ভব নয় এবং পাত্রপক্ষের বাড়ীও আমাদের গ্রাম থেকে মাত্র পাঁচ মাইলের মধ্যে।

এসেই রমেশ কাকা ঘোষণা করলেন যে, রাণীর বিয়েটা তিনি একটু ঘট করেই দিতে চান। বরযাত্রী আসবার কথা পঁচাত্তর জন, মানে, একশো জনের ব্যবস্থা রাখতে হবে। কেয়টখালী গ্রামের ব্রাহ্মণ সমাজভুক্ত প্রত্যেকটি পরিবারের জ্ঞী ও পুরুষ সবাইকে থাওয়ানো হবে। শহরের মতো নয়, গ্রামদেশে থাওয়ানো হয়ে থাকে বিয়ের রাতে নয়, পরদিন বাসি বিয়ের দিন দ্বিপ্রহরে। এত বৃহৎ ব্যাপারে স্তূৰ্ণ ব্যবস্থাপনার জ্ঞাত অনেক কর্মী দরকার আর রমেশ কাকা জানতেন যে, স্বেচ্ছাসেবক বাহিনীকে নিয়োগ করতে হলে তাদের নেতাকে দরকার, স্বীকার করলাম, সানন্দে সাহায্য করবো।

বিবাহের দিন চারেক পূর্বে বিকেলের দিকে দেবেন কাকা বললেন : বরযাত্রীদের বসবার ও রাত্রে শোবার জায়গা তো ঠিক হয়ে গেছে, এবার চল্‌ যাই পূব পাড়ায় নেমস্তূতটা সেরে আসি।

সঙ্গে চললাম।

মাখন মুদি ও মিত্তির বাড়ী ডাইনে রেখে, বোসেদের বাড়ী ছাড়িয়ে বারুই পাড়া, নাপিত পাড়া ও ভূঁইয়ালী পাড়ার মধ্য দিয়ে আমরা মাঠে বেরিয়ে এলাম। মজুমদার বাড়ীর দিকে এগিয়ে যেতেই ডাইনে দেখা গেল পাথুরিয়া বাড়ী। তারা ব্রাহ্মণ। বললাম : কাকা, চলুন, তাঁদের বাড়ীটা সেরে আসি।

কাকা বললেন : আগে চল্‌ পূব পাড়ায় যাই।

আপত্তি করবার কিছু নেই। এই পথেই তো ফিরে আসবো।

মজুমদার বাড়ীর শরিকদের ও তাঁদের আশেপাশের কয়েকঘর ব্যানার্জী ও চক্রবর্তীদের নেমস্তূত সেরে আমরা এলাম যহ্‌ ব্যানার্জীর বাড়ী। যহ্‌ ব্যানার্জী ছোটকোনের অর্থাৎ বিপদভঞ্জনর বাবা। নেমস্তূত করা হয়ে গেল। সংবাদ নিয়ে জানা গেল ছোটকোন ব্যানার্জী পাড়ায় গেছে খেলতে।

কাকা বললেন : চল্‌, অনাথদের বাড়ী সেরে এসে উমাচরণ বাঁড়ুয়োর বাড়ী যাই।

অনাথদের বাড়ীর দক্ষিণের পুকুরের পাড় দিয়ে ঘুরে পূব দিকে এগিয়ে

যেতেই দেখা গেল একদল ছেলে কামিনী ব্যানার্জীর বাড়ীর পাশের মাঠে দারিদ্র্যবাহী খেলছে। তারা সবাই আমারই স্বেচ্ছাসেবক বাহিনীর ছেলে। ছোটকোনও রয়েছে। আমার দেখতে পেয়ে সবাই কলরব করে উঠলো। নেমস্তন্ত করতে বেরিয়েছি একথা উচ্চৈঃস্বরে জানিয়ে দিতেই দেবেন কাকা চুপি চুপি বললেন : দেখিস্, কামিনী বাড়ুঘোর ছেলেদের আর কেরানী বাড়ীর ছেলেদের আবার নেমস্তন্ত করে বসিস্ না ঘন।

জিজ্ঞেস করলাম : কেন, সব বামুনকেই তো বলতে বলে দিয়েছেন রমেশ কাকা—

সবাইকেই, শুধু ওরা বাদে।

মানে ? থমকে দাঁড়িয়ে জিজ্ঞেস করলাম।

ওরা সমাজে বদ্ধ। কাকা বললেন : সমাজে ওদের স্থান নেই। সমাজে মানে, ব্রাহ্মণ সমাজে—

কারণ ? চট্ করে মাথায় এক বলক রক্ত উঠলো।

চুপ করিয়ে দেবার জন্তই কাকা বললেন : সে অনেক কথা। তা এখন বলবার সময় নেই আর তুই বুঝতেও পারবি না। ওদের তোর ভলান্টিয়ার দলে নিয়েছিস নাকি ? তাহলে এখনই নাম কেটে দে। ওরা পরিবেশনে গেলে ব্রাহ্মণেরা কিন্তু খাবেন না। মহা কেলেকারি হবে।—চল্, যাই।

একটি পা-ও অগ্রসর হলাম না। জিজ্ঞেস করলাম : ওরাও তো ব্রাহ্মণ, ওরা দিলে ব্রাহ্মণরা খাবেন না কেন ?

আবার সেই কেন ? কাকা রীতিমতো বিরক্তি প্রকাশ করলেন : তোরা আজকালকার ছোকরারা সামাজিক রীতি-নীতি কিছু বুঝিসনে, বুঝতে চেষ্টাও করিসনে, কারণ বোঝা সহজ নয়। ব্রাহ্মণ পরিবেশন করলেও অত্যাচার ব্রাহ্মণ খাবেন না, খেতে পারেন না—যাকগে, তুই যাবি, না আমি একাই যাবো ওদিকটোতে ?

একই যান। তৎক্ষণাৎ জবাব দিলাম : তবে নেমস্তন্ত করতে আমার নিয়ে বেরিয়ে ভালো করেননি কাকা। আমার দলের ছেলেদের মধ্যে বড় বামুন, ছোট বামুন তো দুয়ের কথা ব্রাহ্মণ-কাগছ বলেই কোনো ভেদাভেদ নেই। আপনি রমেশ কাকাকে জানিয়ে দেবেন যে, আমার ভলান্টিয়ারদের মধ্যে একজনও কাজে যাবে না।

বলেই আর অপেক্ষা করলাম না। দারিদ্র্যবান্ধা খেলায় গিয়ে বোগদান করলাম।

সন্ধ্যার পর বাড়ীতে ফিরতেই মা জিজ্ঞেস করলেন : কি বলেছিল রে তোর দেবেন কাকাকে ?

বুঝলাম গোলমাল শুরু হয়ে গেছে। বললাম : বলে দিয়েছি রাণীর বিয়েতে আমরা কাজ করতে পারবো না। কেন, কি এসে বলেছেন কাকা ?

মা বললেন : তুই নাকি বলেছিল সমাজে যারা স্থান পায় না সেই সব ব্রাহ্মণকেও নেমন্ত্রণ করতে হবে ?

বলেছি। দৃঢ়স্বরে জবাব দিয়ে পাল্টা প্রশ্ন করলাম : আচ্ছা, তুমিই বল তো মা, আমরাও ব্রাহ্মণ, ওরাও ব্রাহ্মণ, তাহলে ওদের হাতে আমরা খেতে পারবো না কেন ? ওরা সমাজচ্যুত কেন ?

বাবার সঙ্গে মা-ও তো চিরকাল শহরে শহরেই কাটিয়েছেন, বললেন হেসে : ও বাবা, ঐ 'কেন'টা আমিই ভালো বুঝতে পারি না, তুই পারবি কোথেকে ?—যাকগে, যাও, ওপরে যাও, পাড়ার কাকারা সব এসেছেন তোমার নামে নালিশ করতে।

সোজা ওপরে বাবার ঘরে গেলাম। দেখলাম হেম কাকা, রমেশ কাকা ও দেবেন কাকা বসে আছেন। আমি প্রবেশ করতেই বাবা বললেন : কি রে, তোর ভলান্টিয়াররা নাকি কাজ করবে না ?

চুপ করে রইলাম। বাবা বলতে লাগলেন : তাহলে তো বড় মুশকিলে পড়বে রমেশ। এতগুলো বরখাদ্ধী, তারপর এত লোক থাকে—এ তো ম্যানেজ করাই যাবে না।

হেম কাকা বললেন : অসম্ভব, কিছুতেই পারা যাবে না।

রমেশ কাকা নামজাদা মোক্তার, তাই প্রশ্ন করলেন : কারণটা কি ?

দেবেন কাকার কাছে কারণ নিশ্চয়ই জানা হয়ে গেছে সবার। তবুও বাবার সামনে সে কথটা বলতে পারি কিনা, সেটাই পরখ করতে চাইলেন রমেশ কাকা। তারপর দেবেন কাকার রিপোর্টের সত্যতাও একবার যাচাই হয়ে যাবে।

ওসব মোক্তারী জেরাকে পরোয়া করবো কেন ? বললাম : আপনি বলেছেন গ্রামের সমস্ত ব্রাহ্মণকে খাওয়াবেন। তবে কিছু ব্রাহ্মণকে বাধ দিলেন কেন ?

সমস্ত ব্রাহ্মণ মানে আমি তাঁদের মনে করেছি যারা ব্রাহ্মণ সমাজের অন্তর্ভুক্ত। রমেশ কাকা জবাব দিলেন।

কিন্তু আমার পক্ষে মুশকিল কাকা, আমি বলতে লাগলাম : আমার ভ্রাতৃত্বের দলে বামন-কায়স্থ বলেই কিছু নেই, তার আবার সমাজের বামন ও সমাজচ্যুত বামন। দেবেন কাকা তাঁদের নেতৃত্ব করলেন না, তাঁদের বাড়ীর ছেলেরাও আমার দলে আছে। আপনি কিছু বামনকে বাদ দিলেও ছেলেরা একজনকেও আমি একথা বলে বাদ দিতে পারবো না যে, তোমরা সমাজচ্যুত। কাজেকাজেই সবাইকে নিয়ে সরে থাকাই ভালো।

দেবেন কাকা বললেন : কিন্তু ওরা বহুকাল ধরে সমাজচ্যুত হয়ে আছে। অপরাধ নিশ্চয়ই গুরুতর কিছু করেছিল এবং সেজন্য প্রায়শ্চিত্ত করেনি। তাই—
কি গুরুতর অপরাধ, বলুন না কাকা। ওঁৎসুক্য আর চেপে রাখতে পারছিলাম না।

আদালতের হাকিম যে গম্ভীরস্বরে যেভাবে চার্জসীট পাঠ করে আসামীকে শুনিয়ে দিয়ে থাকেন, কতকটা তেমনি সিরিয়াস হয়েই বলতে লাগলেন দেবেন কাকা : এই তো পাখুরিয়া বাড়ী। ও বাড়ীর কিরণ বাঁড়ুয়ে এক টাড়ালের বাড়ীতে একটি দিন বা একটি হপ্তা নয়, পুরো এক মাস গীতা পাঠ করেছিল। আর শুধু কি পাঠ, সেই টাড়ালের হাতে বাতাসা ও জল খেয়েছে। তারপর কামিনী বাঁড়ুয়ে। শুনেছি, মামলা করতে মুন্সীগঞ্জ গিয়ে সে কোন্ উড়ে বাঘুনের হোটেল খায়। উড়ে বাঘুন মানে, এখানে এসে গলায় স্নতো ঝুলিয়ে বামন সেজেছে। আর কেরাগী বাড়ী। জানিস, সত্যচরণ কেরাগী তার মেয়ের বিয়ে দিয়েছে কুলে খাটো একটি ছেলের সঙ্গে। সে আবার বিলেত-ফেরত। অথচ প্রায়শ্চিত্ত করেনি। এই সব অনাচারী ব্রাহ্মণ—

বাবাই এবার বাধা দিলেন : অনাচারী কি করে হলো এটা অবশ্য আমিও ঠিক বুঝতে পারছি না। কি হে হেম, রমেশ, তোমরা কি বল ?

অন্তরে অন্তরে যে তাঁরাও এটা ঠিক বুঝতে পারছেন না, বেশ বোঝা গেল। কারণ তাঁরা হেসে ফেললেন। রমেশ কাকা বললেন : শহরে অবশ্য গ্রামের আইনকাহুন চলে না। সেখানে কুলশীল-জাতিবর্ণ সব একাকার।

হেম কাকা কিন্তু তথাপি বৃষ্টি ঝুঞ্জে বার করতে চেষ্টা করলেন : শহরের কথা শহরে। এসেছি গ্রামে, দেশের বাড়ীতে। এখানে যা চলে, সেইভাবে

চলাই ঠিক। কোন্টা ঠিক, কোন্টা অঠিক, তা নিয়ে বিচার করতে বসলে অনেক ছাদামা দেখা দেবে। আর মাত্র চার দিন বাকি। বিয়েটা হয়ে যাক, তারপর না হয় এসব নিয়ে বিচার-বিবেচনা করা যাবে।

প্রস্তাবটা বোধহয় সবারই মনঃপুত হলো। রমেশ কাকা বললেন : ই্যা, তাই ভালো।

দেবেন কাকা বললেন : আমিও তো তাই বলি। বিয়ের মধ্যে আর ওসব নিয়ে গুগুগোল করবার দরকার নেই। পরে দেখা যাবে।

বাবা বললেন : সে কথা মন্দ নয়।

আমি কিন্তু নাছোরবান্দা। বিয়ের পর বিচার-বিবেচনার এই গাল-ভরা প্রতিশ্রুতি যে কারুরই আর মনে পড়বে না, তা জানি। ক’দিন পর চলে যাবেন হেম কাকা, রমেশ কাকা আর সমস্তা যা আছে, তাই থেকে যাবে। এই মুহূর্তে একটা সুরোগ পাওয়া গেছে, সুরবর্ণ সুরোগ, যা কাজে লাগাতে পারলে বহুকালের গ্রাম্য জাতিভেদ ও কুসংস্কার এক ফুৎকারে উড়িয়ে দেয়া যাবে। এমনি হুক্তিহীন অভিযোগের কি কোনো মূল্য আছে? গীতায় কি শুধু ব্রাহ্মণেরই অধিকার? সেই গীতা শোনবার অধিকার কি চাঁড়ালের নেই? ব্রাহ্মণের মুখেও কি সে গীতা শুনতে পাবে না। আর পাঠান্তে বাতাসা ও জল খেলেই ব্রাহ্মণ মহা অত্মায় করে বসবে? এমন অত্মায় যে তাকে আর ব্রাহ্মণের বাড়ীতে পাতাই পাততে দেয়া যাবে না?.....

মুন্সীগঞ্জে হোটেলের উড়ে বামুন সত্যিকার বামুন কিনা, কে তা অনুসন্ধান করে দেখেছে? এমনি বিদেশে গেলে ছনিয়ার লোক হোটেলে খায় ও প্রয়োজন হলে রাত্রেও থাকে। সেই হোটেলের বামুনঠাকুর সত্যিকার বামুন কিনা, তা কি কেউ জানতে পারে, না জানবার সুরোগ আছে?

তারপর সত্যচরণ কাকা। বিএ পাশ করা তাঁর একমাত্র কন্যাকে বিয়ে দিয়েছেন তিনি বিলেতী ডিগ্রিধারী একজন ডাক্তারের সঙ্গে। ডাক্তারের ঠাকুরদার বাবা নাকি মেয়ের বিয়ে দিয়েছিলেন নিজে নৈকম্য কুলীন হয়ে এক অ-কুলীন অর্থাৎ চক্রবর্তীর সঙ্গে। ঠাকুরদার বাবা এতে কি অপরাধ করেছিলেন বুঝলাম না। তারপর তাঁর যদি অপরাধই হয়ে থাকে, তাহলে সেটা কি পুরুষাভুত্রে চলে আসবে? আর বিলেত গিয়ে উচ্চতর অধ্যয়ন কি গর্হিত কাজ যে, সেজ্ঞাত গোবর খেয়ে ও নাকে খত দিয়ে প্রায়শ্চিত্ত করতে হবে?

এমনি অজ্ঞায় আবদার যে সমাজ করে থাকে। বুঝতে হবে সে সমাজের বনিয়াদে ফাটল ধরেছে, অচিরেই বুর বুর করে ভেঙ্গে পড়বে ও নিশ্চিহ্ন হয়ে যাবে।

সমস্ত যুক্তি সমর্থন করলেন বাবা। ব্যস্, আর পায় কে আমার? ছেলেদের নিয়ে আমি সরে রইলাম।

কিন্তু ভলান্টিয়ার ব্যতীত চলবে কি করে? তাই চললো আরও সলাপারামর্শ, কাকাদের ঘন ঘন জরুরী বৈঠক, বার বার বাবার উপদেশ গ্রহণ, বার বার আমার অনুরোধ, বার বার সেই উদাত্ত প্রতিশ্রুতি, কাজটা তুলে দাও, তারপরই বসবো আমরা।

অবশেষে বিবাহের দিন অপরাহ্নে গ্রাম্য দেবতারা পরাজয় স্বীকার করলেন। বরযাত্রীদের আসবার সময় হয়ে এসেছে, আর কি মুখ ফিরিয়ে বসে থাকা যায়?.....হুড়হুড় করে মুহূর্তের সঙ্কেতে এসে পড়লো আমার স্বেচ্ছাবাহিনী।

নির্বিব্রজে অত্যন্ত স্তব্ধভাবে বিবাহ অনুষ্ঠান শেষ হলো।

পরদিন ভোরেই তথাকথিত সমাজচ্যুতদের নিমন্ত্রণ করতে বেরিয়ে যাবো, এমন সময় বাবা ডাকলেন। বললেন : শোন, সবাইকে পরিষ্কার করে বুঝিয়ে বলবি যে, সমাজের যে বাজে গোলমাল ছিল, তা দূর করবার জ্ঞানই আবার নেমন্তন্ত্র করতে বেরিয়েছিস তোরা।

মা এগিয়ে এসে বললেন : কিন্তু এই বেলা ন'টার সময় নেমন্তন্ত্র করে ছুপুরেই খাবার কথা বলাটা কেমন যেন ভদ্রতাহীন মনে হচ্ছে না। নেমন্তন্ত্র অন্ততঃ একদিন আগে না করলে বোধহয়—

কথাটা সত্যি। বাবা বললেন : সত্যিই সেটা ভালো দেখাবে না। কারুর হয়তো এতক্ষণে রান্নাই চড়ে গেছে। তার চাইতে এক কাজ করিস— বলে বাবা মুহূর্ত কি ভাবলেন, তারপর বললেন : ওদের সবাইকে বরং বিকেলে, মানে সন্ধ্যায় খেতে বলিস। আমি রমেশকে বলে দোব'খন।

হনহন করে বেরিয়ে যাচ্ছিলাম। কয়েক পা যেতেই বাবা আবার ডাকলেন। ফিরে এলাম। একেবারে মুখোমুখি দাঁড়িয়ে বললেন : সত্যচরণকে আমার কথা বলিস। বলিস, সে যেন সবাইকে ডেকে সঙ্গে করে নিয়ে আসে। আমি নিজে ওদের সঙ্গে বসে থাকবো।

উত্তেজিত কণ্ঠে বললাম : আমরা কেউ ছুপুরে থাকবো না বাবা। সমাজচ্যুতরা যখন সন্ধ্যায় এসে খেতে বসবেন, আমরাও তখন বসবো সবাই একসঙ্গে।

বাবা হাসলেন মুদ্র, বললেন : আমিও ছপ্পে খাবো না, তোদের সঙ্গেই বসবো।।.....

এমনি করে গ্রাম্য দলাদলি ও জাতিভেদের বর্ণভেদের শ্রেণীভেদের মিশ্রীয় মমিটাকে একদিনের প্রচেষ্টাতেই যেন আর-একবার আমরা কবরস্থ করে ফেললাম।

হুই হাতে সবাই আশীর্বাদ করলেন।

কিন্তু তাই বলে কি দলাদলি আর কখনো মাথা চাড়া দিয়ে উঠবে না? জানি, উঠবে। আবার কেয়টখালী গ্রামে দেখা দেবে এমনি হীন ভেদাভেদ, এমনি নীচ মনোবৃত্তি, আবার অভ্যুত্থান ঘটবে গ্রাম্য দেবতাদের!.....

তথাপি, এই ক্ষুদ্র নগণ্য কেয়টখালীই আমার কাছে প্রিয়ের চাইতেও প্রিয়, সমগ্র পৃথিবীর বিনিময়েও এই গ্রাম থেকে বিচ্যুত হতে চাই না, আমার শিরা উপশিরা, অস্থিমজ্জায় প্রতি রক্তকণিকার সঙ্গে মিশে রয়েছে আমার সেই অখ্যাত গ্রামখানি।

কোহিমুরের চাইতেও যা মূল্যবান!

স্বর্গের চাইতেও যা বড়!.....

ধীরে ধীরে চোখ বুঁজে এসেছিল, এমন সময় হরিমতীর ডাকে চমক ভাঙলো। দাদাবাবু, খাবার দিয়েছি।

রান্নাঘরে বসবার যথেষ্ট জায়গা থাকলেও হরিমতী এ ঘরের মেঝেতেই আমার আসন পাততো। ও ঘরের কালিঝুলির মধ্যে নাকি আমার দম বন্ধ হয়ে আসবে। মাটির মেঝে পরিপাটি করে নিকিয়ে নিয়ে আসন পেতে দিয়েছে। খাবার জলের গ্লাসটি একখানা রেকাবি দিয়ে ঢাকা, তার ওপর নুন, লেবুও কাঁচা লঙ্কা। খালার মাঝখানে ভাত, সঘেঁ একেবারে নিখুঁত এভারেস্ট তৈরী করা হয়েছে। আশেপাশে কয়েক রকমের ব্যঞ্জন। আমি বসতেই হরিমতী পাখা-খানা হাতে তুলে নিল।

বললাম : হাওয়ার দরকার নেই।

কিন্তু সে শুনলো না। একটু পর বললো বেশ মিষ্টি করে : বাড়ীতে থাকলে না হয়তো এমনি করে বসে বসে খাওয়াতেন।

চুপ করে রইলাম। কথাটা মিথ্যে নয়। আমার খাবার সময় যেখানেই যে কাজেই থাকুন না কেন, যা ছুটে আসতেনই।...একটু পরে হরিমতী বোধহয় আমার নীরবতায় সাহস সঞ্চয় করে মুচকি হেসে পাখা নাড়তে নাড়তে বললো : আর বিয়ের পর হলে বৌদি এমনি করে—

বাধা দিলাম : যাও, তুমি থেয়ে নাও, রাত দশটা বেজে গেছে। বাড়ী যাবে না ?

পাখা রেখে উঠলো হরিমতী, বললো : না বাবু। দারোগাবাবু নেই, যা ঠাকরুণের একা ভয় করে। সেখানে আজ থাকতে হবে।

হরিমতী বেরিয়ে গেল। মনে পড়লো অবিনাশবাবুর কথা, সোল এজেন্সী নিয়েছে হরিমতী !.....

আহার শেষ করে বারান্দায় বেরিয়ে দেখি, হরিমতী যায়নি, জলের ঘটি নিয়ে অপেক্ষায় দাঁড়িয়ে আছে। মুখ ধুয়ে ফিরে এসে দেখি তোয়ালে হাতে অপেক্ষায় দাঁড়িয়ে হরিমতী। মুখ মুছে ঘরে এসে দেখি ভাজা মশলার ডিবে নিয়ে অপেক্ষায় দাঁড়িয়ে হরিমতী। বিছানায় গা এলিয়ে দিতে গিয়ে দেখি সারা শয্যায় ছড়ানো অজস্র বেলফুল ও রজনীগন্ধা !.....

খাওয়াদাওয়া সেরে বাসনকোসন মেজে কখন যে সে রান্নাঘরে তালা বন্ধ করে ফেলেছে, টেরও পাইনি। চুপ করে চোখ বুজেই শুয়েছিলাম। কতক্ষণ ছিলাম জানিনি। অকস্মাৎ মনে হলো কে যেন আমার মুখের ওপর ঝুঁকে পড়েছে। টেবিলের ওপর স্তিমিত-করা আলোকেও বুঝতে দেয়ী হলো না যে সে আর কেউ নয়, হরিমতী।

ধমক দিলাম : কী চাও ?

সে কিন্তু এতটুকুও ভয় পেলো না, বললো : না, দেখছিলাম ঘুমিয়ে পড়েছেন কি না। মশারিটা ফেলে দোব ?

না, আমিই নোব'খন ফেলে, তুমি যাও।

চলে যাবার সময় সে বার বার করে সাবধান করে দিয়ে গেল, মশারি শুধু ফেললেই চলবে না, ভালো করে ঝুঁজে নিতে হবে। কারণ এখানে সাপের উপদ্রব নাকি ভয়ানক বেশী। ফুলের গন্ধে খাটের পা বেয়ে বিছানায় উঠে পড়াও বিচিত্র নয়। আমার মাথার দিবিয় রইলো, দাধাবাবু !—বলে সে দরজাটা ভেজিয়ে দিয়ে চলে গেল।

কিন্তু আমার জ্ঞাত হরিমতীর আদর ও যত্ন, চিন্তা ও ভাবনা এবং অবশেষে মাথায় দিব্যি দিয়ে যাওয়া—একটু বেশী মনে হয় না কি ? কোনো প্রভুর জ্ঞাতই কি কোনো ভৃত্য এতখানি ভেবে থাকে, না এতখানি করে থাকে ? পাঁচ টাকার বিনিময়ে এ যে পাঁচশো টাকার সওয়া ! সুখীরের টিপ্সনী মনে পড়লো, অবশেষে ডেটিনিউ বাবুকেও না গের্ণে ফেলে বঁড়শিতে !...ঘিন ঘিন করে উঠলো সারা শরীর ! তখনই স্থির করে ফেললাম, কালই বিদায় করে দোব বেটাকে । রান্না করবো নিজের হাতেই, নইলে মুড়ি খেয়ে থাকবো । কিন্তু দরজায় খিল আঁটতে গিয়ে দেখি, পাশে দাঁড়িয়ে হরিমতী !

সত্যিই রেগে গেলাম : আবার তুমি ! কী চাও ? এই না চলে গেলে দারোগাবাবুর বাড়ীতে ?

সীমাহীন বিনয় প্রকাশ করে জবাব দিল সে : হ্যাঁ বাবু, গিয়েছিলাম । আবার ফিরে আসতে হলো । মা ঠাকরুণ আপনাকে একবার যেতে বলেছেন এখনই ।

চমকে উঠলাম : এঁ্যা, বল কি ? মা ঠাকরুণ, মানে ক্ষীরোদবাবুর জী ? দূর, আমায় ডাকবেন কেন ? তাঁর সঙ্গে আমার সাক্ষাৎ নেই, পরিচয় নেই । তারপর আজ নেই দারোগাবাবু । আর এখন রাত এগারোটা পার হয়ে গেছে । —যাও এখন ।

হরিমতী তবু বললো : কিন্তু তিনি যে বললেন খুব বিশেষ দরকার । একবার চলুন না দাদাবাবু !

কেন ?

তা তো কিছুই বলে দেননি । শুধু বলে দিয়েছেন, বলিস, খুব জরুরী ।

জরুরী ?

আজ্ঞে হ্যাঁ ।—বলে হরিমতী আর অপেক্ষা না করে ঘরে ঢুকলো । টেবিলের ওপর ছিল বড় তালাটা আর বাগিশের তলায় চাবি । নিয়ে বারান্দায় বেরিয়ে এল । দরজায় তালা লাগাবে ।

গুলিয়ে গেল মাথাটা । রাত দুপুরে অপরিচিতা মহিলার জরুরী আহ্বান ? কেন ? কী প্রয়োজন তাঁর থাকতে পারে আমার সঙ্গে ? দারোগার অনুপস্থিতিতে সে বাড়ীতে যাওয়া বিসদৃশ নয় কি ? ঐৎসুক্য জেগেছে আমার মনে, কিন্তু সঙ্কোচেরও কমতি নেই, এমন সময় হরিমতী আমার হাতে চাবি ঝুঁজে দিয়ে বললো : চলুন ।

এক পা এক পা করে তাকে অমুসরণ করতে হলো। অবিনাশের শয়নকক্ষে জানালায় দৃষ্টিক্ষেপ করলাম, অন্ধকার। ইনসপেকশন বাংলাও অন্ধকার, তালা বন্ধ। ক্ষুদ্র মাঠ অতিক্রম করে এসে এ বাড়ীর দরজায় পৌঁছোলাম। হরিমতী আবার বললো : আসুন, দাদাবাবু !

প্রাঙ্গণ পেরিয়ে একেবারে ক্ষীরোদ দারোগার শয়নকক্ষে এসে প্রবেশ করলাম কতকটা সন্মোহিতের মতো ! অকস্মাৎ চমক ভাবলো, যখন দেখলাম উনিশ-কুড়ি বছরের একটি সুন্দরী যুবতী মাথা মুইয়ে আমায় প্রণাম করছেন ! পায়ের ধুলো মাথায় নিয়ে তিনি বলে উঠলেন : আসুন দাদা, বসুন !

আমার মাথায় যেন আকাশ ভেঙ্গে পড়লো !

দাদা !.....

বারো

সত্যি, দাদা সম্বোধন করেই শুরু করলেন ক্ষীরোদ দারোগার স্ত্রী। বলতে লাগলেন তাঁর পারিবারিক ইতিহাস...বৃদ্ধ পিতা বাতব্যাধিগ্রস্ত হলেও যশোহরে কোন্ গ্রাম্য মধ্য ইংরেজী বিদ্যালয়ে আজও ট্যান্স ট্যান্স করে হেডমাস্টারী চালিয়ে যাচ্ছেন। করুণাপরবশ হয়ে নয়, স্কুল কমিটি অপরিহার্য্য বিবেচনা করেই এই বৃদ্ধকে কিছুতেই বিদায় দেবার ঝুঁকি নিতে চাইছেন না। কারণ এঁর পরিত্যক্ত আসনে বসবার মতো যোগ্য ব্যক্তি আর কাউকে খুঁজে পাচ্ছেন না তাঁরা। গরীব মধ্যবিত্ত পরিবার। উপচে পড়ে না, চলে যায়। দিদির বিয়েতে ক্ষীরোদ-বাবু আসেন অগ্রতম বরযাত্রী হয়ে। চা ও জলখাবার পরিবেশনের ভার পড়ে বোনের ওপর। ক্ষীরোদবাবু এঁকে পছন্দ করে বসেন। বৃদ্ধ বাতব্যাধিগ্রস্ত অসহায় শিক্ষক আকাশের চাঁদ হাতে পেলেন। দিদির বিয়ের আগলপনা শুকোতে না-শুকোতেই সাত দিনের মধ্যেই বোনের বিয়ের শাঁখ বেজে উঠলো। ক্ষীরোদবাবু তখন মাত্র এল সি।

পিতৃকুলের পরিচয় দেবার পর এবার মহিলাটি শুরু করলেন স্বামীর ইতিবৃত্ত। বাধা দিতে গেলাম, কারণ এতে আমার লাভ-লোকসান কিছুই নেই, কোনো সম্পর্ক নেই। পারিবারিক কূটনৈতিক ক্লেদাক্ত পরিবেশের অনেক উর্দ্ধে বিচরণ করি আমরা। কাদায় বাস করি, কিন্তু গায়ে কাদা লাগে না! কিন্তু কোনো বাধা মানলেন না তিনি। বেদনাহত কণ্ঠে বলতে লাগলেন : আপনাকে দেখতে অনেকটা আমার দাদার মতো। হরিমতীর কাছে শুনেছি দাদার মতোই আপান সাদা ফুল খুব ভালবাসেন। তাই দাদা বলেই ডেকেছি আপনাকে। হয়তো সেটা হয়েছে আমার স্পর্ধা, আপনাদের মতো দেশের সুসন্তানের বোন হবার যোগ্য আমি নই।

মহিলাটির কণ্ঠ ভেঙ্গে পড়লো। বললাম : না, না, ও কি বলছেন আপনি ? আপনার যোগ্যতা আপনি কেন বিচার করবেন ? সে ভার থাক আমার ওপর। কিন্তু ব্যাপার কি বলুন তো ?

একটু অপেক্ষা করুন, আসছি।—বলে তিনি হঠাৎ বেরিয়ে গেলেন বারান্দায়। হরিমতী আমায় পৌছে দিয়ে গেছে। দেখতে পাচ্ছি না। বোধ-হয় তার খোঁজেই গেলেন। কিন্তু ভারী অস্বস্তি বোধ হচ্ছিল! বাড়ীর কর্তার

অল্পপস্থিতিতে গভীর রাত্রে তাঁর নিভৃত কক্ষে তাঁর যুবতী জ্বর সঙ্গে যতই বেধ বা উপনিষদ আলোচনা হোক না কেন, কখনও কেউ এর ভালো অর্থ করবে না। ক্ষীরোদ দারোগার কানে যাবেই সোল এজেন্ট হরিমতী মারফত, তারপর কে জানে ব্যাটা আমার নামে বিদ্রী একটা বদনাম দিয়ে ডায়েরী করেই ফেলবে কি না—

উঠতে যাচ্ছিলাম, এমন সময় ফিরে এলেন ক্ষীরোদগৃহিণী। অল্পচক্রে বললেন : দেখে এলাম হরিমতী ঘুমিয়েছে কি না। ঘুমিয়েছে।—দাদা, এই মেয়েলোকটাই নষ্ট করলো আমার স্বামীকে। মফস্বলে গিয়ে যা করেন, তা তো আর চোখে দেখতে হয় না। কিন্তু ফিরে এলেও প্রায়ই এই বেটা তাঁকে নিয়ে যায় গভীর রাত্রে সাঁওতাল পাড়ায়।

প্রশ্ন করলাম : কখন ?

রাত্রে। আপনার ওখানকার কাজ সেরে আপনি মনে করেন হরিমতী বুদ্ধি লক্ষ্মী মেয়ের মতো তার বাড়ীতে গিয়ে ঘুমিয়ে পড়ে। বাড়ী যায় না। এখানে চলে আসে। আমি জেগে থাকলে বেশী কথা হয় না। একটা কাজের অছিলা দেখিয়ে ‘অফিসে যাচ্ছি, এখনই ফিরে আসবো’ বলে ছুঁজনে বেরিয়ে যান। আর আমি যদি ঘুমিয়ে থাকি, তাহলে তো কোনো কথাই নেই। নিঃশব্দে দরজা বাইরে থেকে টেনে দিয়ে চলে যান। রাত শেষ হবার পূর্বক্ষণে যখন ফিরে আসেন, তখন ঘুমিয়ে থাকলেও আমার ঘুম ভেঙ্গে যায় তাঁর মুখের বিদ্রী গন্ধে আর জড়ানো ভাবের অলীল গালি-গালাজে। দাদা, দেশের ও দেশের উপকার করবার ব্রতই আপনারা গ্রহণ করেছেন জানি। আমার মতো নগণ্য বোনের একটা উপকার করবেন ?

মহিলাটির কণ্ঠে অশ্রুসজ্জল আবেগ। সরাসরি প্রত্যাখ্যান করতে পারা কঠিন, নির্দয়তা মনে হলো। জিজ্ঞেস করলাম : কী উপকার বলুন তো ?

তিনি বললেন : আপনি একটু জোর দিয়ে গুঁকে বলবেন এই সব নোংরা স্বভাব ছাড়বার জ্ঞা ? আপনাকে ভয় করেন উনি।

ভয় !—জিজ্ঞেস করলাম : ভয় করবেন কেন ?

এবার হেসে কেললেন মহিলাটি : উনি বলেন আপনারা নাকি কণায় কথায় রিভলভার চালান। শুধু উনি কেন, স্বয়ং গভর্নমেন্টও আপনাদের ভয় করে আর সেই জ্ঞাই ধরে রেখেছে তারা।

হেসে বললাম : মিথ্যে বদনাম । এতে কান দেবেন না আপনি । আমার রিভলভার থাকলেও চুরি-করা রিভলভার, লুকোনো থাকে আর দারোগাবাবুর রিভলভার শোভা পায় তাঁর বেণ্ট-এ । তারপর ছোটো রাইফেল আছে থানায় ।— সে কথা যাক । কিন্তু ক্ষোরোদবাবুকে আমি কি ভাবে বলবো ?

যেভাবে বললে কুপণ উনি ছেড়ে দেন, কুখাণ্ড ছেড়ে দেন । আপনাকে বেশী আর কী বলবো ? আপনি আমার দাদার মতো, দুঃখিনী বোনের জীবনটা যদি ঠাচিয়ে দিতে পারেন.....

একটু পরে চলে এলাম নিজের ঘরে । ভারী লাগছিলো মন !...মশারির মধ্যে এসে গেছে চাঁদের আলো । বালিশের পাশেই অজস্র রজনীগন্ধা আর বেলফুল । সত্যিই, সাদা ফুল ভারী ভালবাসি আমি । হরিমতী ছড়িয়ে রেখে গেছে । ক্লিপেটোর রূপের দেয়ালী নিবে গেছে, কিন্তু মনের আগুন এখনো জ্বলছে গনগন করে । তাই শিকার দেখলেই সে আগুনের শিখা লকলক করে ওঠে । কিন্তু এ্যাসবেস্টসের সাফাৎ বোধহয় পায়নি সে ! এবার পেল ।.....বেটাকে কালই বিদায় করে দিতে হবে ।

কিন্তু ঘুম এলো না সহজে । দুঃখিনী বোনের কথা বার বার মনে হতে লাগলো । জীবনে এঁর সঙ্গে দেখা হয়নি আমার, এখান থেকে চলে যাবার পর সারা জীবনে দ্বিতীয় বার হয়তো দেখা হবে না । কিন্তু কতখানি দুঃখ পেলে যে এমনি নিতান্ত অজানা ও অনাস্থীয় লোককেই এঁরা পরম গুরুদ বলে মনে করেন এবং তার কাছেই ব্যর্থ জীবনের অশ্রুসজ্জল ইতিহাস নিবেদন করে সকাতির সাহায্য প্রার্থনা করে বসেন, মর্ম দিয়ে তা অনুভব করতে লাগলাম । হয়তো এঁর জীবনের শেষ আশার প্রদীপটুকুও নিবে গেছে মাতাল ও দুশ্চরিত্র স্বামীর নির্দয় অত্যাচারে । নীরবে সইতে হচ্ছে অবমাননার কশাঘাত । তাই মজ্জমানের মতো তৃণথণ্ডকেই জাপটে ধরতে চেষ্টা করছেন বাঁচবার আশায় । কিন্তু আমি জানি, কাঁচের বাসনের মতো ভেঙ্গে পড়বে এঁর সর্বপ্রয়াস অপদার্থ স্বামীর উৎপীড়নে । কোনো পথ নেই রেহাই পাবার ! ধূ-করা দিগন্তপ্রসারী জীবন-মরুতে একটুখানি ওয়েসিসের সন্ধানে বাংলা দেশের এমনি কত দুঃখিনীই যে দিশেহারার মতো ঘুরে বেড়াচ্ছে, সর্বহারার কত বোনই যে এমনি নিরুপায় ভাইয়ের পায়ের তলায় একটুখানি সান্ধনা খুঁজে মরছে, পারিবারিক লোহ-যবনিকার অন্তরালে এমনি কত দীর্ঘশ্বাস ও আকুতিই যে গুমরে গুমরে মরছে,

কে তার সংবাদ রাখে! ‘পতি পরমশূদ্ধ’ এই হিটলারী অহুশাসনের যুগকাঠে কত নিরীহ নারীই যে নীরবে আত্মোৎসর্গ করছে, সমাজের কল্যাণকামীদের তা জানবার আগ্রহ কোথায়?.....

পরদিন ভোরেই হরিমতী এসে সতর্ক করে দিল আমার পরম স্নহদের মতো : বাবু, কাল রাতের খবর দারোগাবাবু যেন জানতে না পারেন। তাহলে মাঠাকরণের আর রক্ষে রাখবেন না। বড্ড বদরাগী লোক কিনা।

কথার জবাব দেবার প্রয়োজন মনে করলাম না। মনে মনে বললাম : কী আমার শুভাকাঙ্ক্ষী রে! সতর্ক করে দিতে এসেছেন! অথচ জানি সবার আগে এই বেটাই গিয়ে লাগিয়ে আসবে ওর মালিকের কানে।

শার্ট গায়ে দিয়ে সোজা বেরিয়ে যাচ্ছিলাম, বাধা দিল হরিমতী : সে কি, কোথায় যাচ্ছেন দাদাবাবু, আমি যে চায়ের জল চাপিয়ে এলাম। পরোটা আর হালুয়া করে দিই?

গম্ভীরমুখে জবাব দিলাম : বিনোদবাবুর ওখানে চা খাবার নেমস্তন্ন আছে।

বিনোদবাবুর ওখানে স্টোভে চা তৈরী হলো, সঙ্গে তেলমুড়ি। এমনি নিশ্চিন্ত অবসর, তাতে চা, স্নতরাং চায়ের বাটিতে ঝড় উঠবেই। গত রাতের উপহাস বিবৃত করলাম। বিনোদবাবুও বললেন হরিমতীকে তাড়িয়ে দিতে। স্টোভে ডিমের ডালনা আর ভাত তাঁর ওখানেই ছ’বেলা বেশ চলে যেতে পারবে জানিয়ে দিলেন। একটা চাকরও মিলে যেতে পারে। অবিনাশবাবুকে জানাতে বললেন। আলোচনায় স্যানিটারী ইনসপেক্টার প্রেমতোষও এসে পড়লো। বিনোদবাবু অনেক দ্বিধা ও সঙ্কোচ করে বললেন যে, ঐ ব্যাটাই দারোগার একমাত্র পরম নিষ্ঠাবান টিকটিকি। গাঁয়ের প্রত্যেকটি সংবাদ সম্রাট-সমীপে নিবেদন না করলে মোসাহেব ব্যাটার পেটের ভাত হজম হয় না! বললেন : আপনাদের বলতেও ভয় করে দ্বিজনবাবু, হয়তো বেচারাকে শেষ পর্য্যন্ত মেরেই বসবেন ছ’ যা।

ঘর্কাতানেক পর বাসায় ফিরে দেখি শোবার ঘরে শেকল তোলা, রান্নাঘরেও। রামভরসা বললো যে, এইমাত্র দারোগাবাবু এসেছেন, হরিমতী তাঁর বাসায় গেছে।.....নিশ্চয়ই বেটা সব জানিয়ে দিতে গেছে! এদিকে হরিমতী আর

ওদিকে প্রেমতোষ। দুটিতে মিলে আমার কেশিয়াড়ীর জীবন অতিষ্ঠ করে তুলবে নাকি?.....সুতরাং আর বিলম্ব করা চলে না, আসরে নেমে পড়তে হলো। শোবার ঘরে ও রান্নাঘরে তালা লাগিয়ে বেরিয়ে পড়লাম আবার। উল্লনের ওপর তখন ডাল ফুটছিলো। যাক্, পুড়ে যাক্।

বিকেল পাঁচটায় থানায় ফিরে এসে আর দেখতে পেলাম না হরিমতীকে। দারোগাও কিছুই জানেন না, এমনি ভাব দেখালেন। আমি কিন্তু বুঝতে পারলাম, সবই জানেন ক্ষীরোদবাবু, সবই বুঝেছেন। দেখলাম দারোগার মুখখানা বেশ গম্ভীর, বর্ষাকালের গুমোটের মতো। তবুও একটু পরখ করবার জ্ঞান জিজ্ঞেস করলাম : কাল কদরূর গেছিলেন?

লিখতে লিখতেই জবাব দিলেন : তা প্রায় কণ্টাইয়ের কাছে।

ওখানে ডাকবাংলো আছে বুঝি?

বললেন : আছে কণ্টাই রোডে। কিন্তু আমি গেছলাম গাঁয়ের মধ্যে।

মহা ভাবনার কথা যেন, এমনি ভাব দেখিয়ে বলতে লাগলাম : তাহলে তো ভারী কষ্ট হয় আপনাদের। রাত্রে যুমোবার ভালো জায়গা না পেলে এমনি সারা মাস কী করে মফস্বল করে বেড়াবেন। তারপর শত হলেও বাঙালী তো, সারাদিন খাটুনির পর একটু ঝোল-ভাত না হলে কি করে চলে? চৌকিদার আর দফাদার সে সব ব্যবস্থা কোথেকে করবে?

চুপ করলাম, কিন্তু ওদিক থেকে আর কোনো সাড়া এল না। ক্ষীরোদ দারোগার কলম চলতে লাগলো খচখচ করে। ভেতরে অবিনাশবাবুকে দেখা যাচ্ছে। তাঁর পেন্সিলটা কিন্তু থেমে গেছে। এদিকে চেয়ে আছেন।

ফোস্ করে একটা নিঃশ্বাস ফেলে বললাম : সত্যি, গ্রাম্য থানার দারোগা-বাবুদের মফস্বল ঘোরার কাজটা ভারী বিস্ত্রী! কি বলেন?

কিন্তু কিছুই বললেন না ক্ষীরোদ দারোগা। মুখ তুলেও একবারটি চেয়ে দেখলেন না। গতরাত্রির ত্রুখিনী বোনের কথাটা মনে পড়ে গেল.....আপনি একটু জোর দিয়ে ওঁকে বলবেন.....কী হয় এখনই যদি বলে বসি? কী করবে ও? টেবিলের ওপর খাপে-আঁটা যে রিভলভারটা পড়ে রয়েছে, সেটা তুলে নেবে? কিন্তু তার পূর্বেই যে আমি ঘুমি মেরে ওর নাকটা ঘেঁতলে দোব! নাকের রক্তধারা মুছতে যেতেই আমি তুলে নোব রিভলভারটা। প্রয়োজন হলে টি গার চালাতেও বাধবে না।.....রাগ হচ্ছিলো খুবই। সারা রাত বদমাশি

করে এসে কেমন এখন সাধু সেজে ডায়েরী লেখা হচ্ছে !.....কিন্তু আবার মনে হলো, রক্তারক্তি কাণ্ড হয়ে গেলে আমার হুঃখিনী বোনের হুঃখ দূর করার সাহায্য হবে কি ?

তাই কথা পাড়লাম : হরিমতী আজ চলে গেছে দারোগাবাবু। হুপুয়ে বিনোদবাবুর স্টোভেই কাজটা সেরে নিয়েছি, কিন্তু রাতে কি করবো ভাবছি।

হরিমতীর প্রসঙ্গ উঠতেই মৌনতা ভঙ্গ করলেন দারোগা : আমি তো শুনলাম, হরিমতীকে আপনি তাড়িয়ে দিয়েছেন বদমাশ বলে। আপনার সঙ্গে কি বদমাশি করলো, তা অবশ্য আপনিই ভালো জানেন। কিন্তু চাকর-বাকর পাওয়া এখানে ভারী মুশ্কিল !

বললাম : মফস্বলে তো প্রায়ই যান আপনি। একটা ধরে-টরে আহুন না। তবে হরিমতীর জায়গায় আবার কোনো শ্রীমতীকে এনে বসবেন না যেন, দেখবেন।—আচ্ছা, হরিমতী কী সব বলে গেছে আপনাকে ? আমার নামে বুঝি খুব নিন্দে করে গেছে ?

ক্ষীরোদ দারোগার কণ্ঠ একটু রুক্ষ শোনালো : তা করবে না ? ঘরে তালাবদ্ধ করে চলে গেলেন, অণ্ড ঐ বেচারী যে কি খাবে, তার ব্যবস্থা করে যাননি। আপনার না হয় বিনোদবাবু আছেন, ওর কে আছে ?

জবাব দিতে যাচ্ছিলাম, কেন, আপনিই তো আছেন ওর জীবন-যৌবনের সোল প্রোপ্রাইটর !—কিন্তু সামলে নিলাম, বিশেষ করে দেখলাম, অবিনাশবাবু দূর থেকে বার বার ইশারা করছেন চুপ করে যেতে।

ক্ষীরোদ দারোগা কিন্তু চুপ করে থাকলেন না। আমার মৌনতায় আশঙ্কা পেয়ে বলতে লাগলেন : হরিমতীর মতো ভালো মেয়ে এই তল্লাটে নেই। আর আপনি কিনা তাকে বদমাশ বলেছেন। ডেটিনিউবাবুও যে সবাই ধর্মপুত্র যুধিষ্ঠির, সে কথা জোর করে বলতে পারেন কি ? রাত বে-রাতে তারাই বা কি করে বেড়ায় কে জানে !

চট্ করে মাথা খুন চেপে গেল, কিন্তু অপরিচীত চেষ্টায় টেনে নামিয়ে আনলাম ব্যারোমিটারের পারাটাকে হুঃখিনী বোনের কথা মনে করে। জোর দিয়ে বলতে অসুবিধা জানিয়েছেন তিনি, রিভলভার দিয়ে গুলী করতে তো বলেননি।

ক্ষীরোদ এতে যেন আরও আশঙ্কা পেয়ে গেলেন। এবার তাঁর কথাগুলো

যেন আশ্পর্ক মনে হতে লাগলো : গভর্নমেন্ট আপনাদের থানায় রেখেছেন আর আমাদের বলেছেন আপনাদের ওপর নজর রাখতে । কিন্তু আমি তো জানি, আমি না থাকলেই আপনি অনেক রাতে বাড়ী করেন, সার্কাস দেখতে যান বা ভাস খেলতে যান এবং সবাই ঘুমুলেও আপনার রাত্রির কাজ শেষ হয় না । কে যে কতখানি জিতেন্দ্রিয়, জানা আছে আমার ভালো করেই ।

নাঃ, সহেরও একটা সীমা আছে ! ভালো করেই ব্যাটাকে জানিয়ে দেওয়া দরকার যে আমি দ্বিজন গাঙ্গুলী, ক্ষীরোদের মতো কুকুরদের ফুসফুস ফুটো করে দিতে এতটুকুও দ্বিধা করি না ! ফস্ করে টেনে নিলাম ক্রসবেণ্টসহ রিভলভার, খুলেই ফেলেছিলাম খাপটা, কিন্তু এমন সময় সিপাইদের ব্যারাক থেকে হুলা করে বেরিয়ে এল একজন সিপাই । গেটের পাশে আতা গাছের ওপর ঝাঁপিয়ে পড়েছে একটা বিরাটাকার হুম্মান ।—খেলো, খেলো, সবগুলো কাঁচা আতা শেষ করে ফেলো !

সিপাইয়ের চাৎকারে হুম্মানজী কিন্তু এতটুকুও বিচলিত নন, একটার পর একটা আতা ছিঁড়ে দাঁতে কেটে ফেলে দিতে লাগলেন পরম তাম্বিলাভরে ।

আবহাওয়াটা মুহূর্তে যেন একেবারে জল হয়ে গেল । ক্ষীরোদ দারোগা জিজ্ঞেস করলেন হেসে : কি, হুম্মানটাকে মারবেন নাকি ?

আমার হাতে তখন খোলা রিভলভার ! হেসে জবাব দিলাম : আমার রিভলভারের নিশানা কিন্তু অশ্রান্ত ।

বাজী ধরে বসলেন তিনি : এত দূর থেকে কিছুতেই পারবেন না । অংর ওটা যা লাফানো শুরু করেছে ডাল থেকে ডালে ।—বেশ, যদি এক গুলীতে পারেন, তাহলে কাল বিকেলে মাংস পোলাও খাওয়াবো, আর যদি না পারেন—

দারোগাবাবুর কথা আর শেষ হলো না, আমার নিক্ষিপ্ত গুলীতে বিদ্ধ হয়ে হুম্মানটা হুড়মুড় করে মাটিতে পড়ে গেল এবং একটু নড়েই একেবারে অনড় হয়ে গেল ।

এবার হাসলেন ক্ষীরোদ দারোগা, বললেন : আপনি একটি ডাকাত !

হাসাহাসি পড়ে গেল । কিছুক্ষণ পর দারোগাবাবু আবার চলে গেলেন মফস্বলে । কোথায় ডাকাতি হয়েছে । বেশ বুঝতে পারলাম, আজ আবার চলবে সারারাত একটানা মত্তপান ও বদমাশি । এই ব্যাধি ওর জীবনে সারবে না, সারতে পারে না ।...

অবিনাশবাবুকে একটা চাকর সংগ্রহ করে দেবার অমুরোধ জানাতেই তিনি বললেন : নটবর নামে একটা ভালো ছেলেকে কাল থেকে লাগিয়ে দোব আপনার ওখানে। বরস একটু কম। তাহলে কি হবে, কাজে খুব পাকা। আর চোর নয়। দুপুরটা বা হোক করে তো কেটেছে, এ রাতটা গরীবের বাড়ীতেই না-হয় ছোটো ডালভাত—কাল তো মাংস পোলাওএর ব্যবস্থা হয়েই রইলো।

রাত হতে তখনো দেৱী আছে। ছোটো গেম ব্যাডমিন্টন খেলে নেয়া যাবে। ডাক্তারখানার মাঠে ব্যাডমিন্টন খেলা হয়। আমি এসেই এটা প্রবর্তন করেছি। মাসে এক টাকা করে চাঁদা, র‍্যাকেট নিজের। ব্যাডমিন্টন খেলায় বরাবর আমার সুনাম ছিল আর কেশিয়াড়ীতে এমনভাবে জমিয়ে তুলেছিলাম এই খেলার আড্ডা যে, জটাধর সেনাপতিও উৎসাহী হয়ে মাঝে মাঝে খেলতে আসতেন। খেলার পর চলতো এন্টার পান ও সিগারেট, তারপর সন্ধ্যা হতেই তাস। ব্রিজ। রাত এগারোটা পর্যন্ত। পান, সিগারেট ও ব্রিজের পেছনে একটু ইতিহাস আছে, তা বলছি পরে।

আজ কিন্তু মাঠে এসেই আমার মাথায় খুন চেপে গেল। প্রেমতোষ এসেছে, খেলছে সিঙ্গলহাণ্ড বিনোদবাবুর সঙ্গে। খেলা ঘুচিয়ে দোব আজ! সার্কাস দেখতে যাবার কথা এই শালাই লাগিয়েছে দারোগার কাছে!.....নতুন করে দল গঠন হলো—আমি একা আর ওরা দু'জন। কি জানি কেন, আজ আর কেউ এলেন না। না জটাধর সেনাপতি, না গোপাল রায়, না সুধীর। ভালোই হলো, র‍্যাকেট আর ছাড়তে হলো না। দেখলাম, এই হচ্ছে সুযোগ! ক্ষীরোদ দারোগা চলে গেছেন মফস্বলে। থানায় রাজত্ব করছেন এখন অবিনাশবাবু, অর্থাৎ পূর্ণ স্বাধীনতা আমার পক্ষে। এই হচ্ছে সুবর্ণ সুযোগ!

নিরাহ বিনোদবাবু প্রথমটা বুঝতেই পারেননি ব্যাপারটা। খেলা শেষ হতেই আমি ডাকলাম প্রেমতোষকে : প্রেমতোষবাবু, পালাবেন না যেন সাইকেলে করে—নামুন। আপনার সঙ্গে আমার জরুরী কথা আছে।

সাইকেলখানা ডাক্তারখানার বেড়াতে ঠেস দিয়ে রেখে এগিয়ে এলেন স্তানিটারী ইনসপেক্টর স্মার্ট বয়েস মতো।

কি, বলুন।

ভূমিকা করে কী হবে আর? তাই সোজাসুজি আসল কথা পাড়লাম। দেখা গেল, ঠিক জারগায় যা পড়েছে। প্রথমটা তিনি একেবারে আকাশ থেকে পড়লেন, বক-ধাঙ্গিকের মতো ভালো ও সুন্দর আধ্যাত্মিক তত্ত্ব আলোচনা শুরু করলেন, তারপর দ্বিতীয় বার ধমক খেয়ে তাঁর ওজস্বিনী ভাষা যেমন হাঁটু ভেঙ্গে পড়ে গেল, তেমনি কঠেও যেন ঝড়ঝড় করে উঠলো নিউমোনিয়ার প্লেগ্মা। তৃতীয় বার ধমক দেবার পর প্রেমতোষ একেবারে ফ্যাট হয়ে পড়লো। আমার হাতে ধরে ক্ষমা চাইবার জ্ঞান এগিয়ে আসতেই আমি কসে বসিয়ে দিলাম বাঁ গাঙে বেশ ভারী একটি চপেটাঘাত। সামলাতে না পেরে প্রেমতোষ মাটিতে পড়ে গেল। কিন্তু পরক্ষণেই উঠে দাঁড়ালো সে এবং ক্রোধকম্পিত কঠে ইংরেজী ও বাংলা বুকনি ঝেড়ে যা বললো তার সারাংশ হচ্ছে যে, পরদিনই সে যাবে এস ডি ও-র কাছে, তাঁকে সব জানিয়ে ঐশ্বর্য করার বাবে আমায়, জেলে পাঠাবে আমায়। এমন কি ফাঁসিও হয়ে যেতে পারে। আমার আর রক্ষে নেই, কারণ এত বড় একজন সরকারী অফিসার—

Shut up, you rascal! সরকারী অফিসার! চামচিকে আবার পান্থী! জুতো মেরে তোর মুখ ভেঙ্গে দোব।—বলে স্ট্রাণ্ডেল নিয়ে ধাওয়া করতেই বিনোদবাবু ছুটে এসে ছ'হাতে জড়িয়ে ধরে ফেললেন আমায় : থামুন, দ্বিজন-বাবু, থামুন। রাগে আত্মহারা হবেন না।

আত্মহারা আদৌ হইনি। সরকারী ময়ূরপুচ্ছ এঁটে দাঁড়কাক বক্তৃতা দিচ্ছিলেন ওজস্বিনী ভাষায়, তোবড়ানো গালে ছ'বা পড়লেই ব্যাটার আসল কর্কশ স্বর কা কা বেরিয়ে পড়তো। স্ট্রানিটারী ইনসপেক্টর, সে নাকি আমায় ফাঁসিতে লটকে দেবে! সত্যিই, স্ট্রাণ্ডেল দিয়ে ওর দাঁত ভেঙ্গে দিতাম, কিন্তু বিনোদবাবুর জ্ঞান হলো না। ভয় হলো তাঁর, পাছে রাগের মাথায় আমি একটা খুন-খারাপিই করে বসি। কারণ আমরা নাকি—

অল্পমান তাঁর একটুও মিথ্যে নয়। কিন্তু আত্মহারা হইনে আমরা কোনো দিন। ঢাকা মিটফোর্ড হাসপাতালে লোম্যান ও হড্‌সনকে গুলী করার সময় ক্রোধে আত্মহারা হয়ে পড়লে বিনয় বোসের গুলী তাঁদের কানের পাশ দিয়ে বেরিয়ে যেত, আর ধরা পড়তেন তিনি। বন্ধুর মতো কথা বলতে বলতে শত্রুর মতো ছুরি চালিয়ে দিয়ে পরক্ষণেই খাবার দোকানে বসে অর্ডার দোব : দেখি, ছোটো রসোমালাই আর চারটে ফুলকপির সিঁজাড়া। কিন্তু সর্বক্ষেত্রে সর্ব অবস্থায়

আমাদের এই নৃশংসতা শুধু দেশের জন্ত ! বন্দিনী মায়ের মুক্তির জন্তই আমরা ডাকাত, আমরা নরঘাতক !.....

টিউবওয়েলের ঠাণ্ডা জলে স্নান সেরে সবে বারান্দার উঠেছি, এমন সময় সবিস্ময়ে চেয়ে দেখলাম, ধীর পদক্ষেপে আমার বাসার দিকে এগিয়ে আসছেন স্বয়ং প্রেমতোষ সেন ! তাঁর পশ্চাতে আসছেন বিনোদবাবু, অবিনাশবাবু।

বিস্মিত হলাম ! মার খেয়ে শ্রীমান্ বাড়ী যাননি দেখছি। স্থির করলাম, আবার সরকারী অফিসারের বক্তৃতা শুরু করলে এবার সত্যিই স্তাণ্ডেল ব্যবহার করবো। কিন্তু এসেই প্রেমতোষ একেবারে আমার পায়ে পড়ে আর কি !

দ্বিজেনদা, আমায় ক্ষমা করুন।

ক্ষমা ! কিসের জন্ত ?

কাঁদো-কাঁদো স্বরে বললো প্রেমতোষ : অনেক কটু কথা বলেছি। শপথ করছি, এস ডি ও-র কাছে যাবোই না, থানাতেও আসবো না আর।—বলুন, ক্ষমা করলেন আমায় ?

বৃহতে পারলাম না ব্যাপার কি ! মার দিলাম আমি, আর ক্ষমা চাইবে প্রেমতোষ ?...অকস্মাৎ চেয়ে দেখি, পেছনে দাঁড়িয়ে মুচকি হাসছেন অবিনাশবাবু, স্মৃতরাং বৃহতে আর দেৱী হলো না যে, এ তাঁরই কারসাজি। বললাম : আচ্ছা যান, এবারটা কিছু বললাম না। কিন্তু জানবেন, আবার দারোগার কানে লাগালে আর কিছু ছেড়ে দোব না আমি। একটি মহিলা হয়তো বিধবা হবেন, কিন্তু আমাদের পথ পরিষ্কার হবে।

অবিনাশবাবু বললেন : প্রেমতোষবাবু আমায় এসে সব ঘটনা বলতেই আমি গুঁকে সাবধান করে দিলাম। কারণ আপনাদের তো আমরা জানি দ্বিজেনবাবু ! স্বয়ং ব্রিটিশ গভর্নমেন্ট যাদের ভয় করেন এবং ভয় করেন বলেই এমনি মাসোহারা দিয়ে বছরের পর বছর আটকে রাখেন, তাঁদের কি এতটুকু ভয়সা করা যায় ? কে জানে, আর একদিন অন্ধকারে পেয়ে প্রেমতোষবাবুর পেটের খুলিই হয়তো বার করে দেবেন ছোরা চালিয়ে আর লাশটা টেনে ফেলে দিয়ে আসবেন জটাধরের দীঘিতে, তখন ?

প্রেমতোষ এবার হাঁউমাউ করে কঁদে উঠলো : আপনার পায়ে ধরি, দ্বিজেনদা !

* * * *

একটা জিনিস লক্ষ্য করছিলাম এখানে আসবার পর থেকেই। যেসব নতুন জিনিস এখানে আমি প্রবর্তন করেছিলাম, যথা, ব্যাডমিন্টন ও ফুটবল, যথা, নাট্যাভিনয়, যথা, জটাধরের দীঘিতে মৎসশিকার,—সব কাজেই আমার প্রচণ্ড উৎসাহের সঙ্গে ঠিক ভাল রাখতে সব সময় না পারলেও এখানকার সবাই এগিয়ে আসছেন বটে, কিন্তু তারপর যেন আর তাঁদের দেখতে পাইনে। ক্ষীরোদ দারোগা থাকতে অবশ্য তাঁদের আমার বাসায় যাতায়াত শুধু অসুবিধেজনক নয়, বিপজ্জনকও বটে। কিন্তু ক্ষীরোদ ক’দিনই বা আর থাকেন থানায়? মফস্বলে সশস্ত্রপরিবৃত হয়ে রাত কাটানোই তো তাঁর নেশা। একটু কিছু ছুতো পেলেই অমনি ছুটে যান মফস্বলে। তাই প্রায় রাতেই আমাদের পূর্ণ স্বাধীনতা! কিন্তু কই, জটাধর, গোপাল রায় বা অপর কাউকে তো তেমন দেখতে পাইনে সে সব রাতে? থানার মধ্যে বন্দী থাকবার হুকুম মহামাশ্রয় সরকার জারী করেছেন আমার বেলায়, এতে তাঁদের এত ভয় কেন?.....এখানে নতুন উৎসাহ-উদ্দীপনার প্রবর্তন যতই করিনে কেন, এখানকার সমাজের মধ্যে যদি অভুপ্রবেশ করতে না পারি, তাহলে স্থায়ী কিছু কী করে করবো? কী করে আমার পরিচয় রেখে যাবো এই গণগ্রামে?.....

ভারাক্রান্ত মন নিয়ে একদিন বিনোদবাবুকে জানালাম হৃৎথের কথা। বিনোদবাবু তৎক্ষণাৎ বিজ্ঞের মতো জবাব দিলেন : এজ্ঞ দায়ী আপনি নিজে। আরে মশাই, কেশিয়াড়ী উড়িষ্যার সীমান্তের গায়ে একটি গ্রাম। এখানকার সবাই ভীষণ পানখোর আর সিগারেটখোর। কিন্তু আপনি ও রসে বঞ্চিত। পানও খাবেন না, সিগারেটও খাবেন না। তাই সন্ধ্যার পর যত সুবিধেই থাক না কেন, তাঁরা আপনার ওখানে কেন যাবেন? তার চাইতে হরিমতীর কোনো চ্যালাচামুণ্ডার হাতের মিঠে থিলি খেতে খেতে ছুটো মনের কথা কইতে পারলে শাস্তি পাওয়া যাবে।

জিজ্ঞেস করলাম : এই তাহলে কারণ?

নিশ্চয়ই।—জবাব দিলেন বিনোদবাবু।

বললাম : অল্ রাইট, দেখা যাক, কে কত পান খেতে পারেন আর সিগারেট। চ্যালেঞ্জ রইলো আপনাদের কেশিয়াড়ী গ্রামকে।

গোল্ডফ্লেকের টিন এলো, প্রায় সব সময়ই আমার অধরের ফাঁকে শোভা পেতে

লাগলো জলন্ত গোল্ডফ্রেক। আর পান। নটবর বাচ্চা ছেলে হলে কি হবে, পানের কদর সে বোঝে। তাই চললো পান, পানের পর পান। শুধু নিজে খাওয়া নয়, বিলোতে লাগলাম দু'হাতে যেখানে সেখানে, যখন তখন।

ফলে, প্রায় প্রতিদিনই সন্ধ্যাবেলায় বসতে লাগলো থানার বারান্দায় আমাদের একটানা ত্রিভুজ। চলতো প্রায় সারারাত। সঙ্গে পান ও সিগারেট। ব্যাড-মির্টন মাঠে সিগারেট, নাটকের মহলায় পান ও সিগারেট, ফুটবল খেলার ফাঁকে ফাঁকে সিগারেট, পথে ঘাটে হঠাৎ দেখা হলেই পান ও সিগারেট বিনিময়..... একেবারে নরক সৃষ্টি করে ফেললাম দেখতে দেখতে!

বিনোদবাবু একদিন গোপনে ডেকে বললেন : বাসু, এবার একেবারে থোর হয়ে গেছেন তো। আঙ্গুলের ফাঁকেও দাগ পড়েছে, দাঁতেও লালচে আভা। দেখবেন, এদেরই মতো শেষটার পান আর সিগারেটই না আপনাকে খেয়ে বসে।

হাসলাম। বিনোদবাবুর কাঁধে একথানা হাত রাখলাম, যেমন রেখে থাকি আমরা কোনো ছেলেকে দীক্ষা দেবাব বেলায়। তারপর বললাম ধীরে ধীরে : বিনোদবাবু, যেমন ঝাঁকডে ধরেছি, তেমনিই একদিন ছেড়ে দোব এর প্রয়োজন ফুরিয়ে গেলেই। থোর হয়ে যাবার কথা বললেন না? থোব কেন, একেবারে চুর হয়ে আছি আমরা একটি নেশার, সে হচ্ছে দেশপ্রেমের নেশা, দেশকে ভালোবাসার নেশা। সে নেশা থেকে আমাদের যে রেহাই নেই, তা জানি। সেই নেশাটিকে জমিয়ে তোলাবার স্রষ্টা যা বলবেন, তাই করবো, যে পথে যেতে বলবেন, তাই যাবো বিনা দ্বিধায়। আমার দেশের কাছে ব্যক্তিগত পান-সিগারেটের নেশা তো তুচ্ছ, সতীত্বও বড় কথা নয়। দেশ সবার ওপরে, তার কাছে তুচ্ছ সব কিছু। যদি প্রয়োজন হয়, এখানকার সমাজে ঢুকে কিছু অগ্নিস্থলিঙ্গ ছড়িয়ে দেবার স্রষ্টা পান-সিগারেট তো দূরের কথা, মদও খেতে দ্বিধা করবো না। হয়তো হরিমতীকেই আবার সাধরে ডেকে আনবো।

একটু চুপ করে থেকে আবার বললাম : বিনোদবাবু, কাদামাটি ধুয়ে দেবার ব্রত গ্রহণ করলে কাদামাটিতে নামতে হয়, বাইরে দাঁড়িয়ে জল ছিটোলে হবে কেন? কাদাব মধ্যেই তো কমল ফোটে বিনোদবাবু। কমল চাইবেন আপনি, অণ্ড কাদায় নামবেন না, তা কি হয়?

বিনোদবাবু শুধু বললেন : আপনার সঙ্গে কথার পেরে ওঠা অসম্ভব।

তৎক্ষণাৎ বললাম : কারণ, যা আমি সারা অন্তর দিয়ে বিশ্বাস করি, তাই বলি আর যা বলি, তাই আমি করি। কোনো কারচুপি নেই এতে, কোনো রফা নেই। হুঁচ হয়ে ঢুকেছি এঁদের মধ্যে একদিন ফাল হয়ে বেকুবের ব্রত নিয়ে। অত দিন আমি হয়তো এখানে থাকবো না, কিন্তু আমার পরিচয় থেকে যাবে আর থাকবে আমার স্বতঃউৎসারিত প্রভাব !.....

বিনোদবাবু হুঁহাতে জড়িয়ে ধরলেন আমায়, বললেন : দেশের লোক চিনলো না আপনাদের, জানতেও পারলো না, কী আপনারা করে যাচ্ছেন তাদেরই সর্বাঙ্গীণ কল্যাণের জন্ত, তাদের স্বাধীনতার জন্ত !.....

১৯৩৫ সালের নভেম্বর মাসের মাঝামাঝি অকস্মাৎ একদিন সকালবেলা আমার ঘরে এসে উপস্থিত হলেন সার্কেল ইনসপেক্টার যতীন্দ্রমোহন সেনগুপ্ত। হেসে বললেন : I have brought a very good news for you.

কী সংবাদ ?—প্রশ্ন করলাম।

আনন্দোদ্ভাসিত কণ্ঠে জবাব দিলেন ইনসপেক্টার : Here is a transfer order for you to Dacca Jail—আমার বিশ্বাস, ওখানে পৌঁছেই পাবেন আর একখানা সরকারী আদেশ and that will be your release order !
—তারপর বিজ্ঞের মতো জিজ্ঞেস করলেন : কতদিন হলো আপনার ?

হিসেব করে বললাম : তা চার বছর পুরো হলো।

এবার ছাড়া পাবেন।—ভবিষ্যদ্বক্তা জ্যোতিষীর মতো বললেন যতীনবাবু : যান, ঘরের ছেলে ঘরে ফিরে যান। আর যেন এ পথে আসবেন না।

মনে মনে হাসলাম। এ পথে কি আর কেউ হিসেব করে আসে ? না আসবার থাকে কোনো বাস্তবধর্মী প্ল্যান ?....এমনি আকাজ্জক নিয়ে কেউ জন্মগ্রহণ কবে না। বাপ-মাও সকল বাবা-মায়ের মতোই মনে করেন ছেলে তাঁদের লেখাপড়া শিখে মানুষ হবে, বড় চাকরি করবে, দশজনের মধ্যে একজন হয়ে বংশের মর্যাদা বাড়াবে। সেই অনাগত সুদিনের প্রত্যাশায় তাঁরা বিনাধ্বিধায় নিজেদের প্রবঞ্চিত করে, অমানুষিক প্রিশ্রমে গড়ে তুলতে চেষ্টা করেন নয়নের নিধিকে। ছেলেরও যে তাতে কম নিষ্ঠা থাকে, তা নয়। শিক্ষাগ্রহণ, অর্থোপার্জন ও সুনামলাভের সহজ পথটাই বেছে নিয়ে ভালো ছেলের মতো সে ধীরে ধীরে এগিয়ে চলে।

কিন্তু মাঝপথে কোথা দিয়ে যে কী বিপর্যয় ঘটে যায়, সহজ পথে চলতে চলতে

কার প্ররোচনায়, কবে, কোন্ বিশেষ ক্ষণে সে এক বিপদসঙ্কুল দুর্গম পথে পা বাড়িয়ে দেয়, কোন সর্বনাশা পথের নেশা তাকে পেয়ে বসে, অনেক সময় নিজেই সে ভালো করে ঠাণ্ড করিতে পারে না। যখন পারে, যখন প্রাণান্তকব খুঁকির ভয়াবহতা উপলব্ধি করে, তখন সে রীতিমতো মাতাল, মৃত্যু অনিবার্য জেনেও এই ভয়ঙ্কর পথ-চলা থেকে তার আর নিষ্কৃতি নেই। বাপ-মায়ের রক্তীন পরিকল্পনা একখানি কাঁচের পাত্রের মতো চূর্ণবিচূর্ণ করে ফেলে এগিয়ে চলে নয়নের নিধি ঘরে ফিরে না যাবার সংকল্প নিয়ে !

পথ ছাড়বারই যার ক্ষমতা নেই, সে পথে ফিরে না আসবার কথা তখন তাকে বলা নিরর্থক নয় কি ?.....

ভবিষ্যদ্বাণী ও ভালো ছেলে হবার সহপদেশ দিয়ে ইনসপেক্টার যতীন সেন বেরিয়ে গেলেন আর আমি মিনিটখানেক চুপটি করে বসে রইলাম। মনের মধ্যে বার বারই একটি প্রশ্ন মাথা চাড়া দিতে লাগলো : তাহলে কি সত্যি আবার বাড়ী যাচ্ছি আমি ?.....

মেদিনীপুর শহর থেকে চলনদার ছ'জন সশস্ত্র গাড়োয়ালী সৈন্ত ও একজন সহকারী দারোগা এসে গেছে। বাস্ক-বিছানা গুলিয়ে নিলাম এক ঘণ্টার মধ্যেই। দারোগাবাবু মফস্বলে ছিলেন। দেখা হলো না। রওনা হবার প্রাক্কালে থানার সবাই বাইরে এসে জড়ো হলেন। তাঁদের মধ্য দিয়ে অপেক্ষমান মোটর বাসে আরোহণ করবার সময় অকস্মাৎ দেখি অবিনাশবাবুর চোখে অশ্রু আর বিনোদবাবু কৌচাচ খুঁটে চক্ষু মার্জ্জনা করছেন এক পাশে দাঁড়িয়ে। গোপাল রায় এসেছে, এসেছেন ডাক্তার, এসেছেন নীলরতন জানা আর এসেছেন স্বয়ং জটাধর সেনাপতি।

ছ'খিলি মিঠে পান আমার হাতে গুঁজে দিয়ে আর দুই অধরের কীকে একটি সিগারেট ধরিয়ে দিয়ে জটাধর বললেন : সামান্য ক'টা মাস, কিন্তু মনে থাকবে চিরকাল। ঐ তো তোমাদের দোষ ! চিনিনে, জানিনি, দেখিনি কোনোদিন, হঠাৎ এসে পড়লে এই গাঁয়ে। এসেছো, বেশ ভালো। সরকারী অতিথি, সরকারী সার্কেলেই থাকো।—তা নয়। এসে সবার সঙ্গে মিশে, খেলাধুলো করে, হাসি-গল্পে, বন্ধুত্বে একেবারে দিলে সবাইকে মজিয়ে। তারপর হঠাৎ একদিন বলা নেই, কওয়া নেই ছুট করে চললে সব ফেলে রেখে দিয়ে।—শেষের দিকে জটাধরের গলা ভারী শোনা গেল। সামলে নেবার জন্তই চট করে বললেন : বাড়ী পৌছে চিঠি দিও হে একথানা।

হেসে বললাম : অবশ্য যদি বাড়ী পর্য্যন্ত যেতে পারি ।

অবিনাশবাবু এগিয়ে এসে আমার কাঁধে একথানা হাত রাখলেন, বললেন : শুধু-শুধু মায়া বাড়িয়ে দিয়ে গেলেন । জীবনেও হয়তো আর দেখা হবে না, অথচ ভুলতেও পারবো না এ ক'টা মাসের কথা । অন্ততঃ পাঁচটা বাজলেই একবারটি মনে পড়বে আপনার কথা ।

বিনোদবাবু বললেন : ব্যাডমিণ্টন কোর্টে এবার ঘাস গজাবে । কে আর উৎসাহ নিয়ে শাটলুক্‌ক আনাবে সেই কলকাতা থেকে আর এমনি কমপিটিশনই বা কে চালাবে !

জটাধর হাসবার চেষ্টা করে আবহাওয়াটা হালকা করে দিলেন : আর আমাদের ত্রিভুজ ? সন্ধ্যাবেলায় এমনি আসরটা এবার উঠে গেল । আমার পান খরচাও হবে না, ভায়ারও আমার গোল্ডফ্রেকগুলো বেঁচে গেল ।

চট্ করে কি মনে পড়তেই জটাধর এগিয়ে এসে জানালা দিয়ে তাঁর গোল্ডফ্রেকের টিনটা আর মিঠে পানের রূপোর ডিবেটা আমার হাতে গুঁজে দিলেন । কোনো মানান্স কান দিলেন না ।

ব'স ছেড়ে দিল । যুক্তকরে নমস্কার ও প্রতি-নমস্কার সেরে আসনে সোজা হয়ে বসতে যাবো, এমন সময় দেখি দূরে দারোগার বাড়ীর দরজার বাইরে এসে দাঁড়িয়েছেন সেই আমার ছুঁখিনী বোনটি । জানালা দিয়ে গলা বাড়িয়ে চীৎকার করে বললাম : নমস্কার !

দেখলাম, নীরবে হু'খানি হাত যুক্ত হয়ে কপালে গিয়ে ঠেকলো !...

বাস দ্রুতবেগে ছুটে চললো খড়গপুর স্টেশনের পথে ধুলো উড়িয়ে ।

ভেরো।

স্পষ্ট মনে আছে, ১৯৩৫ সালের ১৭ই নভেম্বর এসে পৌঁছোলাম আবার সেই ঢাকা সেন্ট্রাল জেলে! ১৯৩২ সালের ফেব্রুয়ারী মাসে এই জেল থেকেই গিয়েছিলাম বহরমপুর বন্দীশিবিরে পাকা রাজবন্দীরূপে।

ইনসপেক্টর যতীন সেনগুপ্ত গভীর আশা ব্যক্ত করে যখন কেশিয়াড়ীতে বলে দিয়েছিলেন ঢাকা জেলে পৌঁছেই পাবো দ্বিতীয় মুক্তির ফরমান, মনে মনে যে তখন একটুখানি খুশীই হয়ে উঠেছিলাম তা অস্বীকার করতে পারিনে। তাই জেল অফিসে পৌঁছেই আগ্রহান্বিত হয়ে উঠলাম সেই মহার্ঘ দ্বিতীয় সরকারী আদেশপত্রের জ্ঞাত। তখন সন্ধ্যা ছ'টা বেজে গেছে! অফিসের উদ্ভূত-কণা কেরানীগুল বলে দেড়টায় চলে গেছেন শম্ভুকের মতো ধুকতে ধুকতে কলম পিবে জর্জরিত হয়ে। ডেপুটি জেলারদেরও কাউকে দেখতে পেলাম না। তবে আবারও আসবেন তাঁরা। আসতে হবে। যে সব হাজতী আসামী আজ বিভিন্ন আদালতে গেছে, তারা ফিরবে। নতুন যারা আজ ধরা পড়েছে, তাঁরাও ম্যাজিস্ট্রেটের হুকুম নিয়ে আসবে। অগত্যা জেল থেকে যারা স্থানান্তরিত হয়ে আসে, তাদেরও দু'একদল এসে পড়তে পারে। অর্থাৎ সন্ধ্যার পর আবার জেল-অফিসে হাট জমে যায় এবং চলে রাত প্রায় দশটা পর্য্যন্ত। ডেপুটি জেলারের পরিত্যক্ত একখানা চেয়ারে উজ্জ্বল আশা নিয়ে বসে রইলাম। তখনো যদি ছেড়ে দেয়া হয়, তবুও অনায়াসেই যেতে পারবো আমাদের গ্রামে ফিরে, কারণ গয়নার নোকোর সদর ঘাট ছেড়ে যেতে রাত আটটা হয়ে যায়।

এই গয়নার নোকোয় গয়না কিন্তু থাকে না একখানাও। কোনো স্বর্ণকারের ভাসমান বিপণী নয় এ। বেশ বড় আকারের নোকো। ব্যায়াম সমিতির প্রধান শিক্ষকের মতো স্বাস্থ্য—যেমন দীর্ঘ, তেমনি তার প্রস্থ। সুবারবান ট্রেনগুলি যেমন করে নিয়মিতভাবে শহরের সঙ্গে যোগাযোগ রক্ষা করে, ঠিক তেমনি বর্ষাকালে জলমগ্ন বিক্রমপুরের সঙ্গে ঢাকা শহরের সংযোগ রক্ষা করে চলে এই গয়নার নোকো। কী করে এর নাম গয়নার নোকো হলো, হয়তো শ্রদ্ধেয় যোগেন গুপ্ত বা সুনীতি চাটুজ্জ বলাতে পারেন। প্রতিদিন সকালবেলা যেমন একখানা আপু নোকো গ্রাম থেকে যাত্রা করে শহরাভিমুখে, ঠিক সেই সময় তেমনি একখানা ডাউন নোকো বড়ীগঙ্গার সদর ঘাট ত্যাগ করে গ্রামে ফিরে

আসে, তেমনি সন্ধ্যাবেলা। রেল লাইন নেই কিন্তু এদের বাতারাতের নির্দিষ্ট পথ আছে। ট্রেনের মতো এদের নির্দিষ্ট কোনো স্টেশন নেই সত্যি, কিন্তু চলার পথে যে-কোনো স্থানে যে-কোনো যাত্রীর জ্ঞাত এর গতি মন্থর করা হয়। সারা দিন বা সারা রাত এই নৌকো চলে। আপ্ নৌকো রাত তিনটেতে ঢাকা শহরে পৌঁছে গেলেও ঘাটে ভিড়তে পারে না। পুলিশের নিষেধাজ্ঞা আছে। তাই সদর ঘাটের বিপরীত দিকে শুভচ্যা গ্রামের প্রান্তে অবশিষ্ট রাতটুকু কাটাতে হয় নোঙর ফেলে। ডাউন যে নৌকোগুলো ঢাকা শহর ত্যাগ করে সন্ধ্যার পর, ট্রেনের মতো তার কোনো টাইম-টেবল নেই বলে এদের ঘাট ছাড়তে রাত আটটা বেজে যায়।

দেয়ালের ঘড়িতে দেখলাম তখন মাত্র সাতটা। আরও আধ ঘণ্টা পর ছেড়ে দিলেও দ্রুতগামী গাড়ী অনারাসে ঘাটে পৌঁছে দিতে পারবে।

কিছুক্ষণ পর ডেপুটি জেলার রেজাক সাহেব এলেন বোধহয় সংবাদ পেয়ে। অভিবাদন ও প্রত্যভিবাদনের পর অত্যন্ত হুঃখ প্রকাশ করে বললেন : দ্বিভ্রমবাবু, হুঃসংবাদ নিয়ে এসেছি আপনার কাছে। ডেটিনিউ ইয়ার্ডে আপনাকে রাখা যাবে না, কারণ আই বি বোধহয় আপনাকে বিক্রমপুর ষড়যন্ত্র মামলার আসামী দলভুক্ত করে নেবে।

বিস্ময় প্রকাশ করলাম : বিক্রমপুর ষড়যন্ত্র মামলা !

কিছুই খবর পাননি বুঝি ?—বলে রেজাক সাহেব সংক্ষেপে যে বিহ্বলকারী সংবাদ প্রকাশ করলেন, তা হচ্ছে এই যে, এই মামলার তোড়জোড় চলছে প্রায় দু'মাস ধরে। একটি একটি করে দশ-বারো জনকে গ্রেপ্তার করে এনে বিচারাধীন আসামী করে রাখা হয়েছে, ডাকাতি, নরহত্যা ও সন্ত্রাসের বিরুদ্ধে ষড়যন্ত্র—এদের বিরুদ্ধে অভিযোগ।

কাকে কাকে গ্রেপ্তার করা হয়েছে বলতে পারেন রেজাক সাহেব ?

জবাব দিলেন রেজাক : সব নাম তো আমার মনে নেই, তবে বিপদভঞ্জন, স্তবোধ, নেপাল না গোপাল চক্রবর্তী—এমন আরও জনকতক। বোধহয় অনাথ নামেও কেউ আছে।.....

চমকে উঠলাম মনে মনে। কিন্তু বাইরে খুব সহজ ভাব দেখিয়ে আর একটা প্রশ্ন করলাম : এরা সব আছে কোন্ ইয়ার্ডে ? আমাকে এদের সঙ্গেই রাখবেন তো ?

রেজাক বললেন : ঠিক বুঝতে পারছিনে। এখন পর্য্যন্ত সরকারী কোনো আদেশ আসেনি। শুধু বিভূতি সাহা বলে গেছেন, আপনাকে যেন রাজবন্দীদের সঙ্গে না রাখা হয় আর এইসব আসামীর সঙ্গেও যেন আপনার দেখা না হয়। কিন্তু এই ছেলেরের তো একসঙ্গে রাখা হয়নি। মনে পড়ছে, অন্ততঃ ড'জনকে চল্লিশ ডিগ্রিতে দেখেছি।

তাদের নাম মনে আছে ?

কালার্টাদ দাস আর বোধহয়—রঙ্গলাল গাঙ্গুলী। রঙ্গলাল আপনার আত্মীয় নাকি দ্বিজেনবাবু ? অনেকটা যেন আপনার মতো দেখতে।

বললাম : কোথায় আমার থাকতে হবে, সেইখানে নিয়ে চলুন রেজাক সাহেব, খুব শ্রান্তি লাগছে। বাস, ট্রেন, স্টেশন, ছ্যাকরা ঘোড়ার গাড়ী—সবই তো চেপে এসেছি, শরীর ব্যথা বোধ হচ্ছে।—চলুন।

এমন সময় একজন জমাদার এসে নিবেদন করলো যে, সিভিল ইয়ার্ড খালি করে, ধুয়ে মুছে পরিষ্কার করে খাট, টেবিল ও চেয়ার বিছায়কে দিয়া গিয়া। অব্—

রেজাক উঠলেন : চলুন দ্বিজেনবাবু, আজ তো ওখানেই থাকুন। কাল বিভূতিবাবু এসে যা করবার করবেন।

চলতে চলতে প্রশ্ন করলাম : বিভূতি সাহা কে ?

আই বি ইনসপেক্টর, এই মামলা তদ্বির করছেন সরকারের পক্ষ থেকে।

ঢাকা জেলের সিভিল ইয়ার্ড বেশ পরিচ্ছন্ন একটি ডাকবাংলোর মতো। ছোট বারান্দা, তারপরই মাঝারী আকারের শয়নকক্ষ, সংলগ্ন বাথরুম। চারিদিকে ইয়ার্ডের নিজস্ব কোনো দেয়াল নেই, অগ্নাগ্ন ইয়ার্ডের দেয়াল পর্য্যন্ত যাওয়া যেতে পারে। সবত্রে বর্জিত গোটাকতক পাতাবাহার গাছ পর্য্যন্ত মাথা উঁচু করে রয়েছে বাংলোর সম্মুখভাগে। যারা হাসপাতালে যায়, ছ' নম্বরে যায়, বিশ ডিগ্রিতে যায় এমন কি চল্লিশ ডিগ্রিতে যায়, তাদের সবাইকেই যেতে হয় এই সিভিল ইয়ার্ডের মধ্য দিয়ে। চল্লিশ ডিগ্রির জ্ঞান নিদ্রিষ্ট স্বানের নালীগুলি ও পানখানার সারি এই সিভিল ইয়ার্ডের প্রাঙ্গণমধ্যেই অবস্থিত বলা যায়।

ডাকবাংলোর সঙ্গে এর পার্থক্য এই যে, এর জানালায় আছে লোহার শিক এবং তাও স্তম্ভশ্রেণী গ্রিল নয়, মোটা ও মজবুত সৌন্দর্যহীন শিক। আর আছে

এমনি শিকের দরজা, যা রাত্রিকালে তালাবদ্ধ হয়ে আক্রমণোন্মুখ ব্যাঘ্রের মতো যেন তীক্ষ্ণ দৃষ্ট্রী প্রদর্শন করে !...

পরিপাটি করে শয্যা বিছিয়ে দিয়ে গেল রাজবন্দী ইয়ার্ডের জনৈক ভৃত্য, কুঞ্জো ভর্ত্তি করে দিয়ে গেল পানীয় জল এবং সিপাইয়ের সঙ্গে ফিরে যাবার প্রাক্কালে জিজ্ঞেস করলো যে, আমি এতখানি পথ এসেছি, চা ও খাবার দেবে, না একেবারে রাত্রের আহ্বারের ব্যবস্থা করতে বলবে।

চট্ করে মাথায় একটা বুদ্ধি এল, বলে দিলাম : শোন, ম্যানেজারবাবুকে বলো চা ও গোটা দুই মামলেট যেন এখন পাঠিয়ে দেন, পরে খাবো ভাত। আর এক কাজ করো, গোটা দুই বাঙিল 'জাহাজ' বিড়ি নিয়ে এসো। আমি আবার সিগারেট খাইনে ; বিড়ি ভালো লাগে ও বেশী খাই। দু' বাঙিল এনো, বুঝলে ?

সিপাই প্রহরায় ভৃত্য চলে গেলে শয্যায় প্রসারিত করে দিলাম শ্রান্ত দেহ। সরকারী দ্বিতীয় আদেশের মর্ম্ম উপলব্ধি করলাম এতক্ষণে ! বিক্রমপুর বড়ঘস্ত্র মামলা...প্রধান আসামী দ্বিজন গাঙ্গুলী।

সত্যই কি অবশেষে পরাজয় স্বীকার করতে হবে আই বি-র কাছে ? বুক চুঁকে এতকাল যাদের চ্যালেঞ্জ করে এসেছি, যাদের নাকের ডগার ওপর দিয়ে চালিয়ে এসেছি এতকাল আমার গুপ্ত বিজয় অভিযান, বুদ্ধির লড়াইতে পরাজিত, ক্ষতবিক্ষত, পর্য্যুদস্ত হয়ে যারা বেঙ্গল অর্ডিন্যান্সের আশ্রয় নিতে বাধ্য হয়েছে, এতকাল পরে আবার কি তারা গাঙীব তুলে নিল ? তাদের অন্ত্রনির্সীর্ণের কামারশালে কি আবার হাপরের তৎপরতা জেগে উঠলো ? শুরু হলো হাতুড়ির চুঁকচুঁক ? মরণ-কামড় হানবার জ্ঞাত কি এরা এবার রণনায়ক করে পাঠালো জেনারেল ভন্ রুণ্ডেটকে পতনোন্মুখ জাৰ্ম্মানীর মতো ?.....কিন্তু বড়ঘস্ত্র মামলা কী করে সাজালো এরা ? কোন্ কোন্ ঘটনাকে কেন্দ্র করে ? কোথায় তার লাকী ? কী তার প্রমাণ ? বেছে বেছে আমারই অনুগামীদের কেন গ্রেপ্তার করা হলো ?—এমনি অসংখ্য প্রশ্ন জাগলো আমার মনে, যার জবাব তখনও কিছুই পেলাম না খুঁজে।

দেখা যাচ্ছে, বছর চারেক রাজবন্দী জীবন কাটাবার পর যদি এই মামলায় সাত বৎসর কারাদণ্ডাদেশ হয়ে যায়, তাহলেই এ জন্মের মতো প্রত্যক্ষ কাজ শেষ হয়ে যাবে। অপেক্ষা করতে হবে পরজন্মের।...

স্বীকার করতে দ্বিধা নেই, মনটা বেশ ভারাক্রান্ত হয়ে উঠলো। সংসারের ধারা

স্তম্ভ, স্তম্ভাশ্রয়ী, ছোটবেলা থেকেই তো তাঁরা আমার তেমনি একটি স্ফটিকস্তম্ভই তৈরী করতে চেয়েছিলেন। তাঁদের নীরবকূঠ প্রচেষ্টার কোথাও এতটুকু ফাঁক ছিল না। প্রতিদানে কি দিয়েছি আমি তাঁদের? দিয়েছি দুর্ভাবনা, দুশ্চিন্তা ও বিনিময় রজনীর শ্রাস্তি!...

সেই শ্রাস্তির প্রতিক্রিয়া যেন আমার মনেও শ্রাস্তি ছড়িয়ে দিল। মনে হলো যেন অনেক হেঁটেছি, অনেক করেছি, এবার বিশ্রাম নেবার পালা এসেছে। ষাঁদের অল্পপ্রেরণায় একদিন এই পথে নেমেছিলাম, সর্বক্ষণ তাঁদের পাশে না পেলেও তাঁদেরই শুভেচ্ছা ও আলীকাদ চলার পথে আমার উৎসাহ দিয়েছে। একক চলতে গিয়েও মনে হয়েছে আমি একা নই, অশরীরী সঙ্গীরা আমার কাঁধে কাঁধ দিয়ে হাতে হাত দিয়ে সঙ্গে সঙ্গে চলেছে।

কিন্তু আজ ঢাকা জেলের সিভিল ইয়ার্ডের শব্দ্যার দেহ প্রসারিত করে দিয়ে হঠাৎ যেন মনে হলো আমি একা, একেবারে একা। আমার ডাকে বাঁরা বেরিয়ে এসেছিল, আমারই সঙ্গে যাত্রা শুরু করেছিল, আজ মনে হতে লাগলো তারা যেন সবাই পেছিয়ে পড়েছে কিংবা ফিরে চলে গেছে। আমার ডাক শুনে আর তারা কেউ আসবে না।...

যদি তোর ডাক শুনে কেউ না আসে, তাহলে কি করতে হবে? যদি সবাই মুখ ফিরিয়ে থাকে, কথা না কয়, তাহলে কি আমার কর্তব্য? ঝড়ের রাতে দুঃসাহসী পথিককে যদি কেউ আলো না দেখায়, যদি সবাই তার মুখের ওপর দরজা বন্ধ করে দেয়, তাহলে কি করবে সে পথিক? সে কি চীৎকার করে কেঁদে উঠবে? সে কি ফিরে যাবে? পথের দেবতাকে ছেড়ে সে কি ঘরের নিরাপদ কোণে আশ্রয় নেবে?.....

এমনি একজন ভারত-পথিকের কথা মনে পড়ে গেল। নির্ভয় নিঃশঙ্ক পথিক। দিশেহারা বে-হিসাবী নয়, আবেগে টকটকে লাল হয়ে উঠলেও অভিভূত হয়ে বিগলিত হয়ে নিশ্চিহ্ন হয়ে যাবার পরিকল্পনা নেই তাঁর। আছে সূচিস্তিত প্ল্যান, অল্রাস্ট এন্টিমেট, তারপর অত্যন্ত হিসাবী অপারেশন, পায়ের পর পা ফেলে নিদ্রিষ্ট লক্ষ্যে পৌছোবার প্রাণান্তকর প্রয়াস.....এলগিন রোড থেকে আফগানিস্তান, সেখান থেকে জার্মানী, জার্মানী থেকে সিঙ্গাপুর, সিঙ্গাপুর থেকে রেঙ্গুন, তারপর রেঙ্গুন থেকে ইক্ষল.....ভারতের সেই পুরুষসিংহ মহাপথিকের কথা মনে পড়ে গেল।

তাঁর সুদীর্ঘ পথ-পরিভ্রমার একটি ক্ষুদ্র বীকে আমার সঙ্গে ক্ষণেকের তরে তাঁর সাক্ষাৎ ঘটে গেল ১৯৩১ সালের মার্চ মাসে আলীপুর সেন্‌ট্রাল জেলে। সুভাষচন্দ্র তখন কলকাতার মেয়র, কিন্তু আইন অমান্য আন্দোলনে যোগদানের অপরাধে আলীপুর সেন্‌ট্রাল জেলে বন্দী। আর, আলীপুরের সহকারী পাবলিক প্রসিকিউটর গুণেশ সেনের রিভলভার চুরির অভিযোগে হাজতী আসামী আমি। ১৬নং সেলস্-এ থাকি।

কাঁসির দণ্ডাজ্ঞা পেয়ে দীনেশ গুপ্ত যেদিন চলে গেল কাঁসির ঘরে, তার দু'তিন দিন পরই অকস্মাৎ ১৬নং সেলস্-এ এসে হাজির হলেন মনোরঞ্জন গুপ্ত। বরিশাল শঙ্কর মঠের মনাদা'। ডালহাউসী বোমার মামলা সম্পর্কে পুলিশ তাঁকে অনেক দিন ধরে খোঁজ করছিল, পায়নি। সরস্বতী প্রেসে বহুবার হানা দিয়েছে পুলিশ, মির্জাপুর স্ট্রীটের সেই সুপরিচিত মেসটি তল্লাশী করে তখন চ করে ফেলেছে, কলকাতা ও মফস্বলের নানা স্থানে মনাদা'র সন্ধান হস্তে হয়ে ঘুরেছে পুলিশ, পায়নি।

মনাদা'ই বললেন : বুঝলে দ্বিভাষী, অনেক দিন পুলিশের চোখে ধুলো দিয়ে বেশ চালিয়ে যাচ্ছিলাম, ভেবেছিলাম এ যাত্রায় ওরা বুঝি হেরেই গেল। সেই নিশ্চিততাই হলো কাল। কোনো জায়গাতেই বেশী দিন থাকতাম না, কিন্তু পুলিশের উৎসাহে বোধ হয় ভাটা পড়ে গেছে বার বার অকৃতকার্য হয়ে, এই ধারণা নিয়ে গ্রামের একটা গ্রাইমারী স্কুলে সেই যে মাস্টারী নিয়ে ঢুকলাম, আর কোথাও যাবার তাগিদ রইলো না তেমন। একদিন পুকুরে স্নান সেরে ফিরে এসে ঘরে ঢুকতেই একেবারে ওদের হাতে পড়তে হলো।

যাই হোক, দিনগুলি ভালোই কাটছিল আমাদের। ১৬নং সেলস্-এ আমরা দু'জন ছাড়া থাকতো আর একজন এ্যাংলো-বার্মিজ কয়েদী। বার্মালারি মামলায় আট মাস কারাদণ্ড হয়েছে, তারপর জেলের কোন্ আইন ভঙ্গ করায় জেলার মিঃ সোয়ান ওকে আমাদের এখানে চালান করে দিয়েছেন।

মনাদা' শ্রেণীভুক্ত অর্থাৎ ডিভিশন ওয়ান হাজতী আসামী, তাই তাঁর বা খাবার ও যে পরিমাণ খাবার আসতো, তারই ভাগ পেতাম আমি শ্রেণীহীন অর্থাৎ ডিভিশন থ্রি আসামী। পাশাপাশি বসেই খেতাম।

এর মধ্যেই একদিন খবরের কাগজে দেখতে পাওয়া গেল গান্ধীজী লর্ড আরউইনের প্রস্তাব মেনে নিতে রাজী হয়েছেন। সুতরাং দেশব্যাপী আইন অমান্য

আন্দোলন প্রত্যাশিত হবে। ভালো লাগলো না আমাদের। অনেক আলোচনা করলাম আমরা। অনেক দুঃখ প্রকাশ করলাম গান্ধীজীর উৎকট সত্য্যগ্রহী মনোবৃত্তির জন্ত। এমনি অভিমতও আমাদের সার পেলে যে, গান্ধীজী একটি পলিটিক্যাল ব্রাণ্ডার করে বসলেন !.....

একদিন দুপুরে আমরা খেতে বসেছি। আমার ভাগের কালো মটরের দোতলা ডাল এবং হুন-ঝাল-মশলাহীন দুর্গন্ধযুক্ত লাভড়া তরকারি একপাশে ফেলে রেখে মনাদা'র ভদ্র খাত্ত গ্রহণ করছি। দোতলা ডালের ওপরতলার থাকে প্রায়-ডিস্টিল্ড ওয়াটার আর নীচের তলায় খোসা খরকুটো ও পাথরকুচি মিশ্রিত কালো রংয়ের মটর ডালের আধ সেক্স জুস। সেদিন ছিল দোল। দেয়ালের ওপারে রং ও আবীর ছোঁড়াছুড়ির আনন্দোচ্ছ্বাস আমাদের কানে ভেসে আসছিল।

এমন সময় অকস্মাৎ বাইরে ইয়ার্ডে যেন চাঞ্চল্য দেখা গেল। মেট পাহারা যারা ছিল, তারা ব্যস্ত হয়ে উঠলো এবং পরক্ষণেই একেবারে আমাদের ভোজন কক্ষের সম্মুখে এসে উপস্থিত হলেন আর কেউ নন, স্বয়ং সূভাষচন্দ্র। খালি পা, খালি গা, ধূতির কৌচা কোমরে গোঁজা, সারা গায়ে, মুখে ও মাথায় আবীর ভর্তি, চশমার কাঁচেও আবীর আর হাতে একখানি রুমালে বাঁধা খানিকটে আবীর।

প্রথমটা আমরা হকচকিয়ে উঠলাম, সূভাষচন্দ্র এখানে—একা? তারপরই দেখতে পেলাম সোয়ান সাহেবের মুখ। দরজা দিয়ে উঁকি মেরে দেখে সরে গেলেন। বোঝা গেল, না, দেহরক্ষী আছে সাথে। আহা! অসমাপ্ত রেখেই উঠে পড়লাম আমরা এবং হাতমুখ ধুয়ে এসে দাঁড়ালাম সম্মুখে। ইঁা, একেবারে সূভাষচন্দ্রের মুখোমুখি। পায়ে হাত দিয়ে প্রণাম করলাম আমি।

কুশলাদি প্রশ্নোত্তরে কালক্ষেপ না করে, কোনোরূপ ভূমিকা না করে সূভাষচন্দ্র বললেন হেসে : আজ দোল। হিন্দুদের একটা সাংঘাতিক ধর্মের ব্যাপার বলে সোয়ানকে বুঝিয়ে রং দিতে বেরিয়েছি। সব জায়গায় ঘুরে আপনার এখানে এলাম। বলেছি সোয়ানকে, পাঁচ মিনিট থাকবো। এর পর যাবো বম্ ইয়ার্ডে।

মনাদা' হাসলেন নীরবে।

সূভাষচন্দ্র আমার পরিচয় জিজ্ঞেস করতে মনাদা' নাম ও পরিচয় জানালেন। তারপর নিশ্চিন্ত হয়ে বলতে লাগলেন সূভাষচন্দ্র : গান্ধীজীর দুর্ভিক্ষ দেখলেন।

আরউইনের মিঠে কথার ভুলে তার কীদে পা দিয়ে বসলেন। এবারকার আন্দোলনের মতো জোরদার আন্দোলন কখনো হয়নি। একযোগে সারা ভারতবর্ষে আগুন জ্বলে উঠেছে। গভর্নমেন্ট কোলাপ্‌স্‌ করবার অবস্থায় এসে গেছে। আর ছ'টা মাস এমনি চালাতে পারলেই we could have dictated terms of agreement, তাই নয় কি ?

মনাদা' বললেন : আমিও তাই বিশ্বাস করি।

ধূর্ত আরউইন সেটা বুঝতে পেরেছে, বলতে লাগলেন সুভাষচন্দ্র : বুঝতে পেরেছে যে; শুধু বন্দুক চালিয়েই দেশ শাসন করা সম্ভব নয়, জনসাধারণের সহযোগিতা ছাড়া গভর্নমেন্ট চলতে পারে না। তাই এবার শ্রীমান্‌ নীচে নেমে এসেছে, আসতে বাধ্য হয়েছে।

দরজায় আবার সোয়ানের মুখ দেখা গেল একটি মুহূর্তের জন্ত।

সুভাষচন্দ্র সেদিকে ক্রম্বেপ না করে বলতে লাগলেন : গান্ধীজীর এই নিরুপদ্রব প্রতিরোধ যদি-বা কতকটা বুঝতে পারি, গুঁর সত্যাগ্রহের দর্শন আদৌ আমার ধাতে সয় না। সত্যাগ্রহের আয়ুধহীন আক্রমণে প্রতিপক্ষকে যখন প্রায় কোণঠাসা করে ফেলা গেছে, তখন আবার মিটমাটের কথা কেন ? ওকে হারানোই যদি আমার কাম্য হয়ে থাকে, তাহলে না হারানো পর্যন্ত বিশ্রামের অবসর কোথায় বলুন ! বে-কারদায় পড়েছে যে, সে তো সন্ধি চাইবেই।

নিশ্চয়ই। বললেন মনাদা', তারপর হেসে বললেন : গান্ধীজী বলেন বে-কারদায় পড়া লোক যদি সন্ধি চায়, প্রকৃত সত্যাগ্রহী তাতে আপত্তি জানাবে না।

তার অর্থই হচ্ছে কৌশলে সে খানিকটা সময় নিয়ে নিল নিজের বে-কারদায় পজিশনটা শুধরে নেবার জন্ত। জবাব দিলেন সুভাষচন্দ্র : শত্রুকে যদি এমনি বার বার সুযোগ ও সময় দেয়া যায়, তাহলে একদিন শত্রুই প্রবল হয়ে উঠবে না, কে বলতে পারে ? তখন ? The Satyagrahi will lose the battle.....

দেখলাম চোখমুখ উত্তেজনার লাল হয়ে উঠেছে, লাল রংয়ের আবীরের মধ্যেও তা স্পষ্ট।

আবার দেখা গেল সোয়ানকে। এক মুহূর্ত দাঁড়িয়েই আবার সরে গেলেন। সুভাষচন্দ্রের কণ্ঠে তখন আগামী কালের সর্বাধিনায়কের জলদগম্ভীর স্বর এসে গেছে : অথচ আশ্চর্য্য, ভারতের প্রবীণ নেতারা—প্যাটেল, মতিলাল, মালব্য—

সবাই গান্ধীজীকে সমর্থন করেছেন। দিল্লীতে মিলিত হচ্ছেন গান্ধী-আরউইন প্যাক্ট-পত্রে স্বাক্ষর করবার জন্ত। আমি আপনাদের সবার সঙ্গে দেখা করছি জানবার জন্ত যে, আপনাদের কি reactions, আপনাদের কি মতামত। বাংলা দেশ, কানাইলাল, ফুদিরাম-এর বাংলা দেশ কি এই—এই দিল্লীর দাসত্ব সমর্থন করবে? গান্ধীজীর এই colossal political blunder-এর প্রতিবাদ কেউ করবে না?

তৎক্ষণাৎ বললেন মনোমোহন : আমরা এর প্রতিবাদ করি—

আমিও এর প্রতিবাদ করি, তৎক্ষণাৎ বললেন সুভাষচন্দ্র : বাংলা দেশ এর প্রতিবাদ করে। সত্যগ্রহ বাংলা দেশের কর্মীদের tactics, principle নয়।

পুরো এক মিনিট নীরবে দাঁড়িয়ে রইলেন তিনি। দীর্ঘায়ত বলিষ্ঠ দেহ, গৌরবাস্তি সুভাষচন্দ্র যেন বিদ্রোহের লেলিহান একটি শিখা! স্তব্ধ বিশ্বয়ে সেই অগ্নি-দেবতাকে মনে মনে জানালাম অসংখ্য প্রণাম!.....

সোয়ান আবার এসে ঘুরে গেছেন। সেদিকে ভ্রক্ষেপ নেই আমাদের। পাঁচ মিনিট পার হয়ে পঁচিশ মিনিট হয়ে গেছে। সোয়ানের সাহস হচ্ছে না কিছু বলবার। বললেও খোড়াই কেয়ার করবো আমরা। দুই কানে ধ্বনিত হচ্ছে তখন বিদ্রোহী সুভাষচন্দ্রের অগ্নিবাণী : চুক্তির ফলে নিশ্চয়ই আমাদের ছেড়ে দেবে। গান্ধীজী সবাইকে দিল্লীতে ডেকে পাঠিয়েছেন। যাবো, আমিও যাবো। কিন্তু স্পষ্ট শুনিতে দোব, you have committed a blunder, বলবো, আসমুদ্র হিমাচল আপনার এই চুক্তি সমর্থন করলেও বাংলা দেশ সমর্থন করে না and there is at least a single worker who will not, will never put his signature on this Delhi Bond of Slavery.....

একটু থেমে আবার বলতে লাগলেন : জানি, এর ফলে কংগ্রেসের মধ্যে হয়তো আমি isolated হয়ে পড়বো, কিন্তু আমি তার জন্ত পরোয়া করি না। সাথী যদি না পাই, তাহলে একাই এগিয়ে চলবো.....

সত্যিই একা, একেবারে একা। এই নিঃসঙ্গ মহাপথিক উত্তরকালে একাই এগিয়ে যাবার নতুন আদর্শ স্থাপন করেছিলেন। যদি তোর ডাক শুনে কেউ না আসে, তবে একলা চল রে। একাই বেরিয়ে গিয়েছিলেন ভারতের সীমানা অতিক্রম করে। তারপর.....তারপর একদিন ইস্কলের রণক্ষেত্রে পাহাড়-পর্বত, নদী-অরণ্য প্রতিধ্বনিত করে এই একক মহাপথিকেরই অগ্নিবাণী ভারতের

আকাশে বাতাসে আলোড়ন তুলেছিল : তুমি হামকো খুন্ দেও, হাম তুমকো
আজাদী জুলা.....

ঢাকা জেলের সিভিল ইয়ার্ডে শুয়ে শুয়ে কবিশঙ্কর অবিষ্মরণীয় আহ্বান মনে
পড়তে লাগলো, যদি তোর ডাক শুনে কেউ না আসে, তবে একলা চল রে।
ঝড়-বাদল দেখে যদি সবাই ভয়ে ঘরে গিয়ে ছয়্যার বন্ধ করে, তাহলে বজ্রানলে
আপন বুকের পাঁজর জালিয়ে নিয়ে একলা জ্বল রে।

নিশানা বলে দেবার কেউ নেই, কাঁটা খুলে দেবার কেউ নেই, ছাতা দিয়ে
আড়াল দেবার কেউ নেই। তবুও এগিয়ে যেতে হবে অনির্দেশ পথে দিনের
পর রাত্রি, রাত্রির পর দিন !.....

চোদ্দ

পরদিন সকালেই তলব এল জেল গেট থেকে—আই বি এসেছেন দেখা করতে ।

প্রস্তুত হয়ে নিলাম । এসেছে সৎঘর্ষের আহ্বান । এবার আসরে নামতে হবে । গেট-এ প্রবেশ করেই একেবারে মুখোমুখি হয়ে গেল স্বয়ং গ্র্যাসবি সাহেবের সঙ্গে । বোধহয় আমার অপেক্ষাই করছিলেন ।

Hallo Mr. Ganguly, now you are caught in the trap. There is no way out now, do you understand ?

আণ্ডারস্ট্যান্ড সবই করতে পারছি, কিন্তু পান্টা আণ্ডারস্ট্যান্ড না করাতে পারলে কী আর শিখলাম এতকাল ?...বললাম : I don't know what do you mean by this.

মুহূ হাস্ত করলেন গ্র্যাসবি সাহেব । একটু দূরে দণ্ডায়মান এক ভদ্রলোককে দেখিয়ে বললেন যে, তাঁর যা বলবার, তা সবই আমায় বলবেন ইনসপেক্টার বিভূতি সাহা । উত্তরে আমার যা বক্তব্য, তা শুঁকে বলে দিলেই তিনি জানতে পারবেন ।

দেখলাম, গ্র্যাসবির বেন্ট-এর ছ'পাশে কালো ফিতের ঝোলানো ছুটি রিভলভার । খাপে ঢাকা নয়, একেবারে খোলা । প্রয়োজান হলে যাতে একটি সেকেণ্ডও দেরী না হয়ে যায় । আর বেশ উল্লসিত মনে হলো শুঁকে । হবারই কথা । শুঁদের আরোজনের মরা গাঙে এসেছে জোয়ার, পালে লেগেছে হাওয়া, এবার জয়যাত্রা করবে সপ্তডিঙ্গা মধুকর !.....

প্রকাণ্ড গেট খুলে গেল, গটগট করে গ্র্যাসবি বেরিয়ে গেলেন । এগিয়ে এলেন বিভূতি সাহা ।

চলুন, সুপারের ঘরে গিয়ে বসিগে আমরা । নিরালস্য কথা কওয়া বাবে'খন ।

তারপর কথা শুরু হলো ।

বিভূতি সাহা বললেন : গিয়েছিলেম মশাই, আপনাদের বাড়ীতে সার্চ করতে । দেখলাম আপনার ঘরখানা, আপনার বইয়ের প্রকাণ্ড আলমারিটা ।

উঃ, কী চমৎকার কলেকশন আপনার। বিশ্বের সেরা সেরা বই সব সংগ্রহ করেছেন। পড়েও ফেলেছেন সব নিশ্চয়ই?

ঘাড় নাড়লাম। বলতে লাগলেন সাহা : সত্যি, বিজ্ঞা ও জ্ঞানের জাহাজ আপনার। আর কী পপুলার আপনি, তাও টের পেলাম আপনার গ্রামের অনেকের সঙ্গে কথা করে। দেখলাম, ওদিকের কোনো কাজই আপনাকে বাদ দিয়ে হতে পারে না। নাটকে আপনিই নায়ক, খেলাধুলায় আপনিই ক্যাপ্টেন, লেখাপড়ায় আবার আপনিই ক্লাসের ফার্স্ট বয়, স্বেচ্ছাসেবকদলের আপনিই জি ও সি। জানতে পারলাম গ্রামের প্রত্যেকটি ব্যাপারে, প্রত্যেকটি কাজে আপনার সাহায্য ও সহযোগিতা ছাড়া সিক্কিলাভ হয় না। কতখানি যে ভালোবাসে ও ভক্তি করে আপনাকে গ্রামের হিন্দু-মুসলমান, গ্রামের বুড়োরা, গ্রামের বুকেরা তারও পরিচয় পেলাম। সত্যি কথা বলতে কি দ্বিভ্রমবাবু, আপনাকে না দেখেও সেই থেকে মনে মনে আপনাকে ভালোবাসে ফেলেছি। গ্রামের, সমাজের, দেশের কল্যাণের জন্তু আপনারই মতো নিঃস্বার্থ, কণ্ঠ ও জনপ্রিয় কর্মীর আবশ্যক আছে।

এমনি ওজস্বিনী ভাষায় অবতরণিকার তাৎপর্য হৃদয়ঙ্গম করতে আদৌ দেবী হলো না আমার। বহুবার শুনেছি এঁদের মুখে। মোসাহেবী চাটুবাক্যের মধ্য দিয়ে এঁরা সহজেই এগিয়ে আসেন কাছে। তারপর সীমাহীন প্রশংসার মবিল অয়েল দিয়ে জাহান্নামে তলিয়ে যাবার পথটি বেশ পিছল করে দেন। তারপর আর কী? একটুখানি ঠেলে দিলেই ব্যস, একেবারে স্মাওড়া গাছ থেকে সড়াক করে নেমে আসার মতো সড় সড় করে নেমে যেতে হয় অধঃপতনের উৎরাই পথে। তারপরই শোনা যায় ষড়যন্ত্র মামলার রাজসাক্ষীর কথা, মহামাণ্ড ভারতেশ্বরের ক্ষমাপ্রার্থী হয়ে তোতা পাখীর মতো সহকর্মীদের তালিকা আওড়ে যান।...কিন্তু সব ঢাকা শহরে এসেছেন বিভূতি সাহা, এখনও সম্যক মোলাকাত হয়নি আমার সঙ্গে, খড়্গে খড়্গে ভীম পরিচয়ের পালা এখনও বাকী রয়েছে। যারা চেনেন আমায়, তাঁরাও বোধহয় একে সমঝে দেননি এখনও।

মনে মনে হাসি পেল। কিন্তু বিভূতি সাহা তাঁর মাঝুলী প্রণায় সহস্রমুখে উচ্ছ্বাস দিয়ে, অল্পপ্রাস দিয়ে, উপমা দিয়ে, উৎপ্রেক্ষা দিয়ে আমার গুণকীর্তন করে, অবশেষে বুকভাঙা একটি দীর্ঘশ্বাস কৌশল করে ছেড়ে দিয়ে বললেন যে,

আমার মতো এমনি আত্মত্যাগী মহাপ্রাণ যুবক দেশের ও দেশের অশেষ কল্যাণ সাধন করতে পারতো, যদি না ঐ চপলমতি গুণ্ডার দলে বোণ দিতাম। বললেন তিনি : দেশের স্বাধীনতা কে না চায় দ্বিভ্রমবাবু? ইংরেজকে কি আমরা ভালোবাসি? এই গোলামী কি আমাদের ভালো লাগে? কিন্তু ঐ বোমারিভলভারের পথে কি স্বাধীনতা আসতে পারে? স্বদেশী পক্কন, তা হলেই এরা ভাতে মারা পড়বে ও দেশ ছেড়ে পালাতে বাধ্য হবে।

বললাম : আপনার নয়া থিওরি সম্বন্ধে একখানা থিসিস্ লিখুন না বিভূতি-বাবু, যথাস্থানে পেশ করবো আমি।

থিসিস্।

তা ছাড়া কি! আপনাদের মতো চিন্তাশীল দেশহিতৈষী আর নেই। স্বাধীনতা সংগ্রামের পুরোভাগে দেখছি এবার দেশের আই বি-র দারোগা আর ইনসপেক্টরদেরই স্থান দিতে হবে। কিন্তু যাক্ সে কথা। বিক্রমপুর বড়যন্ত্র মামলা নাকি শুরু হচ্ছে শীগ্গিরই। কীসের বড়যন্ত্র জানতে পারি কি?

বিভূতি সাহা দরদী বন্ধুর মতো বললেন : আপনাকে জানাতে আমার বাধা নেই দ্বিভ্রমবাবু, কারণ আপনাকে ভাইয়ের মতো ভালোবাসি বলেই আপনার জ্ঞাত দুঃখ হয়। আপনার মতো জিনিয়াস্—

এমনি জিনিয়াস্ ক্রাইম কিভাবে করতে পারে, এই তো আপনার বক্তব্য? কিন্তু কী যে ক্রাইম, তা জানতে পারলে তবে তো বলবো আমার যা বলবার আছে।—বলে জিজ্ঞাসু নেত্রে চাইলাম সাহার পানে।

বড় সাহেবের আফ্রানে বড়বাবু যেমন হস্তদস্ত হয়ে ছুটে আসতে গিয়ে কাছাটি হারিয়ে ফেলেন, ঠিক তেমনি ক্রাইমের ফিরিস্তি দিতে গিয়ে বিভূতি সাহা আই বি জনোচিত স্বৈর্য ও সামঞ্জস্য হারিয়ে ফেলে বলে ফেললেন : নিশ্চয়ই, নিশ্চয়ই, তা তো বলবোই। তাই বলবার জ্ঞাতই তো এসেছি আপনার কাছে। সবই জানতে পেরেছি কালাচাঁদ আর রক্তমাংসের কাছে। প্রত্যেকটি ঘটনা, আপনার প্রত্যেকটি কাজ। দেলভোগের হাট থেকে ব্যাপারীদের অনুসরণ করে কীভাবে আপনি ছেলেদের নিয়ে ডাকাতি করেছিলেন, তারপর হাঁসাড়া, মালখানগর প্রভৃতি গ্রামের স্কুল লাইব্রেরী ভেঙ্গে কীভাবে সব গ্রাশগ্ৰাল বই চুরি করেছেন, দীনেশ গুপ্ত আর বিনয় বোস কেয়টখালীতে কতবার এসেছে...সব জানতে পারা গেছে ওদের মুখ থেকে।

জিজ্ঞেস করলাম : আর কিছু ?

আরও অনেক।—বলে সাহা এবার আবেগ ঢেলে দিলেন কথার সুরে :
কিন্তু ওদের হৃদয়কে তাই রেখেছি আলাদা করে ভালোভাবে। অত্যাচার
স্বীকার করে, তাকে আপনারাও ক্ষমা করে থাকেন। আর আমাদের আইনে
তো আছেই।—কিন্তু আমার বক্তব্য—বক্তব্য নয়, অনুরোধ দ্বিঞ্জনবাবু, আপনিও
কেন সব জানিয়ে দিয়ে ঘরের ছেলে ঘরে ফিরে যান না! আপনার মতো
ব্রিটিশার্ট বয়কে যারা এই মারাত্মক পথে টেনে নিয়ে এসেছে, তাদের নামগুলো
শুধু জানিয়ে দিন আমার, I promise you honourable release. The
jail-gate is open for you, my dear brother—আর সুবিধে হচ্ছে এই যে,
পাটির কেউ তো ঘৃণাকরেও জানতে পারবে না এ কথা। কিছু লিখে দিতে হবে
না আপনাকে, শুধু নামগুলো, শুধু—

ভাবাবেগে সাহা একেবারে গদগদ হয়ে উঠছিলেন, তাই বাধা দিতে হলো :
আপনি কতদিন এই আই বি-তে আছেন বিভূতিবাবু ?

দমে গেলেন তিনি কাঠখোঁট্টা অপ্রাসঙ্গিক প্রশ্নে, তবু জবাব দিলেন : ত'
প্রায় বিশ বছর হবে।

ঢাকা এসেছেন কদিন ?

তাও তো প্রায় বছর হতে চললো।

এবারে ক'টি স্ল্যাবান উপদেশ দিলাম সাহাকে : এক বছর হলেও আমার
সঙ্গে এই আপনার প্রথম দেখা। কলকাতা এস বি-র মনি বোসের সঙ্গে আমার
মৌলিকাত হয়ে গেছে, এ্যাসিস্ট্যান্ট কমিশনার বনবিহারীর সঙ্গেও। আপনার
ঐ ভোতা পাখীর বুলিই শুধু সেখানে শুনিনি, সেখানকার বয়লারে রীতিমতো
রোস্ট হয়ে এসেছি। অর্থাৎ বয়লার-প্রফ। বুঝলেন বিভূতিবাবু ?

কাঠহাসি হাসলেন বিভূতিবাবু। পরিষ্কার ঝকঝকে দাঁতের পাটি, হাসতে
গেলেই সেগুলো বেশ দেখা যায় আর চোখ দুটোও ছোট হয়ে আসে। কিন্তু কী
বুঝলেন তিনি জানিনে। দেখা গেল, আর বাক্যজাল বিস্তারের অপচেষ্টা না করে
এবার কাজের কথাই পাড়লেন : তাহলে দ্বিঞ্জনবাবু, আপনার সঙ্গে যখন বনলো
না, তখন আসল কথাটাই জানিয়ে দিই। আমরা শীগ্গিরই বিক্রমপুর ষড়যন্ত্র
মামলা শুরু করছি আর আপনিই হবেন সে মামলার প্রধান আসামী। অর্থাৎ
বাছা বাছা চোখা চোখা তীর রেডি করে রেখেছি আমরা, এবার ছাড়লেই হয়।

বললাম : ভালো কথা। আপনারা তীর ছাড়তে থাকুন, আমিও দেখি কোনো বর্ষ টর্ন পাই কিনা। না পারি, শেষটায় শরশয্যা নোব আর আপনারও একটা প্রমোশন টমোশন—

আবার সেই চোখ-বুজ-আসা কাঠহালি।

উপসংহারে জিজ্ঞেস করলেন বিভূতিবাবু : তাহলে কী বলবো আমাদের সাহেবকে দ্বিজনবাবু ?

বলবেন দ্বিজন গাঙ্গুলী এখনও সেই দ্বিজন গাঙ্গুলীই আছে—he has not given up that abominable practice—আপনাদের সাহেবের ভাবাই বলে দিলাম বিভূতিবাবু !

সাহা চাকা-ভাঙ্গা ছ্যাকরা গাড়ীর মতো জেল থেকে বেরিয়ে গেলেন। আমি ফিরে এলাম সিভিল ইয়ার্ডে।

থাওয়া-দাওয়ার পর শয্যা দেহ প্রসারিত করে দিয়ে মনে হলো, রেজাক ঠিকই বলেছেন, রঙ্গলাল আর কালাচাঁদকে অত্যাচার সঙ্গে না রেখে চল্লিশ ডিগ্রিতে সরিয়ে রেখেছে। কিন্তু দেলভোগ ডাকাতি আর ফুলের বই চুরি সে তো অনেক দিন আগেকার ঘটনা। এতকাল পর আবার তার খোঁজ কেন? এরা কিছু না বলে দিলে পুলিশের ধারণারই অতীত ছিল যে, কোনো বিপ্লবী দল একাজ করতে পারে। কিন্তু কেন স্বীকার করলো এরা? আই বি অত্যাচার করেছে? তা তো করবেই। কীসির দড়িকে যারা গোথরো সাপ মনে করে না, মনে করে সম্বর্ধনা-সভাকক্ষের দ্বারে প্রতীক্ষারত ভক্তের হাতের বেলফুলের মালা, এই তপশ্চর্য্যার সর্বপ্রকার কষ্টকে স্বীকার করে নিয়েই তো তারা পথে নেমেছে!

কারতার সিং বারান্দার ঠাঁড়িয়েছিল, জিজ্ঞেস করলো পরিষ্কার বাংলায় : বাবুজী, আপনি বিড়ি খান নাকি ?

চমকে উঠলাম : কেন বলুন তো ?

দেখছি আপনার টেবিলের ওপর বিড়ির ছ'-ছোটো বাগুিল পড়ে আছে, অথচ ভাত খাবার পরও আপনি বিড়ি খেলেন না ?

না, না, এই তো খাবো খাবো ভাবছি।—বলেই একটা বিড়ি ধরিয়ে ফেললাম এবং কারতার সিংকে অতুরোধ জানালাম : সিপাইজী, খাবেন একটা ?

প্রথমতঃ সিপাইজী, দ্বিতীয়তঃ খায়েন সম্বোধন, তারপর আবার ধূমপানের অহুরোধ, স্মৃতরাং কারতার সিং সযিনয়ে হস্ত প্রসারিত করলো।

বিড়ি খেতে খেতে নানা গল্প কৈদে বসলাম। একথা সেকথার মধ্য দিয়ে একসময় স্মরণে বুঝে এসে পড়লাম ভাবাবেগ-সিক্ত অধ্যারে...দেশকা নিয়ে যেসব মরদ জরু-লেড়কা ছেড়ে কাজে নেমেছে, দেশকা আদমী হিসেবে তাদের প্রতি কি আপকো কোনো কর্তব্যই নেই? হোন না আপনি সিপাই, সরকারের নিমক খান, লেকেন দিলমে তো ওদের জন্ত জরাসে দরদ থাকা চাই.....তারপর হিন্দী-বাংলা সংমিশ্রণে আরও করুণ করে বিবৃত করলাম আমার কথা—ছোট্ট একখানা চিরকুট, সামান্য ছ'-চার লাইন লেখা, কোনোক্রমে যদি—

কারতার সিং রাজী হয়ে গেল তৎক্ষণাৎ। কিন্তু কী ভেবে বলে উঠলো : আচ্ছা দাঁড়ান, মৈনুদীন মেট ঐ চল্লিশ ডিগ্রিতেই কাজ করে। ওকে দেখি পাই কিনা—বলে বেরিয়ে গেল সে।

এই অবসরে ফস্ ফস্ করে লিখে ফেললাম ছ'লাইন পেন্সিল দিয়ে। একটু পরই ফিরে এল কারতার সিং। বললো : প্যাঁড়েজীকে বলে এসেছি। হাসপাতালে গেছে। ফিরবে এই পথ দিয়েই।

সিপাইজীকে আবার বিড়ি দিলাম।

বথাসময়ে এসে হাজির হলো মৈনুদীন। ময়মনসিংহের মুসলমান। আকৃতিই তার ডাকাতের মতো। যেমনি দীর্ঘ দেহ, তেমনি প্রত্যেকটি পেশী যেন চর্মের আবরণ ভেদ করে বেরিয়ে আসতে চাইছে। দশ বছর সাজা হয়েছে প্রতিপক্ষ রেজা খাঁর নাবালিকা কন্যার ওপর পাশবিক অত্যাচারের অভিযোগে। শুধু অত্যাচার নয়, অত্যাচারের ফলে মৃত বালিকাকে একেবারে মাটির নীচে কবর দিয়ে রেখেছিল সে! সন্ধান আর পাওয়া যেত না যদি না ইদ্রিস একরারী হতো! বেশ অবলীলাক্রমে বলে গেল নিজের কীর্তিকাহিনী। তারপর মুহূর্তে হেসে হস্ত প্রসারিত করে যেই আমার সেই চিরকুটখানা মুঠোর মধ্যে পুরেছে, এমন সময় অকস্মাৎ অদূরে শোনা গেল : সরকার্—শ্রাম। দেখা গেল রেজাক সাহেব জিভিল ইয়ার্ডে প্রবেশ করেছেন সদলবলে। কারতার সিং প্রমাদ গুলেও মৈনুদীন যেন তাঁদের দেখতেই পায়নি, এমনভাবে পেছন ফিরে বলে উঠলো : তাহলে এক কাজ করি, কম্পাউণ্ডারবাবুর কাছে বলে করে এখনকার মতো এক দাগ ওধু এনে দিই। ডাক্তারবাবু রাউণ্ড দিয়ে ফিরলেই নিয়ে আসবো'খন আপনার কাছে।

রেজাক আমার কক্ষে প্রবেশ করে বলে উঠলেন : অ্যা, সে কি, ডাক্তার কেন ? কী হলো আপনার বিজেনবাবু ?

অস্থবিধে হলো না জবাব দিতে, কারণ মৈমুদ্দীনই তো পথ দেখিয়ে দিয়েছে। বললাম : খুব কনস্টিপেশন ধরেছে। রাত্রে বোধহয় একটু জ্বরও হয়েছিল। তাই—

রেজাক বলে উঠলেন : মৈমুদ্দীন, যা না, ডাক্তারবাবুকে ডেকে নিয়ে আয় না। দেখেগুনে ওষুধ দেয়াই তো ভাল !

মৈমুদ্দীন কিছু বলবার পূর্বেই বাধা দিলাম : এখনই আর না ডাকলেও চলবে। রেজাক সাহেব, একটু এ্যাগারয়েল নিয়ে আসুন। দেখি কী ফল হয়। না হলে কাল খবর দোব ডাক্তারবাবুকে।

আশ্বস্ত হয়ে রেজাক বেরিয়ে গেলেন। পেছনে মৈমুদ্দীন। রেজাককে হাসপাতালের দিকে পৌঁছে দিয়ে মৈমুদ্দীন ভালো মানুষটির মতো কোনোদিকে আর দৃকপাত না করে সোজা গিয়ে ঢুকলো চল্লিশ ডিগ্রিতে।

বিকলে বিছানায় গা এলিয়ে দিয়েছি, এমন সময় সত্যি সত্যি এক শিশি ওষুধ নিয়ে এসে ঘরে প্রবেশ করলো মৈমুদ্দীন। এবার পাহারা কারতার সিং নয়, আকবর খান। নামজাদা কড়া লোক। ডেটিমু বাবুলোগকা ঘরের ভেতর আসামীলোগ যে ঘুসতে পারে না, এই কামুন তার কণ্ঠস্থ। তাই এসে দাঁড়ালো মৈমুদ্দীনের পাশে।

বিরক্তি বোধ হলো। বললাম : শিশিটা টেবিলের ওপর রেখে যাও।

মৈমুদ্দীন তাতে রাজী নয়। সে বললো : না বাবু, ডাক্তারবাবু এখনই এক দাগ খেয়ে ফেলতে বললেন।

তবু বললাম : খাবো'খন, রেখে দাও।

সে নাছোড়বান্দা : তা হবে না বাবু, ঠিক ঘুমিয়ে পড়বেন। আর খাওয়া হবে না। ডাক্তারবাবু বার বার বলে দিয়েছেন—

আকবর খান ধমক দিল : লে শালা, আর দিক করিসনে। বাবুকে নিদ যানে দে। চল্—

সিপাইজী, আপ কেয়া বলতা হায়—বলে মৈমুদ্দীন বক্তৃতা দিয়ে বোঝাতে চেষ্টা করলো যে, বেমারী খুব খটখটিয়া আছে। দাঁওয়াই এখনই দরকার।

ওর জিহ্ব দেখে সন্দেহ হলো। তাহলে কি জবাব এনেছে কিছু?...উঠে বললাম। মৈমুদ্দীন শিশিটি আমার হাতে দেবার সময় কৌশলে আমার হাতের

মধ্যে এক টুকরো কাগজ খুঁজে দিল। বললো : ওহো, ওষুধের গ্লাসটা তো আনতে ভুলে গেছি। নিয়ে আসছি, দাঁড়ান।

সে ছুটে বেরিয়ে গেল। সঙ্গে সঙ্গে আকবর খানও বারান্দায় এসে আবার পায়চারি শুরু করলো। মলত্যাগের ভান করে আমি পায়খানায় গিয়ে প্রবেশ করলাম মগভর্তি জল নিয়ে। সেখানে বসে টুকরো কাগজটি খুলে দেখি পেন্সিলে লেখা রক্তলালের পত্র :

তোমার চিঠি পেলাম। ছোটকোনদের সঙ্গে আমার রাগারাগি হয়ে যাওয়াতেই আমি ওদের নাম বলে দিয়েছি। দেখা হলে সব বলবো। কিন্তু বিভূতি সাহা তো বলেছিল তোমায় এতে জড়াবে না। কিন্তু এ কি মতলব পুলিশের ?

এখন কি করলে ভালো হয় পত্রপাঠ জানিও। কালাচাঁদকে তোমার চিঠি দেখিয়েছি। সেও তোমার পরামর্শ চায়। ইতি

রহু

সে কি ! ছোটকোন অর্থাৎ বিপদভঞ্নের সঙ্গে ব্যক্তিগত মনোমালিগ্নের জন্ত পুলিশকে সব জানিয়ে দেওয়া হয়েছে ? কেন কেশিয়াড়ীতে আমার কাছে সব লিখে জানানো হয়নি ? ব্যক্তিগত মতভেদের মধ্যে আই বি-কে কেন ডাকা হলো ? এমনভাবে গোথরো সাপের ল্যাজ দিয়ে কানে সুড়সুড়ি দেবার মততা কেন ? কে সামলাবে এই বিপদের ঝঙ্কি ? এই বেড়াজাল থেকে বেরিয়ে আসবার পথ কোথায় ? কে বলে দেবে পথের সন্ধান ?...এমনি অনেক প্রশ্ন জাগলো মনে, অনেক জিজ্ঞাসা, যার জবাব পেলাম না খুঁজে। শুধু অন্তরে অন্তরে জানলাম যে, ঐক্যতান শেষ হয়ে গেছে, যবনিকা সরে গেছে, সহস্র দর্শকের অপলক চক্ষু উদগ্রীব হয়ে পড়ছে, এবার আসরে নামতে হবে। 'রণং দেখি' হুকার ছেড়ে আহ্বান জানিয়েছে প্রতিপক্ষ, এবার শুরু হবে ক্ষুরধার বুদ্ধির রক্তহীন সংগ্রাম—বাংলা সরকারের সমগ্র গোয়েন্দা বিভাগ বনাম দ্বিভ্রম গাঙ্গুলী—*one against thousands.....*

পনেরো

আই বি পুলিশের সঙ্গে জেল পুলিশের তফাত অনেক। আই বি পুলিশ প্রচ্ছন্ন, রহস্যময়, তাই অনেক সময় দুজের, আর জেল পুলিশ যেন সর্বদাই হুপূরের রোদের মতো স্পষ্ট, অত্যন্ত বেশী প্রকট, তাই স্থূল। শত্রুপক্ষের দুর্গজয়ের সংকল্প নিয়ে আই বি এগিয়ে আসে অন্ধকারে গা-ঢাকা দিয়ে বেড়ালের মতো নিঃশব্দ পায়ে, পেছনের দেয়ালে গিয়ে গুপ্তদ্বারের বোতাম খুঁজতে থাকে আর জেল পুলিশের লরী আসে ফায়ার বিগ্রেডের গাড়ীর মতো ঘণ্টা বাজিয়ে, পথ কাঁপিয়ে, বুক কাঁপিয়ে সিংহদ্বারের সম্মুখে এসে রুখে দাঁড়ায় সিংহের মতো। আই বি অনেক সময় কিল চুরি করে কিল ফিরিয়ে দেবার জন্তাই, কিন্তু জেলের ইতিহাসে এক পা পেছিয়ে যাওয়ার অবমাননা নেই। জেলের নীচে নীচে এসে আই বি যখন হাঙ্গরের মতো টুক করে পা কেটে নিয়ে সরে পড়ে, মাথার ওপর তখন জেলের পুলিশ বজ্র হুকুর ছাড়তে থাকে। আই বি-র গুপ্তচরেরা যখন মাটির নীচে নেমে চোরাবাঁলি রচনা করে, জেলের অক্ষোহিনী তখন পথের বাঁকে বাঁকে কাঁটা তারের বেড়া দেয়। আগ্নেয়াস্ত্র নুকিয়ে রাখে আই বি সাদা পোশাকের নীচে আর জেল পুলিশের কাঁধে শোভা পায় মিলিটারী রাইফেল। ইঞ্জিতের মতোই আই বি অস্পষ্ট, ভবিষ্যতের মতোই অজানা। আর জেলের পুলিশ নির্বাজ্ঞ বস্ত্র শূকরের মতো, লোহার শিকে শিকে তার পালিশহীন বুদ্ধির স্থূলতা!

অনেক বুদ্ধি ব্যয় করে আই বি যখন পরামর্শ দিয়ে গেল আমায় সহ-আসাবীদের থেকে পৃথক রাখতে, জেল পুলিশের ভ্যানিটিতে তখন ঘা লাগলো। জেল সুপার লিওনার্ড সাহেব তখন হোম-এ চলে গেছেন দীর্ঘ দিনের ছুটি নিয়ে, সুপার হয়ে এসেছেন প্রেসিডেন্সী জেলের সুপারিনটেনডেন্ট এস. এল. পাটনী। আর জেলার সুধীন মুখার্জী। সে যুগে এই পাঞ্জাবী সুপারট বেশ সুনাম কিনেছিলেন যেমন ব্রিটিশ প্রভুর কাছে, তেমনি বিপ্লবী কয়েদী ও রাজবন্দীদের কাছেও। জেলের কোনো বিধি লঙ্ঘন যেমন বরদাস্ত করতেন না তিনি, তেমনি নেপালী দারোয়ানের মতোও উৎকট প্রভুভক্ত ছিলেন না। আমার সুবিধে হলো সেইখানেই।

রঙ্গলালের সঙ্গে তখন বার কয়েক পত্রের আদানপ্রদান হয়ে গেছে। প্রতিশ্রুতি দিয়েছে সে আদালতে যথাসময়ে ইজিত করলেই কালাচাঁদ ও সে স্বীকৃতি প্রত্যাহার করে নেবে। লেবং মামলার দশ বৎসর কারাদণ্ডে দণ্ডিত স্থূল চক্রবর্তীও ছিল তখন চল্লিশ ডিগ্রিতে। তাকেও সংবাদ পাঠিয়েছি মৈত্রুদীন মারফত; সেও সংবাদ পাঠিয়েছে, আমার পর্য্যন্ত মামলার জড়িয়ে ফেলায় আত্মমানিতে রঙ্গলাল ও কালাচাঁদ মর্দ্যাহত। অত্নায়ের প্রায়শ্চিত্ত করতে উন্মুখ তারা।

এমন সময় একদিন পাটনীকে নিবেদন করলাম যুক্তি দিয়ে যে, আমাদের মামলা যখন একই, তখন সব আসামীকেই এক জারগাম রাখা উচিত। কারণ মামলা পরিচালনা সম্বন্ধে আমাদের পারস্পরিক গুরুত্বপূর্ণ আলোচনা দরকার, কোথায় টাকা, কম টাকায় কোথায় পাওয়া যাবে ভালো আইনজীবী, রাজনৈতিক মামলার কার অভিজ্ঞতা বেশী—এমনি আরও কত প্রশ্নের মীমাংসা করা আশু প্রয়োজন হয়ে পড়েছে।

পাটনী বললেন, যুক্তি তিনি হৃদয়ঙ্গম করতে পারেন বটে, কিন্তু প্রথমতঃ, মামলা এখনও শুরু হয়নি; দ্বিতীয়তঃ, আই বি-র হুকুম নেই।

চট করে প্রশ্ন করলাম : আই বি-র হুকুম নেই, মানে? জেল সুপার কি আই বি-র হুকুমে ওঠে বসে? জেলের মধ্যেও কি আই বি-র রাজত্ব? এখানেও গ্র্যাসবি—

এবার বোধহয় পাঞ্জাবীর পৌরুষে যা পড়লো। ব্রিটিশ সরকারের প্রতি আনুগত্য ও প্রভুভক্তিতে যিনি প্রায় পরাকাষ্ঠা দেখিয়ে ফেলেছেন, বাংলার কারাগারমুহুর ইনসপেক্টর জেনারেলের গদীতে উপবেশনের জন্তু ঘাঁর নাম লিপিবদ্ধ করা হয়ে গেছে, একটি জেলার আই বি-দের থেরালথুশি চরিতার্থ করবার কাজ করতে হবে তাঁকে বোবা যন্ত্রের মতো? বিশেষ করে জেলের অভ্যন্তরে, যেখানকার হিটলার তিনি?...ল্যাজে যা থেরে পৌরুষ তাঁর অকস্মাৎ ফণা বিস্তার করে উঠছিল অজগরের মতো, কিন্তু, পূর্বেই বলেছি, লোকটা যুক্তিবাদী। যুক্তিবাদী মানেই কতকটা মাটির মানুষ, সজ্জন, অথচ বিধাগ্রস্ত। তাই বাধা দিয়ে বললেন : না, না, জেলের মধ্যে গ্র্যাসবির হুকুম অচল। তোমার কথাও খুব যুক্তিপূর্ণ বটে। Let me see what can be done.....

পাশেই ছিলেন মন্ত্রী স্থূদীন মুখার্জী। মুহু হাসির আভা দেখতে পাওয়া গেল

ঠার গোফের নীচে। খুঁদে চোখদুটিতে কিন্তু তাজিলোর আভাস। অর্থাৎ, যতই যুক্তি দেখাও, অফিসে গেলেই আমি সব উলটে দোব!

বেরিয়ে গেলেন পাটনী সদলবলে রাজছত্র মাথায় দিয়ে। কিন্তু বোধহয় হজুরের মনোভাব আন্দাজেই আঁচ করে নিয়ে একদিন আদালতে নিয়ে যাবার সময় জেল অফিসে আমাদের সবাইকেই এক জায়গায় জড়ো করা হলো এবং আশ্চর্য্য যে, একই কয়েদী গাড়ীতে করে নিয়ে যাওয়া হলো অতিরিক্ত জেলা ম্যাজিস্ট্রেটের এজলাসে। বোধহয় জেলার আর বিশ্ব ঢালেননি সুপারের কানে। কিংবা ভুলে গেছেন ঢালতে। এ নিয়ে-যাওয়া ও নিয়ে-আসা কিন্তু একেবারেই নিয়ম পালন ও আইন-রক্ষা। আমাদের গ্রেপ্তারের মূলে রয়েছে আই বি। তৃপ্তনের স্বীকারোক্তি লিপিবদ্ধ করে পাঠিয়ে দিয়েছে শ্রীনগর থানায়। এবার আইন মারফি মামলা সাজানোর ভার থানার ওপর।

কিন্তু আমাদের এই মামলা সাজানো বেশ দুরূহ ব্যাপার। প্রায় দেড় বছর পূর্বেরকার ঘটনা। ফরিদাদী, অর্থাৎ দেলভোগ হাটের গরুর ব্যাপারীরা থানায় ডায়েরী করিয়েছিল যে, জনকতক লুপ্তি-পর। মুসলমান তাদের আক্রমণ করে টাকা ছিনিয়ে নিয়ে গেছে। কাউকেও চিনতে পারেনি তার। অকুস্থলে পুলিশ তদন্তে পাওয়া গিয়েছিল একথানা গরু চরাবার পাচনবাড়ি আর একথানা সবুজ রংয়ের পেস্টবোর্ডে তৈরী ছোরার খাপ। থানার মালখানায় তা-ই যথারীতি জমা হয়ে গেল এবং ছ'মাস পর কোনো কিনারা করতে না পারায় অবশেষে জেলা ম্যাজিস্ট্রেটের হুকুমে যথারীতি সেগুলো নষ্ট করে ফেলা হয়েছে। শ্রীনগর থানার বড়বাবু দেলভোগের গণিকাপাড়ায় সে রাত্রে যে একদল বিদেশী এসে চম্পকরাগীর গৃহ আহ্বারে, পানে, সজীতে ও নৃত্যে সরগরম করে তুলেছিল, তাদের হাজতে পুরে ও মাস দুয়েক পর সগর্বে ফাইনাল রিপোর্ট দিয়ে কর্তব্য সমাধা করে ফেলেছিলেন। দেড় বছর পর শুধু দ্বিজন গাঙ্গুলীকে এক হাত দেখিয়ে দেবার জন্তাই আই বি কবর খুঁড়ে এই কঙ্কাল বার করেছে। এবার তাতে মাংস দিয়ে, শিরা-উপশিরা, মস্তিষ্ক দিয়ে, তার নিশ্চিহ্ন হৃদপিণ্ডে ধকধকানি জুড়ে দিয়ে মিশরের মমীকে বাঁচিয়ে তুলতে হবে!...

অতিরিক্ত জেলা ম্যাজিস্ট্রেট তখন ছিলেন, যত দূর মনে পড়ে, মিঃ জেঙ্কিন্স। খাল বিলিভী সাহেব। হোম থেকে প্রাণের ঝুঁকি নিয়ে এসেছেন বাংলা দেশের চপলমতি বালক বালিকাদের সারেক্তা করে ইংলণ্ড-মাতার রাজত্ব অটুট রাখবার

মহৎ উদ্দেশ্য-প্রণোদিত হয়ে। বালক বালিকারা অত্যন্ত নির্লজ্জভাবে অভদ্র বলে এবং যখন তখন গুলী-খাওয়া বাঘের মতো শিকারীর স্বন্ধে লাফিয়ে পড়তে পারে, এই আশঙ্কায় শক্ত লোহার জাল দিয়ে ঘেরা তাঁর এজলাস, ঘেরা আসামীর কাঠগড়া এবং সাক্ষীরও।

হুড়হুড় করে আমাদের দশ-বারোজনকে চুকিয়ে দেওয়া হলো আসামীর খাঁচায়। আর উলটো দিকে সাক্ষীর জ্ঞাত নির্দিষ্ট কাঠগড়ায় এনে হাজির করা হলো রত্নলাল আর কালাচাঁদকে। মামলা হবে না, তাই কক্ষে উকিল মোক্তারের ভিড় নেই, আমাদের জ্ঞাত কোনো উকালও তখন দেয়া হয়নি। বাংলাদেশে এমনি রাজনৈতিক মামলা হামেশাই হয়ে থাকে, তাই আমাদের জ্ঞাত বিশেষ আগ্রহ না দেখিয়ে যাঁরা ছিলেন, তাঁরাও একে একে কক্ষ ত্যাগ করে চলে গেলেন।

কিন্তু কোথায় আমাদের প্রতিপক্ষ, শ্রীনগর থানার দারোগা খগেন রায়? খাঁচায় আমরা অপেক্ষা করতে লাগলাম এক পাল মেঘের মতো, যেন পুরোহিত খগেন্দ্র রায় দেবশর্মা। ফুলবেলপাতা নিয়ে এসেই আমাদের স্বন্ধে বেথা এঁকে মস্তোচ্চারণ করে উৎসর্গ করে দেবেন ব্রিটিশ মা কালীর পায়ে!...

জ্যেষ্ঠিন্স এর সম্মুখে এক-একখানা করে দরখাস্ত এগিয়ে দিতে লাগলেন পেশকার, ড'পক্ষের বক্তব্য শুনে সাহেব তার কোণে অর্ডার লিখে দিতে লাগলেন। এমনিভাবে প্রায় আধ ঘন্টা কেটে গেল। দরখাস্তের বাণ্ডুল শেষ হয়েছে, এবার আমাদের পালা।

জ্যেষ্ঠিন্স বাব বার চাইছেন পেশকারের পানে, পেশকার চাইছেন কোর্ট ইনসপেক্টরের পানে, ইনসপেক্টর চাইছেন অবিনাশ দারোগার পানে আর অবিনাশ বার বার বারান্দায় এসে দৃষ্টিক্ষেপ করছেন পণের পানে—কোথায় শ্রীখগেন রায়? খাঁচার মেঘগুলো ব্রিটিশ মা কালীর পায়ে আত্মবলিদানের জ্ঞাত যে চুলবুল করছে, তারা যে গলা বাড়িয়ে রয়েছে, জল্লাদ জ্যেষ্ঠিন্স তাঁর কলমের খড়্গা হাতে করে যে অধৈর্য্য হয়ে উঠেছেন, কোথায় স্বনামধন্য পুরোহিতপ্রবর খগেন্দ্র রায় দেবশর্মা? পূজোর লগ্ন যে বয়ে যায়!.....সত্যি, আমরাও বিরক্ত হয়ে উঠছি। পূর্বে ব্যবস্থামতো রত্নলাল আমার পানে চাইলো, আমি ইশারায় বারণ করে দিলাম অর্থাৎ ওদের স্বীকারোক্তি প্রত্যাহার করবার সময় এখনো আসেনি।

বেশ একটু পর ঝড়ের বেগে ছুটেছে ছুটেছে এসে হাজির হলেন বহু প্রত্যাশিত খগেন রায়। বগলের কাগজপত্র ও ফাইলগুলো ঝপ করে টেবিলের ওপর রাখতে গিয়ে ছ'খানা ঝপাৎ করে মেঝের পড়ে গেল, কিন্তু সেদিকে চাইবার তাঁর অবসর কোথায়? এবার চাণক্যের সন্মুখে হাজির করা হয়েছে বুটিশ মহারাজার শ্রীলঙ্ক বাঁচাল খগেন রায়কে। স্মার স্মার করে তোতলাতে তোতলাতে কম্পিত কলেবরে তিনি ষথাবিহিত সম্মানপূর্ব্বকর বা নিবেদন করলেন, তার মর্ম্ব হচ্ছে এই যে, প্রায় শেষ করে এনেছেন তদন্ত, আর ছ' সপ্তাহ সময় পেলেই তিনি অভিযোগপত্র পেশ করবেন চুরি, ডাকাতি, ষড়যন্ত্র ও নরহত্যা সংক্রান্ত বাছা বাছা ধারা অনুযায়ী। অতএব—

অকস্মাৎ আমি সহাস্ত্রে নিবেদন করলাম ম্যাজিস্ট্রেটকে : জামিন অবশ্য আমরা চাই না, কারণ জেলের মধ্যে ভালোই আছি। আই বি টিকটিকিদের উৎপাত নেই। কিন্তু ত্রীনগরের মতো বিখ্যাত থানার ভারপ্রাপ্ত ততোধিক বিখ্যাত দারোগা খগেন রায় কি জানেন না যে, আদালতে আসতে হলে মাথার টুপিটা সোজা করে পরে আসতে হয়, নইলে আদালতে অবমাননা—

খগেন রায় ঝটিতি টুপিটা ঘুরিয়ে পবে ফেললেন, সহ-আসামীরা সবাই হেসে উঠলো, অবিনাশ দারোগা হাসি চাপতে না পেয়ে বারান্দায় পালিয়ে গেলেন, স্বয়ং বিচারক জেক্সিন্সের মুখমণ্ডলের প্রস্তরফলকে হাসির ঝিলক দেখা গেল।

কয়েদী গাড়ীতে জেলে ফিরে আসবার সময় হলো আলোচনা। মনোমালিন্ত শুরু হয় রঙ্গলালের সঙ্গে ছোটকোনের। আমি মেদিনীপুর চলে যাবার পর সর্ককার্যের নেতৃত্ব থাকবে কাব হাতে, তাই নিয়ে হলো মতভেদ। পূর্বেই বলেছি, বিপ্লবী দলে প্রস্তাব পাশ কবে লাভার নির্বাচন হয় না। মনোনয়নের সুযোগ নেই সেখানে। সুকঠিন কাজের মধ্য দিয়ে সেখানে নেতৃত্ব গড়ে ওঠে, নেতা সৃষ্টি হয়। এটা ছেলেমানুষ। তাই ঠোকাঠুকি লেগে গেল। ক্রমে ক্রমে তা এমনি তীব্র হয়ে দাঁড়ালো যে, একে অপরকে যে কোনো প্রকারে জব্দ করবার ফিকির খুঁজতে লাগলো। একদলের নেতা রঙ্গলাল, আর এক দলের মুখপাত্র ছোটকোন অর্থাৎ বিপদভঞ্জন। দলে-ভারা বিপদভঞ্জনের সঙ্গে এঁটে উঠতে না পেয়ে রঙ্গলাল ঢাকায় এসে দেখা করলো আই বি ইনসপেক্টর বিভূতি সাহার সঙ্গে। পাইথন যেমন করে সাদর অভ্যর্থনা জানায় ছাগশিশুকে, তেমনি করে বিভূতি সাহা লুফে নিলেন রঙ্গলালকে ও ক্রমে ক্রমে গ্রাস করে ফেললেন তাকে।

কালার্টাৎ এসে রক্তলালের সঙ্গে যোগ দিয়েছে নেহাত পুলিশের মারের চোট
আর গ্রাসবি সাহেব-প্রদত্ত আর্থিক প্রতিশ্রুতির মোতে।

উন্টোপার্টা অনেক কথাই বলেছে ওরা দু'জন। তাই গ্রেপ্তারও হয়েছে
জন দশ-বারো। তার মধ্যে সুবোধ চক্রবর্তীও আছে, নেপালও আছে, মণীন্দ্রও
আছে, আর আছে আমাদের গ্রামের ক'জন।

কিন্তু দু'লের কেউ ভাবতেই পারেনি যে, আই বি আমাদেরও ফিরিয়ে এনে
এদের দলে ভিড়িয়ে দেবে এবং শুধু ভিড়িয়ে দেবে নয়, পুরোভাগে এগিয়ে
দেবে। আমি আসাতেই এদের টনক নড়ে গেছে। আমরা জেল থেকে রক্ষা
করবার জ্ঞাত্ত এরা এখন যে-কোনোও বু'কি নিতে প্রস্তুত বলে সবাই একবাক্যে
ঘোষণা করলো।

আমাদের প্রত্যেকের পরিবারে সাড়া পড়ে গেছে। জেলে গিয়ে দিব্যি
নিশ্চিন্তে বসে রয়েছি আমরা, আর জেলের বাইরে থেকে তাঁদের নিদ্রা নেই,
আহার নেই। হুশিচুস্তায় তাঁরা যে একেবারে পাগল হয়ে যেতে বসেছেন!.....

একদিন ফুলদা' এসে দেখা করে জানিয়ে গেলেন যে, উকিল রজনী দাস
আমাদের পক্ষে দাঁড়াবেন আর যদি ঢাকাতেই মামলা শুরু হয়, তাহলে স্বয়ং শ্রীশ
চাটার্জীকে পাওয়া যাবে। মুন্সীগঞ্জে তাঁর পক্ষে যাওয়া সম্ভব নয়। রজনী দাস
আমার সঙ্গে একদিন দেখা করে গেলেন। আইনজীবীর সঙ্গে সাক্ষাৎকারের
সময় আই বি উপস্থিত থাকবার নিয়ম নেই। রাজসাক্ষী দু'জনই যে তাদের
স্বীকারোক্তি প্রত্যাহার করে নেবে, এই সুসংবাদ শুনে বললেন : আপনি যদি
তাই করে দিতে পারেন দ্বিঞ্জনবাবু, তাহলে মামলা আমি তখনই করে দেবই।

প্রশ্ন করলাম : ম্যাজিস্ট্রেটের সম্মুখে প্রদত্ত স্বীকারোক্তি কি আইনতঃ
প্রত্যাহার করা যায়?

জবাব দিলেন রজনী দাস : সাধারণ আইনে প্রত্যাহার করলেও অবশ্য তার
ফলাফল থেকে নিষ্কৃতি নেই সত্যি, কিন্তু সে কাজের ভারটা থাক না আমার
ওপর। আপনাকে কথা দিয়ে যাচ্ছি, কালার্টাৎ আর রক্তলাল যদি যথাসময়ে
তাদের কনফেশন প্রত্যাহার করে নেয়, তাহলে আপনাদের আটকে রাখতে হলে
অনেক তেল-মুদ খরচা করতে হবে আই বি-র। এত সহজে চিড়ে ভিজবে
না।—তারপর হেসে বললেন : দেশবন্ধুর তামাক বুধাই সাজিনি দ্বিঞ্জনবাবু!

দেশবন্ধু চিত্তরঞ্জনের জ্ঞাত্ত তামাক অবশ্য উনি সেজে দেননি, তথাপি তাঁর

জুনিয়র হিসেবে অনেকগুলো রাজনৈতিক মামলা পরিচালনা করেছেন রজনী দাস। চেহারা একেবারেই বিক্ৰী। যেমন কালো রং, তেমনি বেঁটে ও রোগা! কিন্তু চশমার ওপর দিয়ে নয়, মাঝখান দিয়েই সাপের মতো অন্তর্ভেদী দৃষ্টি মেলে তাকান সাক্ষীর চোখের পানে, গুরুগম্ভীর কণ্ঠের যুক্তিপূর্ণ সওয়াল আদালতকক্ষের দেয়ালে বা খেয়ে খেয়ে বিচারকের মনেও প্রতিধ্বনি তোলে। শুনেছি দিনকে রাত ও রাতকে দিন করবার যত্নই-কা-খেলু তাঁর আরম্ভে। প্রতিপক্ষের কোন অসতর্ক মুহূর্তে যে তিনি সব একটি বিযাক্ত স্ট্র'চ দুই পাঞ্জরার মধ্যে দিয়ে খচ করে চালিয়ে দিয়ে তার ফুসফুস ফুটো করে দেবেন, কেউ তার হৃদিস পায় না। দখলিচির মতো মরা হাড়ে ভেলকি খেলে শুনেছি। ঢাকা শহরের নামজাদা উকিল রজনী দাস।

সুবিধে হলো। পাটনীকে আবার একদিন ধরে বসলাম : স্মার, আমাদের মামলা পরিচালনার জন্য উকিল নিয়োগ করা হয়েছে, কিন্তু সবাই এক জায়গায় বসে পরামর্শ না করে নিলে সাফাইয়ের যুক্তি খাড়া করা যাবে কীভাবে? আমাদের আইনগত অধিকার—

এবার পাটনী জ্বল হয়ে গেলেন। আইনগত অধিকার খর্ব করতে রাজী নন তিনি। তৎক্ষণাৎ আমাদের সবাইকে পাগলা গারদে একটি বৃহৎ কক্ষে একসঙ্গে রাখবার হুকুম দিয়ে গেলেন। সুধীন মুখার্জী সাথেই ছিলেন। পাটনী এবার যখন আর তাঁর প্রতি দৃষ্টিক্ষেপও করবার প্রয়োজন বোধ করলেন না, তখনই বুঝতে পারলাম, জেলারের পাটোয়ারী পরামর্শ সুপার এবার আর কানে তোলেননি। লিওনার্ড কিন্তু ছিলেন একেবারে সুধীন মুখার্জীর হাতের পুতুলটি। বসিয়ে রাখলে বসতেন, শুইয়ে দিলে শুতেন। এমন কি, বোধহয় সুধীন মুখার্জী পেটে চাপ দিলে সেই পুতুলের ভেতর থেকে প্যাক প্যাক আওয়াজ বেরতো! :.....

সুধীন মুখার্জী মানে ঢাকা জেল আর ঢাকা জেল মানেই সুধীন মুখার্জী। কথা তিনি খুব কম বলেন কিন্তু কাজ করেন প্রচুর। শুধু প্রচুরই-বা বলি কেন, ঢাকা জেলের প্রত্যেকটি কাজ তিনিই করেন বলা যেতে পারে। সাধারণ বন্দীদের অপেক্ষা রাজনৈতিক বন্দীদের সম্বন্ধেই তাঁর পারদর্শিতা অতুলনীয়। জেলের বাইরে বিরাট সবজি বাগান, জেলের মধ্যেও স্থানে স্থানে প্রচুর সবজির চাষ হচ্ছে থাকে। বিশেষ করে জেলের অভ্যন্তরে পাগলা গারদ এলাকায়। এককালে

নাকি বাংলা দেশের মস্তিষ্ক-বিকৃতি রোগাক্রান্তদের সবাইকে ঢাকা জেলের এই পাগলা গারদে রাখা হতো। এখন সেদিকটার প্রায়ই থাকেন রাজনৈতিক বন্দী। সেখানে শীতকালে আলু, শালগম, ওলকপি, বাঁধাকপি ও ফুলকপির চাষ হয়ে থাকে। অনেকগুলি লেবুগাছে অসংখ্য লেবু হয়। কিন্তু আপনি যদি ভুলেও কখনো সেই লেবুতে হাত দেন, সেই আলু, শালগম ও কপির ক্ষেতের মধ্যে প্রবেশ করেন, তাহলে জানবেন সেই দুঃসংবাদ সুধীন মুখার্জীর কানে তৎক্ষণাৎ পৌঁছে যাবে। ফলে, পরদিনই আপনি স্থানান্তরিত হবেন ৬ নম্বর ডিগ্রির অত্যন্ত অপরিষর ইয়ার্ডে।

কিন্তু তাই বলে কি জেলের সবজিতে আপনার কোনো অধিকার নেই? অবশ্যই আছে। সুধীন মুখার্জী বলেন, আপনাদের খাবার জুড়ই তো এত পরিশ্রম! এ সবই আপনাদের। সুতরাং ফাস্তুন মাস পড়তে-না-পড়তেই আপনারা তরকারিতে হুঁচর টুকরো ফুলকপির সন্ধান অবশ্যই পাবেন এবং ভালো করে অহুসন্ধান করলে চৈত্রের শেষাংশেই আপনার তরকারিতে বাঁধাকপির পাতা অবশ্যই মিলবে। বৈশাখের দাবদাহে উতাক্ত হয়ে যদি তরকারির ওপরতলার ময়লা জলটুকু ফেলে দিয়ে নীচের তলার তন্ন তন্ন করে তল্লাশী চালান, তাহলে সেই স্থলভাগের নীচে মিললেও মিলতে পারে শালগম বা ওলকপির টুকরো। সুধীন মুখার্জীর রাজত্বে ও দৌলতে রাজনৈতিক বন্দীগণ রীতিমতো কলকাতার ধনী লোকের মতো অদিনে ও অসময়ে অনেক উপায়েই সবজি পেয়ে থাকেন!

এই ভুরিভোজনের বিরুদ্ধে যদি কোনোদিন কোনো প্রতিবাদ জানান একেবারে স্বয়ং লিওনার্ডের কাছে, তাহলে লিওনার্ড নীরবে তাকাবেন সুধীন মুখার্জীর পানে আর সুধীন মুখার্জী নীরবে আপনার পানে চেয়ে গৌফের নীচে একটি মুচকি হাসির ঝিলিক ফুটিয়ে তুলবেন। ফলাফল জানা যাবে ওঁদের গ্রন্থানের পরমুহূর্তেই। হয় স্থানান্তরিত হলেন বিশ ডিগ্রিতে কিংবা কপালে শাস্তি জুটলো চারদিন শুধু মাড়-ভাত!.....

অবশ্য, বিনা বিচারে সুধীন মুখার্জীর জেলে কারুর শাস্তি হয় না। কোনো জেলেই হয় না। হতে পারে না। ব্রিটিশ গভর্নমেন্টের আদালতে অভিযুক্ত আসামী আত্মপক্ষ সমর্থনের জুড় অবশ্যই সর্বপ্রকার সুযোগ ও সুবিধা পেয়ে থাকে।

জেলের অভ্যন্তরের নিয়ম-কানুন ভঙ্গ করে যে আদালতে আপনার বিচার হবে, তাকে বলা হয় কেস্ টেবিল্। প্রতিদিন সকালবেলা সুপারিনটেনডেন্ট একবার সেই টেবিলে এসে বসেন। সত্ত্ব-দণ্ডিত কয়েদী ও সত্ত্ব জেলে আগত বিচারাধীন আসামী সবাইকে একে একে হাজির করা হবে, সুপার তাদের দেখে একথানা বিরাটাকার খতিয়ানে স্বাক্ষর করবেন।

এসব কাজ হয়ে গেলেই আপনার মামলা উঠবে। কোর্ট ইনসপেক্টর অথবা পাবলিক প্রসিকিউটররূপে এগিয়ে আসবেন সুধীন মুখার্জী। সরকার পক্ষে মামলার বিবরণ দেবার পর সরকারী সাক্ষী-টাক্ষীর প্রয়োজন হয় না জেলের বিচারে। তৎক্ষণাৎ চার্জসীট গঠিত হয়ে যায়। কখনো-সখনো এক-আধজন সরকারী সাক্ষীকে খাড়া করেন সুধীন মুখার্জী। হয় ওয়ার্ডার, নয় তো আসামী নাইট ওয়াচম্যান কিংবা কনভিক্ট ওভারশিয়ার, যারা নিরপেক্ষভাবে সুধীন মুখার্জীর শিখিয়েদেয়া কথাগুলোই তোতাপাখীর মতো আউড়ে যায়।

চার্জসীট গঠনের পর আসামীর বক্তব্য শোনার রীতি জেলের কাজীর বিচারে কোথাও নেই। তবু যদি অভিযোগ মিথ্যা বলে যদি আপনি প্রতিবাদ জানান, তাহলে আর কিছুই হবে না, শুধু সুধীন মুখার্জী একবারটি তাঁর খুদে চোখটুকি আপনার ওপর স্থাপন করবেন আর সঙ্গে সঙ্গে আপনার দণ্ডের পরিমাণ ও কঠোরতা বেড়ে যাবে। এর পরও মরিয়া হয়ে যদি সাক্ষী সাক্ষীর কথা তোলেন এবং তাদের হাজির করবার জন্ত জিদ প্রকাশ করেন, তাহলে সুধীন মুখার্জীর খুদে চোখটুকি হাঁসির ঘায়ে এবার বন্ধ হয়ে আসবে এবং কে বলবে, হয়তো কাজী সুপার এবার মৃত্যুদণ্ডেই দণ্ডিত করে বসবেন আপনাকে। মৃত্যুদণ্ড মানে বেত্রদণ্ড। আর সে দণ্ডদেশের বিরুদ্ধে আপীল করবার কোনো দায়রা আদালত, হাইকোর্ট বা প্রিভি কাউন্সিল নেই।

সুধীন মুখার্জীরসওয়াল একেবারে ভগবানের বাণী। কদাপি মিথ্যা বা পল্কা হতে পারে না।.....

চল্লিশ ডিগ্রি থেকে দুয়ে সয়ে এলাম বটে, কিন্তু পেলাম সবাই একসঙ্গে থাকবার চমৎকার সুযোগ। তখন শীতকাল। বোধহয় ডিসেম্বর মাস। সম্মুখের প্রাঙ্গণে চমৎকার ওলকপির ক্ষেত, দুয়ে আলুর। এতে জল দেবার ব্যবস্থাটি ভারী সুন্দর। গাছের সারির পাশ দিয়ে-দিয়ে এমনভাবে নালি কাটা আছে যে, জল কোথাও দাঁড়িয়ে থাকে না, ঐ নালি দিয়ে বয়ে চলে। একটি

সারি জলসিক্ত হয়ে যাবার পর তার মুখ বন্ধ করে দিয়ে অপরটির খুলে দেওয়া হয়। বিরটাঁকার ওলকপি। অথচ তা কয়েকদীরের জন্ত তোলা হয় না, তোলা হয় বাইরের বাজারে বিক্রয়ের জন্ত কিংবা হয়তো সুধীন মুখাজ্জীর বাড়ীর জন্ত।

ভালোই দিনগুলো কেটে যাচ্ছিল। ভবিষ্যৎ একেবারে ভগবানের পায়ে সমর্পণ করে দিয়ে পরম নিশ্চিন্তে ছেলেদের বৈপ্লবিক নীতি শিক্ষা দিচ্ছিলাম।

ম্যাজিস্ট্রেট জেঙ্কিন্সের আদালতে আর একদিনের ঘটনা বলছি।—

সেদিনও দু’দিকের খাঁচায় আমাদের ঢুকিয়ে দেওয়া হলো। অবিনাশ দারোগা সহাস্ত্রে এগিয়ে এসে মিঠে স্বরে আমার কুশলাদি জিজ্ঞেস করলেন। বথারীতি খগেন রায় দেবীতে এসে প্রবেশ করলেন হস্তদস্ত হয়ে, সবিনয়ে জানালেন যে, এবার স্ত্রীর তদন্ত শেষ করে ফেলেছি। শুধু মামলাটা যাতে সুস্মাগ্জে হয়, তার অহুমতির জন্ত লেখা হয়েছে সরকারকে। সেটা এসে গেলেই স্ত্রীর—নইলে মামলা আমার রেডি স্ত্রীর...

জেঙ্কিন্স্ ড্রকুঞ্চিত করে মন্তব্য করলেন : But it is more than three months—

হ্যাঁ স্ত্রীর, হ্যাঁ স্ত্রীর, তা স্ত্রীর, তা স্ত্রীর করে যুপকাঠের পার্শ্বে এবার খগেন দারোগা নিজেই ছাগশিশুর মতো চিঁচিঁ করে আর্ন্তনাদ করতে লাগলেন : আর স্ত্রীর এক উইক, তার মধ্যেই আমি স্ত্রীর—

এমন সময় রঙ্গলাল আমার দিকে চাইতেই আমি ইশারায় জানিয়ে দিলাম যে, এখনো প্রত্যাহারের সময় আসেনি। কিন্তু রঙ্গলাল নিশ্চয়ই ভুল বুঝে ফেললো। একটু পর সে অকস্মাৎ জেঙ্কিন্স্কে বললো যে, তার কিছু বলবার আছে।

জিজ্ঞাসু নেত্রে চাইলেন জেঙ্কিন্স্ : Yes ! ...

রঙ্গলাল বললো : I want to speak in your chamber.

Gladly !—বলে জেঙ্কিন্স্ উঠে পড়লেন। আমিও প্রাণপণে ইশারা করে জানাতে চেষ্টা করলাম, এখনও নয়, এখনও নয়। দেখলাম রঙ্গলাল এবার বুঝতে পেরেছে এবং মৃদু হাস্তে অভয় দিচ্ছে। নিশ্চিন্ত হলাম। রঙ্গলালকে পুলিশ ম্যাজিস্ট্রেটের খাস কামরায় নিয়ে গেল, আমাদের নিয়ে চললো বারান্দায়।

বাইরে এসেই একেবারে মা'র সঙ্গে সুখোমুখি হয়ে গেল। ইয়া মা, স্বয়ং মা, আমার মা, আমার ছুঃখিনী মা! আমাদের সবার মা!

একে একে সবাই দু'হাতে তাঁর পদগুলি গ্রহণ করলাম। প্রত্যেককে জড়িয়ে ধরলেন মা জাপটে একেবারে বুকের সঙ্গে, ব্যাথা-জর্জর পঞ্জরের সঙ্গে...তারপর ডুকের কঁদে উঠলেন। আজও স্পষ্ট, অত্যন্ত স্পষ্টভাবে মনে পড়ে তাঁর সেই শোকাকুল অন্তরাস্ত্রার আর্তনাদ। একে একে জড়িয়ে ধরছেন সবাইকে আর ক্রন্দন-ভাঙ্গা স্বরে বলছেন : কতবার বারণ করেছি তোদের, কতবার সাবধান করে দিয়েছি এসব করতে যাসনি, যাসনি। শুনিসনি আমার কথা, শুনিসনি কারুর কথা। এখন কী করবো বলতে পারিস? বিব খেয়ে আত্মহত্যা করবো কি? কিন্তু তবুও তো বাঁচানো যাবে না তোদের!

নেপাল আমাদের মধ্যে সবার চেয়ে ছোট ও পাড়ার সবার চাইতে বড়লোক পিতার কনিষ্ঠ ও আহুরে পুত্র। তাকে বুকে টেনে নিয়ে মা বলে উঠলেন : এতটুকু ছেলে, সেদিনও তোকে প্যাশট পরে থাকতে দেখেছি রে, তুইও এই দলে মিশেছিস?

বিপদভঞ্জনকে জড়িয়ে ধরে বলে উঠলেন : বল তো, কী বলে প্রবোধ দোব তোর মাকে? কী বলে বোঝাবো? আমি ফিরে গেলেই তো সব মায়েরা এসে জিজ্ঞেস করবেন, কেমন দেখলেন ওদের, দিদি! কী বলবো তাঁদের?—কী জবাব দোব?—ইন্, কী কালো হয়ে গেছিস! কতখানি শুকিয়ে গেছিস!—কেন রে, হুনিয়ায় আর কি ছেলে ছিল না?

এগিয়ে এলাম আমি। মা আবার আমার জড়িয়ে ধরলেন দু'হাতে। গালে এক চড় কষিয়ে দিয়ে বললেন : এই হারামজাদাই যত অনিষ্টের গোড়া। তুই-ই নষ্ট করেছিস সবাইকে—

প্রবোধ দিতে চেষ্টা করলাম প্রাণপণে : জানো না মা, জেলের মধ্যে খুব ভালো আছি আমরা। একসঙ্গে থাই, একই ঘরে গদী-জাঁটা খাটে শুই। রীতিমতো ভালো থাওয়া, রোজ মাছ আর মাঝে মাঝে মাংস। কাজ নেই, কর্ম নেই, খালি বই পড়ি আর গান করি। সবার মাকেই বলে দিও তুমি যে, আমরা ভালো আছি, বেশ ভালো। ওজন বেড়ে যাচ্ছে আমাদের। আর মামলার কথা যা বললে না, তাহলে শোন—

কিন্তু আর শোনানো হলো না। ঠিক এই সময় ম্যাজিস্ট্রেটের খাস কামরা

থেকে বেরিয়ে এল রঙ্গলাল আর কালাচাঁদ। অভিভূত মা যেন এদের হৃ'জনকে ভুলেই ছিলেন এতক্ষণ। এবার ছুটে এগিয়ে গেলেন এবং ওদেরকে ধরে প্রথমেই অত্যন্ত বেয়াড়া একটা প্রশ্ন করে বসলেন : তোরা হৃ'জন আবার আলাদা কেন রে ?

দেখলাম, লজ্জায় ও ঘৃণায় রঙ্গলালের ফর্সা মুখমণ্ডল রক্তিম হয়ে উঠেছে। অসহ্য আবেগে কাঁপছে তার নিশ্চুপ অধর, চোখ তুলে মার পানে চাইতে পারছে না সে।...আবার এগিয়ে গেলাম আমি। হৃ'হাতে জড়িয়ে ধরে মাকে ফিরিয়ে নিয়ে এলাম, বললাম : ওরা হৃ'জন ভুল করে ফেলেছিল, পুলিশকে বলে দিয়েছিল কিছু কথা। কিন্তু মা, সেজ্ঞাত ভেবো না তুমি, ওরা কথা প্রত্যাহার করবে বলে কথা দিয়েছে—

রাজসাক্ষীদের হৃ'জনকে নিয়ে পুলিশ চলে গেল। মাকে ঘিরে ছেলেরা সব দাঁড়িয়েছিলাম, অকস্মাৎ শ্লেয়াজড়িত কঠোর আওয়াজ পেয়ে তাকিয়ে দেখি, এতক্ষণ ঝাঁকে একেবারেই লক্ষ্য করিনি, লক্ষ্য করবার কুরসতই পাওয়া যায়নি, তিনি হচ্ছেন আমার দূর সম্পর্কীয় কাকা মণিমোহন চক্রবর্তী। সেই স্নহাসিনীর বাবা, মণিমোহন কাকা। ঢাকা শহরের স্বনামধন্য মোক্তার এম. চক্রবর্তী। আইনের অনেকগুলো দুর্বোধ্য ধারা প্রাঞ্জল ভাষায় ব্যাখ্যা করে ষড় ষড় করে তিনি যা বললেন, তা সংক্ষেপে এই যে, আই বি-র দুয়ারে একবার ধর্না দিয়ে যখন কিছুতেই কিছু হলো না, তখন তিনি মাকে নিয়ে সোজা এসে হাজির হলেন একেবারে জেক্সিন্স সাহেবের আদালতে। এখানে ইন্টারভিউ এ্যালাউ করার কর্তা আই বি নয়, ম্যাজিস্ট্রেট। অযুক ধারার অযুক উপধারার খ অধ্যায়ে বর্ণিত আইনের ব্যাখ্যায় অত্যন্ত পরিষ্কারভাবে বলা হয়েছে যে...ইত্যাদি, ইত্যাদি।

বুঝলাম, মণিমোহন কাকা একটা বীরত্বের কাজ করে ফেলেছেন। আইনের জ্ঞান যে তাঁর কত গভীর, সে ধারণা আমার পূর্বেও যেমন ছিল না, এখনও নেই। কিন্তু তাঁর ছেদ ও যতিহীন অনর্গল বক্তৃতার মধ্য দিয়ে একটি স্বচ্ছ দরদী অন্তরের পরিচয় পেলাম। কৃতজ্ঞতা জানালাম মনে মনে।...

তারপর এলো বিদায়ের পালা। বারান্দার অপর প্রান্তে অবিনাশ দারোগার পুনরাবির্ভাব হওয়ায় বোকা গেল আমাদের সময় উত্তীর্ণ। অতএব—

অতএব মণিমোহন কাকার পশ্চাতে মা কাঁদতে কাঁদতে চলে গেলেন। যন্ত্র-চালিত পুতুলের মতো আমরাও এসে উঠলাম ঢাকা অন্ধকার কয়েদী-গাড়ীতে।

পাশাপাশি বসলাম। দরজা বন্ধ হয়ে গেল। তালা পড়লো। মোটরের আওয়াজ শোনা গেল, গাড়ী চলছে।

চলছে তো চলছেই। পটুয়াটুলী, বাবুর বাজার, ইসলামপুর অতিক্রম করে চকবাজারের কাছাকাছি আসতেই ঝাঁকুনি লাগছে। রাস্তা খারাপ। একটু পরই তো জেলের ফটক। এতখানি পথ অতিক্রম করে এলাম একেবারে নীরবে। অনেক কথা বলেছি অল্প দিন, অনেক হেসেছি। আজ আর কেউ কথা কইলো না। কইতে পারলো না বুঝি। গলা বেয়ে কী যেন একটা ঠেলে ওপরে উঠছিল, বার বার চোখের কোণটা ভিজে-ভিজে উঠছিল...

—জেলের ফটক খুলে গেল। এবার নামতে হবে।

ঘোল

খগেন রায়ের এক উইক শেষ হতেই আবার আমাদের আনা হলো জেলের বাইরে। আদালতে সোজা না নিয়ে রাখা হলো হাজতে। আদালত প্রাঙ্গণের একপাশে এক সারি মাঝারি আকারের হাজতকক্ষ। প্রত্যেকটি কক্ষের সম্মুখেই ছোট একটি বারান্দা, বারান্দাও ছাদহীন কক্ষের মতো, তার সম্মুখে কাঠের দরজা।

আমাদের পাশের কক্ষেই রাখা হয়েছে রঙ্গলাল আর কালাচাঁদকে। সেদিন জেকিন্সকে কী বলেছে রঙ্গলাল, জানতে পারা যায়নি। জানা দরকার। স্বীকৃতি প্রত্যাহারের কথা পূর্বাহ্নেই বেকাঁস হয়ে গেলে আই বি সতর্ক হয়ে পড়বে যে!

মাঝে মাঝে খাঁকি পোশাক-পরা স্মার্ট সহ-দারোগারা এসে খোঁজ নিয়ে যাচ্ছেন আমাদের। দু'-একটা গালগল্পও করছেন। প্রবোধ দিচ্ছেন, ম্যাজিস্ট্রেট সরজমিন তদন্তে কোথায় গেছেন, এলেই আমাদের নিয়ে যাবেন তাঁর কাছে। বেশীক্ষণ আর হাজতভোগ করতে হবে না। আর একবার এসে বললেন যে, মণি চাটার্জী নামে এক ভদ্রলোক এসেছেন আপনাদের বিপদভঞ্জনবাবুর সঙ্গে দেখা করতে। কিন্তু ইন্টারভিউ-এর পারমিশন—

অকস্মাৎ অল্পরোধ জানালাম : একটা সিগারেট দেবেন দারোগাবাবু? অনেকক্ষণ থাইনি কিনা, গলাটা—

বিলক্ষণ!—বিচলিত হয়ে উঠলেন তিনি : কিন্তু দ্বিজেনবাবু, সিগারেট তো আমি খাইনে।—আচ্ছা, আপনাকে এনে দিচ্ছি।

বললাম : থাক, থাক, আর কিনতে হবে না। তার চাইতে এক কাজ করুন না, ঐ যে মণি চাটার্জীর নাম করলেন না, ওকে বলুন, ও ছোটো সিগারেট কিনে দেবে'খন। কেমন?

স্মার্ট সহ-দারোগা বেরিয়ে গেলেন। ছেলেরা মুখ চাওয়াচাওয়ি করতে লাগলো, কারণ সবাই নিশ্চিতভাবে জানে, সিগারেট আমি খাইনে। বিপদভঞ্জন জিজ্ঞেস করলো : সে কি দাদা, সিগারেট?

Nothing is unfair in war!—তার পিঠ চাপড়ে দিয়ে বললাম : পঞ্চাশ টাকার এ এস আই-কে সন্তোষন করেছি, দারোগাবাবু! সিগারেট খাবার পয়সা

নেই বার, সে যদি বিনে-ধরচার একটা টান মায়বার সুযোগ পায়, তাহলে ছাড়বে কেন তা ? কিন্তু আমি ওকে দেবো না ।

সহ-দারোগা ফিরে এলেন দুটো সিগারেট নিয়ে, সঙ্গে দেশলাই । হাতে দিয়ে বললেন : দেখবেন দ্বিঞ্জনবাবু, আর যেন কেউ টের না পায় আপনাকে সিগারেট দেবার কথা, তাহলে আমার চাকরি—

বাধা দিয়ে বললাম : ছিঃ ছিঃ, বলেন কি ? আমার অনুরোধ রাখলেন আপনি, এর পর আপনার সঙ্গে বিশ্বাসঘাতকতা করবো, দারোগাবাবু ? তা কি হয় ?

কেশিয়াড়ীতে সিগারেট খেতে হয়েছিল বলে সিগারেট ধরাবার ও ধূমপানের কায়দাটা আমার বেশ রপ্ত হয়ে গেছে । কিন্তু ভদ্রতা করে এ এস আই দেশলাই জ্বালালেন, আমি সিগারেট ঠোটে চেপে মুখখানা এগিয়ে দিলাম । তারপর এক মুখ ধোঁয়া ছেড়ে বলে দিলাম : মনি চাটার্জীর দেশলাইটা দিতে যাচ্ছেন তো, দয়া করে একটা কাজ করবেন ? খবর নিয়ে আসবেন ম্যাজিস্ট্রেট সাহেব তদন্ত করে ফিরেছেন কিনা ?

নিশ্চয়ই আসবো ।—

মুর্থ এ এস আই বেরিয়ে যেতেই আমার প্ল্যান ব্যাখ্যা করলাম । ছোট এক টুকরো কাগজে পেন্সিল দিয়ে খগেন লিখলো :

জেক্সিন্সকে কী বলেছো জানিও । প্রত্যাহারের কথা আই বি যেন ঘুণাক্ষরেও না জানতে পারে । ওদের ভাল দিয়ে যাবে আর কালাচাঁদকে সর্বদা রেডি রাখবে । মামলা হবে মুন্সীগঞ্জে । সেখানে ঠিক কোন সময় প্রত্যাহার করতে হবে আমি ইশারায় জানিয়ে দেবো ।

কাগজখানা সাবধানে মুড়ে ফেলা হলো । তারপর দ্বিতীয় সিগারেটটি থেকে সাবধানে কিছু তামাক পাতা বার করে নিয়ে কাগজটি তার মধ্যে পুরে দিয়ে আবার পাতা দিয়ে বন্ধ করে দেওয়া হলো । খানিকক্ষণ পর স্মার্ট এ এস আই ফিরে আসতেই অনুরোধ জানালাম : দেখুন দারোগাবাবু, একটা অনুরোধ জানাবো, রাগ করবেন না যেন । ওধারে যে দু'জন আছে, জানেনই তো ওরাও একই মামলার আসামী : ওর মধ্যে রঙ্গলালবাবু সিগারেট খান । আমি খাচ্ছি আর ওই ভদ্রলোক পাচ্ছেন না, এটা যেন ভারী খারাপ দেখাচ্ছে । আমায় যখন দিয়েছেন খেতে, তখন ওকেও একটা দিলে আমরা খুশী হই । যদি কিছু মনে না

করেন, তাহলে এই সিগারেটটাই না হয়—কেন আবার মিছে চাইতে যাবেন ?

স্মার্ট এ এস আই খুব স্মার্টভাবে কীদে পা দিয়ে বসলেন। রত্নলাল যে আমার ভাই, তা এদের জানবার কোনো কারণ নেই। তাই আমার হাত থেকে সিগারেটটি নিয়ে নির্ঝিব্বাদে দিয়ে এলেন রত্নলালকে, বলে এলেন যে, ওধারের দ্বিঞ্জনবাবু ওটা পাঠিয়ে দিয়েছেন।

প্রমাদ গনলো রত্নলাল। দাদা পাঠিয়েছেন সি—গা—রে—ট ? ...কিন্তু পরমুহূর্তেই আসল ব্যাপারটি বুঝে ফেলতে দেবী হলো না তার। দেশলাইয়ের কাঠি জ্বালিয়ে দিয়ে এ এস আই বেরিয়ে যেতেই সে সিগারেটটি ছিঁড়ে ফেললে।

১৯৩১ সালে আলীপুর সেনট্রাল জেলে থাকাকালীন জেলার মিঃ সোয়ানকে একবার জ্ঞপ্তি করেছিলাম। জ্ঞপ্তি করে কাজ হাসিল করেছিলাম বটে, তবে বেশী দিন চালাতে পারিনি। একদিন একেবারে হাতে-নাতে ধরা পড়ে যাই। ঘটনাটা বলি।

ফাঁসির হুকুম নিয়ে দীনেশ গুপ্ত ফাঁসির সেল-এ চলে যাবার পর এলেন মনাদা' অর্থাৎ বরিশালের মনোরঞ্জন গুপ্ত। ১৬নং সেলস-এ মাত্র আমরা দু'জন রাজনৈতিক বিচারাধীন আসামী। দেশে তখন আইন অমান্ত আন্দোলন পুরোদমে চলছে। কংগ্রেসের নেতৃবৃন্দ গ্রেপ্তার হবার পর আন্দোলনের নেতৃত্ব গ্রহণ করবার জন্ত জনসাধারণই এগিয়ে এসেছে। ভারতবর্ষের সমস্ত জেল সত্যগ্রহীতে ভর্তি। আলীপুর জেলে তখন অগ্নাত্তের সঙ্গে ছিলেন সুভাষচন্দ্র, যতীন্দ্রমোহন, বড়দা' (হেমচন্দ্র ঘোষ), সত্যদা' (মেজর সত্য গুপ্ত), বিপিনদা' (বিপিনবিহারী গাঙ্গুলী), হরিদা' (হরিকুমার চক্রবর্তী), স্বামী জ্ঞানানন্দ, মদনমোহন বর্মাণ প্রভৃতি।

মনাদা' কিছুদিন ফেরারী থাকবার পর ডালহৌসী বোমার মামলা সম্পর্কে গ্রেপ্তার হয়ে এসেছেন আর আমি গ্রেপ্তার হয়েছি একটি রিভলভার চুরির ব্যাপারে। অগ্নাত্ত নেতা এসেছেন আইন অমান্ত আন্দোলনের বন্দীরূপে। তাই জেলের সাধারণ নিয়মে তাঁদের সঙ্গে মনাদা'র বা আমার যোগাযোগ একেবারে নিষিদ্ধ। এই নিষিদ্ধ কাজটাই কিভাবে সিদ্ধ করা যায়, তা নিয়ে পরামর্শ চললো মনাদা'র সঙ্গে।

জেলের মাঝখানে একটি সেনট্রাল টাওয়ার। দোতলা টাওয়ারের ছাদে ভোর থেকে সন্ধ্যা পর্যন্ত একজন সশস্ত্র সিপাই প্রহরার রত থাকে। ওখান থেকে জেলের বিভিন্ন ইয়ার্ড দেখা যায়। তাই ইয়ার্ডের সিপাই ছাড়াও এই সিপাইটি সবগুলি ইয়ার্ডের উপরই শ্রেনদৃষ্টি রাখতে পারে। টাওয়ারের নীচের তলায় একটি ছোটখাটো গীর্জা। প্রতি রবিবারে বাইরে থেকে পাদরী সাহেব আসেন খ্রীষ্টান বন্দীদের সমক্ষে বাইবেল পাঠ ও ব্যাখ্যা শোনানো ও জগৎপিতা যীশুর উদ্দেশে প্রার্থনা সভা পরিচালনার জন্ত। সকাল সাতটা থেকে আটটা পর্যন্ত গীর্জায় খ্রীষ্টান বন্দীদের সমাবেশ হয়।

টাওয়ারের দোতলায় অবস্থিত জেলের লাইব্রেরী। বন্দীদের জন্তই লাইব্রেরী। সুপার সাহেব প্রতি বৎসর নিজের পছন্দমতো বই কিনতেন। নিজের, মানে, সত্যিই নিজের ও জেলার, ডেপুটি জেলার প্রভৃতি স্টাফদের। সে যুগে আলীপুর জেলে প্রায় সময়ই হয় সাহেব, নয়তো অ-বাঙালী সুপার ও জেলার থাকতেন। ফলে ইংরেজী বই কেনা হতো বেশী। কর্তাদের ব্যক্তিগত রুচি ও পছন্দ অনুযায়ী প্রায়ই আসতো সস্তা রোমাঞ্চকর গোয়েন্দা সিরিজ কিংবা যৌন-বিষয়ক গ্রন্থ।

বন্দীরা লাইব্রেরীতে গিয়ে বই নিয়ে আসতে পারতেন। অবশ্য আমাদের মতো বোমা বা রিভলভারের আসামীরা নয়। তাঁরা টাওয়ারের লাইব্রেরীতে আসা দূরে থাক, ইয়ার্ডের বাইরেই আসতে পারতেন না। সত্যাগ্রহী হিসেবে বন্দী দাদারা ঐ রহস্যরোমাঞ্চ সিরিজ বা যৌনবিজ্ঞান সম্বন্ধে আদৌ আগ্রহশীল না হলেও নিয়মিতভাবে লাইব্রেরীতে আসতেন, বই ঘাঁটাঘাঁটি করে চলে যেতেন। আইন অমান্ত আন্দোলনের বন্দী বলে তাঁদের বাধা দেয়া হতো না।

দোতলায় ঠুঠবার লোহার সিঁড়িটি টাওয়ারের বাইরে দিয়ে উঠেছে এবং তা আমাদের ১৬নং সেলস-এর দিকেই। ফলে, দাদারা প্রায়ই সিঁড়ির ওপর দাঁড়িয়ে আমাদের সঙ্গে ইশারায় ও হস্তসঞ্চালনে সংবাদ আদানপ্রদান করতেন। কিন্তু নিঃশব্দে কি আর সব কথা বলা যায়? স্মৃতরাং—

স্মৃতরাং একদিন সোয়ান আসতেই আমি জিজ্ঞেস করলাম যে, লাইব্রেরীর বই আমরা পেতে পারি কিনা। তৎক্ষণাৎ অসম্মতি জানিয়ে সোয়ান ব্যাখ্যা করে বললেন যে, আইন অনুযায়ী দণ্ডিত আসামীরাই শুধু লাইব্রেরীর বই পেতে পারে। আমরা বিচারার্থী। স্মৃতরাং—

সুতরাং আর-একদিন সোয়ানকে বললাম : সাহেব, বসে বসে তো আর সময় কাটতে চায় না। হিন্দু আমি, হিন্দুধর্মের সবগুলো শাস্ত্র একেবারে আমার কণ্ঠস্থ আছে। শুধু হিন্দুধর্ম কেন, মুসলমানধর্ম, জৈনধর্ম প্রভৃতি সব ধর্মেরই বই আমি পড়েছি। পড়িনি শুধু খ্রীষ্টধর্মের বই অর্থাৎ বাইবেল—

You are unfortunate ! বলে উঠলেন সোয়ান : আমাদের ধর্মের মতো ধর্ম চিনিয়ে আর ছ'টি নেই। জাখোনা, পৃথিবীর এক-তৃতীয়াংশ অধিবাসী খ্রীষ্টানধর্মে দীক্ষিত।

পরিসংখ্যান সম্বন্ধে আদৌ কোনো তর্ক না তুলে বলে উঠলাম : সত্যি ?

সোয়ানের কথার তখন আবেগ এসে গেছে। বক্তৃতার সুরে বলতে লাগলেন : মুসলমানদের ধর্ম ও তোমাদের ধর্ম তো আমাদের ধর্মেরই নকল করে তৈরী। সব চাইতে প্রাচীন এই খ্রীষ্টধর্ম। তোমাদের কৃষ্ণ বা কৃষ্ণ তো ক্রাইস্টেরই অনুকরণ। ধর্মহীন অন্ধকার জগতে লর্ড যীশু বললেন : *Let there be light and there was light*, তিনি বললেন—

কিন্তু যীশুর আব কিছু বলবার দরকার নেই, এতেই যথেষ্ট ! গদগদ কণ্ঠে বলে উঠলাম : বাঃ, চমৎকার বাণী তো ! বললেন, আলো হোক আর অমনি আলো জ্বলে উঠলো ! এই তো প্রকৃত ধর্ম আর এই তো জগৎ পরিব্রাতার যোগ্য বাণী। অন্ধকারে ধারা কুঁকড়ে মরছে, যেন ইলেকট্রিক স্প্রিচ অন্ করে তাদের ঘরে আলো জ্বলে দিলেন। কিংবা হয়তো অন্-ও করতে হলো না, ম্যাজিসিয়ানের মতো ম্যাজিক ওয়াণ্ডখানা বাতাসে ভরবারির মতো ঘুরিয়ে দিলেন, বাস্, আলোর আলোময় !

সোয়ানের মুখে হাসি দেখা গেল : *Then you appreciate the Christianity ?*

Certainly ! তৎক্ষণাৎ সাহা দিয়েই মুখখানা অন্ধকাব কবে বললাম : কিন্তু এমনি যে *First class first* ধর্ম, সেই ধর্মেরই কিছু জানা নেই আমার। জানবার কি কোনো উপায়ই নেই মিঃ সোয়ান ? লাইব্রেরীতে এমন কোনো বই—

বাধা দিলেন সোয়ান : *Do one thing—*লাইব্রেরীর বই তুমি পাবে না, আইন নেই—*I can do for you one thing—*আমার বাড়ীতে *New Testament* আছে, সেখানা তোমায় দোব। *But mind you,* শুধু পড়বার

জ্ঞ। যদি হাবিয়ে ফেল বা তাব একথানা। পৃষ্ঠা এদিক-ওদিক কব, তাহলে
Mrs Swan would kill me straight, বুঝলে ?

তথাস্তু ।

মনাদা' বললেন : কৌশলেব প্রথম স্তব অতিক্রম কৰেছা, দ্বিতীয় স্তব অত্যন্ত
কঠিন । সেখানে বুদ্ধিব খেলায় সোয়ানকে ঘায়েল কবতে পাবলে তবেই বুঝবো
পাকা খেলোয়াড় ।

ঘায়েল কবতে খুব দেবী হলো না । মন দিয়ে না হোক, কার্যোদ্ধাবেব জ্ঞ
যতটুকু অভিনিবেশ দবকাব, ততটুকু দিয়ে নিউ টেস্টামেন্টেব বাছা বাছা
গোটাক ওক বয়েত মুখস্থ কবে ফেললাম । সোয়ান এলেই তাব ছ' একটা আউডে
প্রশংসা ও রুতজ্ঞতায় একেবাবে ডগমগ হয়ে উঠতে লাগলাম । নিত্য নতুন
স্তমচাৰ শুনে এবং আমাব স্মনিবিড ভক্তিব উচ্ছ্বাস দেখে সোয়ান প্রথম প্রথম
খুশী, পবে একটু একটু কবে পবিতৃপ্ত, তাবপব বিস্মিত বিগলিত এবং অবশেষে
একেবাবে সম্মোহিত হযে পড়লেন । সম্মোহিত সোয়ানেব কানে তখন গুঁজে
দিলাম চূড়ান্ত খেলাব উপক্রমণিকা : শুধু যে এই ধৰ্ম্মই best তা নয়, অজ্ঞাত
ধৰ্ম্ম যে এই ধৰ্ম্মেবই ব্যর্থ নকল তাই নয়, আমাব মাঝে মাঝে কি মনে হয়
জানেন মি: সোয়ান, মনে হয় কুসংস্কাবাচ্ছন্ন হিন্দুধৰ্ম্ম ত্যাগ কবে আমি উদাব
খ্রীষ্টধৰ্ম্মই গ্রহণ কৰি ।

সীমাপবিসীমাহীন ভক্তি । সোয়ান একেবাবে গলে গেলেন । বুকেব
সম্মুখে বাতাসে একটি ক্রস চিহ্ন এঁকে অন্তবোধ জানালাম ভক্তি গদগদ কৰ্ণে :
May I not attend the prayer ?

Of course । তৎক্ষণাৎ হুকুম দিলেন সোয়ান : Christianity-ব প্রতি
তোমাৰ ভক্তিব তুলনা নেই । তুমি তাই Christianity embrace কবতে
চাও, I understand and appreciate the depth of your faith—
তাই গীৰ্জায় তোমাৰ যাবাব পথে কোনো বাধাই থাকতে পাবে না ।

বাস, হুকুম হযে গেল । প্রতি ববিবাব সকাল সাতটাৰ মধ্যেই বাইবেল-
হাতে স্নবেধ বালকটিব মতো ইয়ার্ড গেকে বেবিষে যাই সেনট্রাল টাওয়ারেব
নীচে গীৰ্জায় । আলখাল্লা পবা দাড়িওয়ালা পাত্ৰী অন্ধনিম্নলিত নেত্রে বাইবেল
পাঠ শুরু কবেন :... ..Judge not, that ye be not judged. For
with what judgement ye judge, ye shall be judged : and

with what measure ye mete, it shall be measured to you again.....শ্রোতারা সবাই পাত্রীর দেখাদেখি চক্ষু নিম্নীলিত করেন ও মাঝে মাঝেই ‘আমেন’ ‘আমেন’ বলে ওঠেন আর সেই অবসরে পশ্চাৎ দিকের বেঞ্চ ছেড়ে স্কট্ করে আমি বাইরে বেরিয়ে পড়ি এবং পূর্ব ব্যবস্থামতো সত্যাগ্রহী বন্দী ইয়ার্ডের দিক থেকে দাদারা এসে পড়েন। মনাদা’র প্রেরিত সংবাদগুলি তাঁদের দিই, তাঁদের প্রেরিতব্য সংবাদগুলি সংগ্রহ করি। আমার নিজের কথাও কিছু বলি ও দাদাদের উপদেশ গ্রহণ করি। মাঝে মাঝে মনাদা’র লেখা চিঠিও দিই তাঁদের হাতে, আবার তাঁদের অথবা তাঁদের মারফত অপর বন্দীর প্রেরিত চিঠিও বহন করে নিয়ে আসি মনাদা’র কাছে। গীর্জার মধ্যে পাত্রীর কর্তৃ শোনা যায় : Ask, and it shall be given you ; seek, and ye shall find ; knock, and it shall be opened unto you : For everyone that asketh receiveth ; and he that seeketh findeth ; and to him that knocketh it shall be opened... আর বাইরে চলে আসাদের দ্রুত অমুচ্চ সলাপারামর্শ, চলে ‘চটির আদান-প্রদান। দ্রুত এজ্ঞা যে, কখন যে অতর্কিতে সোয়ান এদিকে এসে পড়বেন, কে বলতে পাবে ! টেব পেয়ে গেলে আর রক্ষে রাখবেন না।

একদিন সত্যিই টের পেয়ে গেলেন। ধরা পড়ে গোলাম একেবারে হাতে-নাতে।

সে ববিবারও যথারীতি এসেছি গীর্জায় অন্ধকার হিন্দুধর্ম ত্যাগ করে খ্রীষ্টধর্মের আলোকে সঞ্জীবিত হতে। যথারীতি স্বামী জ্ঞানানন্দ দরজার বাইরে রাস্তায় এসে গেছেন। যথারীতি দাড়িওয়ালা পাত্রীর চক্ষু নিম্নীলিত হলো, শ্রোতাদেরও যথারীতি চোখ বন্ধ হলো, পাত্রী শুরু করলেন : Behold, I send you forth as sheep in the midst of wolves : be ye therefore wise as serpents.....আমিও যথারীতি স্কট্ করে বেরিয়ে পড়লাম। স্বামীজীর সঙ্গে কয়েক মিনিট কথা বলবার পরই অকস্মাৎ সোয়ান সম্মুখে এসে হাজির !

সার্পেন্টের মতো আর ওয়াইজ হওয়া হলো না, সোয়ান বলে উঠলেন : I see, so this is the trick you have been playing ?

বলতে চেষ্ঠা করলাম যে, urinal-এ যাবো বলে সেইমাত্র বেরিয়েছি, কিন্তু

সোয়ান জেলার। জেলের অভ্যন্তরে urinal-এ যাবার ফাঁকি দিয়ে সিপাই ও বন্দী সবাই যে পিঠ বাঁচাতে চায় এবং এটা যে একটা অত্যন্ত সহজ কাজে ওজর, জেলার তা ভালোভাবেই জানেন। তাই আমার কথায় কান না দিয়ে বললেন : বাইবেল ও খ্রীষ্টধর্মের প্রতি তোমার অমুরাগ একটি ভাঁওতা। আসল কথা, এদের সঙ্গে দেখা করাই তোমার উদ্দেশ্য।—move on, move on to your Yard—জলদি চল।

আর বিরক্তি করা চলে না। পকেট থেকে নিউ টেস্টামেন্টখানা বার করে সোয়ানের হাতে তুলে দিয়ে সুবোধ বালকের মতো তাঁর আগে আগে এসে ১৬নং সেলস-এ প্রবেশ করলাম।

১৯৩৬ সালের জানুয়ারী মাসের প্রথম দিকে সদলবলে আবাব এলাম সেই মুন্সীগঞ্জ মহকুমা জেলে। জেনানা ফাটকে রাখা হলো রজলাল আর কালাচাঁদকে। একবার এসেছিলাম আইনভঙ্গের অপরাধে। সে অভিযোগ ছিল সামান্য। এবার এসেছি বিক্রমপুর ষড়যন্ত্র মামলার প্রধান আসামীরূপে। সুতরাং কর্তৃপক্ষের সতর্কতার সীমা নেই।

কালীপদ মৈত্র বদলী হয়ে গেছেন কিংবা রিটারার কবেছেন। তাঁর স্থানে মহকুমা হাকিম হয়ে এসেছেন রায় বাহাদুর নবশচন্দ্র রায়। স্পেশাল ম্যাজিস্ট্রেট-রূপে আমাদের বিচার করবেন ইনি। মহকুমা হাকিমের ক্ষমতা মাত্র দুই বা বড় জোর তিন বৎসর কারাদণ্ড, আব স্পেশাল ম্যাজিস্ট্রেটরূপে ইনি সাত বৎসর পর্যন্ত দণ্ড দিতে পারবেন। কেরানী সুবেন মৈত্রকেও দেখলাম না। তিনিও বদলি হয়ে গেছেন। সেবার এসে বারেন্দ্রযুগলের দাপটে জেলের যে দৃশ্য দেখেছিলাম, এখন যেন ততটা শোচনীয় মনে হলো না।

মামলার জ্ঞান আমরা প্রস্তুত হয়ে গেছি। বাইরের আত্মীয়-স্বজনেরা একত্র হয়ে পাকাপাকিভাবে নিয়োগ করেছেন ঢাকার রজনী দাসকে আর তাঁর জুনিয়র-রূপে কাজ করবার জ্ঞান মুন্সীগঞ্জের মোস্তার জিতেন চক্রবর্তীকে। শ্রীশ চাটার্জী ঢাকা ছেড়ে আসতে পারবেন না। শেষ পর্যন্ত খগেন রায় অভিযোগপত্র পেশ করতে পেরেছেন মাত্র আমাদের ছ'জনের বিরুদ্ধে—রজলাল, কালাচাঁদ, খগেন, অনাথ, বিপদভঞ্জন ও আমি। অবশিষ্ট সবাইকে ছেড়ে দেওয়া হয়েছে।

আই বি-র যথাকর্তব্য তার' বেশ উৎসাহের সঙ্গেই করছে। তারা রটিয়ে দিয়েছে যে, এরা মারাত্মক আসামী। গভীর রাত্রে জেলের দেয়ালের বাইরে থেকে এদের লোক এসে উচ্চৈঃস্বরে কথা কয় এদের সঙ্গে। নিজেরা তো কীদে আটকে গেছে। রেহাই পাওয়া তো দূরের কথা, হয়তো যাবজ্জীবন দ্বাপাস্তরই হয়ে যাবে। জেল থেকে আর বেরিয়ে যাবার উপায় নেই। তাই সাংঘাতিক সব সংবাদ এরা পাচার করে দিচ্ছে বাইরে চালাচামুণ্ডা বারা এখনো রয়ে গেছে, তাদের কাছে। সুতরাং প্রমাদ গনলেন সরকারী বুদ্ধিবিভাগ। মুন্সীগঞ্জ সাব-জেলের ইতিহাসে যা কোনোও দিন হয়নি, হয়তো ভবিষ্যতেও যা কোনোদিন হবে না, তাই হলো। বারোজন সশস্ত্র গাড়োয়ালী সেনার একটি স্কোয়াড ঢাকা থেকে এসে পড়লো এখানে। জেলের কাছেই পড়লো তাদের তাঁবু। চব্বিশ ঘন্টা তারা বাইরে থেকে জেলের দেয়াল পাহারা দিতে লাগলো বন্দুক কাঁধে। শুধু তাই নয়। আমাদের শাগরেদরা কখন এসে ম্যাজিস্ট্রেটের ওপর গুলী চালিয়ে দেবে কে জানে! তাই সতর্কতামূলক ব্যবস্থা হিসেবে ভবেশ রায়ের একজন রিভলভারধারী দেহরক্ষী নিযুক্ত হলো। অর্থাৎ সংবাদ সরবরাহ প্রতিষ্ঠান মারফত কাগজে কাগজে বিক্রমপুর বড়যন্ত্র মামলার আসন্ন আরম্ভের সংবাদ ছাপিয়ে, জেলের বাইরে গাড়োয়ালী সাদ্রী বসিয়ে, ম্যাজিস্ট্রেট ভবেশ রায়ের দেহরক্ষী নিয়োগ করে এবং সর্বাপেক্ষা মারাত্মক whispering campaign চালিয়ে আই বি-রা আবহাওয়া এমনি উদ্ভূত করে তুললো যে, অবধারিতভাবেই সবাই বুঝে নিলেন, দ্বিজন গাঙ্গুলী এবার সত্যিই তাহলে পরাজিত হলেন।.....

মুন্সীগঞ্জে মামলা আরম্ভের দিনটিতে আদালতে যে নাটক অভিনয় হয় আজও তা বেশ মনে আছে।

অফিসের বাবুর মতো তাড়াতাড়ি স্নানাহার সেরে নিলাম আমরা। জেল-গেটের বাইরে এসে দেখি বারোজন সশস্ত্র গাড়োয়ালী সেনা আমাদের নিয়ে যাবার জন্তু অপেক্ষা করছে। স্লোপ আর্গ করে দাঁড়িয়ে আছে তারা। মাথায় একটা বুদ্ধি খেললো। অর্ডার দিলাম :

ফল্ ইন

আইজ—ফ্রন্ট

রাইট—টার্ণ

কুইক—মার্চ

এগিয়ে চললো বেঙ্গল ভলান্টিয়ার্স গাড়োয়ালীদের পায়ের সঙ্গে পা মিলিয়ে। একেবারে নিখুঁত মার্চ! হাই স্কুলের পেছন দিয়ে এসে খালের ওপরকার বৃহৎ কাঠের সেতু পার হয়ে আদালত প্রাঙ্গণে পড়লাম। সেনাবাহিনী থামবার সঙ্গে সঙ্গেই হুকুম দিলাম : হন্ট।

আদালত কক্ষে প্রবেশ করামাত্রই দরজা বন্ধ করে দেয়া হলো, প্রহরায় দাঁড়িয়ে গেল সশস্ত্র একজন পুলিশ। আই বি-র অনুমতিপত্র ব্যতীত সাধারণের প্রবেশ নিষেধ। কক্ষ লোকে লোকারণ্য। উকিল-মোক্তারে একেবারে ঠাসা, তাড়াছাড়ি কিছু দর্শক আর এসেছেন ফুলদা', অনাথের দাদা, মণি এবং আরো ক'জন। কোর্ট ইনসপেক্টার শক্ত ক্রিষ্ণওয়াল খাঁকি ট্রাউজার পরে এসেছেন, রিভলভারের খাপ ও বেল্ট বার্নিশ করা, পিতলের চাকতিগুলো ঝকঝক করছে। এক পাঁজা ফাইল ও কাগজপত্র নিয়ে এসেছেন শ্রীনগর থানার অফিসার-ইন চার্জ খগেন রায় জুনিয়র কাউন্সিলের মতো। আমাদের মোক্তার জিতেন চক্রবর্তী উসখুস করছেন, রজনী দাস ঢাকা থেকে এখনো এসে পৌঁছোননি। অতি সাধারণ দর্শকের মতো সাদা পোশাকে প্রথম বেকির এক পার্শ্বে ভালো মানুষটির মতো বসে আছেন অবিনাশ দারোগা—বোধহয় গ্র্যাসরিব সাহেবের প্রতিনিধি হিসেবে।

মোট কাঁচে ঢাকা ম্যাজিস্ট্রেটের আসন। ওপারে বসে আছেন গান্ধীর্যের খোলস পরে রায় বাহাদুর ভবেশ বায়। স্পেশাল ম্যাজিস্ট্রেটরূপে প্রত্যেক দিনের শুনানির জন্তু পাবেন ২০০ টাকা করে অতিরিক্ত পারিশ্রমিক।

মামলা শুরু করবার জন্তু আদেশ উচ্চারণ করতেই জিতেন চক্রবর্তী আপত্তি জানিয়ে বললেন যে, আসামীপক্ষের প্রধান উকিল রজনী দাস ঢাকা থেকে এখনো এসে পৌঁছোতে পারেননি, তাই আধ ঘণ্টা সময় দিতে আজ্ঞা হোক।

আজ্ঞা হলো। রজলাল কাঁচের ওপার থেকে আমার পানে চাইলো, আমি মুহূ হাস্ত করলাম মাত। সেও হাসলো। এই হাসি কিন্তু অবিনাশ দারোগা দেখে ফেললেন এবং আমার দিকে তাকিয়ে এমনভাবে মুখবিকৃতি করলেন যেন বোঝাতে চাইলেন, হাসি! ও হাসির অর্থ আমি জানি। কিন্তু ওতে আর

ফল হবে না, বন্ধু, রোগ এখন হাকিমের বাইরে। তার চাইতে বরং রাম নাম উচ্চারণ কর, খাটিরার অর্ডার দাও, আম কাঠের জোগাড় দেখ !.....

আধ ঘন্টা শেষ হয়ে যেতেই ইনসপেক্টর আবার আবেদন জানানেন, জিতেন চক্রবর্তীও পার্টি আবেদনে আরও আধ ঘন্টা সময় চাইলেন। কিন্তু এবার হাকিম হুকুম দিলেন : মামলা শুরু হোক। We can't wait any longer !

বঙ্গলাল আর কালাচাঁদকে একেবারে হাকিমের পাশে এগিয়ে নিয়ে যাওয়া হলো। রঙ্গলাল আর একবার চাইলো আমার পানে। এবার ভেল্কি দেখাতে আর ভুল করলাম না। ইশারায় জানিয়ে দিলাম : This is the time—

অবিনাশ দারোগা আবারও লক্ষ্য করেছেন আমার। কিন্তু অবজ্ঞার চাপা হাসিতে মুখমণ্ডল তাঁর বিকৃত মনে হলো।...কিন্তু কতক্ষণ, কতক্ষণ তোমার এই আত্মসন্ত্রস্ততা, এই অবজ্ঞা ?

যেই ইনসপেক্টর আসামীদের তালিকা পাঠের পর রাজশাক্ষী দু'জনকে পরিচয় করিয়ে দিতে গেলেন, অমনি রঙ্গলাল ইংরেজীতে বললো : I have something to say, Sir !

বেশ, বল।—ভবেশ রায় জিজ্ঞাস্থনেত্রে চাইলেন।

আমি যা বলেছি, পুলিশের শিথিয়ে দেওয়া কথা বলেছি। সুতরাং আমার বিরতি আমি withdraw করছি।—বলেই সে বার বার চিমটি কাটলো কালাচাঁদের হাতে।

সে কিন্তু রঙ্গলালের কথায় সায় দিল না পূর্ব-ব্যবস্থামতো। কাঠের মতো শক্ত হয়ে দাঁড়িয়ে বইলো। ভবেশ রায় জিজ্ঞেস করলেন : তুমি withdraw করছে কি ?

নির্লজ্জ কালাচাঁদ মুহূর্তে জবাব দিল : না।

ভবেশ রায় হুকুম দিলেন : Then it is evident that Ranglal Ganguly is not a witness, but an accused. He may be led to the accused box !

বেরিয়ে এল রঙ্গলাল গটগট করে। আমাদের কাঠগড়ায় উঠে আসতেই সর্বাঙ্গে বিপদভঞ্জনই হু'হাতে জড়িয়ে ধরলো তাকে, পিঠ চাপড়ে দিয়ে চাঁকর করে উঠলো : সাবাস রহুদা, সাবাস।

তাকিয়ে দেখলাম, কালাচাঁদ তেমনি মুখ নীচু করে দাঁড়িয়ে আছে। বিশ্বাস-ঘাতকতা করেছে সে দলের সঙ্গে, বিশ্বাসঘাতকতা করেছে আমার সঙ্গে, রত্নজালের সঙ্গে, ঢাকা জেলের আমাদের শুভামুখ্যারী সমস্ত রাজনৈতিক বন্দীর সঙ্গে। কী শাস্তি এই দেশদ্রোহীদের?.....

তাকিয়ে দেখি, এবার ল্যাজ গুটিয়ে ঘিরে-ভাজা কুকুরের মতো অবিনাশ দারোগা কক্ষ থেকে বেরিয়ে যাচ্ছেন। এ যে কল্পনাও করতে পারেনি ও ব্যাটা!

কিন্তু এমন সময় ভেজানো দ্বার সটান মেলে দিয়ে উকিল-মোক্তার-দর্শকের ভিড়ের মধ্য দিয়ে গুটি গুটি পা ফেলে এসে হাজির হলেন খর্বকায় স্বয়ং বজ্রনী দাস। একেবারে পোশাক এঁটে এসেছেন রণং দেহি যুক্তিতে। এসেই নাটকীয় ভঙ্গিতে চশমার মধ্য দিয়ে দৃষ্টিক্ষেপ করে বললেন : I see—the principal Approver is already led to the accused box, but still a remnant remains—a weakling as the last ray of hope of the Intelligence Branch. Well, my dear boy—বলে ছোটো প্রশ্ন করলেন কালাচাঁদকে সম্মুখের দিকে ঝুঁকে পড়ে : তুমি বুঝি রাজসাক্ষী ?

কালাচাঁদের মুখে কথা ফুটলো না।

লজ্জা কি ? নাচতেই যখন নেমেছো, তখন আর ঘোমটার বালাই কেন ?

তারপরই ওজস্বিনী ভাষায় বক্তৃতা শুরু করলেন রজনী দাস। প্রথমেই দৃঃপ্রকাশ করলেন অনিবার্য্য বিলম্বের জন্ত। স্টীমার লেট ছিল। তারপর জানালেন অভিযোগ, গুরুতর অভিযোগ। এ কাজীর বিচার নয় যে, খাসকামরায় বসে খুলীমতো কাজী শিরশ্ছেদের হুকুম দেবেন। এ প্রকাশ্য আদালত, জনসাধারণের আইনগত অধিকার আছে to be present and to watch the proceedings. আই বি প্রধানকার মালিক নন যে, তাঁরা খুলীমতো দরজা বন্ধ করে রাখবেন। This is a serious encroachment upon the jurisdiction of the Court and privileges of the public. I appeal to your honour—

কোর্ট ইনসপেক্টর উঠে দাঁড়ালেন : But Mr. Das, প্রকাশ্য আদালতে জনসাধারণের অবশ্যই প্রবেশাধিকার থাকা উচিত। কিন্তু যেখানে বিচারকারী ম্যাজিস্ট্রেটের ব্যক্তিগত নিরাপত্তার question arise করেছে সেখানে—

সেখানে, you have taken all possible precautions, তৎক্ষণাৎ বাধা

দিলেন রজনী দাস : ম্যাজিস্ট্রেটের সম্মুখে মোটা কাঁচের চুর্ভেজ দেয়াল, পশ্চাতে জানালার বাইরে রিভলভারধারী দেহরক্ষী, হয়তো ম্যাজিস্ট্রেটের ড্রয়ারের মধ্যেও রাখা আছে লোডেড রিভলভার। তারপর, you Mr. Court Inspector, আপনার কোমরেও রয়েছে রিভলভার, আদালত কক্ষের বারান্দায় সশস্ত্র পুলিশ, আদালত প্রাঙ্গণে সশস্ত্র সেনাদল, তারপর নিশ্চয়ই চতুর্দিকে সদা-জাগ্রত শ্রেনদৃষ্টি রাখবার জন্তু ঢাকা থেকে দলে দলে সাদা পোশাকে এসেছেন তাঁরা, ঈশা শুধু ম্যাজিস্ট্রেটের কেন, খোদ গভর্নমেন্টের দেহরক্ষার জন্তু দেহমনপ্রাণ উৎসর্গ করেছেন, এমনি fortified iron room of Lakshinder তৈরী করবার পরও যদি a cunning cobra finds its way inside, well, আমাব মনে হয় তাহলে স্বয়ং Cobra-Goddess মনসা দেবীও পারবেন না রক্ষা করতে। Hence, I do again appeal to your honour—

কিন্তু এ্যাপিল আব করতে হলো না। এ যে বজ্রনী দাস, ঢাকার বিখ্যাত উকিল রজনী দাস। দেশবন্ধু চিত্তরঞ্জনব প্রাক্তন সহকাৰী। রাজনৈতিক মামলা পরিচালনায় ধুবন্ধ রজনী দাস। স্মৃতরাং তৎক্ষণাৎ দবজা খুলে দেবার হুকুম হলো, অনুমতিপত্রের বাধা বাতিল করে দেওয়া হলো। সাধারণ দর্শকেরা দলে দলে এসে প্রবেশ কবলেন। মামলা শুরু হয়ে গেল।

একদিন একদিন করে পুরো বাইশটি দিন হলো মামলার শুনানি। বিক্রমপুর বড়বন্ধ মামলা। প্রতিদিনকার শুনানির বিবরণ প্রকাশিত হতে লাগলো ‘স্টেটসম্যান’ গ্রন্থ বাংলার দৈনিক পত্রিকাগুলিতে। বেছে বেছে সাক্ষী জোগাড় করেছেন খগেন রায়। আমাদের গ্রামের গাঁজাখোর বদমাশ বিশু চক্রবর্তী, তমিজদৌ চৌকিদার, তারই জনকয়েক শাগরেদ, ইউনিয়ন বোর্ডের মেম্বার জমির কারিগর আর হাঁসাড়া প্রাথমিক কংগ্রেস কমিটির স্বনামধন্য সম্পাদক সেই মুণাল সোম। ঠিক তেমনি খোঁচা খোঁচা দাড়ি, ময়লা খদ্দেরের শার্ট, ময়লা ধুতি আর ছেঁড়া স্কাণ্ডেল। গ্যাটাপারচার ফ্রেমের ওপর দিয়ে কুৎ কুৎ করে তাকিয়ে সত্য কথা বলবাব প্রতিজ্ঞা করে অবলীলাক্রমে ডাঃ মিথ্যা বলে গেলেন যে, ঢাকা থেকে বিনয় বোস, দীনেশ গুপ্ত, বিভূতি চৌধুরী প্রভৃতি বি ভি-র অফিসাররা হাঁসাড়ায় সামরিক ড্রিল শেখাতে এসে বাত্রিযাপন কবতো কেয়টখালীতে দ্বিঞ্জন গাজুলীর বাড়ীতে। কেয়টখালী বই দ্বিঞ্জন গাজুলী যে এই দলের সভ্য এবং এই সব আসামী তারই রিক্রুট, সবাই জানে তা। কথায়

কথায় মারধর করা, ছোরা-ছুরি চালানো এবং রিভলভার নিয়ে বোম্বাফেরা এদেরই কাজ। হাঁসাড়া, কেয়টখালী ও আশেপাশে গ্রামের সবাই তাই এদের ভয় করে।

কংগ্রেসের কাজে কোনো দিনই আমরা প্রতিবন্ধক হয়ে দাঁড়াইনি, কংগ্রেসও কোনো দিন এমনি প্রকাশ্যভাবে শত্রুপক্ষে যোগদান করে বিরুদ্ধাচরণ করেনি আমাদের। কংগ্রেসী কুলকলঙ্ক যুগল সোম একটা রেকর্ড সৃষ্টি করলো।

তার চাইতেও বিস্মিত হলাম যখন দেখলাম, সাক্ষীর কাঠগড়ায় এসে দাঁড়ালেন স্বয়ং বিজয় সেন। আমার আবালায় সুহৃদ, সহকর্মী, শহীদ বিনয় বোসের প্রাক্তন রুমমেট ও সহপাঠী গোপাল সেনের দাদা বিজয় সেন। সেই বিজয় সেন, গলায় সেই তুলসীর মালা, আচণ্ডালে প্রেম বিতরণের প্রতীক! বিস্ময়ের সীমাপরিসীমা রইলো না, যখন দেখলাম সত্যবাদী যুধিষ্ঠিরের মতো বিজয়বাবু গড় গড় করে বলে চললেন : হ্যাঁ, অনাথ চক্রবর্তীর হাতের ক্ষত চিকিৎসা করেছি আমি। ঢাকা শহর থেকে আনা হয় কেলেণ্ডা। প্রতিদিন রক্তলালদের বাড়ীতে গিয়ে আমি অনাথের ক্ষত বুয়ে ব্যাণ্ডেজ বেঁধে দিয়ে আসতাম।

রজনী দাসের প্রশ্ন : কীসের জন্তু ক্ষত হয়েছে জিপ্সোস করেছিলেন আপনি ?

হ্যাঁ, করেছিলাম।

কী বললেন দ্বিঞ্জনবাবু ?

দ্বিঞ্জনবাবু নয়, রক্তলাল। সে বললো, তা দিয়ে আপনার দরকার কি ?

এতে আপনার কোনো সন্দেহ হয়নি ?

হ্যাঁ, হয়েছিল। কারণ তার দু'দিন আগেই ডাকাতির ঘটনা শুনেছিলাম।

সন্দেহের কথা বলেছিলেন কাউকে ? এরাই যে ডাকাতি করতে পারে, তা মনে হয়েছিল কি ?

মনে হলেও বলতে ভয় করেছে, কারণ—

কারণ আমি জানি।—সহাস্ত্রে জুড়ে নিলেন রজনী দাস : কারণ কথায় কথায় ছোরা-ছুরি চালানো আর মারধর এদের কাজ।—The same sentence quoted by His Highness the Secretary of the Hashara Congress Committee—তোতা পাখীর বুলি !

কাঁচের দেয়ালের ভেতরে গিয়ে সরকারী সাক্ষীরা কী দিচ্ছে জবানবন্দী, রজনী দাসের মারাত্মক সব জেরার জবাবে কি সব কথা বলে ফেলছে তারা, মোটামুটি শুনতে পেলেও আমি একদিন ম্যাজিস্ট্রেটের দৃষ্টি আকর্ষণ করে বললাম যে : আমরা ভাল শুনতে পারছি না। আর সাক্ষীকে আমাদের উকিল ছাড়াও আমাদের যখন জেরা করবার অধিকার আছে, তখন—

Certainly ! তৎক্ষণাৎ বলে উঠলেন রজনী দাস : The accused persons must be able to hear and follow the proceedings..... সুতরাং আমি আবেদন জানাচ্ছি, সরকারী সাক্ষীরা কাঁচের বাইরে দাঁড়িয়ে সাক্ষী দিক, এই দরজাটা খোলা রাখলেই কোর্ট সব শুনতে পাবেন—

কোর্ট ইনসপেক্টর উঠে দাঁড়ালেন : But Mr. Das, সাক্ষীরা প্রায় সবাই গ্রামের নিরীহ লোক, আসামীদেরই আশেপাশে এরা চলাফেরা করতো, কেউ কেউ এদেরই সাথী ছিল। একেবারে আসামীদের মুখোমুখি দাঁড়িয়ে সত্য কথা বলতে এরা ঘাবড়ে যেতে পারে—

Let them then go to hell, Mr. Inspector—জবাব দিলেন রজনী দাস : লোকজনের সামনে এরা সত্য কথা বলতে পারে না, বলতে পারে বোধহয় আই বি পুলিশের গোপন কক্ষে ফিসফিস করে silver tonic-এ চাঙ্গা হয়ে উঠে। তারপর হেসে বললেন : অবশ্য আপনার সাক্ষীরা যদি এতই লাজুক হন যে, জনসমাজে মুখ দেখাবার মতো তাদের অবস্থা নয়, তাহলে let them use some sort of Borka, some veil—

হাসাহাসি পড়ে গেল। ভবেশ রায়ের পাথুরে মুখেও যেন হাসির আভা ঝিলিক মারলো। শেষ পর্যন্ত রজনী দাসের প্রস্তাবই রক্ষিত হলো। আমাদের মুখোমুখি দাঁড়িয়ে সাক্ষীরা সাক্ষ্য দিতে লাগলো।

একদিন কাঠগড়ায় দাঁড়ালো বিষ্ণু চক্রবর্তী। বিষ্ণুর ইতিহাস সবই জানিয়ে দিয়েছিলাম রজনী দাসকে। তাই ওকে দেখেই প্রশ্ন করলেন তিনি : আচ্ছা বিষ্ণুবাবু, আপনার বাঁ হাতের তেলোটা অনুগ্রহ করে কোর্টকে একবার দেখাবেন কি ?

বিস্মিত বিষ্ণু হাতখানা তুলে দেখাতেই রজনী দাস বলে উঠলেন : হাতের তেলোটা অমন কালো কালো কেন ? নিশ্চয়ই ডান হাতের বুড়ো আঙ্গুলের মাথাটাও অমনি। কিন্তু কেন, জিজ্ঞেস করতে পারি কি চক্কাভি মশাই ?

বিশ্ব মিনমিন করলো : হয়তো কি করে ময়লা লেগে গেছে।

আজ্ঞে হ্যাঁ, ময়লা লেগেছে, বললেন রজনী দাস : তবে সে যে-সে ময়লা নয়, গাঁজার ময়লা। আর কি করে বা কেমন করে লাগেনি। বা হাতের তেলোর রেখে ডান হাতের বুড়ো আঙ্গুল দিয়েই তো গাঁজা টিপতে হয়, তাই নয় কি ?

বিশ্ব প্রতিবাদ জানালো : আমি গাঁজা খাই না।

নিশ্চয়ই খান না, রজনী দাস তৎক্ষণাৎ সায় দিলেন : আপনি গাঁজা খান, আমিও তা বলছি না। বরং বলি গাঁজা আপনি কথখনো খাননি, কথখনো খান না। তবে কি জানেন বিশ্ববাবু, আমাদের দেশে শরৎ চাটুজ্জে বলে এক ভদ্রলোক আছেন, তিনি গিরীশ মহাপাত্র নামক একটি অত্যন্ত পরোপকারী লোকের কথা বলেছেন, যিনি নিজে না খেলেও ধারা খান, তাঁদের সুবিধের জন্য মালটি বেশ জুংসই করে তৈরী করে দেন। হ্যাঁ, বিশ্ববাবু, এই গিরীশ মহাপাত্র কি আপনার গুরু ? তাঁরই মতো কি আপনিও—

কোর্ট ইনসপেক্টর উঠে দাঁড়ালেন : But Mr. Das, এই মামলার সঙ্গে বিশ্ববাবুর গাঁজা খাওয়া না-খাওয়ার কি সম্পর্ক আছে বুঝতে পারলাম না।

রজনী দাস হাসলেন : পারবেন, ধীরে ধীরে বুঝতে পারবেন মিঃ ইনসপেক্টর। বুঝতে পারবেন যে, প্রসিকিউশন বেছে বেছে দাগী আসামী, চরিত্রহীন, গাঁজাখোর ইনফরমারদের ধরে নিয়ে এসেছে সাক্ষ্য দেবার জন্য। তারপর আরও বুঝতে পারবেন, একটু পর বললেন তিনি : যে বিশ্ব চক্ৰোত্তির গাঁজার মতো সরকার পক্ষের পুরো মামলাটাই গাঁজা, unadulterated pure গাঁজা !

আদালত কক্ষে হাসির মুদ গুঞ্জন শোনা গেল। রজনী দাস হাকিমকে সম্বোধন করে বলতে লাগলেন : Your honour, এঁকে জেরা করেই এঁকে দিয়েই আমি কবুল করিয়ে দেখাবো যে, ইনি একজন veteran গাঁজাখোর। এবং শুধু গাঁজাই খান না, পান করা যায় যে রজনীন পানীয়, তাতেও এঁর সমান আসক্তি। এবং অতিরিক্ত পানের ফলে মনটা যখন চাঞ্চা হয়ে ওঠে, তখন পথ ভুলে ইনি গভীর রাত্রে শরৎ দাসের বিধবা মেয়ে পুঁটুরাগীর ঘরেই ঢুকে পড়েন। — তারপরই আবার চশমার মধ্য দিয়ে দৃষ্টি নিক্ষেপ করলেন বিশ্বের প্রতি : পুঁটুরাগীর ঘরে এক রাত্রে ঢুকেছিলেন না বিশ্ববাবু ? তারপর ধরা পড়ে যাবার ফল কি হয়েছিল ? ফলম্ চাঁদা করে বাজারিয়া প্রহারম্। তারপর সালিশী সভায় সওয়া

হাত নাকে খৎ আর সেই সভার সভাপতি ঐ আগামী দ্বিভেন গান্ধুলী। কেমন, ঠিক কিনা? পুঁটুরাণীর পায়ে ধরে তাকে মা বলে ডাকতে হয়নি আপনাকে?

বিশু একেবারে নীরব, নিশ্চল।

রজনী দাস বলতে লাগলেন : চুপ করে থেকে রেহাই পাবে না, হাকিমের সম্মুখে যে সব প্রশ্ন করেছি, তার প্রত্যেকটির জবাব দিয়ে যেতে হবে। তুমি গাঁজাখোর, মদখোর, চরিত্রহীন, তুমি করেকটা টাকা পেয়ে এসেছো মিথ্যা সাক্ষ্য দিতে—সত্যি কিনা?

বিশু পাথর হয়ে গেছে!

একটু পর বললেন রজনী দাস : তাহলে এক কাজ কর। ঐ কালো মুখ আর দেখিয়ে না, নেমে পড়, সরে পড়।

এই উপদেশটা খুব ভালো লাগলো বিশ্ব। তাই সে গুটি গুটি পা ফেলে একেবারে আদালত কক্ষের বাইরে প্রস্থান করে নিজের চামড়া বাঁচালো।

আদালত কক্ষে হাসির ফোয়ারা ছুটলো। ভবেশ রায়ও যোগ না দিয়ে পারলেন না।.....

রাজসাক্ষী কালার্টাদকে জেরা চললো চার দিন। সে বললো যে, সে বি ভি দলের সভ্য। বিপদভঞ্জন তাকে দলে টেনে নিয়েছে। সরকারী কর্মচারীদের হত্যা ও ডাকাতি করে অর্থ সংগ্রহই এই দলের কাজ। দ্বিভেন গান্ধুলীর নেতৃত্বে পূর্বে বহুবার ডাকাতি ও হত্যার ষড়যন্ত্র চলেছে। নানা কারণে তা কার্যকারী হয়ে ওঠেনি। দেলভোগের ডাকাতিতে সে অংশ গ্রহণ করেছিল। দ্বিভেন গান্ধুলীর এক হাতে ছিল একটি ছোট লাঠি, আর এক হাতে সবুজ খাপে ভরা একখানা ছোরা। কোমরে ছিল রিভলভার জরুরী অবস্থায় ব্যবহারের জন্য।

রজনী দাসের অবিশ্রান্ত প্রশ্নের জবাব দিতে গিয়ে গলদঘর্ষ হয়ে উঠলো কালার্টাদ। অসতর্ক মুহূর্তে আই বি-র শেখানো অনেক কথাই বেরিয়ে এল, অসংলগ্ন জবাবকে শোধরাতে গিয়ে তা আরও জটিল করে ফেললো, উকিলের প্রত্যেকটি অভিমতকেই সোজা অস্বীকার করতে গিয়ে সহজ সত্যকেও শোচনীয়ভাবে বিকৃত করে ফেললো। কিছুই মনে পড়ছে না বলে পাশ কাটিয়ে যাবার চেষ্টাকে রজনী দাস নির্মম হাতে চূর্ণ করে দিলেন, প্রশ্ন করলেন : কী কী দিয়ে হুপুরে আজ খেয়ে এসেছো, মনে পড়ছে তা?

মুখ কালার্টাদ বলে বসলো : না।

কেন, আই বি তা শিখিয়ে দেয়নি? বলেনি, ভাত খেলে বলবে, খাইনি, মাছ খেলে বলবে, ডাল খেয়েছি, ডাল খেলে বলবে, তরকারি?—আমি বলছি, তুমি একটি মিথ্যাবাদী—a downright liar.....

দেলভোগের পথে যাদের ওপর রাহাজানি হয়েছিল, এবার প্রকাশ আদালতে দিনের আলোয় তাদের দেখতে পেলাম। সরল মুসলমান, সরলভাবেই বললো, যারা ডাকাতি করেছিল, তাদের চেহারা তাদের মনে নেই। তবে তাদের দাড়ি ও পরনে লুঙ্গি ছিল। এই আসামীদের মধ্যে কেউ ছিল বলে তাদের মনে পড়ছে না।

এদের তোতাপাখীর বুলি শিখিয়ে দেবার সুযোগ গ্রহণ করতে পারেনি আই বি। কারণ F I R অর্থাৎ ফার্স্ট ইনফরমেশন রিপোর্টে এদের যে জবানবন্দী আড়াই বৎসর পূর্বে শ্রীনগর থানার ডায়েরীতে লিপিবদ্ধ হয়ে আছে, তাকে তো উড়িয়ে দেয়া সম্ভব নয়। অথচ প্রধান সাক্ষী হিসেবে এদের আদালতে হাজির না করলেই নয়।

রজনী দাসও এদের বিশেষ জেরা করলেন না।

তারপর শুরু হলো সওয়াল। সাক্ষীদের নিরপেক্ষ বিবৃতি উল্লেখ কবে বলতে লাগলেন কোর্ট ইনসপেক্টর : সন্দেহাতীতরূপে প্রমাণিত হয়েছে যে, এরা সবাই বেঙ্গল ভলান্টিয়ার্স নামক গুপ্ত বিপ্লবী প্রতিষ্ঠানের সক্রিয় সদস্য এবং দ্বিভ্রম গান্ধুলী এদের নেতা। বিনয় বোস, দীনেশ গুপ্তের সঙ্গে এদের প্রত্যক্ষ যোগাযোগ ছিল। আইন ও শৃঙ্খলার ওপর প্রতিষ্ঠিত এই ব্রিটিশ গভর্নমেন্টকে হিংসাত্মক উপায়ে উৎখাত করাই এদের লক্ষ্য। গ্রামের লোকেরাও এদের জানতো, কিন্তু কথায় কথায় এরা মারধর করে, ছুরি চালায় বলে ভয়ে সে কথা কেউ মুখে উচ্চারণ করতো না। দেলভোগে যে সব বেপারীদের ওপর ডাকাতি হয়েছে, তারা সরল, অনভিজ্ঞ মুসলমান চাষী। টাকা প্রথমটা দিতে না চাওয়ায় এরা ছুরির ফলা ওদের কাঁধে খানিকটে বসিয়ে দেয়। টাকা না দিলে হয়তো হত্যা করতো ওদের। দ্বিভ্রম গান্ধুলীই হচ্ছে এই ডাকাত দলের প্রধান পাণ্ডা। তারই প্ররোচনায়, ব্যবস্থাপনায় এই ডাকাত দল সন্ত্রাসের বিরুদ্ধে মুক্কাগুনের চেষ্টা কবে, সরকারী কর্মচারীদের হত্যার ষড়যন্ত্র করে, ডাকাতির পরিকল্পনা করে। দ্বিভ্রমই এদের—

রজনী দাসের সওয়াল চললো চার দিন। ঐ খর্বকায় ক্ষীণদেহ মানুষটির

মধ্য থেকে যে বজ্রনির্ঘোষ বেরিয়ে এসেছিল, আজও তা মনে পড়ে। সরকার পক্ষের প্রত্যেকটি সাক্ষীর সাক্ষ্য বিশ্লেষণ করে, তাদের ব্যক্তিগত চারিত্রিক চরিত্রতার কথা উল্লেখ করে এবং এই মামলা দায়ের করার ব্যাপারে অবৈতিক বিলম্বের অন্তর্নিহিত কারণ দেখিয়ে রজনী দাস বললেন : ব্রিটিশ রাজত্বের ইতিহাসে একে একটি অভূতপূর্ব মামলা বলা যেতে পারে। ডাকাতি হয়েছে আড়াই বছর আগে। ডাকাতি একে বলা যায় না, বলা উচিত highway robbery কিংবা তাও নয়। একে aggressive type of snatching অর্থাৎ জবরদস্তি ছিনতাই বলা যেতে পারে। যাদের ওপর ছিনতাই হয়েছিল, তারা আসামীদের সনাক্ত করেনি। কোনো T. I. parade-ও হয়নি। বরং তারা বলেছে আসামীদের কাউকে তারা দেখেনি। শ্রীনগর থানার দারোগা দেলভোগ পাবলিক হাউস থেকে জনকতক লোককে চালান দিয়ে পরে ফাইন্সাল রিপোর্ট দিয়ে মামলা ইতি করে রেখেছেন। স্তত্রাং আদালতের কাছে আমার প্রশ্ন : এই ডাকাতি সম্পর্কে আলোচনা করতে কেউ দেখেছেন কি আসামীদের ? অকুস্থানের আশেপাশে এদের কাউকে দেখা গেছে কি ? এদের গৃহ তল্লাশী করে কোনো রিভলভার বা ছোরা অথবা নুস্তি অর্থ পাওয়া গেছে কি ? আমার এই প্রশ্নগুলির একটিরও উত্তর যদি না হয়, তাহলে your honour, the prosecution has failed to connect them with the crime.....

কোর্ট ইনসপেক্টর উঠে দাঁড়াতেই রজনী দাস হাত নেড়ে তাঁকে বসিয়ে দিয়ে বললেন : Yes, Mr. Inspector, I am coming to the Approver, don't you worry—সরকার পক্ষের একটি মাত্র সাক্ষী—হারাধনের একটিমাত্র ছেলের মতো—এই রাজসাক্ষী কালাচাঁদ দাস। সম্রাটের ক্ষমা পেতে হলে যা-যা যেভাবে বলা উচিত, সে সে-ই ভাবে বলবার চেষ্টা করেছে। But where is his corroboration ? যা সে বলবে, তাইতো আর gospel truth বলে মেনে নেয়া যায় না, আইনেও তার পথ নেই। সে বলেছে, দ্বিভ্রমের এক হাতে ছিল রিভলভার, অপর হাতে একটি পাচনবাড়ি, সাধারণতঃ গুরু চড়বার জন্তু যা ব্যবহৃত হয়। ডাকাতি করতে যাবার সময় কোমরে রিভলভার এঁটে কেউ কি ঐ পাচনবাড়ি নিয়ে যায় ? ওটা কি একটা কোনো হাতিয়ার ? বরং হাট থেকে গুরু নিয়ে যারা যাচ্ছিলো, তাদের হাতেই ওটা থাকা সম্ভব। কালাচাঁদের মুখে পাচনবাড়ির গল্পটা পুরে দিয়ে প্রসিকিউশন ডাকাতির সঙ্গে দ্বিভ্রমকে connect

করবার বার্থ চেষ্টা করেছেন। ঘটনার কথা বাদ দিয়েও যদি কালাচাঁদের সাক্ষ্য ও জেরার উত্তরগুলি একেবারে পৃথকভাবে বিচার-বিলেখন করা যায়, রজনী দাসের কণ্ঠস্বর এবার আদালত কক্ষ প্রতিধ্বনিত করে তুললো : তাহলে দেখা যাবে, সে সত্য কথা গোপন করেছে, সে অনেক half truth ও untruth বলেছে, আরব্যোপস্থাসের অনেক গল্প ফেঁদেছে সে এবং একা সব দিক সামাল দিয়ে নিজে বেরিয়ে আসবার চেষ্টা করতে গিয়ে শোচনীয়ভাবে বার্থকাম হয়েছে। He is a liar, a puppet in the hands of Police and an unsuccessful product of the brain of the Intelligence Branch.....

বুঝতে পারলাম, দেশবন্ধু তামাক খুব ভালো করেই সাজা শিখেছিলেন রজনী দাস !

বহু উকিল-মোক্কার এসে শুনতে লাগলেন স্মরণীয় সেই বক্তৃতা। এমনি যুক্তিপূর্ণ তাঁর ভাষণ যে, তাঁরা প্রকাণ্ডেই বলাবলি করতে লাগলেন আই বি-র বার্থতার কথা। টুকরো কথা কানেও ভেসে এল : এদের আর আটকাতে পারবেন না হান্দিম। আমরাও আশাব্যিত হয়ে উঠলাম যে, হয়তো বা তাই হবে।

কিন্তু আমাদের সকল আশা, শ্রোতাদের সকল ধারণা, আত্মীয়জনের সমস্ত কল্পনা চূর্ণ কবে দিয়ে রায় বাহাদুর ভবেশচন্দ্র রায় স্পেশাল ম্যাজিস্ট্রেটের অতিরিক্ত ক্ষমতাবলে ভারতীয় দণ্ডবিধির ৫৯৫ ধারা অনুযায়ী হত্যার চেষ্টা সহ ডাকাতি এবং ১২০খ ধারা অনুযায়ী সন্ত্রাসের বিরুদ্ধে যুদ্ধোত্তমের অপরাধে আমাদের দোষী সাব্যস্ত করে যে দীর্ঘ রায় পাঠ করলেন, দেখা গেল, তাতে দ্ব্যর্থহীনভাষায় বললেন যে, সন্দেহাতীতরূপে প্রমাণিত হয়েছে যে, আমরা চোর, আমরা ডাকাত, আমরা খুনী, আমরা নিরীহ গ্রামবাসীদের ওপর অকণ্য অত্যাচার করি, ছুরি-ছোরা বোমা-পিস্তল নিয়ে আমরা চলাফেরা করি, আমরা বড়ঘরকারী, আইন ও শৃঙ্খলার ওপর প্রতিষ্ঠিত হিজ ম্যাজেস্টিস গভর্নমেন্টকে হিংসাত্মক উপায়ে ধ্বংস করাই আমাদের উদ্দেশ্য, মহামান্য ভারত সন্ত্রাসের বিরুদ্ধে যুদ্ধোত্তমই ছিল আমাদের কাজ, আমরা বিপথে-চালিত কাণ্ডজ্ঞানহীন যুবক, সংশোধনের অতীত সমাজের কলঙ্ক। স্মরণ্য—

স্মরণ্য রাজভক্ত স্পেশাল ম্যাজিস্ট্রেট রায় বাহাদুর ভবেশচন্দ্র রায় রাজভক্তির পরকণ্ঠা দেখিয়ে প্রদত্ত রায়ে ব্যবহার করলেন মুখস্থ-করা বিচার মতো কোর্ট

ইনসপেক্টরেরই সওয়ালের ভাষা, তাঁরই ব্যবহৃত শ্রুতি ও ইডিয়ম এবং গম্ভীরমুখে দণ্ডদেশ উচ্চারণ কবলেন :

দ্বিজন গান্ধুলী—৭ বৎসর

রত্নলাল গান্ধুলী

ধগেন চাটার্জী

অনাথ চক্রবর্তী

}—প্রত্যেকে ৫ বৎসর

বিপদভঞ্জন চাটার্জী—২ বৎসর

কালচাঁদ দাস—সত্রাটের অমুকম্পায় খালাস

স্পেশাল ক্ষমতার একেবারে পুরোটাই যে ব্যবহার করবেন আমার বেলায় এতটা, এমন কি, অবিনাশ দারোগাও বোধহয় কল্পনা করতে পারেননি। দণ্ডদেশ শোনার পর পুলিশ অফিসে আনবার সঙ্গে সঙ্গে স্পষ্টই বললেন অবিনাশবাবু : জেল হয়ে যাবে, তা জানতাম দ্বিজনবাবু, কিন্তু বিশ্বাস ককন, এতটা হবে আশাই করতে পারিনি। কোর্ট ইনসপেক্টরও সায় দিলেন : We could not even dream—

আমি হেসে জবাব দিলাম : There are many things in the world Horatio, which are not dreamt of...ইত্যাদি ইত্যাদি। আপনি স্বপ্নেও না ভাবতে পারলেও ভবেশ রায় স্বপ্ন দেখছেন 'স্মার' হতে পারেন কিনা প্রভুভক্তির পরাকাষ্ঠা দেখিয়ে।.....

তখনই সবাইকে রওনা করে দেওয়া হলো মুন্সীগঞ্জ থেকে। ঢাকা জেলে যখন এসে পৌছোলাম, তখন রাত ন'টা বেজে গেছে। সংবাদ বোধহয় পূর্বেই পাঠানো হয়েছিল। দেখলাম, রেজাক সাহেব অফিসে বসে আছেন প্রতীক্ষায়। অকস্মাৎ খুব গম্ভীর মনে হলো। সদালাপী, সদা হাস্যময় রেজাক সাহেব এমন নিরব কেন? কেন মুখ তুলে চাইছেন না? এ্যাডমিশন রেজিস্টাররূপী বিরাট খাতাখানা খুলে কি দেখছেন তাতে মুখ নীচু করে? আবহাওয়া লঘু করার চেষ্টায় ছ-এক টুকরো হাসির কথা বললাম। হাসলেন না। এমন কি, সেই পরিহাসে যোগদানও করলেন না। যেন আমার কথা শুনতেই পাননি। কিংবা অবাস্তব, অপ্রাসঙ্গিক ও আলোচনার অল্পযুক্ত আমার কথা!

শুধু বললেন : ডিভিশন পেয়েছেন কিনা, কাগজপত্র থেকে তা বুঝতে পারছি না। আজ সিভিল ইন্সপেক্টর থাকুন, কাল বা হয় হবে।

চলেই বাচ্ছিলেন, ডাকলাম : রেজাক সাহেব !

ফিরে দাঁড়ালেন মুখ নীচু করে। বললাম : এবার আর ডেটিনিউ নই, কয়েদী। সাত বৎসরের মেয়াদী কয়েদী। কিন্তু একেবারে যে চিনতেই পারছেন না আমায়, ব্যাপার কি ?

কিছুই বললেন না তিনি। অকস্মাৎ পকেটে হাত দিয়ে রুমাল বার করতে করতে ত্রস্তপদে গেটের বাইরে অদৃশ্য হয়ে গেলেন। গেট বন্ধ হয়ে গেল।

উদগত অশ্রু চেপে রাখতে না পেয়েই কি রেজাক সাহেব পালিয়ে গেলেন ?.....

সিভিল ইয়ার্ডে এসে দেখি সেই কক্ষ, যেখানে ক'মাস পূর্বেও আমি রাজবন্দী হিসেবে রাজত্ব করে গেছি। কিন্তু আজ রাজবন্দী দ্বিজন গাঙ্গুলীর মৃত্যু হয়েছে, এবার জন্মলাভ করেছে কয়েদী দ্বিজন !

গোটা তিনেক করে ঘোড়ার কঞ্চল ফেলে দিয়ে গেল সিপাই। যেমন ময়লা, তেমনি এর দুর্গন্ধ। লোহার খাটে গদী পাতা বটে, কিন্তু চাদরও নেই, বালিশও নেই, মশারিও নেই। একটু পরই এল খাবার। এ্যালুমিনিয়ামের ধার-উঁচু থালায় মোটা চালের ভাত, কালো মটরের ডাল, ডাল নয়, ডালের জল বলা যায়। ভাতের মধ্যে একটা গুঁড় তরকারিতে ভর্তি। এক কোণে এক টুকরো তেঁতুল। এই হচ্ছে খাওয়া। বছরের পর বছর এই খাওয়া খেয়ে বেঁচে থাকবার চেষ্টা করতে হবে।

দ্বিধা বা সঙ্কোচ করে লাভ নেই। বেশ ক্ষিদে পেয়ে গেছে। সবাই মেঝেতে বসে গোলাম এবং নাক ছ' আঙ্গুলে টিপে রেখে দুর্গন্ধময় সেই খাওয়া অগাধ গোত্রাসে গিলে ফেললাম। তারপর ঘোড়ার কঞ্চলে শ্রান্ত দেহ প্রসারিত করে দিলাম। শীতের রাত, অসহ্য মশার উপদ্রবেও পাশাপাশি ঘোঁষাঘোঁষি শুতে যেন ভালোই লাগছিল।

কিন্তু সবাই চুপ, একেবারে চুপ। যেন কথা সব ফুরিয়ে গেছে। নিঃশ্বাসের শব্দ পাচ্ছি। বুঝতে পারছি, কেউ ঘুমোয়নি ওরা। চোখের পাতায় আঙুনের হলুক!—

বহুক্ষণ পর অকস্মাৎ বলে উঠলো বিপদভঞ্জন : দাদা, তাহলে সত্যিই কি শেষ পর্যন্ত পরাজিত হলাম আমরা। আই বি-র কাছে ?

বললাম : এ পরাজয় সাময়িক। ছ' বছর পরই তো তুমি বেরিয়ে যাচ্ছ। আবার নতুন করে দল গঠন করবে, কাজ শুরু করবে, যাতে রঙ্গলাল, খগেন আর অনাথ পরে গিয়ে তোমার সঙ্গে হাত মেলাতে পারে। হয়তো কোথাও ক্রটি ছিল আমাদের, তাই এবারকার সংঘর্ষে পরাজিত হলাম। ছ' বছর পর যে সংগঠন গড়ে তুলবে, তাতে যেন কোথাও কোনো ক্রটি না থেকে যায়।

অনাথ বললো : কিন্তু আপনাকে যে একেবারে সাত বৎসরের জ্ঞা আটকে ফেললো দাদা !

হাসবার চেষ্টা করলাম : তাতে কি হয়েছে ? ইষ্টমন্ত্র যদি না ভুলে যাও, তাহলে গুরুদেবের অবর্তমানেও ভক্তি ও নিষ্ঠার দৈন্ত আসতে পারে না।

খগেন বলতে চেষ্টা করলো : তবু দাদা, আপনাকে ছাড়া আমাদের কাজ—

সে কথা কানে তুললাম না, বললাম : বিপ্লবীকে সরিয়ে ফেললেও বিপ্লবকে হত্যা করা যায় না, ভাই ! তা যদি হতো, তাহলে ক্ষুদ্রিরামের কীসির সঙ্গেই স্বাধীনতা-সংগ্রামের হতো যবনিকা পতন। তা হয় না, হতে পারে না। রঙ্গমঞ্চে প্রবেশ করেছিলাম একদিন, আমার ভূমিকা শেষ হয়ে গেল, তাই প্রস্থান করলাম। কিন্তু নাটক কি তাতে শেষ হয়ে যায় ? এই রক্তের হোলিখেলা চলবে তত দিন, যত দিন না আমার মায়ের শৃঙ্খল ভেঙ্গে পড়ে !.....

কেউ আর কথা কইলো না, আমিও চুপ করে গেলাম।

জেলের গেটে ঘণ্টা বাজলো—এক, দুই, তিন !

সভেরো

সেই গদীহীন খাটে ময়লা দুর্গন্ধযুক্ত ঘোড়ার কষল গায়ে জড়িয়ে বসেই জাঁক-জমকের সঙ্গে আমরা শেষ করলাম প্রাতরাশ। আশ্বাস হয়ে উঠেছি আমরা ততক্ষণে। আগামী কয়েকটি বৎসর যে নিশ্চিতভাবে বাইরের জগতের সঙ্গে সর্বপ্রকার সম্পর্কহীন অবস্থায় কারাপ্রাচীরের মধ্যে কাটাতে হবে, সে সম্বন্ধে বেশ সচেতন হয়ে পড়েছি।

সবার চাইতে গম্ভীর দেখলাম রত্নলালকে। সে বাইরে তাকিয়ে রয়েছে। মুখ ফুটে কিছু না বললেও তার মনের কথা মন দিয়ে যেন শুনতে পেলাম আমি। এই মন্ব্যস্তিক নাটকের সেই তো রচয়িতা। বিপদভঞ্নের সঙ্গে নিছক ব্যক্তিগত মনোমালিঙ্গের সূত্র ধরে ওকে জেলে পাঠিয়ে জব্দ করবার ফন্সী আঁটতে গিয়ে অবশেষে যে অজ্ঞানতে আমাকেও জড়িয়ে ফেলবে সে, মুহূর্তের জ্ঞাতও ভাবতে পারেনি তা। অত্যন্ত প্রথর বুদ্ধি ওর, দশটা বিভূতি সাহাকে সে এক হাতে বেচে আর এক হাতে কিনতে পারে, এ সত্য বিভূতি সাহা নিজেও জানতেন। কিন্তু ব্যক্তিগত ভাবাবেগকে প্রশ্রয় দিতে গিয়ে রত্নলাল বোধহয় এই প্রথম ও আমি জানি, এই শেষ একটি মহালম্ব করে ফেলেছে। বিভূতি সাহার মিষ্টি কথার হাসলুহানার ঝাড়ের নীচে যে আই বি-র কালসাপ আত্মগোপন করে ছিল, রত্নলাল প্রথমটা বুঝতে পারেনি তা। বেরিয়ে যাবার পথ রুদ্ধ করে দিয়ে বিভূতি সাহা যখন অকস্মাৎ ফণা তুলে ধরলেন, তখন আমি ঢাকা জেলে পৌঁছে গিয়েছি। আমার পায়ে কাঁটাটি ফুটে দেবেন না প্রতিশ্রুতি দিয়েছিলেন তিনি, কিন্তু তারপর যখন দেখা গেল গৈরিক পোশাকের অস্তরালে তাঁর লুকোনো রয়েছে তীক্ষ্ণধার ছুরি, রত্নলাল তখন প্রমাদ গনলো। আমার পত্র পাওয়ারমাত্র মনে মনে সে শপথ গ্রহণ করলো যেভাবে হোক আমার সে রক্ষা করবে। কালাচাঁদও তৎক্ষণাৎ তার হাতে হাত মিলাতে দ্বিধা করলো না। রত্নলাল বিভূতি সাহাকে যা বলেছিল, তার মধ্যেও ছিল তার শানিত বুদ্ধির খেলা, নেহাৎ যতটুকু বললে বিপদভঞ্জনকে ও তার দলীয় ক'জনকে ফাঁদে ফেলা যায়, ঠিক ততটুকু ওজন করে তুলে দিয়েছিল সে সাহার হাতে। কিন্তু কালাচাঁদ শেষ পর্যন্ত সঙ্গে বসলো পরম বৈষ্ণব। আচণ্ডালে প্রেম বিতরণের উন্মাদনায় সে একে একে মাটি খুঁড়ে

খুঁড়ে অনেক কষ্টাল তুলে দিল আই বি-র হাতে। শুধু অসকোচে নয়, উৎসাহের সঙ্গে। কারণ গ্র্যাসবি ওকে কথা দিয়েছিলেন যে, আমাদের সাজা হয়ে মামলার যবনিকাপাত হয়ে যাবার পরই ওকে পাঠিয়ে দেবেন একেবারে দার্জিলিংএ। সেখানে পুলিশের দপ্তরে তার চাকরি একেবারে স্থির হয়ে আছে। তাই একদিকে সে যেমন সহাস্তে রঙ্গলালকে সমর্থন করলো, অপর দিকে সে সমস্ত গোপন তথ্য ও সর্বশেষ পরিণতি জানিয়ে দিল বিভূতি সাহাকে।

বিভূতি সাহা আর একবার প্রাণপণ চেষ্টা করলেন কৌশলে রঙ্গলালের হৃদয় জয় করতে অবশ্যই কোনো কিছু প্রকাশ না করে। কিন্তু নিরাশ হয়ে যখন দেখলেন রোগ হকিমির বাইরে চলে গেছে, তখন ‘অন্ধ্র ত্যজতি পণ্ডিতঃ’ নীতি অনুসরণ করে কালাচাঁদকে আগলে রইলেন যক্ষের মতো!...অবশেষে কালাচাঁদই তাদের মুখরক্ষা করেছে।

রঙ্গলাল কিন্তু অটল রইলো তার সংকল্পে। রাজসাক্ষী যেমন সমস্ত অপরাধ স্বীকার করে ক্ষমা ভিক্ষে করলে বৃটিশ সম্রাট অরুণ হস্ত করুণা বিতরণ করে থাকেন, তেমনি স্বীকৃতি অকস্মাৎ প্রত্যাহার করে সব দোষ পুলিশের ওপর চাপিয়ে দেবার চেষ্টা করলে উত্তত হয়ে ওঠে তাদের কঠোর দণ্ড, তাদের ক্রোধ তুণের মতো দহন করবার জ্ঞাত বিস্তার করে লোলজিহবা!...রঙ্গলাল তা জানতো এবং ভালো করেই জানতো যে, এতেও সে তার দাদাকে রক্ষা করতে পারবে না। তথাপি মুহূর্তের দুর্বলতায় যে ভুল সে করে বসেছে, তারই কঠিন প্রায়শ্চিত্ত করবার শপথ গ্রহণ করলো সে। ধূপের মতো নিঃশেষে নিজেকে পুড়িয়ে ভস্ম করে ফেলবার জ্ঞানই অধীর হয়ে উঠলো সে। তাই জেফ্রিন্সএর এজলাসে প্রতিদিনই সে উদ্গ্রীব হয়ে উঠতো আমার সঙ্কেতের প্রত্যাশায়। ভুল বুঝে একদিন সে ম্যাজিস্ট্রেটের খাস কামরায় গিয়ে আসল কথা গোপন করে অবশেষে তাঁকে জেলের থাকা ও খাওয়ার কতকগুলো কাল্পনিক অসুবিধের কথা উল্লেখ করে তার প্রতিকার চেয়েছিল।

তারপর মামলার প্রথম দিনেই নাটকীয়ভাবে স্বীকৃতি প্রত্যাহার করে আমাদের কাঠগড়ায় এসে ওঠবার পর বিপদভঞ্জন যখন উল্লাসে চাৎকার করে অভ্যর্থনা জানালো, ভাবাবেগে সে তখন বেশ কয়েক মিনিট রইলো মাথা নীচু করে! আত্মস্থ হতে একটু সময় লেগেছিল তার।

জানালায় বাইরে স্থিরদৃষ্টিতে তাকিয়ে থাকলেও আমি জানি, মনে তার

এতটুকু শাস্তি নেই, সোয়াস্তি নেই। কী মারাত্মক পরিণতি হলো ব্যক্তিগত মনকষাকষির! এ যে কল্পনাও করেনি সে। দাদা যে তার শুধু জ্যেষ্ঠ ভ্রাতাই নয়, গুপ্ত সমিতির অধিনায়ক এবং বিশেষ করে তার দীর্ঘকাল অস্থগতিস্থির ফলে বিক্রমপুরের কাজের যে অপরিমেয় ক্ষতি হবে, সেই আশঙ্কাতেই একেবারে পাথর হয়ে বসেছিল রঞ্জলাল।.....

রায় বাহাদুর ভবেশ রায় আমাদের দ্বিতীয় শ্রেণীর কয়েদী হিসাবে গণ্য করবার আদেশ দেবার কথা চিন্তা করে দেখবেন আশ্বাস দিয়েছিলেন তাঁর রায় শোনাবার সময়, কিন্তু দেখা গেল, সেটা একেবারেই ভাঁওতা।

খানিক পরই গেলাম আমরা গুলামে। সেখানে নিজেদের ধুতি, শাট, জুতো ত্যাগ করে তৃতীয় শ্রেণীর কয়েদীর পোশাক পরলাম। একটি জ্বালিয়া, অনেকটা আধুনিক আগুরউইয়ারের মতো, তবে কোমর থেকে যেমন হাঁটুর প্রায় আধ হাত ওপর এসেই থেমে গেছে, তেমনি পা চোকাবার ফাঁকটুকুও বেশ ছোট। গায়ে দিলাম যা, তাকে বলা হয় কুরতা। ধরুন একটি খাটো-ঝুল পাঞ্জাবী, পকেট নেই তার। তারপর হাতা কেটে শর্ট স্লিভ করলেন একেবারে গেঞ্জির মতো। কলার তৈরী হলো এমনি যাকে প্রায় হাই-কলারের অপভ্রংশ আখ্যা দেওয়া যায়। কোনো মাপ নিয়ে তৈরী করা হয় না বলেই বেশ ঢিলেঢালা। মাথায় পরলাম টুপি। অনেকটা মুসলমানদের কিস্তার টুপির মতো। এক টুকরো কাপড় কুরতার ওপর দিয়ে কোমরে জড়ালাম। তারপর তিনটে কমল, একখানা এ্যালুমিনিয়ামের ধার-উঁচু মাঝারি আকারের থালা ও বেশ বড় সাইজের একটি এ্যালুমিনিয়ামের বাটি নিয়ে এসে একেবারে সোজা হাজির হলাম চল্লিশ ডিগ্রিতে। সেখানে একা আমার রেখে ওদের সবাইকে বিভিন্ন খাতায় নিয়ে যাওয়া হলো। আই বি নাকি পরামর্শ দিয়েছেন আমাদের সবাইকে পৃথক পৃথক রাখতে Dangerous prisoners...

সম্বন্ধী জানালেন রাজনৈতিক বন্দীরা কলরব করে। কারণ তাঁদের সংখ্যা বৃদ্ধি হলো এবং তা দ্বিভাষে গাঙ্গুলীকে দিয়ে। লেবং মামলার সুশীল বললো : জানতাম ওরা withdraw করলেও আপনাকে ছাড়বে না, কারণ ম্যাজিস্ট্রেটের কাছে যে জবানবন্দী রেকর্ড করা হয়ে গেছে। তা—কদিন ?

হেসে জবাব দিলাম : স্পেশাল ম্যাজিস্ট্রেটের কলমের জোর যতখানি—

অ্যা, বলেন কি, একেবারে সাত বৎসর !—বিস্ময় প্রকাশ করলেন ক'জন।

আর এ্যাপ্রভারদের ?

বললাম। ঘটনা শুনে সুশীল বললো : তখনই সন্দেহ হয়েছিল আমার কালাচাঁদকে। অতটুকু ছেলে, কেমন যেন গভীর, বেশী কথা কয় না—

কোথা থেকে এসে হাজির হলো মৈতুদ্দীন। থমকে দাঁড়ালো : এ কি, আপনি ! ডিভিশনও দেয়নি শালারা ? আপনি কি পারবেন বাবু এই থাওয়া খেতে ?

হাসি পেল।

সশ্রম কারাদণ্ড। সুতরাং পরদিনই সকালবেলা শ্রমের কাজ এসে পড়লো। এক মণ ডাল আর একটা ভারী ষাঁতা, কুলো আর একখানা ছোট্ট বাঁটা। ঐ এক মণ ডাল ভাজতে হবে, ঝাড়তে হবে, তারপর আবার বস্তাবন্দী করে জ্বরগা বাঁট দিয়ে পরিষ্কার করে রাখতে হবে। এমনি প্রতিদিন। কখনো কখনো একট চালুনি ও একটা ডালাও দেয় পরিষ্কারভাবে কাজ করবার জুত।

কিন্তু নিজে হাতে আর ডাল ভাজতে হলো না আমার। সুশীল বললো : আপনার কিছু করতে হবে না দ্বিজেনদা'।

দেখলাম সে বস্তা থেকে কয়েক সের ডাল ঢেলে নিয়ে ভেঙ্গে, ঝেড়ে আবার তা বস্তায় ভরে দিয়ে বেশ টাইট করে বেঁধে রাখলো। জিজ্ঞেস করলাম : ও কী করলে ?

বললো : জানেন না, এটাই আমাদের রীতি। এক মাস এমনি ডাল ভাজাবার নিয়ম এঁদের। কিন্তু এমনিভাবে গৌজামিল দিই বলে দিনসাতেক পরই ওরা বদলে দেয় বিরক্ত হয়ে। তখন দেয় চৌকাদার-দকাদারের কোটে টাক দেবার কাজ। তাও-বা কে করে ? তারপর আর দেয় না।

গোলমাল করে না এজুত ?

বহু গোলমাল হয়ে গেছে। বহু রাজনৈতিক বন্দীকে সাজাও দিতে কসুর করেনি প্রথম প্রথম। কিন্তু তারপর হাল ছেড়ে দিয়েছে।

বিকেলের দিকে ডালের বস্তা নিয়ে যাবার সময় মৈতুদ্দীন জিজ্ঞেস করলো : ভালো করে ভেঙ্গেছেন তো বাবু ?

জবাব দিল সুশীল : নিশ্চয়ই।—বলে মুচকি হাসলো। মৈহুদ্দীনও হাসলো। অর্থাৎ সেও জানে।

একদিন বিকেলে সারি দিয়ে খেতে বসেছি আমরা। কালো রংয়ের মটর ডাল, কিছু আস্তও আছে তাতে। একদিকে ডাল, আর একদিকে জল। দু'চারটে পেঁয়াজের খোসা ভাসছে আর অকস্মাৎ তাতে কোনো কোনো দিন দেখতে পাওয়া যায় এক-আধটি শুকনো লক্ষা, ফোড়নের ভাজা কালো শুকনো লক্ষা। জজের মুখে হাসির মতোই কচিৎ! আর পেয়েছি কালো, মিশমিশে কালো ভরকারি। তাতে কি ছিল, কি আছে জানিনে। সব কিছুই লেঙ্ক হয়ে একেবারে একাকার হয়ে গেছে। অনেকটা বাসের ঘণ্টের মতো। আমি আবার স্টাইল করে নিয়েছি খানচারেক রুটি, যেমন পাতলা, তেমনি বৃহদাকার, পূর্ণিমার টাঁদের মতো! টুকরো রুটি সেই ডালে ভিজিয়ে নিয়ে সেই ব্যঞ্জন-সহযোগে গলাধঃকরণ করছি, এমন সময় অকস্মাৎ শোনা গেল : সরকা—ঠ, শ্রাম।

রেজাক সাহেব পরিদর্শনে বেরিয়েছেন। চল্লিশ ডিগ্রির বাইরের লন্-এ বসেছিলাম আমরা। রেজাক আমায় দেখতে পেয়েই হাসপাতালের পথ ছেড়ে ফিরে এলেন। একেবারে এসে দাঁড়ালেন আমার সামনে। হেসে বললাম : ভালো আছেন ?

জবাব দিলেন না। ভারী ক্ষুধা হলাম, রাগও হলো। এই সেদিনও সিভিল ইয়ার্ডে রাজবন্দী দ্বিঞ্জনবাবুর অন্ত্রের জ্ঞাত ব্যস্ততার সীমা ছিল না ষাঁর, আজ তৃতীয় শ্রেণীর কয়েদী দ্বিঞ্জন গান্ধীর সঙ্গে কথা বলতেই তাঁর আত্মসম্মানে বা লাগলো? এতখানি দস্ত সামান্য এক ডেপুটি জেলারের?...কিন্তু স্বীকার করতে দ্বিধা নেই, ভুল ভাঙ্গলো আমার তার পরক্ষণেই। দীর্ঘ পাঁচটি মিনিট পলকহীন দৃষ্টিতে তাকিয়ে রইলেন তিনি আমার আহার্যের পানে, তারপর বোধহয়, বোধহয় কেন নিশ্চয়ই, একটি অবাধ্য দীর্ঘনিঃশ্বাস চাপবার জ্ঞাত তাড়াতাড়ি সরে পড়লেন।.....

বিকেল চারটের মধ্যেই শেষ করতে হয় রাতের আহার। তারপর বখন পৃথক পৃথক সেলে তালা পড়ে, তখনো জেলের ওপরকার টুকরো আকাশ অন্তগমনোন্মুখ সূর্যের লাল কিরণে আলোকিত মনে হয়। তাই তখন বসে যায় আমাদের দৈনিক সভা বা বিচিত্রাহুষ্ঠান। কেউ তোলে গুরুত্বপূর্ণ রাজনৈতিক

আলোচনা, কেউ কীদেন হারুণ-অল-রশীদদের গল্প, কেউ আবৃত্তি করেন, ‘আজি এ প্রভাতে রবির কর—’ আবার কেউ একথানা বাগেশ্রী বা বেহাগে টান দেন। হল্লা হরু না আদৌ, পর পর কাজগুলো শৃঙ্খলার সঙ্গে চলতে থাকে, পরিচালনা করেন চট্টগ্রামের মণি সেন। রাজবন্দী ছিলেন সাভারে। একদিন যাত্রা শৌনবার জন্ত নাকি বেশ কয়েক মাইল দূরে গিয়ে হাজির হয়েছিলেন আর-এক গ্রামে। দারোগার সঙ্গে ছিল মনোমালিগা। তিনি সে রাতে ছিলেন মফস্বলে, তাই এই নৈশ অভিযান। কিন্তু রাত নাকি সেখানেই নামে, যেখানে ওৎ পেতে বসে আছে নেকড়ে বাঘ! দারোগা তাড়াতাড়ি কাজ সেরে থানার ফেরবার পথে সেই যাত্রা দেখতে গিয়ে হাজির।—বাস্, ছুই বন্ধুর দেখা হয়ে গেল একেবারে রণক্ষেত্রে! মণিবাবুর সাজা মাত্র তিন মাস। ডিভিশন পেয়েছেন। গদী-আঁটা খাতে শয়ন করেন।

আর আমাদের জন্ত বিছানো আছে পরিষ্কার মেঝে। পরিপাটি করে বিছিয়ে দিয়েছি একথানা কসল, তার ওপর পাতা হয়েছে সেই টুকরো কাপড়টি। একথানা কসল গুটিয়ে বালিশের মতো করে নিয়েছি। আর একথানা যেন হুড়ি দেবার ইটালিয়ান রাগ। রাজনৈতিক বন্দীদের একটা সুবিধে আছে, ইচ্ছে করলে তাঁরা বাড়ী থেকে মশারি আনিয়ে নিতে পারেন। রাত্রে মলত্যাগের ব্যবস্থাটি চমৎকার। আমাদের শয্যা থেকে ফুট তিনেক দূরে একটি পাত্র, মোটা করে আলকাতরা লাগানো। তলায় থানিকটে ফিনাইল। ঢাকনি আছে। ঘরে আছে সেই থালা ও বাটিভরা জল, ঘরের এক কোণে একটুখানি মাটি, অথবা মণি সেনের কাছ থেকে আনা ক্ষুদ্র এক টুকরো সাবান। স্নতরাং অসুবিধে কোথায়? পাটহীন শিকের দরজায় কেউ কেউ একথানা কসল ঝুলিয়ে দেন, কেউ কেউ সেই সঙ্কীর্ণতার স্তর থেকে আরও অনেক উর্দ্ধে উঠে গেছেন। অনেকেই আরও অনেক উর্দ্ধে উঠে গিয়ে প্রায় ত্রৈলজ্য স্বামী হয়ে উঠেছেন। অর্থাৎ ঐ পাত্রের ওপর বসে বসেই তাঁরা বারান্দার সিপাইজীর সঙ্গে ছ’চারটে বাৎচিংও চালান বেশ জ্ঞাতার সঙ্গে।

পাকুড় রাজ এস্টেটের মামলার বিনয় পাণ্ডে ছিলেন আমার পাশের ঘরে। ছ’ফুট লম্বা, তেমনি স্বাস্থ্য। উজ্জল গৌরবর্ণ, মিষ্টিভাবী। শুধু বিশ্ববিদ্যালয়ের ডিগ্রিদারী নন, সিলেবাস-বহির্ভূত নানা বিষয়ে তাঁর জ্ঞানও প্রচুর। শুধু একেবারে অজ্ঞ রাজনীতি সম্বন্ধে, বিশেষ করে সে যুগের বিপ্লবীদের রাজনীতি।

একদিন নৈশ সভায় মন্তব্য করলেন তিনি : তাহলে তো মণিবাবু, ভারী সুবিধে রাজনৈতিক ডাকাতিতে। যেমন পাওয়া যায় এক কাঁড়ি টাকা, তেমনি মেলে দেশজোড়া খ্যাতি। টাকাকে টাকা, নামকে নাম—

মণি সেন তৎক্ষণাৎ জবাব দিলেন : কিন্তু একবার ধরা পড়লে একেবারে দড়িকে দড়ি। সেখানে আর যাবজ্জীবন দ্বীপান্তরের ব্যবস্থা নেই—

কক্ষে কক্ষে হাসির রোল পড়ে গেল। বিনয় পাণ্ডে বলে উঠলেন : ওরে বাব্বা, আর দড়ির কথা বলবেন না মণিবাবু। এগারো মাস আপীপুরে ফাঁসির সেল-এ থেকে সে দড়ির খেলা দেখেছি আমি। মনে হয় অন্ততঃ এগারো বার ফাঁসি হয়ে গেছে আমার।

ফাঁসির হুকুম হয়েছিল বিনয় পাণ্ডে আর তাঁর সহ-আসামী তারিণীর প্রতি। নামটি আজ আর মনে পড়ছে না, তারিণীও হতে পারে, হরিচরণও হতে পারে। এগারো মাস চলে হাইকোর্টের আপীলের গুনানি। এই এগারোটো মাসের মধ্যে একটি দিন, একটি রাত, একটি নিমেষের অল্পও ঘুমোতে পারেননি বিনয় পাণ্ডে। তারিণী তো পাগলই হয়ে গেল। তারপর বেরুলো হাইকোর্টের রায়—ওদের ফাঁসির হুকুম রদ করে যাবজ্জীবন দ্বীপান্তর দণ্ডের আদেশ হয়েছে। প্রতি কাউন্সিলে আপীলের মতলব ভাঁজছিলেন বিনয়, আমরাই বুঝিয়ে নিরস্ত করেছি। কে জানে সেখানে যদি আবার উল্টে ফাঁসি হয়ে যায় ?.....

ছয় ডিগ্রিতে মাত্র ছ'জন বন্দী আছেন, লেবং মামলার আসামী রবি বন্দ্যোপাধ্যায়ও তাঁদের অন্ততম। ভাওয়াল রাজ এস্টেটের ম্যানেজার যোগেন বন্দ্যোপাধ্যায়ের পুত্র। ফাঁসির হুকুমই হয়েছিল, কিন্তু পাদ্রী নর্থফিল্ড সাহেবের হস্তক্ষেপে যাবজ্জীবন দ্বীপান্তর দণ্ড হয়েছে। তার সঙ্গে দেখা করা দরকার। তাই সুশীলের পরামর্শে আমি নানা অভিযোগ শুরু করলাম সুপারের কাছে। পাটনী তখন ফিরে গেছেন প্রেসিডেন্সী জেলে, কারণ হোম থেকে ফিরে এসেছেন স্বনামধন্য লিওনার্ড। জেলর আছেন সেই সুধীন মুখার্জীই। পর পর অভিযোগ জানাবার ফলে সহসা একদিন আমার বদলী করা হলো ছয় ডিগ্রিতে নয়, চার নম্বর খাতার নীচের তলার কোণের ঘরে। সেখানে মাত্র পাঁচ জন রাজনৈতিক আসামী থাকেন আর পাঁচ জন সাধারণ কয়েদী। রবির ওখানে যেতে না

পারলেও তবু তো একসঙ্গেই একই ঘরে থাকতে পারবো দশ জন! তাই উৎসাহের সঙ্গেই চলে এলাম।

কে .কে ছিলাম, আজ আর মনে নেই। মনে আছে শুধু একজনের কথা, বরিশালের শাস্তিরঞ্জন মুখার্জী। বয়স আমার চাইতে কয়েক বছর কমই হবে। স্বাস্থ্যবান, সুন্দর চেহারা। সতীন সেনের দলের ছেলে। বরিশালের রাস্তায় একটি মস্তার পিস্তল সহ গ্রেপ্তার হন। পাঁচ বৎসর শ্রম কারাদণ্ড ভোগ করছেন।

চার নম্বর খাতাতেই দোতলার একেবারে সাধারণ কয়েদীদের সঙ্গে মিলিয়ে রাখা হয়েছে ময়মনসিংহের জনকতক রাজনৈতিক বন্দীকে। ১১০ ধারার সাজা হয়েছে তাঁদের। বিচারাধীন আসামী থাকতে পাগলা গারদে এঁদের অনৈক সহ-আসামীর সঙ্গে দেখা হয়েছিল। ১১০ ধারার আসামী রাজনৈতিক বন্দীর সুবিধে পেতে পারে না। আর কয়েদীর পোশাকটি এমনি যে, ওর অন্তরালে আসল ব্যক্তির রূপটি একেবারে চাপা পড়ে যায়!

একদিন অকস্মাৎ শুনতে পাওয়া গেল, ময়মনসিংহের এমনি একজন দশ ধারার বন্দী ভূপেন সরকারকে ত্রিশ ঘা বেত মারা হবে। তাঁর কন্ডল তল্লাশী করে নাকি একখানা ক্ষুর পাওয়া গেছে।

পূর্বে বলেছি, একটি সামান্য দেয়ালের ব্যবধান থাকলেও জেল একটি সম্পূর্ণ পৃথক্ জগৎ। এর ভেতরকার কোনো কথা যেমন বাইরে আসতে পারে না, তেমনি বাইরের শোভনতা বা সামান্যতম ভদ্রতার বালাই এর মধ্যে প্রবেশাধিকার পায় না। কোনো জমাদার, সিপাই বা কোনো কয়েদী মেটের সঙ্গে আপনার মনকষাকষি হলেই জানবেন আপনি হয়ে পড়লেন তাদের টারগেট। কয়েদীদের তামাকপাতা দিয়ে হাত করে একদিন এমনি সন্তর্পণে আপনার কন্ডলের নচে একখানা ক্ষুর ঢুকিয়ে দেয়া হলো যে, টেরই পেলেন না আপনি। অকস্মাৎ সিপাই এসে তল্লাশী করে সেখানা উদ্ধার করে নিয়ে গেল হয়তো আপনার অরুপস্থিতিতে ও অজ্ঞানতেই। তারপর একদিন কেস্-টেবিলে হাজির করা হলো আপনাকে। সেখানে অভিযোগ পেশ করার সঙ্গে সঙ্গেই হুঁয় গেল বিচার ও দণ্ডাদেশ। পাবলিক প্রসিকিউটরের প্রয়োজন হয় না, ডাকা হয় না কোনো সাক্ষীকেও। এমন কি, অভিযুক্তের কী বলবার আছে বা আদৌ কিছু আছে কিনা, সে প্রশ্নও করা হয় না তাকে। কাজীর আসনে বসে সুপার তাঁর শ্রীমুখ দিয়ে উচ্চারণ করেন না কিছুই, শুধু দণ্ডের বিবরণ লেখা ও রবার

স্ট্যাম্পমারা আপনার History Ticketএর নির্দিষ্ট স্থানে একটি কলমের আঁচড় রেখে যান।

তারপরই দেখা গেল, হয়তো আপনার খাণ্ডের জ্ঞান এসেছে পেনাল ডায়েট, পরনের জ্ঞান এসেছে চটের পোশাক, অলঙ্কার হিসেবে এসেছে বেড়ি বা ডাঙা-বেড়ি কিংবা এসেছে Night standing handcuffএর হুকুম। চালগুলো চালানিতে চলে ও কুলোতে ঝেড়ে নেবার পর যে খুদ পড়ে থাকে, ফেনমিশ্রিত সেই খাণ্ডকে বলা হয় পেনাল ডায়েট। সঙ্গে আর কিছু নেই, না ডাল, না তরকারি, না কিছু। যে জাঙ্গিয়া বা যে জামা পরেছেন, স্নাতোর তৈরি সে সব জিনিসের পরিবর্তে আপনাকে পরিষে দিয়ে যাবে চটের পরিচ্ছদ, চটের টুপি। ছ'পায়ের কবজিতে দুটো লোহার বালা পরিষে কোমরের সামনের দিকে স্নাতো দিয়ে ধোলানো আর একটি অমনি বালার সঙ্গে তা জুড়ে দেয়া হয় দুটো লোহার ডাঙা দিয়ে, একে বলা হয় বেড়ি। ডাঙা-বেড়ি একটু কঠোরতর সাজ। দেড় ফুট একটি ডাঙা দিয়ে এক পায়ের বালার সঙ্গে আর এক পায়ের বালা সংযুক্ত করে দেওয়া হয়। কলে পা অন্ততঃ দেড় ফুট ফাঁক করে চলতে হয়। Standing handcuff আরও কঠিন শাস্তি। ছ'ফুট উঁচুতে দেয়ালের একটি হকের সঙ্গে হাতকড়া লাগানো হাত দু'থানা এঁটে দেওয়া হলো। এমনিভাবে থাকবে সারা রাত। অর্থাৎ সারাটি রাত দাঁড়িয়ে থাকতে হবে আপনাকে। হয়তো এমনিভাবে সাতটি দীর্ঘ রাত্রি!

প্রতিদিনকার ফলাফল লেখা হয়ে যাবে আপনার History Ticketএ। অর্ধ ফলস্কাপ সাইজের খুব শক্ত এক-একখানা কল-করা কার্ড, তাতে লেখা হয় বন্দীর কারাজীবনের খুঁটিনাটি সব ঘটনা—কবে এলেন, কোন্ খাতায় গেলেন, কবে কোন্ শ্রমের কাজ শুরু করলেন, কবে কোন্ অপরাধে কী সাজা পেলেন, কবে অসুখ হয়ে হাসপাতালের তত্ত্বাবধানে গিয়ে পড়লেন, কবে দণ্ডাদেশের বিরুদ্ধে আপীল করলেন, আবার কবে এক বৎসর সুবোধ বালকের মতো থাকার ফলে এক মাসের মেয়াদ কমে গেল—প্রত্যেকটি কথা এতে লেখা থাকে।

ভূপেন সরকারের এমনি টিকেটে এমনিভাবে একদিন লেখা হয়ে গেল যে, অতিরিক্ত জেলা ম্যাজিস্ট্রেট জেলের অভ্যন্তরে ঞায়বিচারে তাঁর প্রতি ত্রিশ-ষা বেত্রদণ্ডের আদেশ দিয়েছেন। যে ক্ষুর তাঁর কবলের মধ্যে পাওয়া গেছে, তা দিয়ে নাকি মাছুষের গলা কাটা যেতে পারে! স্মরণ—

সুতরাং একদিন ১৯৩৬ সালের এপ্রিল মাসের এক সকালবেলায় আমাদেরই ব্যারাকের সমুখে একটি ‘টিকটিকি’ এনে খাড়া করা হলো। একে একথানা মই বলা চলে। বীণাকে ক্রুশবিদ্ধ করবার মতো ভূপেন সরকারের ছাট হাত প্রসারিত করে তার ওপর আটকে দেওয়া হলো, তেমনি করে পা ছ’খানিও। জাঙ্গিয়ার বাঁধন আলগা করে দিয়ে অনাবৃত করে দেওয়া হলো তার নিতম্ব।

এবার বেতের তীক্ষ্ণ দংশনঘাত শুরু হবে সেই মাংসপিণ্ডের ওপর—একবার নয়, ছ’বার নয়, দশবার নয়, শুনে শুনে পুরো ত্রিশ বার!

আঠারো

শুরু হলো দৃষ্টাঘাত এবং একসময় তা শেষও হয়ে গেল !। তালাবদ্ধ দরজার শিক ধরে দাঁড়িয়ে রইলাম শান্তি মুখার্জী আর আমি । না, চোখ বুজিনি, কথা কইনি, নিঃশ্বাসও ফেলিনি বুঝি ! ঠায় দাঁড়িয়ে রইলাম পাথরের মূর্তির মতো !বেত মারবার বিশেষ কারদা আছে একটি । ভূ'হাত দীর্ঘ শক্ত বেত, একেবারে নতুন । যে আঘাত করবে, সে ফুটবলের ব্যাকের মতো পেছন দিকে হটে গেল দশ বারো হাত, বেতখানা বাগিয়ে একেবারে না এসে ছ'পা এগিয়ে এসে আধখানা ঘুরপাক খেল, তারপর ছুটে এসে সর্বশক্তি প্রয়োগে আঘাত হানলো সেই অনাবৃত নিতম্বের ওপর । অমনি বড় জমাদার গম্ভীর কণ্ঠে উচ্চারণ করলো, এক ।

এমনি ত্রিশ বার । আঘাত হানার ভার নেয় সাধারণ কয়েদীরাই, এর জন্ত এরা পায় তামাকপাতা, পায় বিড়ি আর মাসখানেকের রেমিশন অর্থাৎ দণ্ডমকুব । কিন্তু প্রত্যেকটি আঘাত কেটে যাওয়া চাই, নইলে আঘাতকারীরাই উন্টে সাজা হয়ে যায় । এ জন্তই ব্যবস্থা আছে তিনজন জজাদের, প্রত্যেকে দশ ঘা করে মারবে । পরিশ্রান্ত হয়ে যাতে আঘাতের ভীষণতা এতটুকুও না কমে যায়, তাই এই স্তূর্ষ ব্যবস্থা !

প্রথম প্রথম চীৎকার শুনতে পেলাম ভূপেনবাবুর, দেখলাম হাত-পা ছাড়িয়ে নেবার প্রাণপণ চেষ্টা, দেখলাম সর্বশরীরে প্রবলতম আকুঞ্চন.....কিন্তু জমাদারের কণ্ঠে যখন পনেরো ঘোষিত হলো, তখন দেখলাম স্পন্দন থেমে গেছে, মাথা ঝুলে পড়েছে, নিতম্ব বেয়ে গড়িয়ে পড়েছে কালো রক্ত...তারপর একসময় স্ফেটচারে করে আমাদের সম্মুখ দিয়েই মিয়ে গেল ভূপেনবাবুর ক্ষতবিক্ষত দেহ । ঠাণ্ড করতে পারলাম না তাতে প্রাণ আছে কি না ।

তেমনি বুঝতেই পারলাম না যে, এই দশ মিনিট আমরাও বেঁচে ছিলাম কি না ! কোনো রাজনৈতিক বন্দীকেই সেদিন সকালে ঘরের বাইরে আসতে দেওয়া হয়নি, এমন কি রাজবন্দীদেরও দরজায় তালা ছিল ।

কিন্তু ছুটে পালাইনি এই দৃশ্য দেখে, পলক ফেলিনি । দশটি চক্ষু মেলে এর সবখানি বীভৎসতা অন্তরে টেনে নিলাম । প্রত্যেকটি বেতের আঘাত আমাদেরও

মনে রক্ত ঝরিয়ে দিল। শুধু আমাদের নয়, বেথানে যত বিপ্লবী আছেন, তাঁদের শরীরেও কেটে কেটে বসে গেল বিষাক্ত চুষন। কুদিরাম-কানাইলালের চিতাভস্মেও বুঝি চাক্ষু্য দেখা দিল!.....অত্যাচারকে আবাহন জানাই আমরা, অভ্যর্থনা জানাই জার-কে, লুই-কে, মাইকেল ও'ডায়ার-কে। এদের নৃশংসতার আঘাতেই তো যুগে যুগে আহত সন্ন্যাসের মতো উত্তত হয়ে উঠেছে বিপ্লবের কালকণা! তাই তো জন্মলাভ করেছেন লেলিন, জেগে উঠেছেন রব্‌সপিয়ার, ফাঁসির মধ্যে জীবন-তীর্থ সৃষ্টি করে গেছেন ভারতের অগণিত বিপ্লবী।

তাঁদের হৃ'কস্‌ বেয়ে ঝরে-পড়া রক্তকণিকা দিয়েই সৃষ্টি হয়েছে মুক্তিমান বিপ্লব ভারতের নেতাজী!.....

সারাদিনে কিছুই কথা খুঁজে পেলাম না আমরা। কিংবা কথা কওয়ার শক্তিই হারিয়ে ফেলেছিলাম। প্রতিদিন ছপ্তরের গ্র্যাণ্ড হোটেলীয় খাণ্ড নিয়ে বেশ রসালো সমালোচনা চালাতাম কিছুক্ষণ। ডালে নেই নুন, তরকারিতে নেই মসলা। ভাতে আছে কাঁকর, মাছের ঝোলে আছে বালি। এমনি নবাব সিরাজউদ্দৌলার থানা!

আজ কিন্তু গোয়াসে গিলে ফেললাম সব। ভেতরটা কি খালি হয়ে গেছে একেবারে? স্বাদবোধ কি শেষ হয়ে গেছে?.....

এর ছ'দিন পরই আমাদের ঘরে একটা কাণ্ড হয়ে গেল। রিয়াজউদ্দীন ফরিদপুরের মুসলমান, ডাকাতি মামলার পাঁচ বৎসর সাজা হয়েছে। বেঁটে, কম কথা কম। মনে হয় নিরীহ, গোবেচার। কিন্তু তার পেটে পেটে এত কে জানতো!

একদিন সন্ধ্যাবেলা শান্তি মুখাজ্জা গোপনে আমায় জানানেন যে, তার কবলের ভাঁজে একখানা তীক্ষ্ণধার লোহার পাত পেয়েছেন তিনি। কোনো কথা প্রকাশ না করে গোপনে তদন্ত করা হলো এবং অত্যাচার সাধারণ করেদীদের জবানবন্দীতে জানা গেল যে, এই অপকর্ম রিয়াজই করেছে। পঞ্চম বাহিনীর লোকের মতো ধরিয়ে দিয়ে কিছু সুবিধে আদায় করাই শালার মতলব! সুতরাং—

পরদিনই রাজ্যে ঘর বন্ধ হয়ে যাবার পর সবার সম্মুখেই শান্তি তাকে ডেকে

জিজ্ঞেস করলেন ক্রুরের কথা। প্রথমটা যেমানুষ অস্বীকার করে বললো সে। তারপর জেরায় খানিকটে কাবু হয়ে পড়লো, অবশেষে হুমকিতে স্বীকার করলো অপরাধ, বললো সে কোন্ মেটের পরামর্শে এই কাজ করেছে। আর যায় কোথা, শাস্তি প্রচণ্ড এক ঘৃণি মেরে বসলেন তার খুঁতনিতে। ব্যাটা কোনো রকমে টাল সামলে নিতেই শাস্তি আরও কয়েকটি ছেড়ে দিলেন পর পর। মেঝেতে হুমড়ি খেয়ে পড়ে গেল রিয়াজউদ্দীন। হামাগুড়ি দিয়ে এসে আমার পা জড়িয়ে ধরলো। আমিও তার অভ্যর্থনা জানালাম প্রচণ্ড এক লাথি মেরে তার মুখে। তারপর শুরু হলো মার। সাধারণ কয়েদীরা ছ'চার বা মেরে আমাদের ছ'জনের মারের দৃশ্য উপভোগ করতে লাগলো নিশ্চেষ্ট দর্শক হয়ে। চড়, কিল, ঘৃষি ও লাথির চোটে এক সময় রিয়াজ সংজ্ঞা হারিয়ে লুটিয়ে পড়লো। আমাদের মাথায় তখন খুন চেপে গেলেও একেবারে খুনী হয়ে উঠিনি আমরা! তাই শাস্তি ও আমি ছ'জনে শালাকে শূত্রে তুলে নিয়ে জলের ট্যাঙ্কার মধ্যে তার মাথাটা ডুবিয়ে ধরলাম। ওর সংজ্ঞা ফিরে এল। তারপর শুরু হলো আবার।

কিন্তু আশ্চর্য্য যে, লোকটা একটুও চীৎকার করলো না এবং যখন আধমরা করে তাকে ফেলে দিলাম, শাস্তি তখন শেষ লাথিটা মেরে বলে উঠলেন : নে শালা, বিশ্বাসঘাতকতার ফল ভোগ কর। অন্ততঃ ছ'মাস এবার থাকতে হবে হাসপাতালে।

অপরূপ রিয়াজউদ্দীন কোনো নালিশ জানালো না কারুর কাছে! পরদিন সকালেই ধীরে ধীরে সে বেরিয়ে গেল থালা বাটি ও কঞ্চল নিয়ে সিপাইয়ের পেছনে পেছনে। ভাবলাম, নিশ্চয়ই গেল হাসপাতালে ভর্তি হতে। কিন্তু সেদিনই বিকেলে সবিস্ময়ে দেখলাম আমাদেরই ইয়ার্ডের সম্মুখের প্রাঙ্গণে একদল কয়েদীর দ্বিতীয় সারির শেষে দাঁড়িয়ে আছে সেই বেঁটে ফরিদপুরের মুসলমান রিয়াজউদ্দীন।

শুধু রিয়াজউদ্দীনই যে চলে গেল তা নয়, আমাকেও বদলী করা হলো ছ' নম্বরে। ভাবলাম, সুবিধেই হলো, এবার রবির কাছে লেবং-এর ঘটনাবলী পুজাছুপুজা জানা যাবে। কর্তৃপক্ষের ভুলের জ্ঞান মনে মনে হাসি পেল। কিন্তু স্থায়ী হলো না তা বেশীক্ষণ। একটু পরই আবার এল সিপাইরা। রবিকে যেতে হবে চল্লিশ ডিগ্রিতে। লেবং ঘটনায় রবি যে স্বীকারোক্তি করেছিল, সবাই জানে তা। তাই আই বি-র পরামর্শমতো রবিকে অত্যাশ্চর্য্য সবার কাছ থেকে যতখানি সম্ভব

পৃথক করে রাখা হতো। আজ এই প্রথম সে নিয়মের ব্যতিক্রম করে রবিকে নিয়ে যাওয়া হলো একেবারে চল্লিশ ডিগ্রির রাজনৈতিক বন্দীদের কলোনীতে। বোঝা গেল, আমার সঙ্গে ওকে মিশতে দেওয়াকে আরও বেশী বিপজ্জনক মনে করা হয়েছে !

ছ' নম্বর ডিগ্রি মানে পাশাপাশি ছয়টি সেল। সেল মানে দশ ফুট লম্বা, আট ফুট চওড়া একটি খোপ, সম্মুখে লোহার শিক-আঁটা দরজা আর পশ্চাতে অনেক উঁচুতে লোহার শিক-আঁটা একটি ভেন্টিলেটর। খোপগুলির সামনে সাত ফুট চওড়া দেয়াল-ঘেরা রাস্তা বা প্রাঙ্গণ।

ব্রিটিশ কূটনীতির divide and rule policy সর্বত্রই বিদ্যমান। তাই ছয়টি সেলের তিনটিতে রাখা হয়েছে রাজনৈতিক বন্দী আর বাকি তিনটিতে তিনজন অ-রাজনৈতিক শুধু নয়, একেবারে 'বি' শ্রেণীর কয়েদীকে স্থান দেয়া হয়েছে। কি জানি, ছয় জন রাজনৈতিক বন্দী যদি কখনো একমত হয়ে একযোগে সিপাইকে আক্রমণ করে বসে, চাবি কেড়ে নেয়, ইয়ার্ড থেকে বেরিয়ে পড়ে একটা বিপর্যয় কাণ্ড সৃষ্টি করে বসে, তাই ঐ 'বি' ক্লাসদের রাখা হয়েছে সিপাইয়ের দেহরক্ষীর কাজ করবার জন্ত। শুধু তাই নয়, এরা জেলার সুধীন মুখার্জীর স্পাইয়েরও কাজ করে থাকে। এখানকার সলা-পরামর্শ, আলোচনা, এমন কি, একটি সূঁচ পতনের হবহ সংবাদটিও ঠিক পৌঁছে যায় জেলারের কানে। বিনিময়ে এরা পায় মহাপরাক্রম জেলার সাহেবের অনুগ্রহ, অবশ্য সরাসরি নয়, পরোক্ষভাবে। সরাসরি কাজ শুধু দৃষ্টিকটু হবে না, তাতে নানারকম কথা উঠতে পারে। তাই সুধীন মুখার্জীর ইশারায় হয়তো ডাক্তার প্রায়ই এদের জন্ত স্পেশাল ডায়েট-এর ব্যবস্থা করে থাকেন। কখনো মাছ, কখনো দুধ, কখনো দই, কখনো-বা মাখন-ক্টি-ডিম ! হিষ্টি, টিকিটে দেখা যায় এদের ওজন চিরকালই নৃজিং অর্থাৎ স্বাস্থ্যহানি ঘটেছে। শুধু স্পেশাল ডায়েটই নয়, জেলার সাহেবের করুণা কখনো বিড়িক্রমে আসে, কখনো আসে তামাকপাতা হয়ে। মাঝে মাঝে গঞ্জিকারূপেও আসতো বলে মনে হতো, কারণ রাত্রে কোনো কোনোদিন গাঁজার গন্ধও নাকে আসতো।

সুধীন মুখার্জীর এই সব শাগরেন্দ্রদের আমরা অবশ্য এড়িয়ে চলতে চেষ্টা করতাম। কিন্তু ছ' নম্বরের ঐ অপ্রশস্ত স্থানে তা কতোখানি সম্ভব হবে ? তাই ব্যক্তিগত নিষ্পাপ কথা ছাড়া আমরা সর্বপ্রকার আলোচনা থেকে বিরত থাকতাম।

বতদূর মনে পড়ে, আমি যেন সবার চাইতে বেশী গম্ভীর হয়ে পড়েছিলাম। দেড় বৎসর পূর্বেরকার একটি ফাইনাল রিপোর্ট দিয়ে চুকিয়ে-দেওয়া ডাকাতিকে কেন্দ্র করে নানারূপ মিথ্যা সাক্ষী সাজিয়ে পুলিশ যে মামলা দায়ের করলো, অবশেষে তার আঘাতেই ধরাশায়ী হতে হলো? বড় গলায় পুলিশকে বলে বেড়াইতাম যে, রাজবন্দী করে রাখার সহজ পন্থা গ্রহণ করতে পারে তারা, কিন্তু রাজনৈতিক কয়েদী করে জেল খাটানোর ক্ষমতা তাদের নেই। আজ থেকে আমার সেই বড় গলা একেবারে নিশ্চুপ হয়ে গেল। এক-আধ বছর নয়, দীর্ঘ সাতটি বৎসর পর পরাভূত মন নিয়ে যখন বেরিয়ে যাবো, পুলিশের সমক্ষে কি তখন আর পারবো মাথা উঁচু করে দাঁড়াতে?.....

মজদা' অবশ্য লিখেছেন যে, সবার পক্ষ থেকেই হাইকোর্টে আপীল দায়ের করা হয়েছে। অবশ্য অনেক কষ্টে। কারণ, আপীল দায়েরের সময় উত্তীর্ণ হয়ে যাচ্ছিল অথচ বার বার তাগাদাসহেও ভবেশ রায়ের রায়ের নকল পাওয়া যাচ্ছিল না। ত্রাণকর্তারূপে এগিয়ে এলেন অ্যাডভোকেট সুরেশচন্দ্র তালুকদার সঙ্গে নিয়ে সুধাংশুভূষণ সেনকে। স্টেটসম্যান পত্রিকায় বিক্রমপুর বড়যন্ত্র মামলার যে ধারাবাহিক বিবরণ ও স্পেশাল ম্যাজিস্ট্রেটের রায়ের সংবাদ বেরিয়েছিল, সুরেশ তালুকদার তার ওপর নির্ভর করেই এমনি জোরালো যুক্তিপূর্ণ আবেদন জানালেন যে, আমাদের আপীল হাইকোর্ট গ্রহণ না করে পারলেন না।

মজদা' আরও লিখেছেন যে, অনাথ, খগেন ও বিপদভঞ্জনর পক্ষে দাঁড়াবেন সন্তোষকুমার বসু আর রত্নলাল ও আমার পক্ষে তালুকদার সময় না পেলে সুধাংশুভূষণ সেন। কানলিফ এ্যাণ্ড হেণ্ডারসনের আদালতে আমাদের আপীলের সুনানি হবে।

এ সবই সংবাদ মাত্র, আশার কোনো বাণী নয়। স্পেশাল ম্যাজিস্ট্রেটের রায় কথখনো বাতিল হয়ে যাবে না। বড় জোর সাত বছর কমে বছর পাঁচেক হতে পারে, অত্যন্ত আশাবাদী বন্ধুরাও এই ভরসাই উচ্চারণ করেছিলেন। ওদিকে কর্তৃপক্ষেরও উদ্যোগ-আয়োজনের কমতি ছিল না। সে সময় পাঁচ বৎসর বা তার অধিককাল কারাদণ্ডে দণ্ডিত রাজনৈতিক বন্দীদের আন্দামানে পাঠানোই ছিল রীতি। সবাইকে না হলেও অনেককেই পাঠানো হয়েছিল। সংবাদ পাওয়া গেল, আমাদেরও পাঠানো হবে এবং সেইজন্তই সত্বরই আমায় আলীপুর জেলে স্থানান্তরিত করা হবে। আন্দামানগামীদের ওখানেই জড়ো করা হয়।

কাজেকাজেই, বাংলার বা ভারতের মাটির সঙ্গে দীর্ঘকালের জন্ম সংযোগ ছিন্ন হতে চলেছে। বাড়ীর কারুর সঙ্গে আর দেখা হবার উপায় থাকবে না। মা নয়, দাদারা নয়, বৌদিরা নয়, পাড়াপড়শী গ্রামবাসী কেউ নয়। আকাশচুম্বী সাগরের মাঝে ক্ষুদ্র এক দ্বীপের ক্ষুদ্রতর এক প্রকোষ্ঠে বসে মুক্তির আশায় দিন গুনতে থাকবো! ঢাকা জেল থেকে সে সময় সোনাবৌদিকে যে চিঠি লিখেছিলাম, আজও তা একেবারে ভুলে যাইনি। লিখেছিলাম :

সোনাবৌদি,

সরকারী নিয়ম অনুসারে আমায় বোধহয় শীগগিরই আলীপুর জেলে স্থানান্তরিত করা হবে, তারপর সেখান থেকে আন্দামান। সাত বৎসর পর আন্দামান থেকে ফিরে আসবো কি? আসতে পারবো কি?

তাই তোমাদের অমুরোধ, পরিবারের তালিকা থেকে আমার নাম কেটে দিতে পার। ছয়-ছয়টি ঠাকুরপো তোমার, একটি না-হয় নাই-বা রইলো। কি এমন ক্ষতি হবে তাতে? মনে করো, আমি নিরুদ্দেশ হয়ে গেছি, আর ফিরে পাবে না আমার!.....

কিন্তু অঘটন ঘটে গেল। সপ্তডিক্কা মধুকর আবার জেলের ওপর ভেসে উঠলো, মাঝিরা সমবেত কণ্ঠে হাঁক দিতে লাগলো, বদর! বদর!

মাস তিনেক পর একদিন সকালবেলার অকস্মাৎ সহ-বন্দী বিভূতিবাবু দৌড়ে আমার কক্ষে এসে বলে গেলেন চীৎকার করে : উঠুন, উঠুন দ্বিজেনবাবু, শীগগির উঠুন, আপনি খালাস। হাইকোর্ট আপনাকে ছেড়ে দিয়েছে।

কিন্তু সত্যিই কি মুক্তি? হাইকোর্ট কি সত্যিই আমায় ছেড়ে দিয়েছেন? একা আমার? আমার অনুগামীরা? ওরাও কি ছাড়া পায়নি? এমনি নানা প্রশ্ন জাগতে লাগলো মনে।

আমার শরীর তখন ভালো নয়, হাসপাতালের অধীন আছি। অর্থাৎ সরু লাল স্কাইপওয়াল পায়জামা পরেছি, যার ঝুল নেমেছে ঠিক হাঁটুর নীচে অবধি। আমার খাওয়া আসে হাসপাতাল থেকে, ওষুধও।

আস্তে আস্তে উঠে বাইরে এসে জিজ্ঞেস করলাম : কী করে জানলেন?

সোৎসাহে জবাব দিলেন তিনি : বাঃ, খালাসী মেট যে বলে গেল আপনাকে খালা কখন নিয়ে রেডি থাকতে। সে ঘুরে আসছে।

রেডি আর কী থাকবো? খান চারেক কবুল আর থালা ও বাটি, এই তো আমার সংসার। বগলদাবা করেই এই সংসার নিয়ে চলাকেরা করা যার গন্ধমাদনের মতো!

একটু পরই মেট ফিরে এসে হাঁক দিল : কোথায়, দ্বিজন গাঙ্গুলী কোথায়? আসেন, আসেন, শীগ্গির কইরা আসেন!

বিভূতি হৌ মেরে তার হাতের শ্লিপথানা কেড়ে নিলেন, বলে উঠলেন : এই দেখুন, লেখা আছে For release! দেখলাম আমার নীচে লেখা থগেন চার্টার্ড আর বিপদভঞ্জন চার্টার্ডের নাম।

অসুস্থ শরীরে বেরিয়ে এলাম। চল্লিশ ডিগ্রির সমুখ দিয়ে আসবার সময় বন্দীরা একেবারে ঘিরে ধরলেন। অসংখ্য প্রশ্ন, জবাব দেবার সময় পেলাম না। শেষ পর্যন্ত সবাই সিদ্ধান্ত করলেন যে, আমায় নিয়ে যাওয়া হচ্ছে আলীপুর সেনট্রাল জেলে, সেখান থেকে সোজা আন্দামান। ক'জন এগিয়ে এসে সহাস্তে করমর্দন করে বলে দিলেন : যান্, আমরাও পরে আসছি।

ইয়ার্ডের বাইরে এসে মেট আমায় নিয়ে চললো গুদামের দিকে। জিজ্ঞেস করলাম : সত্যিই খালাস, না কলকাতা চালান?

মেট জবাব দিল : তা কইতে পারি না। তবে অফিস বাইতে হবে।

গুদামের দিকে যাচ্ছি কেন?

আপনার নিজের জামাজুতা পরতে হবে যে!

গুদামে এসে পৌছোতেই বিপদ ছুটে এসে জড়িয়ে ধরলো আমায় : দ্বিজনদা, সত্যিই আমরা খালাস পেয়েছি। থগেন, আপনি আর আমি। হাইকোর্টের রায় বেরিয়েছে, জানেন না? অনাথ আর রণুকে ছাড়েনি।

পোশাক পরিবর্তন করে পরলাম নিজেদের বৃত্তি ও জামা। তিনজন এসে হাজির হলাম অফিসে। দেখি, সেখানে কাগজপত্র নিয়ে অভ্যর্থনা জানাবার জন্তু অপেক্ষা করছেন স্বয়ং বিভূতি সাহা। আমাদের দেখেই নিঃশব্দে হাসলেন একেবারে বক্রিশটি সাদা ধবধবে দস্ত বিকশিত করে। ঠিক তেমনি চোখ ছুটি ছোট হয়ে এল। বললেন : Congratulations! দ্বিজনবাবু, Congratulations! সত্যিই শেষ পর্যন্ত আপনিই জয়লাভ করলেন। আমাদের সর্বপ্রচেষ্টা ব্যর্থ হয়ে গেল।

জিজ্ঞেস করলাম : মানে?

মহাবিশ্বেরে বললেন তিনি : সে কি, কিছুই জানেন না আপনি ? আজ যে সাত দিন হয়ে গেল হাইকোর্টের রায় বেরিয়েছে। কেন, স্টেটসম্যান-এ বেরিয়েছে তো বেশ বড় বড় হরফে, দেখেননি ?

বললাম : স্টেটসম্যান তো দেওয়া হয় না আমাদের।

আমাদের দেখে ও কথোপকথন শুনে টেবিল ছেড়ে এগিয়ে এলেন রেজাক সাহেব। জিজ্ঞেস করলেন : কি ব্যাপার দ্বিজনবাবু ?

এইবার মওকা পেলাম বলবার : বুঝলেন না রেজাক সাহেব, বিভূতিবাবু মনে করেছিলেন মুন্সীগঞ্জের ভবেশ রায়ই হচ্ছেন আমাদের জেলে আটকে রাখবার একমাত্র মালিক। কিন্তু বাবারও তো বাবা আছে, সে কথা ওঁদের মনে ছিল না। বলেছিলেন নাগপাশ আর পান্ডপাত একেবারে রেডি, ছাড়লেই হয়। আমিও বলেছিলাম, আমার বর্ষও খাঁটি ইম্পাতে তৈরী। কুস্তির প্রথম রাউণ্ডে অবশ্য আমায় প্রায় কাবু করে ফেলেছিলেন, কিন্তু দ্বিতীয় ও শেষ রাউণ্ডে একেবারে চিং হয়ে পড়েছে আই বি-র দল। তাই না বিভূতিবাবু ?

সেই চোখ-ঢাকা হাসি ! বললেন : তবে শুধু খোলস বদলানো হবে।

অর্থাৎ আবার রাজবন্দী, এই ত ? তা হোক।—বলে একটু গস্তীর হয়ে বললাম : কিন্তু পরাজিত হলেন তো। পূর্বেই বলেছিলাম, দ্বিজন গাঙ্গুলীকে রাজবন্দী করে রাখতে পারেন সারাজীবন ; কিন্তু, নির্দিষ্ট কোনো মামলার কীসিয়ে আটকে রাখতে পারবেন না। আমার ধরবার ক্ষমতা আপনাদের নেই। এবার স্বীকার করেন তো ?

আবার সেই নিরুত্তর, নিঃশব্দ হাসি !.....

বিপদভঞ্জনকে মুক্তি দেওয়া হলো সর্ভাধীনে আর খগেন ও আমার রাজবন্দীর তক্কা এঁটে পাঠিয়ে দেওয়া হলো রাজবন্দীদের ইয়ার্ডে। পূর্বে এটা ছিল জেনানা ফাটক, এখন জেনানাদের অত্নত্ন সরিয়ে নিয়ে একে রূপান্তরিত করা হয়েছে রাজবন্দী ইয়ার্ডে। সংখ্যায় খুব বেশী নয়, জন ত্রিশেক। ছুটি লম্বা হল-এর মতো ঘর, তার মধ্যেই সারি সারি শয্যা। একসঙ্গে এতগুলো লোক থাকার স্তবধি ছিল, রাত্রে ঘরে তালাবন্ধ হয়ে বাবার পরও আমাদের নানা রকম আলোচনা, পড়া, ক্লাস ও খেলা চলতো।

এসেই আমি লিপাই মারফত একখানি পত্র পাঠালাম রঙ্গলালের কাছে। বন্দী হলেও আমি এখন আবার রাজবন্দী, সরকারী অফিসের পিতলের চাকতি

লাগানো পোশাক-পরা পিওনের মতো। পিওনের মধ্যে এরা কুলীন, হাঁকডাক বেশী। তেমনি বন্দীদের মধ্যে রাজবন্দী। রক্তলালকে লিখে পাঠালাম : “আইনের মারপ্যাচে আমি মুক্তি পেলাম সত্য, কিন্তু নিজের ভ্রম সংশোধনের জন্ত স্বেচ্ছায় দীর্ঘ কারাবাস বরণ করে নিয়ে তুমি যে মহত্ত্ব দেখিয়েছ, তা আমার চিরদিন মনে থাকবে। দাদাকে রক্ষা করতে চেয়েছিলে তুমি, তোমার পণ রক্ষা হলো। কিন্তু তোমার দীর্ঘ কারাদণ্ডের বিনিময়ে যে মুক্তি ক্রয় করলাম, তাতে পুরো আনন্দ উপভোগ করতে পারছি না।”

চিঠির জবাব পেলাম সিপাইয়ের মুখে। হিন্দী ও বাংলা মিশিয়ে সে যা বললো, তার মর্মার্থ এই যে, “আপনার মুক্তিই ছিল তার কাম্য, তাই সে খুব খুশী হয়েছে। নিজের জন্ত সে ভাবে না।”

তারপরই একথানা দরখাস্ত করলাম মুন্সীগঞ্জের সেই বিখ্যাত স্পেশাল ম্যাজিস্ট্রেটরূপী মহকুমা হাকিম ভবেশ রায়ের কাছে। দরখাস্তখানার প্রতিপাত্ত বিষয় ও কিছু ভাবার প্রার্থ্যা আজও আমার মনে পড়ে :

“সবিনয় নিবেদন,

বথাবিহিত সম্মানের সহিত জানাইতেছি যে, আশা করি মহামাত্ম হাইকোর্টের রায় আপনার গোচরীভূত হইয়াছে। শুনিয়াছিলাম আপনার দীর্ঘ রাস্তা আপন পুঞ্জাপুঞ্জরূপে প্রত্যেক সাক্ষীর সাক্ষ্য ও আমাদের জবানবন্দী বিবেচনা করিয়া ত্রায়বিচারের পরাকাষ্ঠা দেখাইয়া আমাদের দোষী সাব্যস্ত করিয়াছিলেন এবং কোর্ট ইনসপেক্টর যে আবেগময় ভাষায় সওয়াল করিয়াছিলেন, সেই জালাময়ী ভাষাতেই আমাকে সাধ্যমতো সর্বোচ্চ দণ্ডে দণ্ডিত করিয়া ব্রিটিশ সরকারের প্রতি আপনার দাসস্বলভ মনোভাব প্রকাশ করিয়াছিলেন একেবারে বেহারার মতো !

কিন্তু দুঃখের বিষয়, আপনারও বাবা আছেন এবং সকল বাবাই আপনার মতো পুলিশের তাঁবেদার নন। তাই আপনার ত্রায়বিচার সেখানে কীসিয়া গিয়াছে।”

জেলার সুধীন মুখার্জী সেলাম পাঠালেন আমার। একেবারে কলরব করে অভ্যর্থনা জানালেন : আসুন, আসুন দ্বিভ্রমবাবু, বসুন। আপনি সিগারেট খান কি ? আনিয়ে দোব ?

খাইনে জানাতেই হা-হা করে এক গাল হেসে উঠলেন : ঠিক আমারই মতো।—তারপর যেন মহা অপরাধ করে ফেলেছেন এমনি ভাব দেখিয়ে অতি

মোলায়েম সুরে বলতে লাগলেন : দেখুন, কিছু মনে করবেন না, দ্বিভ্রমবাসী। অবশ্য আমি নিজেই যেতাম আপনার ওখানে এবং আমারই যাওয়া উচিত ছিল। কিন্তু—কি জানেন—মানে, কাজের চাপে এই চেনার ছেড়ে একটি মুহূর্তও আর উঠবার ফুরসত পাইনি। মাথা প্রায় খারাপ হয়ে যাবার অবস্থা! তাই, মানে, সেই জন্তেই আপনাকে কষ্ট দিতে হলো।

জিজ্ঞেস করলাম, কি ব্যাপার?

মানে, আপনি মুন্সীগঞ্জের ম্যাজিস্ট্রেটের কাছে যে দরখাস্তখানা করেছেন, বললেন তিনি : সেটা, মানে, আমি পড়ে দেখলাম—ওটা আবার শেবটায় contempt of Court হয়ে দাঁড়াবে না তো?

তাতে আপনার কোনো অসুবিধা আছে কি?—সোজা প্রশ্ন করলাম।

না, না, আমার কি অসুবিধে?—তৎক্ষণাৎ জবাব দিলেন : আপনার দরখাস্ত—আপনি যা-ই লিখুন না কেন—পাঠাতে বাধ্য আমি। পাঠাতে মানে, আই বি-র কাছে পাঠাতে। তবে কি জানেন, দরদী বন্ধুর মতো বলতে লাগলেন : ও ব্যাপারটা যখন চুকে-বুকেই গেছে, তখন কেন আর ও নিয়ে লেখালেখি। ভালোই তো আছেন—খাওয়া-দাওয়া, খেলাধুলা, পড়াশুনা—এখন ওসব কথা তুলে একটা অপ্রীতিকর আবহাওয়া সৃষ্টির কিছু দরকার আছে কি, সে কথাটাই ভেবে দেখতে অনুরোধ জানাই।

এখন আমার কদর অত্যন্ত বেশী। যে সুধীন মুখার্জী ছ’দিন পূর্বেও করেদী দ্বিভ্রম গাঙ্গুলীর প্রতি কদাচিৎ দৃষ্টি নিক্ষেপ করতেন এবং বহু সাধ্যসাধনার পর নাসিকা উঁচু করে অত্যন্ত সংক্ষিপ্ত জবাব দিতেন চরম তচ্ছিয়াভরে মেরী এ্যাক্টিওনেটের মতো, এখন তিনি যেন আমার প্রিয়তমা শ্রীরাধা, শ্রীকৃষ্ণ দ্বিভ্রম গাঙ্গুলীর পারে যাতে কাঁটাটি না বিঁধতে পারে, সেজন্ত যেন সর্বদাই বিছিয়ে রেখেছেন নিজের কোমল বুক!.....

বললাম হেসে : ডাকাতি মাফলায় হয়েছিল সাত বৎসর, আদালত অবমাননার দায়ে না হয় হবে সাত দিন জেল। তিন মাস তো আপনাদের ফার্স্ট ক্লাস গরুর খাণ্ড হজম করলাম, না হয় আর সাত দিন গলাধঃকরণ করবো সেই মোগলাই খানা!—পাঠিয়ে দিন।

আবার সেই হা-হা করে এক গাল হাসি।

কিন্তু আশ্চর্য্য, এর জবাবে ভবেশ রায় লক্ষ্মী ছেলেটির মতো পাঠিয়ে দিলেন

তার নিজের দীর্ঘ রায়ের এক খণ্ড ও হাইকোর্টের রায়ের এক খণ্ড অমূল্য। না চাহিতে দান!...রীতিমতো পরস্পর ব্যয় করে যা সংগ্রহ করতে বেশ বেগ পেতে হয়, তাই এসে গেল আপসে। ভালোই হলো।

সবাই মিলে দুটোই মিলিয়ে পড়া গেল।...ময়মনসিংহের নগেন্দ্র চক্রবর্তী (গালপোড়া নামে যিনি খ্যাত) পড়তে লাগলেন আর আমরা তা উপভোগ করতে লাগলাম। দীর্ঘ পঁচিশ পৃষ্ঠাব্যাপী ভবেশ রায়ের রায়। মনে হয় কোটি ইনসপেক্টরের দীর্ঘ সওয়াল পুরোটাই ভঙ্গলোক শর্তহাণ্ডে টুকে নিয়েছিলেন। আর হাইকোর্টের বিচারপতি কানলিফ ও হেণ্ডারসনের রায় অত্যন্ত সংক্ষিপ্ত, মাত্র ফুলসক্যাপের এক-চতুর্থাংশ। অগ্রান্ত্র কথার পর লিখেছেন :

The learned Magistrate could not even frame the charges. The Approver's statement is misleading. Hence, the principal accused Dwijen Ganguly should be set at liberty at once along with...ইত্যাদি ইত্যাদি।

পার্নালাল মিত্র বলে উঠলেন : ভবেশ রায় একেবারে His Master's Voice ছেড়েছেন !

ময়মনসিংহের কমিউনিষ্ট মণি সিং বললেন : আস্তন, ঠুঁকে একথানা অভিনন্দন-পত্র পাঠাই আমরা। এমনি সারগর্ভ রায়...

সবাই হেসে উঠলো।

হাইকোর্টে আমাদের আপীলের স্তন্যনির ইতিবৃত্ত পরে শুনেছিলাম।

আর-একটি গুরুত্বপূর্ণ মামলার সওয়াল শেষ হয়নি বলে তালুকদার তখনো এসে পৌঁছতে পারেননি। সুধাংশু সেন অধীর আগ্রহে অপেক্ষা করছেন আর সম্পূর্ণভাবে প্রস্তুত হয়ে জজের আগমন প্রতীক্ষা করছেন সন্তোষকুমার বসু।

কানলিফ ও হেণ্ডারসন এলেন এবং প্রথমেই নিলেন আমাদের আপীলের ফাইল। তালুকদারকে দেখতে না পেয়ে বোসের পানে চাইলেন। বোস উঠে দাঁড়ালেন।

বোস দাঁড়িয়েছেন খগেন, অনাথ ও বিপদভঞ্জনর পক্ষ থেকে। সুতরাং প্রথমেই সে কথা জানিয়ে তিনি সওয়াল শুরু করলেন। থানিকপরেই বাধা দিয়ে কানলিফ জিজ্ঞেস করলেন : But what do you know of the principal accused Dwijen Ganguly ?

বোস জানালেন যে, তিনি আমার জ্ঞাত দাঁড়াননি। রত্নলাল ও আমার জ্ঞাত মিঃ তালুকদার—

কিন্তু তালুকদার আসেননি। সুতরাং হেণ্ডারসন বললেন : But certainly you have gone through the entire case, certainly you know everything of the principal accused as you know of your clients—

সুতরাং বোসকেই আদালতের অহুরোধে রত্নলাল ও আমার সপক্ষেও বলতে হলো কিছু। যুক্তিগুলো শ্রবণ করে বিচারকদ্বয়ের গভীর মুখ আরও গভীর হয়ে উঠলো।

ঘণ্টাখানেক পর বোস আসন গ্রহণ করতেই উঠে দাঁড়ালেন সুধাংশু সেন। প্রথমেই নিবেদন করলেন যে, তালুকদার এসে না পৌঁছোনোতে তাঁকেই বলতে হচ্ছে। ছ'টার কথা বলবার পরই বাধা দিলেন কানলিফ : We have heard this from Mr. Bose. Any new point ?

সেন আবার কোনো নতুন পয়েন্ট বলবার চেষ্টা করতেই হেণ্ডারসন বললেন : We have heard this.

অবশেষে সেন বললেন যে, তাঁর ছ'জন মজ্জেল সম্বন্ধে মিঃ বোস প্রায় সব কথাই বলেছেন। যা ছ'-একটা পয়েন্ট আরো elaborate করা দরকার, মিঃ তালুকদার এলে—

বাধা দিলেন কানলিফ : We write down judgement. বলেই ডিকটেশন দিতে লাগলেন আর স্টেনোগ্রাফার তা টুকে নিতে লাগলো।

দীর্ঘ বাইশ দিনের যুগান্তকারী বিক্রমপুর যড়যন্ত্র মামলার আপীলের গুনানি দু'ঘণ্টাতেই শেষ হয়ে গেল।

এর অনেক দিন পর যুক্তি পেয়ে সুধাংশুভূষণ সেনের কাছে কৃতজ্ঞতাস্বরূপ একখানা চেক পাঠিয়ে দেওয়াতে তিনি লিখে জানিয়েছিলেন যে, সন্তোষ বোসকেই প্রকৃত পক্ষে আমার পক্ষে সওয়াল করতে হয় অজ্ঞদের নির্দেশে, তাঁকে বিশেষ কিছু বলতে হয়নি।...

১৯৩৬ সালের জুন মাস। বেশ গরম পড়লেও আমাদের বিশেষ কোনো অনুবিধে হলো না। রাত্রে বিরাট বিরাট পাটবিহীন জানালাপথে বেশ হাওয়া খেলতো, আর আমরা খেলতাম তাস, পাশা, ক্যারম, মাজাং প্রভৃতি।

হঠাৎ একদিন দেয়ালের বাইরে শহরের রাস্তায় প্রচণ্ড হট্টগোল শোনা গেল, তিকি ছপুরবেলায়। মাঝে মাঝে পট্কার শব্দ। আশঙ্কা হলো ঢাকা শহরে আবার হিন্দু-মুসলমানের দাঙ্গা লেগে গেল বুঝি! সংবাদ সংগ্রহের চেষ্টা করতে গিয়ে দেখলাম, সিপাইদের মধ্যেও বেশ চাঞ্চল্য পড়ে গেছে, দু'একজন ছুটোছুটিও শুরু করে দিয়েছে।

একটু পরই একজন সিপাই হাঁফাতে হাঁফাতে এসে সংবাদ দিয়ে গেল : রাজ মিল গিয়া!—বলেই আবার হাঁফাতে হাঁফাতে ছুটে বেরিয়ে গেল।

পরেই জানতে পারলাম, ভাওয়াল মামলার রায় বেরিয়েছে। বিচারপতি পান্নালাল বন্দ্যোপাধ্যায় বাবাকেই ভাওয়ালের মেজকুমার রমেন্দ্রনারায়ণ রায় বলে ঘোষণা করেছেন। তাই এই শোভাযাত্রা, বাজী পোড়ানো, হল্লা ও সিপাইদের মধ্যে অফুরন্ত উল্লাস ও উচ্ছ্বাস!.....

পান্নালাল বললেন : আপনার কানলিফ-হেণ্ডারসনের মতোই পান্নালালের যুগান্তকারী রায়। হবে না কেন, ও যে পান্নালাল! শুধু মিত্র নয়, বন্দ্যোপাধ্যায়।

সবাই হেসে উঠল।

এই ছুন মাসেরই মাঝামাঝি একদিন একথানা দরখাস্ত পাঠলাম আমার চিরদিনের শত্রু ঢাকা আই বি-র কর্তা গ্র্যাসবি সাহেবের কাছে। লিখলাম : দয়া করে অবিনাশ দারোগাকে পাঠিয়ে দেবেন। গোপনে কিছু কথা আছে আমার। সত্য।

গোপনতা নিয়ে বাদে কারবার, গোপন কথার সংবাদ পেলেই স্বভাবতঃই তাঁরা উৎক্ল হতে ওঠে রেজার্স-এ বিজয়ী 'লাকি ডগ'-এর মতো। কী কোহিনূর যেন কুড়িয়ে পেল এরা! কোন্ আমেরিকা আবিষ্কার করে ফেলেছে!...

সাত দিনের মধ্যেই এসে হাজির অবিনাশ দারোগা।

নমস্কার, নমস্কার দ্বিজেনবাবু! আরে মশাই, ও আমি আগেই জানতাম। সাত বৎসর যে আমরাই কল্পনা করিনি। ভবেশ রায়ের কাণ্ড!

বললাম : There are many things Horatio...

বললেন : বিলক্ষণ! ও আমি আগেই জানতাম।—আমুন সুপারের ঘরেই বসি আমরা। অফিসে লোকজন গিজগিজ করছে। ওখানে কাজের কথা হয় কখনো? সুপারের ঘরে এলাম। দরজা ভেজিয়ে দেওয়া হলো! অবিনাশ বলতে

লাগলেন : ও আমি আগেই জানতাম। আপনার মতো জুয়েল কেন শুধোঙুধি জেলে পচবেন বলুন তো? দীর্ঘ জীবন পড়ে আছে সামনে। ছিলাম মশাই ছুটিতে, প্রিভিলেজ লিভ, পাওনা ছুটি। অকস্মাৎ সাহেবের টেলিগ্রাম গিয়ে হাজির, চলে এসো। চলে এলাম। সাহেব বললেন, যাও, দ্বিজেনবাবু তোমায় ডেকেছেন। কী গোপন কথা আছে তোমার সঙ্গে। কী কথা, তা আমিও জানি। বিশ্বাস করুন দ্বিজেনবাবু, I feel for you—

বললাম : আমিও আপনার জন্ত ফিল্ম করছি অবিনাশবাবু!—

ও আমি আগেই জানতাম।—বলে থুক থুক করে হাসতে লাগলেন অবিনাশ।

বললাম : সবই দেখছি আপনি জানতেন সাজাহান নাটকের জয়সিংহের মতো।

অবিনাশের হাসির শব্দ উচ্চগ্রামে উঠলো : হা হা হা, শিক্ষিত ব্যক্তি আপনি, সব কথাতেই বেশ উপমা দিতে পারেন! সাজাহান নাটকের জয়সিংহ— বলে আবার সেই গর্দভের হাসি। হাসতে হাসতে বলতে লাগলেন : কী হবে মশাই, দুটো ভাঙ্গা রিভলভার নাড়াচাড়া করে? ওর দ্বারা দেশ স্বাধীন হবে? তাহলে আর ভাবনা ছিল না। যেন ছেলের হাতের মোয়া আর কি!

আবার সেই উল্লুকের হাসি : এই পাগলামো যে একেবারে নিরর্থক, স্রেফ ইয়ারকি, যাক, অবশেষে আপনিও তা বুঝতে পেরেছেন। বুঝতে যে একদিন পারবেন, ও আমি আগেই জানতাম—

গভীর হয়ে এবার বললাম : জয়সিংহের মতো সবই জানতেন বটে, কিন্তু জুলিয়াস সীজারের মতো একটা কথা জানেন না। জানেন না যে, বিপ্লবীদের যে একখানা ব্ল্যাক বুক আছে, আপনার নাম উঠে গেছে তাতে—

অকস্মাৎ কে যেন ঝুঁ দিয়ে আলো নিবিয়ে দিল! হাসি উবে গেল অবিনাশের, হাঁ করে তাকিয়ে রইলেন আমার মুখের দিকে বলির পাঁঠার মতো! বলতে লাগলাম : অবশ্য আই বি-দের কাউকেই বিপ্লবীরা দোস্ত মনে করেন না কখনো। তবে তাই বলে সবারই নাম ব্ল্যাক বুক তোলা হয় না। নিশ্চিত কোনো চার্জ কারুর বিরুদ্ধে প্রমাণিত হলে তবে লাল কাগি দিয়ে তার নাম চিহ্নিত হয়ে যায়। আপনার বিচার হয়েছে, আর সে বিচারে আপনি অপরাধী সাব্যস্ত হয়েছেন।

অপরাধী! কেন আমি কী করেছি?—অবিনাশের হাঁ আরও একটু বড় হয়ে উঠলো, দৃষ্টি ভরে ও বিশ্বাসে একেবারে নিম্পলক। তৎক্ষণাৎ বললাম : আপনি অনিল দাসকে টরচার করে মার্ডার করেছেন! আপনি মার্ডারার!

বলেন কি, আমি!—তারপর তোতলার মতো ঠেকে ঠেকে একই কথা বার বার উচ্চারণ করে, অজস্র অপ্রাসঙ্গিক প্রসঙ্গ ও শৃংগলের যুক্তির অবতারণা করে, একেবারে কিছুই জানিনে বলে অবশেষে অবিনাশ যখন তাঁর দীর্ঘ সওয়াল শেষ করে ফৌস করে একটা দীর্ঘশ্বাস ত্যাগ করলেন, তখন স্পষ্ট দেখলাম তাঁর কপালে অজস্র শ্বেদবিন্দু চক্‌চক্‌ করছে।

মুহূ হেসে বললাম : এই মাত্র বলেছিলেন না যে, সবই জানেন আপনি এবং আগেই জানতে পারেন। আর এই ছঃসংবাদটি রাখেন না যে, এবার আপনিই হচ্ছেন বিপ্লবীদের টারগেট? অনিল দাসকে আপনি হত্যা করেছেন নৃশংসের মতো, তাই ব্র্যাক বুকে আপনার নাম এবার সবার ওপরে উঠেছে by order of merit—এই দুটি সংবাদ প্রত্যেক বন্দিশিবিরে ও জেলে পাঠিয়ে দেওয়া হয়েছে এবং জেলের বাইরেও যে তা যথাস্থানে যেতে পারেনি, তা মনেও স্থান দেবেন না। সুতরাং—কণ্ঠস্বর অকস্মাৎ অনাবশ্যক খাটো করে বললাম : একটু সাবধানে চলাফেরা করবেন অবিনাশবাবু! ঢাকা শহরের গলিগুলো বড় অপরিষ্কার ও নোঙরা, ধারেই বয়ে চলেছে বুড়ীগঙ্গা নদী। একথানা আঠার ইঞ্চি ছোরা নিঃশব্দে আপনার পেটের মধ্যে চালিয়ে দিলেই গল গল করে নাড়িভুঁড়ি বেরিয়ে আসবে। তারপর একথানা ঢাকা ঘোড়ার গাড়ীতে এনে লাসটা নদীতে ছেড়ে দিলেই—বাস, কাজ সাকা! মাছগুলোর বেশ কিছুদিনের খাওয়ার ব্যবস্থা হয়ে যেতে পারবেন—

অবিনাশ দারোগা বেঁচে আছেন কি না, বোঝা গেল না। পাথরের মতো চেয়ে রয়েছেন তিনি। সে দৃষ্টি শূন্য। মনে হলো সত্যি তার পেটে আঠারো ইঞ্চি একথানা ছোরা চালিয়ে দেওয়া হয়েছে!.....

মনে মনে হেসে সবিনয়ে নিবেদন করলাম : এই সংবাদটুকু দেবার জন্তই আপনাকে গোপনে ডেকে পাঠিয়েছিলাম। কিন্তু আপনার প্রিভিলেজ লীভট। মাঠে মারা গেল। আহা! সত্যিই আপনাকে আমার বন্ধু মনে করি অবিনাশবাবু, তাই শুভামুখ্যারী মতো সময় থাকতে সাবধান করে দিলাম। আচ্ছা, এবার চলি?

কিন্তু আই বি পুঞ্জব অবিনাশ তখন মৃত। বোধহয় পচনও শুরু হয়ে গেছে সেই বাসি মড়ায়।.....

গট্‌ গট্‌ করে বেরিয়ে এলাম নন্দের রাজসভা থেকে চাণক্যের মতো।

উনিশ

রাজবন্দী ইয়ার্ডের ম্যানেজার তখন আমি। ম্যানেজারের কাজ হচ্ছে কিচেন ম্যানেজ করা। আমাদের বরাদ্দ টাকার মধ্যে যা যা আমরা চাই, একথানা বিশেষ খাতায় তা লিখে জেলারের কাছে পাঠিয়ে দিতে হয় রোজ। জিনিসগুলো পাওয়া যায় তার পরদিন। সকালবেলা রোজই অফিসে গিয়ে সরবরাহকারীর কাছ থেকে সেগুলো মিলিয়ে ও ওজন করিয়ে নিয়ে আসতে হয়। তার পরের কাজ হচ্ছে বাবুর্চির।

জেল গেট-এ সরবরাহকারীর কাছ থেকে তরি-তরকারি, মাছ-মাংস প্রভৃতি বুঝে নেবার সময় শত কাজে ব্যস্ত থাকলেও জেলার সুধীন মুখার্জী একবার এসে চুঁ মারবেনই। না, শুধু চুঁ মারা নয়, বেশ কয়েক মিনিট ধরে জিনিসপত্র পরীক্ষা, সমালোচনা এবং ভালো জিনিস না দিলে রিস্ক পারচেঞ্জের হুমকি দেওয়া। সরবরাহকারী যতোই ভালো জিনিস আহুক না কেন, তবুও আরো ভালো চাই, নইলে রিস্ক পারচেঞ্জ, মানে, সোজা নগদ দামে বাজার থেকে কিনে নোব, বাড়তি যা ব্যয় হবে, কেটে নোব তোমার বিল থেকে। নেকড়ে বাঘের যুক্তি আর কি! জল নীচের দিকে গেলে কি হবে, নীচে থেকেই তুমি তা ঘুলিয়ে দিচ্ছে, তাই ওপরের জল এত ময়লা! সরবরাহকারী মেঘশাবকের মতোই ভয়ে কাঁপতে থাকে!.....

এসেই হয়তো বলে উঠলেন : এ কি মশাই, এ কি রকম রুই মাছের পেটি দিয়েছেন? অন্ততঃ সের চারেক ওজনের মাছ না হলে তার আবার পেটি হয় নাকি? সে যাই হোক, কিন্তু এ কি করেছেন? পেটি মানে কি? ঘাড়ের কাঁটা থেকে অন্ততঃ দু' ইঞ্চি বাদ দিয়ে পেট যেখানে শেষ হয়েছে, সেটুকুকে বলে পেটি। আর এ কি এনেছেন? কোয়ার্টার ইঞ্চি পুরু কাগজের মতো পাতলা, তার সঙ্গে আবার ঘাড়ের হাড়টা আটকে রয়েছে। ওদিকে আবার টেনে নিয়ে গেছেন প্রায় লেজপর্ধ্যন্ত।—এমনি কীকি দিয়ে ডেটিনিউবাবুদের বুঝিয়ে দিতে গেলে আমি কিন্তু রিস্ক পারচেঞ্জ করে বসবো, বুঝলেন?

তারপরই হয়তো মাংসের পাত্রটা চোখে পড়লো : এ কি! এ কি খাসীর মাংস? কিছুতেই হতে পারে না। নিশ্চয়ই পাঁঠার মাংস। খাসী বলে পাঁঠা

চালাচ্ছেন ? ওঁরা কি শুকতো থাকেন যে, পাঁঠা দিয়েছেন ? আর এই হাঁটুগুলো কেন দিয়েছেন ? আর এই ব্যাকবোনের হাড়গুলো ? আশ্চর্য্য, কোথাকার মাংস যে বেষ্ঠ, তাও জানেন না, অথচ কনট্রাক্ট নিয়েছেন ! কাল থেকে এমন এলে রিজেক্ট করে দাব, রিস্ক্ পারচেজ করবো, বুঝলেন ?

সরবরাহকারী কি মাথাঝুঁ বুঝতেন জানি না, আমি বেশ বুঝতে পারতাম যে, সুধীন মুখার্জী রাজবন্দীদের মাসীর ভূমিকায় অভিনয় করছেন। এমনি দরদ !.....

একদিন সকালবেলা অফিসে গিয়ে কাজ শেষ করে চলে আসবো, এমন সময় অকস্মাৎ যতীন দারোগার সঙ্গে দেখা। তিনি একেবারে কলরব করে উঠলেন।

কুশলাদি প্রশ্নের পর নিজের কথাও বললেন যে, শ্রীনগর থেকে তিনি লালবাগ থানায় বদলি হয়ে এসেছেন। সাধারণ ডাকাতি মামলার চারজনের সাজা হয়ে যাওয়ার এসেছেন জেলে তাদের হাতের ছাপ নিতে। ছাপ নেওয়া চলতে লাগলো প্রথমে পৃথক্ পৃথক্ভাবে প্রত্যেকটি আঙ্গুলের, তারপর একসঙ্গে চারটি আঙ্গুলের। এমনিভাবে দু'হাতের।

বসে বসে খোসগল্প চলছিল, এমন সময় যতীন দারোগা আর-একজন খাঁকি পোশাক-পরা দারোগাকে দেখিয়ে বলে উঠলেন : ওহো, এঁর সঙ্গে তো আপনার পরিচয়ই করিয়ে দিইনি। ইনি হচ্ছেন মনোরঞ্জন চক্রবর্তী, লালবাগের তৃতীয় দারোগা, আগে ছিলেন আই বি-তে, আর ইনি হচ্ছেন...ইত্যাদি।

চট্ করে যেন ঘা খেলাম মনে ! ফস্ করে মনে পড়ে গেল, আই বি-তে ছিলেন মনোরঞ্জন.....

নমস্কার ও প্রতি-নমস্কারের পর প্রশ্ন করলাম : আচ্ছা, আমাদের মাঝলার কোনও সংবাদ রাখেন আপনি ?

সম্মিতমুখে জবাব দিলেন : তা একটু রাখি। বিপদভঞ্জন চাটাজ্জী আপনার সহ-আসামী ছিলেন তো ? আমাকেই তাঁকে গ্রেপ্তার করতে হয়। আই বি-তে থাকতে এমনি অনেক অপ্রিয় কাজই করতে হতো দ্বিজেনবাবু। তাইতো ছেড়ে এলাম থানায়। আপনার নামও শুনেছিলাম, কিন্তু দেখা হয়নি। ভারী আনন্দ পেলাম আজ পরিচিত হয়ে।

তৎক্ষণাৎ জবাব দিলাম : আমিও ভারী আনন্দ পেলাম আপনার সঙ্গে দেখা

হয়ে। আমিও আপনার নাম শুনেছিলাম, বিশেষ করে বিপদভঞ্নের কাছেই। কারণ আই বি অফিসে নিয়ে গিয়ে অমানুষিক অত্যাচার আপনিই করেছিলেন তার ওপর।

কই, না!—বলে সমস্ত অতীতের কালি যেন এক পোঁচেই হোয়াইটওয়াশ করে ফেললেন মনোরঞ্জন!

কিন্তু আমি তাতে ভুলবো কেন? বলতে লাগলাম : অবশ্য তার সাক্ষী কেউ নেই। বিপদ ও আপনি ছাড়া ঘরে ছিল একটা সিপাই, যে ব্যাটা আপনার হুকুম তামিল করবার জন্য বিপদের চুলের মুঠি ধরে ওঠ-বোস্ করিয়েছিল আর তাকে উলঙ্গ করে দাঁড় করিয়ে রেখেছিল আপনারই হাণ্টারের সম্মুখে। ভুলে গেছেন সে সব কথা?

বেগতিক দেখে যতীন দারোগা আঙ্গুলেব ছাপ নেবার কাজে একেবারে তল্লমলপ্রাণ ঢেলে দিলেন আর আসামী মনোরঞ্জন ছুরি-হাতে ধরা-পড়ে-যাওয়া অপরাধীর মতো তখনো সাক্ষী গাইতে লাগলেন অসংলগ্ন ভাষায়।

ও সব প্রলাপে কর্পণাত না করে আমি বলে গেলাম : প্রেস্তার তো আমাকেও করা হলো এই জেল গেটে ঘটা করে। কিন্তু বিক্রমপুর বড়ঘজ্ঞ মামলার প্রধান আসামীকে অমনি জামাই-আদরে রাখা হলো কেন? নিলেই পারতেন আপনি আমারও ভার। কেরামতি একবার আপনার দেখে নিতাম আমি। —লজ্জা করে না আপনার এই ছোট ছোট ছেলেদের গায়ে হাত তুলতে? চাকরি করতে হবে বলে কি কুকুরের প্রভুভক্তি দেখাতে হবে?—শুধুন মনোরঞ্জনবাবু, চাকা একদিন ঘুরবে। দেশ স্বাধীন হবে। সেদিন আর এমনি করে আপনাদের হাতের ছাপ দিতে আসবো না আমরা। চোরাস্তার মোড়ে প্রকাশ্য দিনের আলোর আপনাদের মতো সমাজের কলঙ্কদের সেদিন গিলোটিন করা হবে, যেমন হয়েছিল ফ্রান্সে। আর আপনার বেলায় পাঠিয়ে দোব ঐ বিপদভঞ্নকেই। শঠে শঠাৎ সমাচরেৎ, বুঝলেন?

মনোরঞ্জন তখনো আবোল-তাবোল বলে আমার মনোরঞ্নের চেষ্ঠা করতে লাগলেন, আমি বাধা দিয়ে বলে উঠলাম : Shut up, রাস্কেলের মতো আর বক্ বক্ করতে হবে না। বিপদভঞ্ন ছাড়া পেয়ে চলে গেছে আর আছে এই ঢাকা শহরেই। বিপদভঞ্নকে মার দেবার কী প্রতিফল, তা সে শীগগিরই ভালো করেই বুঝিয়ে দেবে আপনাকে।

বেরিয়ে চলে এলাম। এবং ইয়ার্ডে এসে বন্দীদের সঙ্গে বসে প্রাণ ভরে হাসলাম অনেকক্ষণ। সে রাত্রিতে মনোরঞ্জন অন্ততঃ দুঃস্বপ্ন দেখবে নিশ্চয়ই !...

এর কিছুদিন পরেই একদিন ঢপূরবেলার অফিসে ডেকে পাঠালেন রেজাক সাহেব। এসেই পেলাম আবার বদলির হুকুম। কিন্তু একি? ছাপানো কর্মের ফাঁকা অংশে টাইপ করে লেখা, নামতে হবে দিনাজপুর জেলার দারোয়ানী স্টেশনে এবং সেখান থেকে যেতে হবে খানসামা গ্রামে !

দারোয়ানী কখনো কোনো রেলওয়ে স্টেশনের নাম হয়? খানসামা কখনো গ্রামের নাম হয়? আই বি সহ-দারোগা বললেন যে, এ সম্বন্ধে তাঁর কিছুই বলবার নেই।

পরিস্কার বলে দিলাম : কিন্তু মশাই, দারোয়ানী আর খানসামা যদি না হয়, তাহলে কিন্তু মুশকিলে পড়ে যাবেন, তা আগেই বলে রাখছি। অপর কোথাও আমি যাবো না কিন্তু। সরকার বাহাদুরের হুকুমমতো কাজ করতে হবে তো। কী বলেন?

রেজাক সাহেবও হাসলেন, সঙ্গে সহ-দারোগাও। এবং ইয়ার্ডে ফিরে এসে এই আজ্ঞাব্যবস্থা পরিবেশনের পরই সবাই একচোট হেসে নিলেন।

দারোয়ানী! খানসামা!...সে আবার কোন্ দেশ?...

সত্যিই কোন্ দেশ, আদৌ জানা নেই। পূর্ববঙ্গের লোক আমি, সেই দেশের সঙ্গেই নাড়ীর সম্পর্ক। তারপর স্বদেশীর দলে নাম লিখিয়ে মাঝে মাঝে যাতায়াত করতে হয়েছে পশ্চিমবঙ্গে, কলকাতায়। রাজবন্দী হয়ে সরকারের স্বন্ধে চেপে দক্ষিণবঙ্গে ঘুরে আসা গেল। এত জেদের মামলা যখন টিকলো না, আশা করছিলাম বোধ হয় আবার ঘরের ছেলে ঘরে ফিরে যেতে পারবো। সর্বহীন না হলেও সর্বদানীনে মুক্তি পেয়ে যেতে পারবো কেয়টখালীতে, আমার ফেলে-আসা গ্রামে, ফেলে-আসা বাড়ীতে, ফেলে-আসা মায়ের কোলে।

কিন্তু জেদের মামলার পরাজিত হয়ে আই বি-র জেদ যেন আরও বেড়ে গেল। আমি যেমন জানতাম, তেমনি নিশ্চিতভাবে তারাও বুঝেছিল যে, হাসাড়া, বোলোঘর প্রভৃতি স্থলের জাতীয়তামূলক বইগুলি আমিই সরিয়ে ফেলেছি, বুঝেছিল যে, দেলভোগের ডাকাতি আমারই প্ররোচনায়, আমারই সংগঠনে ও আমারই নেতৃত্বে অস্বস্তি হয়েছিল। আয়োজনে তাদের এতটুকুও

ক্রটি ছিল না কোথাও। স্পেশাল ম্যাজিস্ট্রেট তাদেরই চাহিদা মতো তোতা পাখীর কাজ করলেন, কিন্তু হাইকোর্টের বড়ের ঝাপটার পাখীর বাসা ভেঙ্গে চুরমার হয়ে গেল। ওদিকে আর কিছু করবার পথ রুদ্ধ হয়ে যাওয়ার আই বি তাই অল্প পথ বেছে নিয়েছে। পূর্ব, পশ্চিম ও দক্ষিণবঙ্গ হয়ে গেছে, এবার তাই পার করে দিচ্ছে উত্তরবঙ্গে।

উত্তরবঙ্গ সম্বন্ধে কোনো অভিজ্ঞতাই নেই আমার। তাই দারোগানী বা খানসামা নামে কোনো গ্রাম থাকতে পারে, তা ভাবতেই পারছিলাম না। যদি সত্যিই সরকারী কোনো ভুল হয়ে থাকে, তাহলে হয় এখানেই, নয়তো যাবার পথেই সরকারী প্রতিনিধির সঙ্গে যে আর-একটা সংঘর্ষ বেধে যাবে, সে সম্বন্ধে আর কোনো সন্দেহের অবকাশ ছিল না।

কিন্তু আমাদের সকল সন্দেহ ভঞ্জন করে এর দু'দিন পর অর্থাৎ ১৯৩৬ সালের ১৭ই জুলাই সন্ধ্যার দিকে সত্যিই এসে নামলায় দিনাজপুর জেলার দারোগানী টেশনে। সেখান থেকে আট মাইল যেতে হবে গরুর গাড়ীতে। মেদিনীপুরের কেশিরাড়ী থানার যাবার সময়ও কাঁগি রোড স্টেশন থেকে আট মাইল যেতে হয়েছিল গরুর গাড়ীতেই। সে রাস্তা তেমন খারাপ মনে হয়নি। এখানে কিন্তু রেলওয়ের সীমানা পার হয়ে যেঠো রাস্তার পড়তেই প্রবল ঝাঁকুনি খেতে লাগলাম।

সঙ্গী আই বি-র সহ-দারোগা কে ছিলেন, তাঁর নাম মনে নেই। বললেন : বসে থাকতে পারবেন না, বিজ্ঞেনবাবু, রাস্তা বড্ড খারাপ। কত আর মাথা ঝুকবেন ছইতে? আর বাইরে কিছুই তো আর দেখতে পাওয়া যাচ্ছে না, সন্ধ্যা হয়ে গেল। শুয়ে পড়ুন।

সত্যিই সন্ধ্যা হয়ে গেল। বাইরে কিছুই আর দেখা যায় না। ওপরে কালো মেঘে ছাওয়া আকাশ আর নীচে ঝোপঝাপের আড়ালে এখানে ওখানে কাদের সব বাড়ীতে স্তিমিত আলোর আভাস। গ্রামের আঁকা-বাঁকা যেঠো পথে বিজ্রীভাবে চলতে চলতে এগিয়ে চলেছে আমাদের গো-যানখানি। কেমন করে এগিয়ে চলেছি দেখতে পাওয়া যাচ্ছে না। কিন্তু ভারী সুন্দর লাগে যদি দেখতে পেতাম—ধীরে ধীরে পেছিয়ে পড়ছে চাবীদের কুটিরগুলি, তাদের ধানের মড়াই, কুমড়ো মাচা আর গন্ধ-বাঁধা গোয়ালঘর। এগিয়ে চলেছে আমাদের গাড়ী কোন্

চাঁপাডালার মধ্য দিয়ে, কোন্ কক্কাবতীর ঘাট পেরিয়ে, কোন্ বৌ-মারী খাল ডাইনে রেখে, কোন্ বাবলা বনের নীচে নীচে। ভারী ভালো লাগে দেখতে— দিনের শেষে ক্ষেত থেকে ফিরে আসছে চাষী ঘর্মাক্ত কলেবরে, কাঁধে লাঙ্গল, হাতে গরুর দড়ি। হাঁটু জলে দাঁড়িয়ে তখনো পাট বুছে চাষী-বৌ, ছোট ছোট ছেলেমেয়েরা কলরব করে ছুটোছুটি করছে, আর আমরা এগিয়ে চলেছি মাইলের পর মাইল। ঘুরছে আমাদের গাড়ীর ঢাকা, তাই পেছিয়ে পড়ছে ছায়ার ঢাকা গ্রাম, ধানে ঢাকা মাঠ, দামে ভরা বিল, পেছিয়ে পড়ছে জেলা বোর্ডের মাইল পোস্টগুলি একটির পর একটি।...

কেমন আনমনা হয়ে পড়েছিলাম, অকস্মাৎ রুষ্টির শব্দে চমকে উঠলাম। হ্যাঁ, সত্যিই রুষ্টি নেমেছে চড়বড় করে। ছইয়ের ওপর শব্দ পাওয়া যাচ্ছে। তাড়াতাড়ি হু'পাশে হু'টো পরদা এঁটে দিলাম। দিলে কী হবে, ছইয়ের অসংখ্য অদৃশ ছিদ্রপথে কৌটা কৌটা জল পড়তে লাগলো। বিছানা গুটিয়ে ফেললাম বটে, কিন্তু গা বাঁচাবার উপাই নেই দেখে ভিজতে লাগলাম চান্দর গায়ে জড়িয়ে অনন্তোপায় দাঁড়াকার মতো। কালি-ধরা লণ্ঠনটা দোল খাচ্ছে, ঝাঁকুনি খাচ্ছি আমরাও, পরদার বাইরে শুনতে পাচ্ছি গাড়োয়ানের ত্রুন্ধ কণ্ঠ : আরে হরুং হরুং, ডাইনে কুন্ঠে যাচ্ছিন্? গাড়াং পড়বি নাকি রে? হরুং হরুং...

এত দুঃখেও হাসি পেল। জিস্তেস করলাম ভদ্রলোককে : কি বলছে মশাই? এটা কি ভাষা?

সঙ্গীও হেসে জবাব দিলেন : এটা বাহেদের ভাষা। এ দেশের আদি বাসিন্দাদের ভাষা। গরুকে সম্বোধন করছে, বলছে, ডান দিকে কোথায় যাচ্ছিন্? গর্তে পড়বি নাকি?—তবে খানসামাতে, আর শুধু খানসামা কেন, গোটা দিনাজপুর জেলাতেই বহু পূর্ববঙ্গের বাসিন্দা এসে বাড়ী করেছেন, জায়গা-জমি করে স্থায়ীভাবে বসবাস করছেন।

যাক, তবু ভালো এই বাহেদের হাতে গিয়ে পড়তে হবে না। বললাম : এই অন্ধকারে রাস্তা ঠিক রেখে চলতে পারবে, না সত্যিই গরু কোনো গর্তে গিয়ে নেমে পড়বে?

সঙ্গী বললেন : না, না, ভয় পাবার কিছু নেই। অন্ধকার হলে কি হবে, গরুই পথ চিনে চলে যাবে। বিশেষ করে বাড়ী ফেরার সময় ওরা কখনো পথ ভুল করে না।

গতি মন্থর হয়ে এসেছে লন্দেহ নেই, তবুও এগিয়ে চলেছে। রাত বতাই হোক, পৌছোতে হবে খানসামা খানায়। নিশ্চয়ই সংবাদ পূর্কালেই সেখানে পৌছে গেছে। অভিযর্থনা করবার জ্ঞান হয়তো অপেক্ষায় আছেন দারোগাবাবু। হয়তো ক্ষীরোদ দত্তেরই পরিমার্জিত সংস্করণ। কিংবা হয়তো অবিনাশ জমাদারেরই ভায়রা ভাই।

একসময় বর্ষণ আবার থেমে গেল। গলা বাড়ালাম বাইরে। নিবিড় নিশিদ্ধ অন্ধকার, লণ্ঠনের স্তিমিত আলো তা যেন ভয়াবহ করে তুলেছে। মনে হচ্ছে সমুখের জমাট অন্ধকার শিংয়ের ঘায়ে ঘায়ে বিদীর্ণ করে ও খুরের ঘায়ে ঘায়ে ভেঙ্গে ফেলে দিয়ে এগিয়ে চলেছে আমাদের বাহনযুগল ল্যাজ নেড়ে নেড়ে।

রাত্রি প্রায় দশটায় এসে প্রবেশ করলাম থানা কম্পাউন্ডে। লণ্ঠনের স্তিমিত আলোরোথায় স্পষ্ট পড়লাম এ্যালুমিনিয়ামের নীল সাইনবোর্ড, খানসামা পোলিস স্টেশন। তাহলে শুধু দারোগানী নয়, খানসামা নামেও আছে একটি গ্রাম এই বিশ্বে! বারান্দায় দাঁড়িয়ে অভিযর্থনা জানালেন যিনি, তিনিই বোধহয় অসিসার-ইন-চার্জ। তারপর টেবিলের বিপরীত দিকে উপবিষ্ট একজন সুপুরুষ বুদ্ধকে দেখিয়ে বললেন : ইনি হচ্ছেন আমাদের ইনসপেক্টর সাহেব।

বসলাম। চারিদিকেই অন্ধকার। মনে হলো কোন্ স্তন্যবনে আমায় আনা হয়েছে কিংবা থারাবার্ডির গহন অরণ্যে। কে জানে, হয়তো এ গ্রামের সবাই খানসামা, তাই এর নাম খানসামা।...

নীরবতা ভঙ্গ করলেন ইনসপেক্টর সাহেব : কিন্তু এত রাতে ডেটিনিউবাবুর খাবার কী ব্যবস্থা হবে দারোগাবাবু? রঘুর দোকান কি বন্ধ হয়ে গেছে? না হয় একজন সিপাইকে পাঠান কিছু খাবার কিনে আনতে।

বিশ্বেশ্বরবাবু তা আগেই আনিয়ে রেখেছেন স্যার!—বলেই হাঁক দিলেন দারোগা : রবি, রবি, বিশ্বেশ্বরবাবুকে একবার ডাক তো। বল, দ্বিজেনবাবু এসে গেছেন।

থানাবর থেকে বেরিয়ে রবি পাশের বেড়া-দিয়ে-ঘেরা ছোট্ট বাসাটিতে প্রবেশ করলেন। একটু পরেই সঙ্গে করে নিয়ে এলেন বিশ্বেশ্বরবাবুকে। মালপত্র তোলা হলো আমার ঘরে। বিশ্বেশ্বরবাবুর সঙ্গে আমি এসে আমাদের নির্দিষ্ট বাসায় প্রবেশ করলাম।

একধানাই ঘর, মাঝে ছিটে বেড়ার পার্টিশন তুলে ছটি কক্ষে বিভক্ত। মাটির মেঝে, খড়ের চাল, তক্তপোশট। অন্ততঃ কেশিয়াড়ীর মত পাঁচ ফুট নয়, আর প্রস্থেও বেশ।

দোকানের লুচি, তরকারি ও মিষ্টি খেতে খেতে বিশ্বেশ্বরবাবু মোটামুটি সবই জানিয়ে দিলেন। এ গ্রামের প্রায় সবই হিন্দু। বেশ কিছু মাড়োয়ারীও আছেন। পাশেই খানসামা বন্দর। পূর্ববঙ্গের বন্দরের সঙ্গে অবশ্যই তুলনায় নয়। তথাপি খুব ছোট নয়। বড় দোকান গোটাকয়েক আছে। খাবার-দাবার মোটামুটি সবই পাওয়া যায়। সপ্তাহে ছ'দিন হাট আর রোজ বিকেলের দিকে ছ'চার বুড়ি মাছ আসে। লোকাল ফিশ, অদ্ভুত নাম—থড়কি, ভাংনা, কুরসা, দাইরকা ইত্যাদি। ভদ্রলোক শ্রেণীভুক্ত ঝাঁরা, তাঁরা প্রায়ই বিদেশী, এখানে এসে জমিজমা কিনে এ দেশীয় লোক অর্থাৎ বাহেদের ওপর রাজত্ব করছেন। ধোপাও আছে, নাপিতও আছে এবং তাদের কাজও চলনসই। দুর্গাপূজোও হয় বেশ ষটা করে এবং কখনো কখনো নাটকাভিনয়। দাতব্য চিকিৎসালয় আছে, পোস্টঅফিসও আছে। ছেলেদের আছে এম ই স্কুল আর মেয়েদের ইউ পি। ফুটবল খেলাও হয়ে থাকে। আর এই সব পূজা পার্বণ, খেলাধুলা, অভিনয়, জলসা—বলতে বলতে উৎসাহী হয়ে উঠলেন বিশ্বেশ্বরবাবু : গ্রামের প্রত্যেকটি কাজে অগ্রণী ও লীডার হচ্ছেন এখানকার চাটার্জী ফ্যামিলি। সাতটি ভাই, প্রায় সবাই মাস্টার। এঁদের বাবা এম ই স্কুলের হেডমাস্টার, এক ভাই ঐ স্কুলেরই হেডপণ্ডিত, একজন এল পি স্কুলের মাস্টার, আর এক ভাই দূরে আর একটি এম ই স্কুলের হেডমাস্টার। আর এক ভাই স্কুলমাস্টার না হলেও মাইল কয়েক দূরে এক গ্রামে পোস্টমাস্টার।

হেসে বললাম : মাস্টার পরিবার দেখছি।

বিশ্বেশ্বরবাবু বললেন : শুধু তাই নয়। রাজনৈতিক ব্যাপারেও এঁরাই অগ্রগামী। এঁদের এক ভাই নজরবন্দী হয়ে আছে বাড়ীতে, কাজও কিছু করছে মনে হয়। পলাতক নরেন ঘোষকে এঁরাই আশ্রয় দিয়েছিলেন একবার। পুলিশের ভারী নেকনজর এঁদের ওপর। কালই হাট আছে, দেবো আপনার সঙ্গে পরিচয় করিয়ে।

খানার পরিচয়ও মোটামুটি পাওয়া গেল। দারোগার দেশ বিক্রমপুরে। ভীষণ বদমাশ। বোকা, অথচ মহাবিজ্ঞের ভান করে থাকেন। ব্যবহারে

একেবারে চাবার মতো। সেইজন্মই আগেকার রাজবন্দী বীজেশ বোস ব্যাটাকে স্ত্রাণ্ডেল দিয়ে হু' ঘা বসিয়ে দিয়েছিলেন।

সম্মুখে জমিটুকু অন্ধকার দেখিয়ে প্রশ্ন করলাম : চারদিকে সবই তো জঙ্গল দেখছি।

বাধা দিলেন বিখ্যেখরবাবু : না, না, জঙ্গল আদৌ নয়। সামনেই থানার মাঠ, ওপাশে গোটা দুই কাছারী, সেখানে নায়েবরা বাস করেন সপরিবারে। ঐ কোণের বাসা কিশোরীমোহন ঘোষের, আমাদের নন-অফিসিয়েল ভিজিটর। ডাক্তারী করেন। ওর পরেই বন্দর, বন্দরের ওপারে চাটাজ্জীদের বাড়ী। আর এদিকে একটু পরেই আত্রাই নদী ! নামেই নদী, বর্ষাকালে তার পরিচয় পাওয়া যায়। আর চৈত্রমাসে একেবারে হাঁটুজল।

যা তথ্য সংগৃহীত হলো, তাতে বেশ বুঝতে পারলাম যে, দারোগানীর wayside স্টেশন দেখে যতটা বুঝে পড়েছিলাম, খানসামা গ্রামের কাহিনী ততটা নিরাশাব্যঞ্জক তো নয়ই, বরং আভিজাত্যে ও প্রগতিবাদে একেবারে নবাববাড়ীর খানসামা মনে হতে লাগলো !.....

অনেক রাত পর্যন্ত গল্প হলো এবং রাজনৈতিক পরিচয় আদানপ্রদানে জানা গেল, বিখ্যেখরবাবু চট্টগ্রামের অল্পশীলন দলের সভ্য। স্বীকার করতে দ্বিধা নেই যে, প্রথমটা একটু ঘাবড়ে গেলাম বৈ কি !

পরদিন সকালবেলা অকস্মাৎ বাড়ীর বাইরে কার হাঁকডাকে ঘুম ভেঙে গেল। বেশী রাতে শুয়েছি রেলগাড়ী ও গরুর গাড়ী জানির পর, তাই তন্দ্রাচ্ছন্ন হয়ে ভোর কাটাতে ভালই লাগছিল। কিন্তু বার বার ডাকে অত্যন্ত বিরক্ত হয়ে বেরিয়ে এলাম এবং বাড়ীর ঝাপের দরজা খুলে দিতেই দেখি একজন জীর্ণবস্ত্র পরিহিত ঘোড়সওয়ার। ঘোড়সওয়ার ?

পর পর প্রশ্ন করলাম : কি চাই ? কাকে চাই ? কেন চাই ? এত সকালে কেন ? কোথা থেকে আসা হয়েছে ? কোথায় যাওয়া হবে ?

আমার এতগুলো চোখা চোখা প্রশ্নের জবাবে অস্বাভাবিকী শুধু বললেন ছাট কথা : ভিখু দেন।

ভিখু ? মানে 'ভিক্ষা' ? ঘোড়ার চড়ে এসে ভিক্ষা প্রার্থনা ? সে কি ? ঘোড়ার জন্ত যে খাবার সংগ্রহ করতে পারে, সে কি আগে নিজের পেটের ব্যবস্থা

করে না? এ কী রকম ভিক্ষুক? কলকাতার অবশ্য দেখেছি ভিক্ষুকের সঙ্গীতসহ শোভাযাত্রা। কেউ চলেছে গড়াতে গড়াতে, কেউ কেরোসিন বাজের গাড়ীতে, কেউ চলেছে অনাবৃত থকথকে ঘায়ের মাছি তাড়াতে তাড়াতে, ওদেরই সঙ্গে কোনো ঘাগরা-পরা মেয়ের হাতে হয়তো একটি খঞ্জনীজাতীয় কোনো যন্ত্র, তাই বাজিয়ে অবোধ্য ভাষার চলেছে কোরাস্ সঙ্গীতে, ভিক্ষুকেরা দোতলায় দৃষ্টিপাত করে চাইছে কাপড় বা খাত্ত, পথচারীর কাছে হাত পেতে চাইছে পরস।...এসব ভিক্ষুককে চিনি। কিন্তু একেবারে ঘোড়সওয়ার ভিক্ষুক তো দেখিনি কোনো দিন। কল্লনারও বাইরে। দেখে মনে হলো, এসেছেন যেন কোন মিঃ আউটরাম কিংবা ক্রমওয়েল, এখনই দাবী করবেন থিংজির খাঁর বজ্রকণ্ঠে হতভাগ্য আলীখাঁর ছিন্ন শির!...

বুখা কালক্ষেপ না করে বিদায় করে দিলাম অস্বারোহীকে ছুঁঠো চাল দিয়ে। অশ্বের খুরের ঘায়ে কিছু ধুলো উড়িয়ে রাস্তার বাঁকে ভিক্ষুক অদৃশ্য হয়ে যেতেই এবার দৃষ্টি প্রসারিত করলাম। বেশ বড় কম্পাউণ্ড। ইচ্ছে করলে ছোট-খাটো ফুটবল খেলার মাঠ করা যেতে পারে। দূরে একদিকে ছ'খানা কোঠাবাড়ী, একখানা সাদা রংয়ের, অপরাধানা লাল। আরতন দেখে বেশ বুঝতে পারলাম সাদাখানি দারোগা পরিতোষের আর লাল রংয়েরখানা জমাদার কামাখ্যা মুখার্জীর। সামনেই প্রকাণ্ড একটি আশ্রুবুক, তার নীচে বাঁশের মাচা। বলে হাওয়া খাওয়া যেতে পারে। ওপারে বাঁশের চেগার দিয়ে ঘেরা সারি সারি বাড়ী। বোধহয় কিশোরীবাবুর ও নায়েববাবুরের। যাক্, ভদ্রলোক আছেন তাহলে খানসামা গ্রামে।

একটু পর যেই বাসার মধ্যে পা দিয়েছি, অমনি আবার বাইরে শোনা গেল হাঁক : উই মাছ নিবেন বাবু?

উই মাছ? কই, এ মাছের নাম তো শুনিনি কোথাও। বিশ্বেশ্বরবাবুও এ নামে কোনো লোকাল মাছের নাম তো করেননি কাল। যাক্গে, সোজা জবাব দিয়ে দিলাম : না, না, উই মাছ-টাছ চাই না।

বলে আবার ঘরে প্রবেশ করছিলাম, এমন সময় ওঘর থেকে চোখ মুছতে মুছতে বেরিয়ে এলেন বিশ্বেশ্বরবাবু : ও কি মশাই, মাছ তাড়িয়ে দিলে থাকেন কি?

বললাম : দূর মশাই, উই মাছ কি খাত্ত?

না, অখাণ্ড।—বলে বিশ্বেশ্বরবাবু ডাকলেন মাছওয়ালাকে। তারপর তার কাঁকা নামিয়ে ডালাটা সরিয়ে ফেলতেই দেখলাম মাঝারী সাইজের সব রুইয়ের বাচ্চা।

জিজ্ঞেস করলাম : কোথায়, তোমার উই মাছ কোথায় ?

বিরক্তি প্রকাশ করলো মাছওয়ালার : ক্যানে চোখং দেখিবার পান না ?

তাহলে কি রুই মাছই এদেশে উই মাছ ? পরে বিশ্বেশ্বরবাবুর মুখে শুনলাম, কথাটা সত্য। এই বাহের দেশে ‘র’ অক্ষরটি শব্দের প্রথমে থাকলে তার উচ্চারণ হয় ‘অ’, আবার ‘অ’ থাকলে হয় ‘র’। উদাহরণস্বরূপ বলা যেতে পারে, আমবাবুর রামবাগানে ইত্যাদি ইত্যাদি।

বাঃ, চমৎকার দেশে এসে পড়েছি তো ! বহরমপুর বন্দীশিবিরে তো উত্তর-বঙ্গের, এমন কি, এষ্ট দিনাজপুর জেলারই অনেক বন্দীর সঙ্গে পরিচয় ও বনিষ্ঠতাও হয়েছে। স্বয়ং করালীকান্ত বিশ্বাস এই দিনাজপুরেরই। কিন্তু তাঁদের মুখে তো এই ছুটি অক্ষরের এমনি হৃদশা শুনি নি !...

বিকলে হাট। চাকর নেই। স্তূতরাং বেরিয়ে পড়লাম বিশ্বেশ্বরবাবু ও আমি। এসে আবার রান্না করবেন তিনি ! বেশ বড় হাট বলা যায়। তরিতরকারি, মাছ প্রভৃতি সবই প্রচুর উঠেছে। কতকগুলো মাড়োয়ারীর দোকান দেখলাম। সেগুলো প্রায়ই মণিহারী, কাপড়ের বা পাইকারী ও খুচরা মুদীর দোকান। বিশ্বেশ্বরবাবু সবার সঙ্গে আমার পরিচয় করিয়ে দিতে লাগলেন। কুঞ্জলাল আগরওয়ালার, বামুদেব ঘোষ, মতিলাল সমাদ্দার, লাটু বিশ্বাস, স্মানিটারী ইনসপেক্টার অমূল্য গুপ্ত, রঘুপদ হাজরা প্রভৃতির সঙ্গে নমস্কার ও প্রতি-নমস্কার শেষ করে বিশ্বেশ্বরবাবু বললেন : কিন্তু বড়দা’কে তো দেখছি না।

প্রশ্ন করলাম : বড়দা’ ?

হঁ। বড়দা’, চাটার্জী পরিবারের বড় ছেলে। খানসামার সবারই বড়দা’। হাটে তাঁর আসা চাই-ই। তাঁর বাবা তারকবাবুও আসেন বা অজ্ঞাত ভাইরাও আসেন। কিন্তু যত লোকই আসুক, বড়দা’ আসবেনই এবং কিছু-না-কিছু সওদা করে ঠকে যাবেন অথচ বাড়ীতে গিয়ে উচ্চৈঃস্বরে দাবী প্রতিষ্ঠা করবার চেষ্টা করবেন যে, তিনি ঠকেননি। কোনো দোকানীর সাধ্য নেই যে তাঁকে ঠকায়। জীবনে ঠকেননি তিনি।

বিশ্বেশ্বরবাবু হেসে বললেন : ভারী সরল ও সোজা মানুষ।

কিন্তু চাটার্জী পরিবারের কাউকে দেখা যাচ্ছিল না বলে উদ্বেগ প্রকাশ করছিলেন তিনি। আমাদের কেনবার দ্রব্য সামান্য। আলু পটল ও কিছু মাছ নিলেই চলবে। তাই ইতস্ততঃ ঘুরে বেড়াতে বেড়াতে অকস্মাৎ একসময় বলে উঠলেন বিশ্বেন্দ্রবাবু : ঐ যে, পণ্ডিতকে দেখা যাচ্ছে কালুবাবুর দোকানে, চলুন।

কিন্তু ধীর সন্মুখে এসে দাঁড়ালাম, পণ্ডিত বলে তাঁকে কিছুতেই স্বীকার করা যায় না। বয়স বাইশ-তেইশের বেশী হবে না, ক্লিন শেভ, বড় বড় চুল ব্যাক ব্রাশ করা, কোছা-আঁটা পাতলা ধুতি ও গায়ে সাদা হাফশার্ট, কলারটি তোলা আর পায়ে আধুনিক স্ট্রাওয়েল। কীভাবে ইনি স্কুলের হেডপণ্ডিত হবেন? হেড-পণ্ডিত বলেতেই যে মূর্তিটি চোখের সামনে ভেসে ওঠে, তা হচ্ছে—অস্তিত্ব : চল্লিশ বছর বয়স, স্বল্প তেল চিটচিটে উত্তরীয়, মুণ্ডিত বা কদম-ছাঁট মস্তকের দীর্ঘ শিখাগ্রভাগে জবা ফুল, অস্তিত্ব : সাতদিন ক্ষৌরকারের সঙ্গে সাক্ষাৎ হয়নি, বেশ সুডোল একটি ভুঁড়ি, তার ওপর লম্বমান স্বেদসিক্ত ময়লা যজ্ঞোপবীত, পায়ে বিছাসাগরী বা সাধারণ চটি, হয়তো কোনো তর্কচঞ্চু অথবা বিছাদিগ্গজ ! কায়দাভরস্ব অতি আধুনিক ফিটফাট বাইশ বছরের ছোকরা কী করে স্কুলের হেড-পণ্ডিত হতে পারে ?

পরিচয় হলো এবং নানা কথার মাঝখানে চিন্তাবাবু যখন পকেট থেকে বার করে একটি বিড়ি অফার করতে চাইলেন, তখন না হেসে পারা গেল না। বললাম : এই একটিমাত্র নিশানা রেখেছেন হেডপণ্ডিতের—বিড়ি, the only indication.....

খুব অল্প দিনের মধ্যেই বেশ জমিয়ে ফেলা গেল। এ-বাসা ও-বাসা করে বেশ কাটিয়ে দিই সকালটা, দুপুরের আহ্বারের পর নিদ্রা আর বিকেলে থানা কম্পাউন্ডে ভলি খেলা। পূর্বেই বলেছি বহরমপুর বন্দীশিবিরে ভলি খেলায় নাম ছিল আমার। অবশ্য তিন বছর আর অভ্যাস নেই। তথাপি কয়েকদিনের মধ্যেই আবার হাত খুলে গেল। গ্রামের অনেকেই খেলতে আসেন। সেখানেই নতুনদের সঙ্গে পরিচয় হয় এবং আরও আড্ডা মারবার স্থান পাওয়া যায়।

দারোগা পরিতোষও আসেন। খেলবার স্টাইলটি তাঁর একেবারে নিজস্ব। প্রত্যেকটি বল ফেরাবার জন্তু তিনি প্রায়ই কামান দাগেন দু'মুষ্টি একত্র করে এবং ফলে ওভার-বাউণ্ডারী চাপ হয় বটে, কিন্তু হেরে যেতে হয়।

অমূল্য গুপ্তও আসেন এবং চেষ্টা করেন তাঁর ভুঁড়ি নিয়ে লাফিয়ে চাপ মারতে। কিন্তু মুশকিল হচ্ছে চাটাজ্জী পরিবারের ছেলেদের নিয়ে। সেজভাই নীরদ মাইল ছয়েক দূরে বীরগঞ্জ গ্রামের পোস্টমাস্টার। বিকেলে অফিস বন্ধ করে প্রায়ই চলে আসেন সাইকেলে, রবিবার হলে তো আসবেনই। মেজভাই প্রমোদ মাইল বারো দূরে একটি স্কুলের হেডমাস্টার। রবিবার তিনি আসবেনই এবং ফিরে যাবার সময় প্রায়ই সোম চলে যায়, মজলও কখনো কখনো। তাই তিনিও আসেন। আর সত্যরঞ্জন অর্থাৎ বিলু তো বাড়ীতেই থাকে, হোম ইনটর্নড। এবার ম্যাট্রিক দেবে প্রাইভেটে। কিন্তু মুশকিল হচ্ছে এঁরা প্রত্যেকেই প্রায় ছ' ফুট দীর্ঘ। ফলে নেটের ওপর দিয়ে চাপ মেরে প্রতিপক্ষকে ঘায়েল করা এঁদের পক্ষে অত্যন্ত সহজ। এঁরা যদিও থাকেন, সেদিকের জয় অবধারিত বলা যায়।

খেলার পর ফিরে এসে আমরা বেশ করে স্নান করি কুয়ার জলে। তারপর রাঁধতে বসেন বিশ্বেশ্বরবাবু। একেবারে পাকা রাঁধুনী। তবে শাকসবজি বা লতা-পাতা ডাঁটার জাবোদা রান্না নয়, কালিয়া, কোন্দী, দোপেরঁরাজী, তা না হলে ডিমের ডালনা বা পটলের দোলমা রাঁধতে সিদ্ধহস্ত তিনি। জানা গেল, দেশের নেতারা চট্টগ্রাম শহরে গেলে রান্নাঘরের একচ্ছত্র আধিপত্য ছেড়ে দেওয়া হতো তাঁর ওপর। হাতা-খুস্তি নাড়তেন অবশ্য মেয়েরাই, কিন্তু রন্ধনশালার একমাত্র হাইকোর্ট ছিলেন তিনিই। খাবার পর আম গাছের নীচে মাচার ওপর বসে বা শুয়ে চলে আমাদের গল্পগুজব যতক্ষণ খুশী ততক্ষণ।

ছ'এক মাসের মধ্যেই বেশ খাপ খাইয়ে নিলাম পারিপার্শ্বিকের সঙ্গে। গাইডের কাজ করতে লাগলেন বিশ্বেশ্বরবাবু এবং তা কৃতিত্বের সঙ্গে।

যেদিন ভলি খেলা হতো না অথবা হলেও, কোনো কোনোদিন খেলতে ভালো লাগছে না বলে একটা ওজর দেখিয়ে ছ'জনে বেরিয়ে পড়তাম গ্রামের পথে। বন্দরের ভিড় পৃষ্ঠাতে রেখে এগিয়ে যেতাম যেকোনো দিকে যতদূর খুশী। বাঁধানো রাজপথ নয়, খোয়া ও গ্রাসফালটামের কেরামতি নয়, মেঠো পথ, ধূলোবালিতে ভর্তি, গরুর গাড়ীর চাকায় ছ'পাশে তৈরী দুটি সরু ড্রেন-এর মতো, এষড়ো-থেবড়ো, কোথাও কাঁটা গাছ, কোথাও কোনো গাছের ডাল নেমে এসেছে পথের ওপর। সাবধানে পা ফেলতে হয়, সতর্কতায় সঙ্গে সঙ্গে এগিয়ে যেতে হয়।

তবু ভালো লাগে গ্রামের পথে হাঁটতে। আম বাগানের পাশ দিয়ে এগিয়ে গিয়ে বাঁশবনের নীচে দিয়ে এই পথটা সম্মুখের ঐ মাঠ পেরিয়ে কোথায় গেছে, দেখতে ইচ্ছে করে। কোথায় যাবো, কতদূর যাবো, কেন যাবো, কিছুই ঠিক না করে বেরিয়ে পড়তে ইচ্ছে করে গ্রামের মেঠো পথে। কত নাম-না-জানা ফুল ফুটে রয়েছে নিভতে, কত নাম-না-জানা গাছ, গাছের ডালে কত নাম-না-জানা পাখী, সে পাখীর কি বিচিত্র কলরব! খুলো হাঁটু পর্য্যন্ত উঠে আসে, বজুর পথে হাঁচট খেয়ে ব্যথা লাগে, ঘামে গায়ের জামা ভিজ়ে যায়, তবুও আমরা হাঁটি, শুধু হাঁটি।

বিশ্বেশ্বরবাবু যেমন গ্রামের ছেলে, তেমনি আমিও। চট্টগ্রাম তাঁর দেশ। হয়তো সেখানকার গ্রামে পাহাড়-পর্বত নদী-নালায় প্রাকৃতিক দৃশ্য আরও সুন্দর। আমার দেশ বিক্রমপুরে। বর্ষাকালের কথা বাদ দিলে আমার গ্রাম গ্রাম এমনিই হবে। এই খানসামা গ্রামের মুকুরেই যেন আমি কেন্দ্রস্থালীর সৌন্দর্য্য প্রতিবিম্বিত দেখতে পেতাম! এখানকার নৈসর্গিক রূপ-ঐশ্বর্য্য পিপাসার্ত্ত হুই চক্ষু দিয়ে প্রাণভরে পান করতাম। এখানকার বাতাসে যেন কেন্দ্রস্থালীরই চেনা সুবাস ভেসে আসতো!

কুড়ি

কিন্তু প্রবাদ আছে যে, যে ডাকাত, সে হাতের কাছে আর কিছু না পেলেও কচুগাছ কেটেও অভ্যেসটা বজায় রেখে যায়। আমারও হলো তাই।

প্রথমেই স্থির করলাম চার্টার্জীদের ঐ স্বগৃহে অন্তরীণ ভাই বিলুর সঙ্গেই করতে হবে পরিচয়। প্রকাশ্যে নয় গোপনে। কোন্ দলের সভ্য সে, অমুশীলন, না যুগান্তর, কোন্ গ্রুপের কর্মী, তা জানা না থাকলেও বহরমপুরে থাকাকালীনই জানতে পারা গিয়েছিল যে, দলীয় সচেতনতা উত্তরবঙ্গের কমিউনিস্টদের মধ্যে তখনো তেমন তীব্র হয়ে দেখা দেয়নি। বিপ্লবী দলে যোগ দিয়ে অনেক কাজ, অনেক দুঃসাহসিক কাজও তাঁরা করেছেন, কিন্তু বাংলা দেশে তখন যে অমুশীলন ও যুগান্তর নামে দুটি রুহৎ বিপ্লবী দল ছিল এবং তাদের অন্তর্ভুক্ত ছিল অসংখ্য দল, উপদল, গ্রুপ, উপ-গ্রুপ, এসব সংবাদ তাঁরা রাখতেন না অথবা এসব সংবাদের অস্তিত্ব সর্বক্ষেই তাঁদের কোনো ধারণা ছিল না।

সুতরাং বিলু এর ব্যতিক্রম হবে কেন? যদিও হয়, তাহলেও তাকে আমার আওতায় টেনে নিতে বেগ পেতে হবে না। তারপর ওরই মারফত সূঁচ হয়ে প্রবেশ করবো এই গ্রামে। কে জানে, হয়তো এই সুদূর দিনাজপুর জেলার খানসামা গ্রামেই একদা স্থাপিত হবে বেঙ্গল ভলান্টিয়ার্সের একটি প্রাণবন্ত শাখা। বিশ্বেশ্বরবাবুকে বললাম সব। অমুশীলনের হলেও আমার কাজে বাধা দেওয়া তো দূরে থাক, বরং কোনো সুযোগ-সুবিধা করে দেওয়া তাঁর করায়ত্ত হলে তাও করে দিতে স্বীকৃত হলেন। সেই দলাদলির যুগে ও সুতীব্র দলীয় চেতনার যুগে এমনি উদারতা ছিল চিন্তার অতীত। স্পষ্ট ছুটি বিরোধী দলের সভ্য হয়েছে খানসামার অন্তরীণ জীবন আমাদের পারস্পরিক সখ্য ও সহযোগিতায় মধুময় হয়ে উঠেছিল।

বিলুর সঙ্গে রাজনৈতিক পরিচয় হলো গ্রামের বাইরে কুটবল খেলার মাঠের ধারে একটি ঝোপের আড়ালে। কোনো উপক্রমণিকার প্রয়োজন ছিল না, প্রয়োজন ছিল না কোনো আলোময়ী ভাষার। দেশপ্রেমের আগুন আগে থেকেই যার বুকে ধিকি ধিকি জ্বলছে তুঘের আগুনের মতো, সেখানে প্রয়োজন শুধু তাতে ইন্ধন জোগানো। তাহলেই সেখান থেকে একদিন প্রসারিত হবে সর্বগ্রাসী

আগুনের লোল জিহ্বা। আবার জল ফুটে উঠবে, স্তম্ভ তৈরী হবে, আবার সংগঠন-পট্টমারের প্রপেলার ঘুরবে!.....

বিলু বললো : খানসামা গ্রামে ছেলের চাইতে অনেকগুলো ভালো ভালো মেয়ে আছে, বাদেই নিয়ে চমৎকার একটা অর্গানাইজেশন গড়ে তোলা যায়। তাদের মধ্যে কেউ প্রাইভেট পড়ে ম্যাট্রিক দেবার জন্ত, কেউ তাও পড়ে না। তথাপি ওদের দিয়ে কাজ করানো যাবে।

বললাম : কোথায়, একজনকেও তো এই ক'মাসে দেখেছি বলে মনে হচ্ছে না।

দেখেছেন, হয়তো লক্ষ্য করেননি। তারা কিন্তু সবাই দেখেছে আপনাকে ও বেশ উৎসাহী হয়ে উঠেছে আপনার সম্বন্ধে। আপনাদের নন-অফিসিয়াল ভিজিটর কিশোরী বোয়েরই ছুটি নাতনী আছে—শান্তি আর ছুটন।

ছুটন ?

হ্যাঁ ছুটন। ভাল নাম লীলাবতী। তারপর চাঁদপুর কাছারির নায়ের উমাচরণ সেনের ছুটি মেয়ে আছে—বীণা ও রেণু। রেণু প্রাইভেটে ম্যাট্রিক দেবে। তারপর আমাদের বাড়ীর উন্টো দিকে ভবেন সান্ম্যালের আছে একটি মেয়ে—বিলু।

বিলু—মেয়ে ?

হেসে জবাব দিল বিলু : হ্যাঁ, বিলু ছেলে আমি আর সে বিলু মেয়ে। এ দেশের নামগুলো এমনি অদ্ভুত দ্বিজেনবাবু। আষাঢ় মাসে জন্ম হলে তার নাম রাখা হয় আষারু। বৈশাখে হলে বৈশাখু। সোমবার জন্ম হলে সে হয় সোমারু। রাত পোহালে তার নাম রাখা হয় পোহাতু। ছোটবেলা যে কাঁদে, সে হয় কান্দুরা। এমনি সব।

নামাবলী শুনে কিছুক্ষণ হাসা গেল হু'জনে। তারপর বিলু বলতে লাগলো : আমার বড়দীর মেয়ে আছে, টুকু। তবে সে বড়লোকের কন্যা, সহজে হাত করা যাবে না। আর আছে আমার ছোট বোন খুকু।

বয়েস খুব কম বুঝি ?

না, না, কম নয়।—বলতে লাগলো বিলু : তবে হ্যাঁ, মাস্টারী করছে একেবারে এগারো বছর বয়স থেকে, তখনো ফ্রক পরতো। আমাদেরই বৈঠকখানায় ক'জন মেয়ে নিয়ে একটা কোচিং ক্লাসের মতো খুলেছিল। তারপর

বৃত্তি পরীক্ষায় তিনটি মেয়ে বৃত্তি পাওয়ার স্কুলটি এবার গভর্নমেন্ট এইড পাচ্ছে। এবং সারা দিনাজপুর জেলার সবগুলো মেয়ে এল পি স্কুলের মধ্যে সবার চাইতে বেশী এড পায় আমার বোন খুকু। বয়স সতেরো-আঠারো হতে পারে। ভাল নাম শিশিরকণা।

কিন্তু মেয়েদের অর্গানাইজেশন? শুধুই মেয়ে?...একটু ভাবনায় পড়লাম বৈ কি! জীবনে শুধু ছেলেদের অর্গানাইজেশনই করে আসছি। পথেঘাটে, ট্রেনে, স্টীমারে, হাটে বাজারে যেখানেই সুযোগ পেয়েছি, বিপ্লবের অগ্নিকণা ছড়িয়ে দিচ্ছি ছেলেদের অন্তরে। কিছু কিছু কণা নিভে ছাই হয়ে যাচ্ছে সত্য, কিন্তু অনেকগুলোই এখনো জ্বলছে। কোনোটা জ্বলছে ধিকিধিকি, কোনোটা হয়ে উঠেছে গনগনে, কোনোটা শিখা বিস্তারের নেশায় মাতাল হয়ে উঠেছে, কোনোটা সত্যিই লেলিহান, আগ্নেয়গিরি সৃষ্টি করেছে কোনোটা!...কিন্তু সে সবই ছেলে।

আগুন ছড়াতে গিয়ে মেয়েদের কি সাক্ষাৎ পাইনি? তারাও কি অঞ্জলি-ভরে চারুনি আগুনের আশীর্বাদ? অগ্নিমন্ত্রে দীক্ষা নেবার আকাঙ্ক্ষায় তারাও কি পাগল হয়ে ওঠেনি? জানি, সবই সত্য, ছেলেদের পাশাপাশি মেয়েরাও বেরিয়ে এসেছে আত্মবিসর্জনের পথে। কিন্তু শুধুই মেয়েদের সংগঠন? খুব অসুবিধা হতো না যদি কোনো মেয়ে ভার নিত এই সংগঠনের। আমরা ছেলেরা থাকতাম নেপথ্যে, সেখান থেকেই এদের পরিচালনা করতাম। হয়তো তাই শেষ পর্যন্ত করতে হবে।

কিন্তু এই অজানা অচেনা গ্রামে অপরিচিত পরিবেশে মেয়েদের সংগঠন গড়ে তোলার ঝুঁকি নেওয়া কি যুক্তিযুক্ত হবে? ইতস্ততঃ করতে দেখে বিলু সোৎসাহে বলে উঠলো: কোনো অসুবিধে হবে না। সব আমি ব্যবস্থা করে দেবো দ্বিজনবাবু। প্রত্যেকের বাড়ীতে নিয়ে গিয়ে একেবারে পরিবারের সঙ্গে আপনাকে মিশিয়ে দেবো। এদের বাবা-মাদের প্রায়ই আমরা মেসো-মাসী বা কাকা-কাকী বলে ডাকি। স্মৃতিরঞ্জে কেউ সন্দেহ করতে পারবে না।.....

তথাস্তু।

এর পরই বেরিয়ে পড়লাম গ্রামে। আর পথে পথে নয়, এবারে বাড়ীতে বাড়ীতে। বন্দরের মাড়োয়ারী গদাগুলোতে হানা দিলাম। তাদের সঙ্গে পরিচয় হলো। বাঙালী দোকানদারদের দোকানে প্রায়ই বাতায়াত গুরু করলাম।

বার কয়েক দোকানে দেখা হবার পর স্বাভাবিকভাবেই বাড়ীতে পায়ের ধুলা দেবার অত্মরোধ এল। সেসব অত্মরোধ তৎক্ষণাৎ রক্ষায় তৎপর হয়ে উঠলাম। গোটা কয়েক তুচ্ছ দাবী নিয়ে একদিন আমাদের নন-অফিসিয়েল ডিজিটর ডাক্তার কিশোরী ঘোষের বৈঠকখানাতে গিয়েই হাজির হলাম। তারপর আর দাবী নয়, সৌজন্যমূলক সাক্ষাৎ। বৈঠকখানাতেই নানা গল্প ও চা-জলখাবার। ক্রমে বৈঠকখানার গভী অপসারিত হলো এবং ডাক্তার ঘোষের পুত্রবধূর আমার বৌঠান হয়ে পড়লেন।

পাশের কাছারি বাড়ীতে দুপুরে তাসের বৈঠক শুরু হলো। জমে উঠলো আড্ডা। ঝাঁরা আসতে লাগলেন, তাঁদের সঙ্গে পরিচয় হলো, তারপর পার্টনার হয়ে খেলা চললো, অন্তরঙ্গতা হলো, তারপর একদিন গরীবের বাড়ীতে চা খেতে যাবার আমন্ত্রণ এলো।

একটি লোকও সন্দেহ করতে পারলো না যে, এই নতুন-আসা রাজবন্দীটির মনে মনে কোনো পরিকল্পনা আছে!...

কিন্তু একজন বেশ সন্দেহ করতে লাগলেন। তিনি আর কেউ নন, পরিতোষ দারোগা। গ্রামের মধ্যে আমার জনপ্রিয়তা সহ হচ্ছিল না তাঁর। যে বাড়ীতে যাই, সেখানেই সবাই আদর করে অভ্যর্থনা করেন আমার, সবাই ঘিরে বসেন, দেশবিদেশের কত গল্প শোনেন, মেয়েরা গান করে, ছোটরা এসে কোলে চেপে বসে, বাড়ীর ভাদ্রবধূরাও আমার সঙ্গে হাসিগরিহাস করেন, প্রায়ই চা পানের বা আহার করবার নেমস্তম্ভ আসে...এর প্রত্যেকটি ঘটনা পরিতোষের গানে এক একটি ফোঁকা পরিণত হইল যেন উত্তপ্ত লোহার শিক ছুঁইয়ে ছুঁইয়ে! এর পর যখন সে স্তন্যদেয় পেল পূজার সময় যে নাটকান্ধন হইবে, আমিই তার অন্ততম উদ্ভোক্তা, সংগঠক ও নাট্যপরিচালক এবং যখন দেখতে পেল যে, প্রতিদিন অপরাহ্নে আমারই উপস্থিতিতে মতিলাল সমাদ্রের কাছারি বাড়ীতে পুরোদমে মহলা হচ্ছে, পরিতোষ তখন প্রায় উন্মাদ হয়ে উঠলো!

কেশিয়াড়ীর ক্ষীরোদ দত্তের মতোই পরিতোষ চরিত্রহীন। তবে ক্ষীরোদের চরিত্রহীনতায় অনেকখানি সাহস আছে, আছে বেপরোয়াভাব। লালসায় মাতাল হয়ে সে যেখানে খুশী হানা দেবে, আবার তার ফলে মার খেয়ে ড্রেনে পড়ে থাকতেও তার লজ্জা নেই। কোনো মেয়ে প্রকাণ্ডে তার গণ্ডে স্ৰাণ্ডেল প্রহার করলেও ক্ষীরোদ দারোগা তার আঁচলের বর্ণনায় মেতে উঠবে। আর

পরিতোষ অনেকটা ঘিয়ে-ভাজা কুকুরের মতো। অস্থিচর্মসার, রোগজর্জর ! অণ্ড লোভ আছে সীমাহীন। ঘেউ ঘেউ করে দাবী জানাবার মতো হিম্মৎ নেই, তাই ঘ্রাণের টানে মাটি শুঁকতে শুঁকতে ব্যাটা ঘুর ঘুর করে ঘুরে বেড়ায়। কাছে গিয়ে আফ্লাদে লাজ নাড়ে নয়, লাজই তাকে নাড়ায়। বিরক্ত হয়ে যদি লাথি মারা যায়, তাহলেও প্রস্থান করতে চাইবে না। চার পা হটে গিয়ে কেঁউ কেঁউ করে কাঁড়নি গাইবে, তারপর আবার শুক শুক করে মাথা নীচু করে ছ'পা এগিয়ে আসবে প্রসাদের প্রত্যাশায় !...

ক্ষীরোদ গৃহিণীকে দেখেছি দ্ব্যর্থহীনভাষার বরাবর স্বামীর চরিত্রহীনতার নিন্দা করতে। নিষ্পাপ মহিষসী মহিলা কোনোদিন স্বামীকে ক্ষমা করেননি। সাধ্যমতো বাধা দিতে চেষ্টা করে হয়তো কচিং কৃতকার্য হয়েছেন, ক্ষোভে দুঃখে নিরুপায়ের মতো দেবতার উদ্দেশ্যে মাথা ঝুঁড়েছেন, হয়তো লম্পট স্বামীর ঘর করার চাইতে মৃত্যুকেই কামনা করেছেন। আর পরিতোষ গৃহিণী ঠিক তাঁর বিপরীত। চরিত্রহীন স্বামীর প্রকৃত সহধর্মিণী। সহজ ভাষায় বাকে বলা যায় দালাল। কেশিয়াড়ীর হরিমতীর মতো। হরিমতী ছিল ক্ষীরোদের দালাল। বাড়ীর কর্তীর চোখে ধুলো দিয়ে তার পক্ষে দালালী চালানো কিছুটা কঠিন ছিল বটে, কিন্তু এখানে বাধা দেবার আব কেউ নেই। লাম্পটে স্বামী-স্ত্রী একেবারে হরিহর আত্মা !...

ভদ্রলোকদের বাড়ীতে টোপ ফেলবার কায়দাটা পরিতোষের ভারী কৌতুকপ্রদ ও অভিনব বলা যায়। যে বাড়ী টারগেট ঠিক করা হয়, প্রথমে তাঁর সহধর্মিণী সেখানে যাতায়াত শুরু করে দেন। কোথাও তিনি মাসী, কোথাও কাকী, কোথাও জ্যেষ্ঠা, কোথাও আবার মামীও বটে। দশমহাবিছার মতো। কিন্তু তাহলে কী হবে ? বাড়ীর অবিবাহিতা বড় মেয়েটির যেন তিনি সমবয়সী, যেন সমপাঠিনী, যেন কতকালের বান্ধবী, একেবারে মাই ডিয়ার মাসীর মতো ! জমিয়ে নিতে খুব দেয়ী হয় না। তারপর একদিন মহা দুঃখ করে বিনিয়ে বিনিয়ে আধা পূর্ব ও আধা পশ্চিমবঙ্গীয় ভাষায় বলেন : তোদের বাড়ীতেই তো খালি আসি, কিন্তু ছুটুন, আমাগো বাসাতেও তো একবার যেতে পারিস্। তব্ মামা কত দুঃখ করে—ছুটুন আসে না। কাউলকা বিকেলে তরে বুঝি দেখছিল চাঁদপুরের দিকে যেতে। বললো, কি সোন্দর লাগ রংয়ের শাড়ি পরছিলি !—যাবি নাকি রে ?

অনেকবার অনুরোধ জানাবার পর তারপর একদিন ছুটন যায় হয়তো। তার পরই আসে ঘিয়ে-ভাজা কুকুর-মামা পায়ের কাছে পদলেহনের অনুরোধ জানাতে। চারিদিকে প্রদক্ষিণ করে স্বযোগের অপেক্ষায়। কিন্তু মুখে কথা কোটে না, তাই একসময় এসে একটুখানি গায়ের গন্ধ নিয়ে যায় কিংবা হয়তো লকলকে জিভ ঠেকিয়ে দিয়ে যায় পায়ের আঙ্গুলে। হয়তো লাথি মারে ছুটন, হুঁপায়ের ফাঁকে তখন ল্যাজ ঝুঁজে কেঁউ কেঁউ করতে করতে বেরিয়ে যায় ঘিয়ে-ভাজা কুকুর পরিতোষ দে।

আবার হয়তো একদিন পরিতোষিণী (পরিতোষ দারোগার জীকে সবাই এই নিক্-নেম দিয়েছিল) গিয়ে হাজির উমাচরণ সেনের বাড়ীতে।

কি বে রেণু, কি করিস ?

উমাচরণ সেনের অনুঢ়া কণ্ঠা প্রবেশিকা পরীক্ষার জ্ঞাত প্রস্তুত হচ্ছে। খাতাখানা বন্ধ করে বললো : অঙ্ক করছি মাসীমা।

টেবিলের সম্মুখে দাঁড়িয়ে পরিতোষিণী রেণুর মুখের দিকে এবং তারপরই বন্ধ-করা খাতাটার দিকে সন্দেহের চক্ষে চাইলেন। তারপরই তাৎক্ষণিক কয়েকটি মূলোদাত বার করে হি হি করে হেসে উঠলেন : হ—অঙ্ক করতেছিস, না মুণ্ডু করতেছিস। খাতার মধ্যে কি লুকোচলি দেখি !

রেণু বললো : কিছুই না মাসীমা।

কিছুই না বললেই পরিতোষিণী তাতে কর্ণপাত করবেন কেন ? ঝপ করে চেয়ারে বসে পড়লেন, তারপর মুখ টিপে টিপে হেসে বললেন : আরে, তোদের বয়সে আমরাও অমনি গুরুজনের দেখে দন্ ক করে খাতা বন্ধ করছি আর বলছি, অঙ্ক করছিলাম মাসীমা।—তারপর খোলা দরজা দিয়ে একবার ফাঁকা উঠানে দৃষ্টি ফেলে নিয়ে নিশ্চিত হয়ে বললেন একটুখানি অন্তর্দৃষ্টি : একবার তো ধরা পড়ে গোলাম পিসিমার কাছে। চার পৃষ্ঠা পত্র সব শেষ করেছি, এমন সময় পা টিপে টিপে পিছন থিকা এসে পিসিমা একেবারে খাবলা দিয়ে খাতাশুদ্ধ পত্রখানা কেড়ে নিলেন। কত পায়ে ধরলাম, কোনো কথাই শুনলেন না, সোজা নিয়ে গেলেন মায়ের কাছে। পত্র পইড়া মা আমার চুলের ঝুঁটি ধরে পিটি দিলেন আর সেই ছেলোটোরও আমাদের বাড়ীতে আসা বন্ধ হলো।—আরে, তোদের বয়সে ওরকম হুঁচারখানা চিঠি আমরাও লিখছি। দেখা না রেণু, কারুকে কবো না।

রেণু ভারী লজ্জা পেল। বললো : সত্যি বলছি মাসীমা—

আবার ছুটো মূলো-দাঁত দেখা গেল মাসীমার : আরে, লজ্জা পাস কেন ? ওতে দোষ নেই। যে বয়সের যা ধর্ম ! তবে হ্যাঁ, উনি কন, তোমারে আরও একবার বিয়ে দেয়া যায়।—তারপরই আবার মুচকি হাসি : অখনোও একেবারে ফুরিয়ে বাইনি, কি বলিস রে রেণু, তাই না ?

পূজনীয়া মাসীমা স্নেহের পাত্রী বোনঝির সঙ্গে নিজের বিগত যৌবন ও বিস্মৃত রোমান্সের সরস আলোচনায় এমনভাবে ডগমগ হয়ে উঠলেন যে, রেণু আর তিষ্ঠিতে পারছিল না। সে উঠে দাঁড়াতেই পরিতোষিণী এবার দালালী টোপ ফেলতে তৎপর হয়ে উঠলেন : শোন্, শোন্ রেণু, তোর মেসো বলে, খানসামা বন্দরে যতগুলো মেয়ে আছে ন্না, তাদের সকলের মধ্যে সেরা মেয়ে রেণু। ভালোমন্দ রান্না হইলেই তবু কথা, আহা, রেণু এলে ভালো হতো। আমার জ্ঞত আনছে রঙীন ব্লাউজ, বলে, এই রংয়ে রেণুরে খুব ভালো মানায়। তবু লইগা মেসোর চিন্তার আর সীমা নেই। একবার গেলেই তো পারস্ আমাদের বাসায়।

এমনি বার বার অনুরোধ এড়াতে না পেরে হয়তো রেণু একদিন বিকেলে যায় বেড়াতে। গেলেই লম্পট মেসো একেবারে গদগদ হয়ে অভ্যর্থনা জানায়। মোসাহেবরা যেমন তাদের বাবুর শ্রীচরণের ছুঁচো হয়ে থাকতে পারলেই জীবন সার্থক মনে করে, তেমনিভাবে পরিতোষও যেন তার তৃষিত বক্ষ প্রসারিত করে দেয় রেণুর শ্রীচরণের স্পর্শ পাবার কামনায়। হয়তো বেশ স্পষ্ট করেই পায়ের ছাপ ফুটে ওঠে তার সর্বাঙ্গে। তবুও লজ্জা নেই, সঙ্কোচ নেই, মান-মর্যাদার আদৌ বালাই নেই পরিতোষের। খানসামা বন্দরের মেয়েদের স্তাণ্ডেল অনেকবারই পড়েছে ওর পিঠে ও গালে, তবুও শিক্ষা হলো না এই নরাধমের, শিক্ষা হলো না ওর দ্বার।...

সমস্ত সংবাদ সংগ্রহ করলাম বিলুর কাছ থেকে এবং এমনি চাঞ্চল্যকর ঘটনাগুলি জানবার পর থেকেই খানসামা গ্রামে মেয়েদের একটি আদর্শমূলক সংগঠন তৈরী করবার কাজে বিশেষভাবে আত্মনিয়োগ করলাম।

আমার সঙ্গে মেয়েদের পরিচয় হবার পর পরিতোষিণী ব্যবসা আর বিশেষ জম্মাতে পারলেন না। মন্দা পড়তে লাগলো। মেয়েদের মধ্যে তখন এসে গেছে নতুন ভাবের জোয়ার। তারা ইতিহাস পড়ে, ব্যায়াম চর্চা করে, ভোরবেলা

দল বেঁধে বেড়াতে বেরোয় খানসামা বন্দরের বুকের ওপর শত গোড়া ও সক্ষীর্ণ দৃষ্টির সম্মুখ দিয়ে, তাদের সাপ্তাহিক আলোচনা সভা বসে। চাঁদা তোলে, ভালো ভালো বই কেনে, তারা দৈনন্দিন সংবাদপত্র পাঠ করে। এ কাজে নেমেছে সবাই। আত্রেয়ী, শাস্তি, ছুটুন, বাণী, রেণু, ওদের দাদা জ্যোতিষবাবু স্ত্রী, ওদের বিধবা বড় বৌদি এবং এমন কি, স্বয়ং ভবেন সান্যালের কন্যা বিলু!সুতরাং কুকুরের গায়ের ফোঁস পাকতে শুরু করলো। প্রতিশোধ নেবার হিংস্রতায় সে তার ধারালো দাঁত বার করলো।

শেষ চেষ্টা করবার উদ্দেশ্যে পরিতোষিণী বাড়ী বাড়ী গিয়ে এবার আমাদের নিন্দে ছড়াতে লাগলেন। কিন্তু পরিতোষিণী বেশ দেয়ী করে ফেলেছিলেন। নিন্দার দুর্গন্ধময় ভাণ্ড নিয়ে যখন তিনি আসরে নামলেন রণচামুণ্ডা বেশে, প্রতিটি পরিবারেই আমি তখন অমৃতের বাণী শুনিতে ফেলেছি। শুধু শোনাই নয়, দেশাত্মবোধক সেই বাণী ততদিনে পরিবারের প্রত্যেকের কানের মধ্য দিয়ে মর্মে গিয়ে প্রবেশ করেছে। চঞ্চল করে তুলেছে তাদের, ভাবিয়ে তুলেছে, উতলা করে তুলেছে, জীবনের বিস্মৃত ও পরিত্যক্ত একটা অংশ যেন নতুন হয়ে দেখা দিয়েছে, নব উন্মাদনায় তারা যেন থর থর করে কঁপে উঠছে!...

এমনিভাবে বিপ্লবের বীজ যেখানে অঙ্কুরোদগমের স্বপ্নে বিভোর হয়ে উঠেছে, পরিতোষিণীর ছড়ানো ও ছিটানো হলাহল সেখানে কতটুকু ক্ষতি করতে পারবে? তাই নিশ্চিন্ত মনে আমরা ওকে-দেখানো বেপরোয়াভাবে আরও প্রকাশভাবে প্রদর্শনের ব্যবস্থা করলাম। ঢিলের বদলে পাটকেল।

বাসার বাইরেই কাটা হলো ব্যাডমিন্টন কোর্ট। বিকেলে রীতিমতো স্ম্যুট পরে খেলা শুরু করলাম বিশ্বেশ্বরবাবু ও আমি। মাঝখানে ব্রেক দিয়ে হাঁক দিই : বাচ্চা!

বাচ্চা মানে, আমাদের চাকর, আমাদের ঠাকুর, আমাদের বাজার সরকার, আমাদের এ্যাকাউন্টেন্ট! বাচ্চা মানে, বাচ্চা বর্ষগ, দিনাজপুরের জনৈক বাহে।

আমাদের আহ্বান শুনেই বাচ্চা ফোল্ডিং টেবিলখানা বাইরে এনে পেতে দেয়, দু'পাশে ছুটো চেয়ার। তারপর ট্রেতে করে নিয়ে আসে টিফিন—মামলেট বা পোচ বা ডিমের বড়া, আর টি-পট ভর্তি চা। বসে বাই টিফিন করতে। টুকরো টুকরো করে খাই আর খোশগল্প করি। তারপরই র‍্যাকেট হাতেই বেরিয়ে পড়ি রাস্তায়। বেশ দ্রুত প্যারতাম যে, জানালা দিয়ে পরিতোষিণী

সবই লক্ষ্য করছেন এবং জলেপুড়ে মরছেন ! সংবাদও পেতাম যে, বাড়ী বাড়ী গিয়ে মায়েদের কাছে গিয়ে বলতেন : জানেন গো দিদি (কিংবা মাসীমা), ঐ ছুগাই বদের হাঁড়ি । নইলে মাঠে বইসা মামলেট খায় কেন গো ? আমাদের বড়লোকি দেখানো হয় ! পিছা মার অমন ফুটানিরে !

কেশিয়াড়ীতে ছিলাম একা আর এখানে হু'জন । আর এমনি হু'জন বাদের বন্ধুত্ব অটুট । সুতরাং কুটনৌতির সূক্ষ্ম ব্লেডের প্রয়োজন নেই এখানে, সহজভাবে ছুরি দেখিয়েই চলতে লাগলাম আমরা দারোগাকে ও দারোগানীকে ভ্রক্ষেপ না করে । এখানকার এল সি রবি মুখার্জীকে দেখলাম বিধেখরবাবু একেবারে হাত করে রেখেছেন । শুনলাম দারোগা নাকি এই রবিকেই অভ্যেদের মতো গাল দিয়েছিল বলেই প্রাক্তন রাজবন্দী মাদারীপুরের বিজেশ বোস পরিতোষের গণ্ডে স্মাণ্ডেলাঘাত করেছিলেন । সেদিন থেকে রবি রাজবন্দীদের কেনা হয়ে রয়েছে ।

স্মাণ্ডেলাঘাত ও তার পরিণাম পর্কটি ভারী মজার, পাঠকদের তা উপহার দেবার লোভ সংবরণ করতে পারছি না ।

একদিন বেলা প্রায় দশটার সময় থানায় পরিতোষের খুব চটাচটি কানে যাওয়ায় নিছক কোতুহলবশতঃই রাজবন্দী বিজেশ বোস থানায় এলেন । থানার ঘরের পাশেই রাজবন্দীদের কোয়ার্টার্স । সুতরাং পরিতোষের ইংরেজী-বাংলা-হিন্দী মিশ্রিত বকুনির ভাষাটি স্পষ্ট বোধগম্য না হলেও তিনি যে রেগে গেছেন এবং ভয়ানকভাবে রেগে গেছেন, তা বেশ বুঝতে পেরেছিলেন বিজেশ বোস । এসে দেখলেন, সতাই কুরুক্ষেত্র ব্যাপার ! কোটরগত চক্ষু থেকে অগ্নি উদ্গীরণ করে, টেবিলে মুঠাঘাত করে, তর্জনী উঁচিয়ে, দাঁতমুখ খিঁচিয়ে কখনো বাংলা, কখনো হিন্দী, কখনো-বা ইংরেজীতে যাচ্ছেতাই করে বকুনি দিচ্ছেন পরিতোষ আর নিরীহ গোবেচার। এল সি রবি মুখার্জী নীরবেই প্রায় সবটুকু হলাহলই গলাধঃকরণ করছে, শুধু মাঝে মাঝে এক-আধটা কথায় মৃদু প্রতিবাদ জানিয়ে প্রমাণ করতে চেষ্টা করছে যে, যতটা দোষী পরিতোষ তাকে মনে করছেন, ঠিক ততটা দোষী সে নয় ।

বিজেশ নীরবে এসে একখানা চেয়ারে বসলেন এবং নীরবেই এদের অফিসিয়াল কলহ শুনছিলেন । রবিকে তাঁর ভালো লাগতো, হু'জনের মধ্যে পরিতোষের অলক্ষ্যে ও অজ্ঞাতে বন্ধুত্বই গড়ে উঠেছিল । তথাপি, ওদের

চাকরী ও অফিস সংক্রান্ত কোনো ব্যাপারে নাক গলানো উচিত নয় বলেই জানতেন বিজ্ঞেশ বোস।

কিন্তু তিনি তা জানলে কি হবে? তাঁকে দেখেই পরিতোষের ক্রোধ যেন বোমার মতো কেটে পড়লো। রবিকে অলীল ভাবায় গালাগাল শুরু করলেন।

বিজ্ঞেশ আর বাধা না দিয়ে পারলেন না। তবুও যথাসম্ভব শাস্ত স্বরেই বললেন : দেখুন দারোগাবাবু, কিছু মনে করবেন না। আপনার অফিসের কাজে কোথায় রবিবাবুর ক্রটি হয়েছে, অফিস মাস্টার হিসেবে অবশ্যই তা বলবেন আপনি, প্রয়োজন হলে তাঁকে ধমক দেবেন, এমন কি, দরকার হলে তাঁর বিরুদ্ধে প্রসিডিং ড্র করবেন। কিন্তু অফিসের ব্যাপারে কান্নার ব্যক্তিগত চরিত্র নিয়ে কটাক্ষপাত করাটা বোধহয় শোভন ও সঙ্গত নয়—

That's not your look out!—ধমক দিয়ে উঠলেন পরিতোষ : আমার সিপাইকে যা খুশী তাই বলবো আমি, তাতে আপনার কি?

কিছুই না, বিজ্ঞেশ তবু ধৈর্য হারালেন না : শুধু এইটুকু যে, ব্যক্তিগত গালাগালিটা শুনে ভালো লাগে না আর শুনে মনে হতে পারে যে, আপনার হয়তো কোনো ব্যক্তিগত আক্রোশ আছে রবিবাবুর ওপর, স্মরণে পেয়ে এক হাত দেখে নিচ্ছেন।

পরিতোষ জলে উঠলো : যদি নিয়েই থাকি, তাতে আপনার কি?

কিছুই না, তখনো ধৈর্য হারাননি বিজ্ঞেশ : তবে ভদ্রলোক ভদ্রলোককে এক-হাত দেখে নিতে গেলেও ভদ্র ভাষাতেই নিয়ে থাকেন বলে জানি। সদর রাস্তা একটু দূরে হলেও ঐ দেখুন, হু'একজন লোক আপনার পাড়া-মাথায়-করা চীৎকার শুনে দাঁড়িয়ে গেছে। কিশোরীবাবুর চেগারের ওপাশে বাড়ীর মেয়েরা চোখ পেতে দেখছেন কিনা কে জানে।

নিন, নিন, আর শাস্তবাক্য শোনাতে হবে না, কড়া জবাব দিলেন পরিতোষ : আপনার মতো ডেটিনিউ বহুৎ দেখা হয়—

তবু ইস দফে একঠো নয় চীৎকার দেখলেওগে, দৃঢ়কণ্ঠে বললেন বিজ্ঞেশ বোস : আপনি যদি আমার মতো অনেক ডেটিনিউ দেখে থাকেন, তাহলে আমিও আপনার মতো অফিসার-ইন্-চার্জ অনেক দেখেছি।

কি, আমার থানায় এসে আমাকেই insult! পরিতোষ এবার বিজ্ঞেশকেই

হুকুম করে বসলেন : বেরিয়ে যান, বেরিয়ে যান বলছি, নইলে—নইলে I will arrest you—

Arrest-এর কি ভয় দেখাচ্ছেন, বিজ্ঞেশ এবার উঠে দাঁড়ালেন : Arrest হয়েই তো আছি। আর থানা কি আপনার বাবার সম্পত্তি যে, এখানে আসা না-আসা আপনার খুশীর ওপর নির্ভর করবে ?

Shut up ! চীৎকার করে উঠলেন পরিতোষ : শালা ডেটিনিউয়ের নিকুচি করি !—দরওয়াজা, লাঠি মারকে নিকাল দেও এ বদমাশকো—

আর কিছু বলতে হলো না। মুহূর্তে বিজ্ঞেশ শ্রাওঁল হাতে নিয়ে পরিতোষের গালে বেষ কয়েক ঘা বসিয়ে দিলেন : ডেটিনিউয়ের নিকুচি করেছিস, এবার শ্রাথ্, দারোগার নিকুচি কিভাবে করতে হয়—

আরো শ্রাওঁল চালাতে বাচ্ছিলেন বিজ্ঞেশ, ঐ রবিই ছুটে এসে জড়িয়ে ধরলো তাঁকে : কি করেন বিজ্ঞেশবাবু, কি করেন—চলুন, চলুন, বাসায় চলুন—

টেনে নিয়ে যাবার সময় বিজ্ঞেশ হাতের শ্রাওঁলটা টেবিলের ওপর ছুঁড়ে ফেলে দিয়ে বলে গেলেন : কুকুরকে প্রহার করা শ্রাওঁল পায়ে দিতেও যুগা করি। নে, ওথানা মেডেলের মতো গলায় ঝুলিয়ে রাখিস।

বাস্, বিপর্যয় কাণ্ড ঘটে গেল। দূরে রাস্তায় আরও লোক জমে গেল, কিশোরী ঘোষের চেগারের ওপারে রীতিমতো গুঞ্জন শোনা যেতে লাগলো, জানালা-পথে ভাটা, সন্ত্রস্ত পরিতোষীকে দেখা গেল আর থানসামা থানার দোর্দণ্ড-প্রতাপ অফিসার-ইন্-চার্জ মিস্টার পরিতোষ দে শ্রাওঁলের আঘাতে যেন একেবারে চূপসে বসে রইলেন ঘাড় শুঁজে ফুটো-হয়ে-যাওয়া বেলুনের মতো।

একটু পরই সম্বিং ফিরে পেয়ে বলে উঠলেন : দরওয়াজা, হামারা ডায়েরী কিতাব !

তার ক’দিন পরই ঠাকুরগাঁয়ে মহকুমা হাকিমের এজলাসে মামলা শুরু হয়ে গেল। বাদী পরিতোষ আর বিবাদী বিজ্ঞেশ বোস। অভিযোগ, বাদীকে শ্রাওঁল দ্বারা প্রহার ও সরকারী কার্য সম্পাদনে বাধা দান।

শ্রাওঁল প্রহার ! ঠাকুরগাঁয়ে মোক্তারদের মধ্যে রীতিমতো আলোচনা শুরু হয়ে গেল। লাঠি প্রহার, লোহার রড প্রহার বা ছুরি চালানো, রাজবন্দীদের

সম্পর্কে এমনি ধরনের প্রহার বা আঘাতের কথাই শোনা যায়। স্মাণ্ডেল প্রহার এবং তার জ্ঞা ঘট করে প্রকাণ্ড আদালতে মামলা, এ কোনোদিন শোনা যায়নি। গণ্ডগ্রামের থানা, তবুও সেখানে কয়েকজন সিপাই আছে, গোটা-কয়েক বন্দুকও আছে। স্মাণ্ডেলের বদলে সিপাইদের দিয়ে ধোলাই দিল না কেন দারোগা? কে আর টের পেত? গণ্ডগ্রামে রাজবন্দী প্রহারের কাহিনী কোনোদিন এই শহরে আসতো কি? আর তেমনি সাহস যদি না থাকে, তাহলে স্মাণ্ডেল প্রহারটা স্রেফ হজম করে ফেললেই হতো। কে আর দেখতে যেত সেই গণ্ডগ্রামে, কে আর রটাতে যেত স্মাণ্ডেল প্রহারের কাহিনী? মার খেয়ে তো একদফা অপমান হয়েছেই, আবার সেই লজ্জাকর ঘটনা আদালতে টেনে এনে আর-একদফা কেলেকারী!...

মামলা চালাতে গিয়ে কোর্ট ইনসপেক্টরও মনে মনে হাসছিলেন।

যথারীতি চার্জ গঠন করা হলো। বিজেশ বোসের দূর সম্পর্কীয় একজন আত্মীয় মোক্তার থাকাতেও বিজেশ তাঁকে দাঁড়াতে দিতে সন্মত হননি। আদালতে তিনি শুধু নীরব দর্শক।

বিজেশ বোস আদালতকে জানালেন যে, পরিতোষকে তিনি জেরা করতে চান।

পরিতোষ কাঠগড়ায় উঠলেন।

দেখুন পরিতোষবাবু, আপনি বলেছেন যে, আমি স্মাণ্ডেল দিয়ে আপনাকে প্রহার করেছি এবং ঐ স্মাণ্ডেলখানা তাই একজিবিট করেছেন। কিন্তু স্মাণ্ডেলখানা পেলেন কোথায়? আমার বাসা সার্চ করে কি?

না। ওখানা আপনি থানাতেই ফেলে এসেছিলেন।

কি বলে ফেলে এসেছিলাম? জিজ্ঞেস করলেন বিজেশ।

পরিতোষ স্পষ্ট জবাব দিলেন : কিছুই বলেননি।

বিজেশ বললেন : হ্যাঁ, ওটা আপনাকে উপহার দিয়ে এসেছিলাম।—আচ্ছা পরিতোষবাবু, আবার শুরু হলো জেরা : আপনি বলেছেন যে ঐ স্মাণ্ডেল দ্বারা আপনাকে প্রহার করেছিলাম, কোন্ অঙ্গে প্রহার করেছিলাম?

গালে।

কোন্ গালে?

বাঁ গালে।

বাঃ, বেশ পরিকার মনে আছে আপনার, বিজেশ বললেন। তারপর প্রশ্ন করলেন : রাস্তার তখন লোকজন জড়ো হয়েছিল কি ?

হ্যাঁ।

থানার সিপাইরা ছুটে বেরিয়ে এসেছিল কি ?

হ্যাঁ।

আমি কি আপনাকে আরও কয়েক ঘা মারতে যাচ্ছিলাম, এমন সময় আপনার এল সি রবি মুখার্জী এসে আমার বাধা দেয় ?

হ্যাঁ।

তাহলে আপনি বলতে চান পরিতোষবাবু যে, বিজেশ বোস পাশ-করা মোক্তারী চংয়েই বলতে লাগলেন : রাস্তার লোকজন ও থানার সিপাই সবার সমক্ষেই আমি ঐ স্মাণ্ডেল দিয়ে আপনার গালে প্রহার করেছি ?

হ্যাঁ।

ঠিক ক'ঘা মেরেছিলাম পরিতোষবাবু ?

তিন ঘা।

থ্যাক ইউ ! সবই তো বেশ মনে আছে আপনার, বিজেশ হেসে বললেন : মার খাবার সময় আঘাতগুলি শুনে রাখবার কথাটিও ভোলেননি দেখছি। কিন্তু পরিতোষবাবু, স্মাণ্ডেলের মারগুলোতে আপনার ব্যথা লেগেছিল কি ?

জেরা করবার ধরন ও জেরাগুলি যে আদালত কক্ষে উপস্থিত সকলের বেশ কৌতুক উৎপাদন করছিল ও সবাই বেশ উপভোগ করছিলেন, এতক্ষণে টের পেলেন পরিতোষ। তাই প্রথমটা এই প্রশ্নের কোনো জবাব দিচ্ছিলেন না। ইতস্ততঃ করতে দেখে বিজেশ বলে উঠলেন : না, না, লজ্জা কি, পরিতোষবাবু। স্মাণ্ডেলের মার খেয়ে যখন আদালতেই আসতে পেরেছেন, তখন ব্যথা লাগার কথাটা বলতে আর সঙ্কোচ কেন ? আর আদালত যখন আমার প্রশ্নটা নাকচ করেননি, তখন এর জবাব যে আপনাকে দিতেই হবে। ব্যথা লেগেছিল কি ?

গোমরা মুখ করে পরিতোষ জবাব দিলেন : হ্যাঁ।

আহা-হা, ভারী ছুঁথের কথা, মহাছুঁথ প্রকাশ করে বললেন বিজেশ : কিন্তু স্মাণ্ডেলখানা দেখছি পুরোনো, মাঝে মাঝে কাঁটা উঠে রয়েছে। আপনার গালে স্মাণ্ডেলের কাঁটা বিঁধে রক্তপাত হয়নি পরিতোষবাবু ?

না।

কি করেই বা হবে, বিজেশ মস্তব্য করলেন : আপনার গালে তো আর মাংস নেই, কাঁটাগুলো বিঁধবে কিসে ? তোবড়ানো গালে আছে শুধু চোয়াল, সেই চোয়ালের হাড়ে প্রতিহত হয়ে স্কাণ্ডেল ফিরে এসেছে। তারপর আবার প্রশ্ন করলেন বিজেশ বোস : কিন্তু মারবার কারণটা কি ছিল পরিতোষবাবু ?

কোনো কারণ ছিল না। স্পষ্ট জবাব দিলেন তিনি।

বাসা থেকে বেরিয়ে এসে সোজা থানার বারান্দায় উঠে স্কাণ্ডেল দিয়ে মারলাম আপনাকে ? প্রশ্ন করলেন বিজেশ : একেবারে বিনা কারণে বিনা প্রভোকেশনে !

হ্যাঁ।

কোনো কথাই বলিনি ? কোনো গালাগাল দিইনি ?

বলেছেন, দারোগার নিকুচি করি।

আদালত কক্ষে এবার হালির মুহু আওয়াজ শোনা গেল। হাকিম বললেন যে, স্কাণ্ডেল গ্রহারটাই চার্জ, গালাগাল করাটা চার্জে নেই :

বিজেশ তৎক্ষণাৎ বললেন হাকিমকে : আমি স্বীকার করছি এই অকর্মণ্য, চরিত্রহীন, মিথ্যাবাদী দারোগা পরিতোষ দে-কে আমি ঐ স্কাণ্ডেল দিয়ে বেশ কয়েক ঘা মেরেছি এবং রবি এসে বাধা না দিলে মেরে ওকে ক্ল্যাট করে দিতাম।

Pleads guilty—সুতরাং খচ খচ করে হাকিমের কলম চললো, দু'শো টাকা জরিমানা অনাদায়ে দু'মাস সশ্রম কারাদণ্ড।

বিজেশ বললেন : তিন ঘা-র দাম যদি দু'শো টাকা হয়, তাহলে না হয় আরও তিন ঘা মারতাম। কিন্তু ওর মতো চামচিকে মেরে টাকা নষ্ট করতে চাই না, আমি দু'মাসের জগ্ন জেলেই যেতে চাই।

কিন্তু শেষ পর্যন্ত বিজেশ বোসের আর জেলে গিয়ে কারাদণ্ড ভোগ করা হয়ে ওঠেনি। সেই আত্মীয় মোক্তার বিজেশকে জিজ্ঞেস না করেই জরিমানার টাকাটি জমা দিয়ে দেন। বিজেশকে স্থানান্তরিত করা হয় রংপুর জেলার কোনও থানায় অন্তরীক্ষণে।

আর বিজেশ বোসের সেই শূণ্যস্থান আমি এসে পূরণ করেছি।

একুশ

মেয়েদের সঙ্গে আমার দেখা হয় ওদের বাড়ীতেই দিনের বেলায় সবার সামনে। ওখানেই একটু একান্তে ডেকে নিয়ে গিয়ে ছোটো কাজের কথা বলে দিই ও শুনে আসি। মাইল দুয়েক দূরে বাঙালী কাছারির নায়েব হচ্ছেন জ্যোতিষ সেন, চাঁদপুর কাছারির উমাচরণের পুত্র। কোনো কোনো সময় সেখানেও যায় বীণা বা রেণু আর আমিও গিয়ে হাজির হই অতৃপথে।

একদিন বিলু বললো সে তার বোন খুকুর সঙ্গে পরিচয় করিয়ে দেবে। কিন্তু আমি ততটা উৎসাহ দেখালাম না, বরং এ প্রস্তাব সম্বন্ধে কোনো কথা না বলে অতৃপথ পাড়লাম। অতৃপথে মেয়েদের সঙ্গে ও তাদের পরিবারের সবার সঙ্গেই খানিকটা অন্তরঙ্গতাও স্থাপিত হয়েছে। অতৃপথে মেয়েরা কাজও শুরু করেছে। প্রথম দ্বিধা ও সন্দেহ ছিল, এখন তা অনেকটা কাটিয়ে উঠেছে বলা যায়। তারা দৈনিক সংবাদপত্র পাঠ করে এবং সারা দুনিয়ার সংবাদ নিয়ে সন্যোগ পেলেই আমার সঙ্গে আলোচনা করে।

কিন্তু বিলুর বোন শিশিরকণার সঙ্গে তাদের তুলনা হয় না। প্রথমতঃ, আজও চাটাজ্জী বাড়ীতে বাইনি আমি। বিশ্বেন্দ্রবাবু এই পরিবারের প্রশংসায় পঞ্চমুখ হলেও এবং ও বাড়ীর ছ' একজনের সঙ্গে পরিচয় করিয়ে দিলেও চাটাজ্জীদের বাড়ীতে যাবার কোনো প্রস্তাব আজও করেননি। করেননি বলেই আমার দিক থেকে প্রস্তাব করা বা আগ্রহ দেখানো যুক্তিযুক্ত হবে না বলেই আমিও চুপ করে রয়েছি। দ্বিতীয়তঃ, বিশ্বেন্দ্রবাবুকে বাদ দিয়ে বিলুর সঙ্গেই ও বাড়ীতে গেলে তিনি কিছু মনে করতে পারেন। আর সেটা ভালো দেখাবে না। তৃতীয়তঃ, বোনের সঙ্গে পরিচয় হবার আগে বিলুর বাবা-মায়ের সঙ্গেই পরিচয় হওয়া দরকার। তাঁদের সঙ্গে ঘনিষ্ঠতা স্থাপিত হলে স্বাভাবিকভাবেই শিশিরকণার সঙ্গেও পরিচয় হয়ে যাবে।

তবু বিলু মাঝে মাঝেই তাগাদা দেওয়াতে একদিন বলে দিলাম : আচ্ছা, সে হবে একদিন। সেজ্ঞা ব্যস্ত হয়ো না। তোমার বোনের জ্ঞা আমার চিন্তা নেই, তুমি অতৃপথে মেয়েদের দিকে ভালো করে নজর দাও তো !

পরে একদিন বিশ্বেশ্বরবাবুকে বললাম : বিলু আমার তাদের বাড়ীতে নিয়ে যেতে চেয়েছিল, আমি যাইনি।

তিনি বললেন : গেলেই পারতেন।

বললাম : আপনাকে বাদ দিয়ে যাওয়া—

আচ্ছা, আমিই নিয়ে যাবো। বিশ্বেশ্বরবাবু বললেন : বিলুর ছোট একটি বোন আছে, নাম শিশিরকণা। সে তাদের বৈঠকখানাতেই একটি ছোট মেয়েদের স্কুল জমিয়ে ফেলেছে। *She is an accomplished girl.* চেহারা সুন্দর নয় সত্যি, কিন্তু *other qualities*-এ একেবারে অতুলনীয়।

প্রশ্ন করলাম : আপনার সঙ্গে আলাপ হয়েছে ?

জবাব দিলেন তিনি : সামান্য। আগে ওদের বাড়ীতে প্রায়ই যেতাম। বৈঠকখানার দেখা হতো মাঝে মাঝে। আরও একটি মেয়ে মাঝে মাঝে আসে ওদের বাড়ীতে। ওদের বড়দির মেয়ে। ভালো নাম জানি না, ডাকনাম টুকু। বড়লোকের কন্যা। ভারী সুন্দর দেখতে আর তেমনি আলাপে-সালাপে অত্যন্ত ভদ্র ও সপ্রতিভ। তার সঙ্গেও আলাপ হয়েছে। *An exemplary family*, ওদের বাবা তারকেশ্বরবাবু শুধু এই গ্রামেই নয়, আশেপাশে বোধহয় দশখানা গ্রামের মধ্যে *the single person who is revered by all alike*. শুধু গ্রাম বা পাড়া নয়, পারিবারিক ব্যাপারেও প্রত্যেকটি লোক এঁর পরামর্শ নিয়ে যান। আরও মজা হচ্ছে এই যে, তাঁকে কোথাও যেতে হয় না, সবাই আসে তাঁর কাছে। *A god-like gentleman.....*

বললাম : ভদ্রলোকের সঙ্গে একদিন আলাপ করিয়ে দেবেন।

তখন আবেগ এসে গেছে বিশ্বেশ্বরবাবুর : আর ওদের ভাইগুলো দাদা ও ভাই নয়—একেবারে যেন বন্ধু। দাদা-ভাইয়ের সম্মানজনক ব্যবধান নেই, মনে হয় সবাই সমবয়সী, সহপাঠী। বলেছি তো, ওদের পরিবার গ্রামের নেতৃত্ব পেয়েছে *automatically.....*

তারপর একদিন সকালবেলা যাওয়া গেল বিশ্বেশ্বরবাবুর সঙ্গে চাটার্জীদের বাড়ীতে। সেদিন রবিবার। মেজমতাই প্রমোদবাবু সোনাহার থেকে এসে গেছেন আর বীরগঞ্জ থেকে এসে গেছেন সেজমতাই নীরদবাবু। বৈঠকখানায় আসার জমিয়ে বসে গেল। নীরদবাবুর কণ্ঠস্বর খুব মিষ্টি না হলেও গাইবার ঢংটি ভালো। সঙ্গীতচর্চা রাজবন্দী কোয়ার্টারে আমরাও যে না করি, তা নয়।

বিশেষধরবাবুর বেশ দামী হারমোনিয়াম আছে একটি। তবলাও। হারমোনিয়াম আমি নিলে বিশেষধরবাবু তবলা টেনে নেন। কিন্তু তিনি যখন গান ধরেন, তখন তবলা পড়ে পড়ে কঁাদে। আমি চড় মারতে জানি, কিন্তু চাঁটি মারতে জানিনে।

পর পর গান গেয়ে চললেন নীরদবাবু, বিলু এবং বতদুর মনে পড়ে, প্রমোদবাবুও। বড়দা'কেও ভাইয়েরা সবাই ধরে নিয়ে এলেন। ভদ্রলোকের দক্ষিণ অঙ্গ অবশ না হলেও তাতে কম জোর। ভাইদের পীড়নে বাধ্য হয়ে তাঁকেও গাইতে হলো.....দেহি দেবী দরশন ওমা তারা.....

অকস্মাৎ হাঁক দিলেন নীরদবাবু : ও মেজবোদি, waterfood কী হলো ? আরে Ram's shop থেকে কিছু juice ball নিয়ে এসো না ! এদিকে গলা যে একেবারে wood হয়ে গেল !

Waterfood ! Juice ball !! Wood !!!—এ আবার কী নীরদবাবু ?

বাখ্যা শোনা গেল। Waterfood হচ্ছে জলখাবার, juice ball মানে রসগোল্লা আর wood মানে কাঠ, গলা শুকিয়ে কাঠ হয়ে গেল ! আর Ram's shop হচ্ছে রবুর দোকান।

বা : চমৎকার ভাষা তো ! শুনলাম, নীরদবাবুর এটা মৌলিক আবিষ্কার ! a patent !

একটু পর চা ও খাবার নিয়ে এলেন একটি অবিবাহিতা পরমা সুন্দরী মেয়ে। সত্যিই অদ্ভুত সুন্দরী মেয়েটি। অত্যন্ত গৌরবর্ণা, তরুী, মাথার চুল যেমন কালো মিশমিশে, তেমনি তা ঘন ও তাতে সুশৃঙ্খল তরঙ্গ। টানা টানা চোখ, পল্লগুলি ঘন ও খুব কালো। বোধহয় চোখের পাতায়, ক্রয়ুগলে, গালে ও ঠোঁটে প্রয়োজন না থাকলেও একটুখানি রিটাচ্ করা হয়েছে। কিন্তু রূপ তাতে হয়ে উঠেছে অপরূপ বসরাই গুলাবের মতো ! নিশ্চয়ই এই সেই টুকু, বিলুর বড়দিদির মেয়ে। বড়লোকের কন্যা।

কিন্তু তারকবাবু কোথায় ? জানা গেল তিনি বাড়ীতেই আছেন কিন্তু ছেলেদের গানের আসরে কমলবনে মস্তকরীর মতো প্রবেশ করে যুবকদের অসুবিধে সৃষ্টি করতে চান না তিনি। অত্যন্ত সচেতন তিনি এসব বিষয়ে। ছেলেদের কাছে উৎসাহ তাঁর প্রবল, কিন্তু সম্মানজনক ব্যবধান নিজেই রক্ষা করে চলেন। ছেলেদের বিব্রত করতে চান না কখনো।

তারপর অবশ্য একদিন তাঁর সঙ্গেও পরিচয় ও আলাপ হলো।

এর প্রত্যেকটি সংবাদ শুধু সবিস্তারে নয়, ডালপালা সহযোগে এসে পরিতোষের কানে উঠলো এবং কানের মধ্য দিয়ে তা মর্মে গিয়ে আঁঘাত হানলো। দালাল পরিতোষিণী তাতে প্ররোচনা দিলেন। ফলে, প্রতি সপ্তাহেই আমাদের হু'জনের বিরুদ্ধে দিনাজপুর আই বি অফিসে যেতে লাগলো কনফিডেনশিয়াল রিপোর্ট।.....

গ্রামে দারোগার অনুগ্রহভাজন হয়ে থাকবার জ্ঞাত সাধারণভাবে নিরীহ গ্রামবাসীদের মধ্যে প্রতিযোগিতা দেখা দেয়। লাটু বিশ্বাস এই প্রতিযোগিতার প্রথম স্থান অধিকার করলেন। তারপরই তাঁকে সাহায্য করলেন মহেন্দ্র মিত্র, প্রভাত চৌধুরী, নলিনী বোষ, মাকু বিশ্বাস, ভবেন সান্ন্যাল, রামলাল গুহ, অপূর্ণ সান্ন্যাল ও ভ'চার জন মাড়োয়ারী। বিশেষ করে নারীঘটিত নিন্দাবাদ প্রচারে গণগ্রামের অধিবাসীরা স্বভাবতঃই উৎসাহ বোধ করে থাকে। কাজেই এই সব নেতার পশ্চাতে এসে যোগ দিল সুনীতি ও সুরুচির ধ্বজাধারী কিছু পানওয়াল, মুদী ও হাড়ীপাড়ার হাড়ীরা এবং এই দুর্দ্বর্ষ অভিযানের নেতৃত্ব গ্রহণ করলেন লাটু বিশ্বাসের বিধবা মাতৃদেবী শ্রীযুক্তা সাতা বিশ্বাস বিগত যুগের দেবী চৌধুরাণীর মতো!

বিশ্বেশ্বরবাবু ও আমি প্রাণভরে হাসলাম এদের কাণ্ড দেখে। অভিভাবকদের বাড়ী বাড়ী গিয়ে এরা গোপনে প্রচার করে বেড়াতে লাগলো যে, রাজবন্দীরা সাধারণতঃ চোর হয়, আর হয় বদমাশ। আপনার এত বড় আইবুড়ো মেয়ে.....ইত্যাদি।

অভিভাবকেরা এতে ঘাবড়ে না গেলোও আমরা একটু সতর্ক হলাম। আমাদের শয়নঘরের পেছনে প্রাক্কণের বেড়ার থানকয়েক বাঁশ পাতলা করে চেঁছে দিলাম। হঠাৎ দেখলে বোঝা যায় না ও ক'খানার কোনো গাঁট নেই, পাতলা, নিঃশব্দে সরিয়ে ফেলা যায়। ওর বাইরে সামান্য ঝোপঝাপ, বেরিয়ে এলে কারুর টের পাবার আশঙ্কা নেই।

গভীর রাত্রে সিপাইদের ঘরের আলো যখন নিবে যায়, থানার বারান্দার কমানো লঠন প্রদীপের মতো মিটমিট করতে থাকে, দরওয়াজা সিপাই বারান্দার টেবিলে বসে ঝিমোতে ঝিমোতে পাহারা দেওয়া শুরু করে, সমগ্র গ্রাম সুস্থতির ক্রোড়ে ঢলে পড়ে, তখন বেরিয়ে আসি আমি গুপ্তপথে। পোহাতুর বাড়ীর পাশে অন্ধকারে আমগাছটার নীচে বিলু অপেক্ষা করে। তাকে সঙ্গে

নিয়ে যাই মেয়েদের বাড়ী। ফিরে আসি আবার ভোরের আলো ফুটে ওঠবার পূর্বেই।

এমনিভাবে কাজ চলতে লাগলো। আর পরিতোষও নিয়মিতভাবে রিপোর্ট পাঠাতে লাগলেন দিনাজপুর আই বি-র কর্তা বাণেশ্বর বর্মাণের শ্রীপাদপদ্মে। দোকানদার কালুবাবুর দিদিমার কী নাম মনে নেই, কিন্তু সবাই তাঁকে ডাকেন ভালো-মা বলে। সারা গাঁয়েরই ভালো-মা তিনি। বিলুর মার সঙ্গে এঁর অচ্ছেদ্য বন্ধুত্ব। হ্যাঁ, সত্যিকার বন্ধুত্ব যাকে বলে। ছ'জন ছ'জনকে 'ভালোবাসা' বলে ডাকেন। শুধু সূর্য্যদিনেই নয়, শোচনীয়তম দুর্দিনেও এই বধিষসী বিধবা মহিলাকে চাটাজ্জী পরিবারের পাশে পাশে দেখেছি। শিক্ষা অত্যন্ত কম, কথায় বর্দ্ধমানস্থলভ নমনীয়তার টান অত্যন্ত বেশী। কিন্তু সারা গ্রামের নিন্দুকদের ধারালো মন্তব্যের কাছে তিনি দাঁড়াতে না পারলেও কোথাও, কারুর কাছে, কারুর মুখে তাঁর 'ভালোবাসা'র নিন্দামূলক একটি বর্ণও সহিতে পারতেন না তিনি। হুক্তি থাক বা না থাক, প্রতিবাদ তিনি করবেনই এবং তাতেও কাজ না হলে অবশেষে কটুক্তি করে বেগে গ্রস্থান করবেন।

দিনের মধ্যে হাজারো বার এসে 'ভালোবাসা'কে জানিয়ে যান বিরোধী দলের খুঁটিনাটি সমস্ত সংবাদ—কিছু নিজের কানে শোনা, কিছু পরের কাছে শোনা, তারপর তার সম্ভাব্য পরিণতি কী হতে পারে, হুক্তিহীনভাবে সে সম্বন্ধে মন্তব্য, কোথায় সাবধানতার অবকাশ আছে, কোথায় শত্রুপক্ষ দুর্ব্বলতার আভাস পেয়ে গেছে, কোথা দিয়ে কীভাবে আঘাত হানলে বিরোধী দল সায়ন্তা হতে পারে, অনর্গল বর্দ্ধমানী ভাষায় তা বিবৃত করে ক্লাস্ত হয়ে আবার অকস্মাৎ ফিরে যান ভালো-মা তাঁর বাড়ীতে মাছের টুক চড়িয়ে এসেছেন জানিয়ে।

ভালো-মাই একদিন জানিয়ে গেলেন যে, বিলুদের বাড়ীর সঙ্গে আমার বনিষ্ঠতা নিয়ে সীতা দেবীর বাড়ীর সাক্ষ্য-বৈঠক বেশ শরগরম হয়ে উঠেছে। বিলুর মুখেও আমি সব শুনতে পেলাম। নিন্দাকে কোনোদিনই পরোয়া করিনি আমি। কিন্তু বিদেশে আমাদেরই জ্ঞাত কোনো নিফলঙ্গ পরিবার, বিশেষ করে, এখানকার চাটাজ্জী ব্রাদার্স মিথ্যে নিন্দার গশরা মাথায় করুক, একথাটাও নিজেরই কানে কেমন বেসুরো ঠেকেতে লাগলো। কিন্তু বিলুর উৎসাহ দেখলাম অফুরন্ত। কাজের নেশায় সে তখন পাগল হয়ে উঠেছে। একটা কিছু সে করবেই মেয়েদের দিয়ে, এই তার অন্তরের কামনা। বিশ্বেশ্বরবাবুও দেখলাম এই সব

কুকুরের ঘেউ ঘেউ খোড়াই কেয়ার করেন। কাজেকাজেই একদিকে যেমন নিন্দের বিষ ছড়াতে লাগলো পচা ঘায়ের মতো, তেমনি অপর দিকে আমরাও দ্বিগুণ উৎসাহে কাজে লেগে গেলাম।.....

অকস্মাৎ একদিন সকালবেলায় ভূতের অভাবে যথাসময়ে চা ও খাবার না পেয়ে বিশ্বেশ্বরবাবু হাই তুলে মন্তব্য করলেন : দূর মশাই, চাকর ছাড়া আর পারা যায় না। কাঁহাতক এমনি রঘুর দোকানে চা ও খাবার খেতে যাওয়া যায় বলুন তো! কোথায় খাবো নিদ্রালু চোখে বেড টি, তা নয়। এ একেবারে ব্যাড টি, ভেরী ব্যাড!

সায় দিলাম : যা বলেছেন।

টিপ্পনী কাটলেন বিশ্বেশ্বরবাবু : আপনার আর কি, রান্না করতে হয় না— রান্না জানেনও না। স্বদেশী করে বেড়ান আর তৈরী ভাত খান। বাবুর্চি তো আমিই।

বাধা দিলাম : বাঃ, বেশ তো নিন্দে করছেন। আপনি রাঁধেন বটে, কিন্তু জোগানদারের কাজ করে কে? আপনি রাঁধুনী হলে আমি তো চাকরের ভূমিকায় অভিনয় করি। সে কি কম হলো?

না, না, অনেকখানি। আপনার সাহায্যের তুলনা হয় না।

কিন্তু কথাটা মিথ্যে বলেননি বিশ্বেশ্বরবাবু। এখানে এসে ভৃত্য ও রাঁধুনী কসাইগু হাও হিসেবে আমরা বাচ্চা বর্ষণ নামে একজনকে পেয়েছি বটে, কিন্তু মাঝে মাঝেই একটু বাড়ীতে ঘুরে আসার নাম করে যদি সে একবার ছুটি পায়, ব্যস, তাহলে একদিনের স্থানে পাঁচ দিন সে করবেই। এমনভাবে মাসের অর্ধেক দিনই বাচ্চা অনুপস্থিত থাকে, ফলে বিশ্বেশ্বরবাবু কোমর বেঁধে নেমে পড়েন বাবুর্চির ভূমিকায় আর আমি জোগানদারের। তবে মাঝে মাঝে আর উৎসাহ থাকে না, রঘুর মিষ্টির দোকানেই গিয়ে চা খেয়ে আসি এবং ছু'বেলাই ওখানে লুচি আর আলুর দম খাই। পরিতোষকে বলে লাভ নেই। চাকর বিহনে আমাদের কষ্ট হচ্ছে জানতে পারলে ও ব্যাটা মনে মনে হাসবে। রবি মুখার্জীকে বলেছি, বিলুকে বলেছি, গ্রামের আরও ক'জনকে অনুরোধ জানিয়েছি, কিন্তু চাকর পাওয়া একেবারেই অসম্ভব হয়ে দাঁড়িয়েছে।...

খানিকক্ষণ নীরবেই ছিলাম হু'জন, অকস্মাৎ বিশ্বেশ্বরবাবু গভীর হয়ে যেন

মহাদুঃখে মস্তব্য করলেন : একটা বিয়ে যদি করতেন মশাই, তাহলে মিসেসকে আনা যেত ও রোজ মনের সাথে বাছা বাছা খাওয়া খাওয়া যেত। ছোটাহাজারী, ব্রেকফাস্ট, লাঞ্চ, ডিনার—

বাধা দিলাম : বিয়ে ?

হ্যাঁ, বিয়ে, বললেন বিদ্যেশ্বরবাবু : ছুনিয়ার লোক বিয়ে করছে, আপনি করবেন না কেন ? আজ যদি বৌদি—না, না, বৌমা এখানে থাকতেন, তাহলে কি আর এমনি ঐ বাচ্চার পায়ে তেল মেখে মরি ? ঘাড় ধরে কবে দিতাম ওকে বিদায় করে। তারপর করলো ভাবতেন আপনি আর মসলা বাটতাম আমি।

খুব হাসাহাসি করলাম হু'জনে। একটু পর বললাম : তা বিয়েটা করবার দায়িত্ব আপনিই নিন না। কেউ তো আর মাথার দিব্যি দিয়ে রাখেনি। একবার মুখ ফুটলেই তো হয়।

বিদ্যেশ্বরবাবু তথাপি এড়াতে চেষ্টা করলেন : তাহলেও আপনার বয়স আছে। আমার তো ত্রিশ কবে পার হয়ে গেছে। বুড়ো হয়ে গেছি বলা যায়। এর পর আর বিয়ে করা সাজে ?

জবাব দিলাম : না সাজে না। তবে আমারও একদিন ত্রিশ পেরোবে, তখন আমিও বলবো, কী হবে আর বিয়ে করে ! পাকা চুলে টোপর মানাবে না, কি বলেন ?

কি আর বলবেন তিনি ! বিয়ে কোনোদিন করবো, একথা বাবা-মা-আত্মীয়স্বজন অনেক ভেবে ভেবে শেষ পর্যন্ত হাল ছেড়ে দিয়ে বসে আছেন। আমার বেলাতেও যা, বিদ্যেশ্বরবাবুর বেলাতেও তাই। বোধহয় সে যুগের প্রায় সমস্ত বিপ্লবী কৃষির বেলাতেও ঐ একই কথা। বিয়ে যদি আমরা নিজেরা করতে রাজী না হই, তাহলে ছুনিয়ার কারুর ক্ষমতা নেই যে রাজী করান। কিন্তু বিয়ের কথা ভাববার অবসর পেলাম কোথায় ? তারপর গুপ্ত সমিতির ভূগর্ভস্থ আখড়ায় আমাদের যতই কদর থাক, বয়ের প্রকাশ্য বাজারে আমাদের মূল্য কতখানি, তাও তো কোনোদিন যাচাই করবার কথা ভাবিনি ! যে সব গুণ থাকলে মূল্যবান বর হতে পারা যায়, তা আমাদের আছে কি ?

বললাম : আপনার শৃগালীর প্রস্তাব গ্রহণের অযোগ্য। বিয়ে করে বৌকে এই রাজবন্দীর কোয়ার্টার্সে আনা যেন খানসামা বাজার থেকে এক পো মুগুর ডাল

কিনে আনা ! অন্ততঃ আপনি তাই বোধহয় মনে করছেন। কনে যেন সেজে বসে আছে, আপনি একবার পিঁড়িতে গিয়ে বসলেই হয়। আর সদাশয় সরকার বোকে এখানে নিয়ে আসার হুকুম দেবার জন্ত যেন কলম উঁচিয়েই রয়েছেন, একবার বিয়েটা হলেই হয়।

তা বটে, বলে খানিকটা গম্ভীর হয়ে গেলেন বিশ্বেশ্বরবাবু, তারপর একটুকণি কি ভেবে সহসা প্রশ্ন করে বসলেন : ওসব কথা ছেড়ে দিলেও বিয়েটা এখন করলে কেমন হয় ?

অকস্মাৎ কেন এই মতিভ্রম ?—রীতিমতো চার্জ করলাম।

মতিভ্রম কোথায়, স্মৃতি ! তৎক্ষণাৎ জবাব দিলেন বিশ্বেশ্বরবাবু : বহুকাল বহুলোকের অস্বস্তি ও আদেশ অমান্য করেছি, এবার না-হয় নিজেই সম্মতি জ্ঞানিয়ে ভালমানুষী দেখাই। আপনিও তো এতকাল এড়িয়ে এসেছেন, এবার না-হয় জড়িয়ে পড়বার জন্ত গলাটা বাড়িয়েই দিলেন।

তথাস্তু। দিলাম সায় দিয়ে বিশ্বেশ্বরবাবুর মূল্যহীন পলক। প্রস্তাবে। কে আর জ্ঞানতে যাচ্ছে বা শুনতে পাচ্ছে আমাদের এই অপ্রত্যাশিত প্রস্তাব ? জিজ্ঞেস করলাম : আপনি রাজী তো ?

যেন দাঁতে চিবিয়ে কুইনাইন খেতে রাজী হলেন বিশ্বেশ্বরবাবু : বেশ, রাজী।

বাস, আর যায় কোথা। তখনই প্যাডের দু'খানা কাগজ খচ করে ছিঁড়ে নিয়ে বসে পড়লেন তিনি দুটো কলম নিয়ে। বয়ান বলে গেলেন মোটামুটি, লিখলাম। তিনিও লিখলেন। নিয়মানুসারে আমাদের লেখা চিঠি দিতে হয় দারোগার হাতে। দারোগা তা পড়ে পাঠাবেন আবার আই বি অফিসে। সেখানে আর এক দফা পাঠ হয়, মর্শ্বোদ্ধার করা হয়, এবং হিজ ম্যেজেস্টিজ গভর্নমেন্টের আইন ও শৃঙ্খলা ব্যাহত হতে পারে, এমনি কিছু সন্ধান না পেলে তারপর তা বাক্সে ফেলা হয়।

পরিতোষ দু'খানা পত্রই বোধহয় গভীর অভিনিবেশ সহকারে পাঠ করলেন এবং তার ফলে পরদিন সকালবেলাতেই সীমাহীন বিশ্বাসে একেবারে অভিভূত হয়ে পড়লাম আমরা খানসামা গ্রামের প্রায় প্রত্যেকটি লোকের মুখে ঐ কথা শুনে—রাজবন্দীরা বিয়ে করবেন !

অনেক কাল ধরেই বিয়ের প্রস্তাব সরাসরি প্রত্যাখ্যান করে আসছি। গ্রামের প্রত্যেকটি মেয়ের অভিভাবক হয় নিজে বা দূত মারফত প্রস্তাব পাঠিয়ে বার্থমেনোরথ

হয়েছেন। তখন তো কোনো নিম্নের কথা শুনিনি। আজ আমি নিজেই যখন নেহাত পরিহাস করে বিয়ের সম্মতি জানিয়ে পত্র দিলাম মাকে ও ফুলদা'কে, তখন কেন এত আলোচনা? কেন এত কথা?.....

কিন্তু তার ক'দিন পরেই যে ঘটনাটি ঘটে গেল, বেশ বুঝতে পারলাম আমার মতো কাঠখোঁটার জীবনেও উপভাস সৃষ্টি হতে পারে।

সেদিন কি বার মনে নেই, তারিখ আজ আর ঠিক মনে পড়ে না। মনে আছে, সকালবেলা। বিলুদের বাড়ীতে তার বড় জামাইবাবু এসেছেন এবং আশ্চর্য্য, তাঁর নামও দ্বিঞ্জন গাঙ্গুলী। কোঁতুহলী হয়ে গেলাম পরিচিত হতে, গল্প করতে। সেই বড়লোকের কন্যা টুকুর পিতা ইনি, সঙ্গীক এসেছেন। বেশ নাহস-মুহস চেহারা, বড়লোকের মতোই মাঝারী সাইজের ভুঁড়ি। কিছুক্ষণ আলাপেই বুঝতে পারলাম ভদ্রলোক ভারী সরল মানুষ আর রসিকও বটেন। হু'জনের একই নাম নিয়ে অনেকক্ষণ হাসাহাসি হলো।

এমন সময় বড়দা' যাচ্ছিলেন বাড়ী থেকে বেরিয়ে। দ্বিঞ্জনবাবু তাঁকে ডাকলেন। বড় শ্রালকের সঙ্গে বেশ হাসিঠাট্টা চলতে লাগলো। আমিও যোগদান করতে কসুর করলাম না। খানিকপর হু'জনে হু'জনকে এই বলে চ্যালেঞ্জ করলেন যে, তাঁরই ভুঁড়ির পরিধি বড়।

দ্বিঞ্জনবাবু বলে উঠলেন : কি, এত বড় কথা! আমি বড় জামাই, আমার ভুঁড়ি শালার ভুঁড়ির চাইতে ছোট? এত বড় অপমান?—আর দেখি, তবে মেপে দেখা যাক।—দ্বিঞ্জন, নাও তো ভাই একগাছা দড়ি।

কিন্তু দড়ি পাবো কোথায় হাতের কাছে? দেবী হলে যদি রাগ কমে যায় ও বড়দা' রণে ভঙ্গ দেন তাই দ্বিঞ্জনবাবু বললেন : তবে নে, তোর পৈতে দিয়েই মাপ দেখি পেট।—না, না, নিজে নয়। দ্বিঞ্জন, নাও তো মাপটা। দেখো, বড়দা' বলে আবার পার্শ্বিলাটি করো না যেন।

দ্বিঞ্জনবাবুর ভুঁড়ির পরিধি মাপ হলো তাঁর পৈতে দিয়ে। বললাম : ধরে রাখুন এইখানটা। এবার বড়দা'র ভুঁড়িটা দেখি।—

মাপতে যাবো, এমন সময় অকস্মাৎ ফ্রক পরা একটি ফুটফুটে মেয়ে ছুটে এসে আমার বললো : আপনাকে মা ভেতরে ডাকছেন।

আমাকে!—অত্যন্ত বিব্রত বোধ করলাম। বিলুদের বাড়ীর ভেতর তো কোনোদিন যাইনি। আর এই মেয়েটিই বা কে? একে তো দেখিনি কোনোদিন।

বললাম : না, না, আমার ডাকছেন না। তুমি ভুল করছো খুকি !

দ্বিজেনবাবু সংশোধন করে পরিচয় করিয়ে দিলেন : খুকি নয়, খুকুমণি। আমার ছোট মেয়ে। আর ওর মা আমার সহধর্মিণী আর তোমার এই বড়দা' হচ্ছেন তাঁরই ভ্রাতা, অতএব ইনি আমার কী হলেন ?

সবাই হেসে উঠলাম। আমি হেসে বললাম : আমার কেউ ডাকছেন না। বোধহয় আপনাকে দ্বিজেনবাবু। একই নাম, গুণগোল হয়ে গেছে বোধহয়।

অ্যা, তাই নাকি ? দেখি তাহলে।—বলে দ্বিজেনবাবু অন্দরে প্রবেশ করলেন এবং পরক্ষণেই ফিরে এসে বললেন : না হে না, ঠাঁরা এক নম্বর নয়, দু'নম্বর দ্বিজেনকেই স্মরণ করেছেন। একটু চা খাওয়াবেন।

চা খেতে দেবেন, তা এখানে পাঠালেই তো আরাম করে খাওয়া যেতে পারে ও দ্বিজেনবাবুর সঙ্গে চলতে পারে সরস কথোপকথন। বললাম : তা এখানে পাঠালেই ভালো হয় নাকি ? যাও তো খুকুমণি, চা এখানেই নিয়ে এসো।—পাঠিয়ে দিলাম খুকুমণিকে।

কিন্তু সেও ফিরে এল। বললো : মা বললেন আপনাকে ওখানে নিয়ে যেতে।

ভারী মুশকিলে পড়া গেল। বিলুকেও তো দেখতে পাচ্ছি না কোনোদিকে। শুনেছিলাম সে বাড়ীতেই আছে, কিন্তু এসময় কোথায়, এখনও দেখা পাচ্চিনে কেন তার ?...ধীরে সন্ধ্যোচে খুকুমণির পশ্চাতে এসে বাড়ীর মধ্যে প্রবেশ করতে হলো। বড় ছ'খানা ঘরের পাশ দিয়ে নিয়ে গিয়ে একখানা ছোট একচালা ঘরে সে আমায় পৌঁছে দিল। মাটির মেঝে। তার ওপর সুন্দর একখানা কার্পেটের আসন পাতা, সম্মুখে খাবারের প্লেট। আমি আসনে বসতেই খুকুমণি চলে গেল।

ঘরে আর কেউ নেই। মাথা নীচু করে খেতে শুরু করলাম। অচেনা বাড়ী না হলেও বাড়ীর মহিলাদের সঙ্গে আমি তখনো পরিচিত নই। কিন্তু নিঃশব্দে আহারে প্রবৃত্ত হলেও বেশ বুঝতে পারছিলাম যে, পাতলা চাটাইয়ের বেড়ার ছিদ্রপথে অনেক জোড়া চোখ আমার আহার নিরীক্ষণ করছেন ! তাঁদের ফিসফিসে আলাপের অস্পষ্ট ছ'এক টুকরোও যে একেবারে কানে ভেসে আসছিল না তা নয়.....

এমন সময় আধঘোমটার মুখ ঢেকে ধীরে ধীরে এসে প্রবেশ করলেন একটি মহিলা। উজ্জ্বল গৌরবর্ণ দেখেই বুঝে নিলাম ইনিই টুকুর মা, বড়লোকের

গৃহিণী। একটু ইতস্ততঃ করে উপক্রমণিকা করলেন : যদি কিছু মনে না করেন, তাহলে একটা কথা বলি।

তৎক্ষণাৎ বললাম : বলুন না, মনে করবার কি আছে!

আমার ভাই বিলুর সঙ্গে আপনার ঘনিষ্ঠতা বেশী। সেও বার বার নিষেধ করেছে আমায়। তারপর না পেরে বাড়ী ছেড়ে পালিয়ে গেছে। বাড়ীজুড়ে সবাই নিষেধ করেছে আমায়।

কেন?

সে কথা শুনে যদি আপনি রাগ করেন?

তৎক্ষণাৎ বললাম : রাগ করবো? এমন কী কথা যে একেবারে রাগ হয়ে যাবে শুনলে?—বলুন না আপনি।

ঘোমটার বহর একটু খাটো করে দিয়ে গলাটা পরিকার করে নিয়ে বললেন বিলুর বড়দি : দেখুন, আপনি বিয়ে করবেন শুনলাম। বাড়ীতে নাকি সেই মর্শ্বে চিঠি দিয়েছেন। তা—আমার একটি বোন আছে।—দেখেননি বোধহয় তাকে। তেমন সুন্দরী কিছু নয়। তবে গুণ আছে। আপনি যদি তাকে উদ্ধার করেন। তবে সাহস পাই না, কারণ আমার বোন কালো আর আপনি—

ফর্সা, এই তো?

মুহূ হাস্ত করলেন বড়দি, বললেন : কথাটা মিথ্যে বলেননি। তবে আমার বোন এবার গ্রাইভেটে ম্যাট্রিক দেবে। আপনাদের বিক্রমপুরের সঙ্গে অবশ্য আমাদের কাজ হয়। আমার মেজো ভাই বিয়ে করেছে আপনাদের কনকসার গ্রামে।—তারপর নেপথ্যের দিকে দৃষ্টিক্ষেপ করে বললেন : এই নিরু, এসো না এখানে। লজ্জা কি, তোমাদের জাতির লোক!—বলে হাসলেন।

মেজোবো প্রবেশ করলেন। ইনিও ফর্সা, স্বাস্থ্যবতী। নিঃশব্দে দরজার পাশে এসে দাঁড়াতেই বড়দি বললেন : এই হচ্ছে প্রমোদের বোঁ, আপনাদের কনকসারে বাপের বাড়ী। নাম নিরুপমা।

বললাম : কনকসার আমি চিনি। ছ'একবার গেছিও ওখানকার শীল্ড-এ খেলতে। বেশ বড় গ্রাম ও বর্দ্ধিযু। ওখানকার ইউনিয়ন বোর্ডের প্রেসিডেন্ট প্রমথ ব্যানার্জীর সঙ্গে আমার সামান্য পরিচয় আছে।

নিরুপমা বললেন : তিনি সম্পর্কে আমার জ্যেষ্ঠামশায় হন।

বড়দি আবার হাসলেন : ব্যস্, এবার পরিচয় বেরিয়ে গেছে। জাশের

মানুষের লগে আশের মানুষের দেখা হয়ে গেল। এবার এক কাজ কর নিরু, একদিন তোমার রান্না খাবার জন্ত একে নেমস্তন্ন করে দাও।—উঃ, যা ঝাল খায় বিক্রমপুরের লোকেরা!

কিন্তু কেরোসিন খায় না—জবাব দিলেন নিরুপমা।

বিস্মিত হলাম : কেরোসিন ?

বড়দির শত বাধা সত্ত্বেও নিরুপমা বলে দিলেন : জানেন না, রোজ সকাল-বেলা একটুখানি কেরোসিন না খেলে বড়দির মাথা ধরে যায়, কিছুই ঘেন আর ভালো লাগে না।

বড়দি রীতিমতো ধাওয়া করলেন নিরুপমাকে। কিন্তু হলো না। সাইকেলে একেবারে ঘরের দরজায় এসে হাজির নীরদবাবু। একেবারে কলরব করে উঠলেন : আরে দ্বিজনবাবু যে! পড়েছেন Big sister-এর পাল্লায়? সঙ্গে দেখছি আবার এসে যোগ দিয়েছেন golden ox. তা gold necklace থেকে মেজদার পুষ্পক রথ এখনো এসে পৌছোয়নি?—বৌদি, আমাকেও দাও তো এমনি একটা ডিস। আমি এখানেই sit করছি। আমাকেও কিন্তু দ্বিজনবাবুর মতো দুটো king-enjoy দিতে হবে, আর দুটো bottle water! বলেই নীরদবাবু হাঁক দিলেন : থুকু, ও থুকু, একখানা wood-seat দিয়ে যা তো!

বেড়ার বাইরে কিসকিসে হাসি শোনা গেল। মনে মনে ট্রান্সলেশন করে নিলাম Big sister মানে বড়দি, golden ox মানে কনকসার, gold necklace মানে সোনাহার। কিন্তু king-enjoy কী? Bottle-water-ই বা কাকে বলে?

নীরদবাবু বললেন : রাজভোগ আর পানতোয়া.....

তারপর ছুঁজনে পাশাপাশি বসে চা-জলখাবার খাওয়া ও হাসিঠাট্টা চলতে লাগলো। বড়দি আর কিছু বলবার সুযোগ পেলেন না।

ছুপুরে বিছানায় গা এলিয়ে দিয়ে বড়দির প্রস্তাবের কথাই ভাবছিলাম। প্রথমতঃ, অত্যন্ত রাগ হলো পরিতোষের ওপর। আমাদের ব্যক্তিগত পত্রগুলি তাঁর সেন্সর করবার অধিকার আছে সত্য, কিন্তু ব্যক্তিগত সংবাদগুলি গ্রাহ্যে প্রচার করবার অধিকার তাঁকে কে দিল? পরিতোষের অপ-প্রচারের ফলেই এঁরা জানতে পেরেছেন। বিস্ময়বাবু ও আমি বাড়ীতে বিয়ের সম্মতি জানাবার ব্যাপারে যে খুব সিরিয়াস নই, তা এঁরা কি করে বুঝবেন? হাতের কাছে এঁরা পেয়ে গেছেন মানানসই একটি ছেলে, বাস, প্রস্তাব করে বসেছেন।

কিন্তু প্রস্তাব যার সঙ্গে করেছেন, সে যে বিলুর সেই মাস্টারগী বোন শিল্পিকণা। এখানকার মেয়েদের নতুন গড়ে-ওঠা সংগঠনের একজন কর্ম্মি। তাকে বিয়ে করাটা কেমন শোভন মনে হলো না! যদিও তার সঙ্গে আজও সাক্ষাৎ বা পরিচয় হয়নি, তবুও নিজের হাতে-গড়া সংগঠনের কর্ম্মিকে বিয়ে করাটা যুক্তিযুক্ত কিনা, তা ভালো করে বিবেচনা করা দরকার। কণামাত্র অশালীনতা এতে না থাকলেও আশঙ্কা হলো, এ নিয়ে ভুল বোঝাবুঝি হতে পারে। বিদেশে সেটা আত্মমর্য্যাদা হানিকর হয়ে দাঁড়াতে পারে।

বিচ্ছেদবাবুকে সেদিন আর কিছু বললাম না। বিলুকেও কিছু বলবো না স্থির করলাম। বড়দির অদ্ভুত প্রস্তাব নিয়ে যাতে পুনরালোচনা না হতে পারে, সেজ্ঞা বিলুদের বাড়ীতে যাওয়া স্থগিত রাখলাম। ভাবলাম, আলোচনা হতে না দিলেই কণাটি কালক্রমে সমাধিস্থ হয়ে যাবে, সবাই ভুলে যাবে।

কিন্তু মানুষ ভাবে এক, হয় আর। এল সি রবি মুখার্জীর ও-বাড়ীতে যাতায়াত ছিল জানতাম। চাটাজ্জী ভ্রাতাদের সঙ্গে তার সখ্যও ছিল বেশ। ভ্রাতৃশ্রী নিশ্চয়ই সব শুনেছে।

একদিন রাত্রে আমার ধরে বললো : ভাই, বিশ্বাস কর, মেয়েটি ভালো। ওদের সঙ্গে আমার পরিচয় তো এখানে এসে। কিন্তু ঐ পরিবারের তুলনা হয় না। আমি ওদের মাকে মা বলে ডাকি। আর থুঁকু মেয়েটি আমি নিশ্চয় করে বলতে পারি স্নেহিণী হবে। অবশ্য, রূপ যদি চাও তুমি, সে আলাদা কথা—

হেসে বললাম : পুলিশগিরির সঙ্গে সঙ্গে ঘটকগিরিও কর দেখছি। কত দেবে পারিশ্রমিক ?

যাঃ, বলে উঠলো সে : ওসব কিছু নয়। ওদের বড়দি আমার সব বলেছেন। তাঁর আশঙ্কা, তুমি হয়তো ওঁর প্রস্তাব শুনে রাগ করেছ, তাই আর যাও না ওদের ওখানে। ওঁর ভাইরা পর্য্যন্ত ওঁকে খুব বকেছে তোমায় ঐ কথা বলবার জ্ঞা। তাই বড়দি আমার অঙ্গুরোধ জানিয়েছেন, তুমি যেন ওঁর কথা শুনে রাগ না কর।

বললাম : কেন, রাগ করবার কি আছে ? যে প্রস্তাব তিনি করেছেন, সেটা তো অসম্ভব কিছু নয়। অস্বাভাবিকও নয়—

তাহলে রাজী হয়ে যাও, বলে উঠলো রবি। আমি স্নেহবাদটা গিয়ে

দিয়ে আসি। ভারী খুশী হবেন ঠাণ্ডা। অবশ্য আগেই বলে রাখি ভাই, মেয়েটি কিন্তু সুন্দরী নয়—

বাধা দিলাম : চামড়ার চক্চকানি আর ক'দিন রে। আমাদের বিয়ে হবে যাদের সঙ্গে, তারা শুধু বধু হয়েই আসবে না, তারা হবে আমাদের কাজে সাথিনী—কিন্তু আমার সঙ্গে কেন ঠাণ্ডা বিয়ে দিতে চান ? কী আমার ভবিষ্যৎ ? হয় স্বীপাস্তুর, নয় ফাঁসি। মেয়েটার জীবনটা নষ্ট হবে না কি ?

সে-ভাবনা তোমার ভাবতে হবে না—ঠাট্টা করলো রবি।

বললাম : না, না, ঠাট্টা নয়। মেয়েটির বয়সও শুনেছি প্রায় আঠারো, ভালোমনে বোঝবার যথেষ্ট ক্ষমতা হয়েছে। তোমাদের মতো শুভানুধ্যায়ীরা একটা ছেলে হাতে পেলেই ধরে-বঁধে ঝুলিয়ে দিলে তো চলবে না। তার কি মত তাও জানা চাই এবং সেটাই সবার আগে।

অবশেষে রবি বললো : আচ্ছা বেশ, আমিই জিজ্ঞেস করে আসবো খুকুকে। তুমি কথা দিচ্ছ তো ?

বললাম : কথা দিলে তা আর নড়চড় করি না বলেই সহজে কথা দিইনে আমরা। তুমি সংবাদটি আগে নিয়ে এসো তো। তারপর ভাবা যাবে।

দিন কয়েক পর একদিন বিশ্বেশ্বরবাবুকে সব বললাম। তিনি তো একেবারে হল্লা করে উঠলেন : বলেন কি ! তাহলে দেখুন, পত্রলেখার সফল হাতে হাতেই ফলতে চলেছে। দেখা যাচ্ছে, আপনার আশঙ্কা সত্য নয়। কনেও সেজে বসে আছে, এমনি মেয়েও পাওয়া যায়। শুধু আপনার পিঁড়িতে গিয়ে বসবার অপেক্ষা।—আর দেবী নয়, দিনকণ স্থির করে ফেলা যাক।

বললাম : দাঁড়ান মশাই। এ আপনার ব্যাডমিন্টনের চাপ মারা নয় যে, মেরে দিলাম গায়ের জোরে, তা শটল্ কক জালেই আটকে যাক বা ওভার বাউণ্ডারী আটাই হোক। বিয়ে—মানে, দায়ীত্ব—মানে, জীবনভর একটি মেয়ের ভরণপোষণের ভার গ্রহণ—মানে, দেশের কাজ ছেড়ে দিয়ে পেটের কাজে নামতে হবে—মানে, রান্নাঘর, শাড়ি সাদা সেমিজ, হলুদ ছুন লঙ্কা—বাপস, ওসব পারা যাবে না।

বিশ্বেশ্বরবাবু হেসে বললেন : প্রথম প্রথম না পারলেও পরে সয়ে যাবে। আর মেয়েটি এবার প্রাইভেটে ম্যাট্রিক দেবে। পাস করে স্কুলে মাস্টারী করবে। এখন করছে এখানে বাড়ীতে, তখন করবে আপনি যেখানে থাকবেন, সেখানে

ভ্র'জনের রোজগারে যেমন হেসে খেলে চলে যাবে, তেমনি কাউকেই আর রান্নাঘর হলুদ লক্ষ্য নিয়ে থাকতে হবে না। ওসব করবে চাকর বা বাবুচি। বুঝলেন ?

জিজ্ঞেস করলাম : কিন্তু আপনি তো বেশ ভালো করেই বোঝেন বিশ্বেশ্বর-বাবু যে, আমাদের সঙ্গে বিয়ে দেয়ার মানেই হচ্ছে একটি মেয়ের জীবন নিয়ে ছিনিমিনি খেলা। বিয়ের পর সোনার সংসার গড়ে তোলার স্বপ্ন যে মেয়ে স্বাভাবিকভাবেই দেখবে, তার সেই সাধের স্বপ্ন ভেঙে চুরমার করে দিয়ে হয়তো আমরা চলে যাবো আন্দামানে বিশ বছরের জ্ঞাত কিংবা হয়তো চিরবিদায় নোব ফাঁসির দড়িতে। কী হবে তখন তার ? মাথা নীচু করে ধুকতে ধুকতে সেই মেয়েকে কি তখন আবার ফিরে আসতে হবে না তার বাপের বাড়ীতে।

তা হবে। স্বীকার করলেন বিশ্বেশ্বরবাবু : কিন্তু চাটার্জী পরিবার রাজনৈতিক চেতনাসম্পন্ন। সুতরাং রাজবন্দীদের জীবন যে কতখানি অনিশ্চিত, তা তাঁরা জানেন। জেনে শুনেই যদি তাঁরা চরম ঝুঁকি নেন, তাতে আপনার আর বিধা কেন ?

এর ক'দিন পরই কি একটা কাজে গ্রামে এলেন ঠাকুরগাঁ মহকুমার হাকিম আমীমুল্লা। পরিতোষ নিশ্চয়ই একান্ত ভূত্যের মতো রাজবন্দীদের কেছা তাঁর কানেও তুলেছে। তাই পরদিন সকালেই আমার ডেকে পাঠালেন তিনি ডাক বাংলায়। খুব বিরক্ত মন নিয়ে গেলাম এবং প্রয়োজন হলে কড়া কড়া কথা শোনাবার সঙ্কল্প গ্রহণ করলাম।

কিন্তু আমীমুল্লা আমার একেবারে অবাচ্ করে দিলেন : শুনলাম তারকবাবুর মেয়ের সঙ্গে আপনার বিয়ের কথা চলছে ? Really a good proposal ! যেমন তারকবাবু, তেমনি তাঁর ছেলে-মেয়েরা। চমৎকার ! এ সংবাদে আমি খুব আনন্দ লাভ করেছি দ্বিজেনবাবু !

বলতে চেষ্টা করলাম : না, এঁরা এখনও প্রস্তাব নিয়ে আমার মা ও দাদাদের কাছে যাননি। আমার সম্মতির জ্ঞাত অপেক্ষা করছেন।—

তবে সম্মতি দিয়ে ফেলুন।—বলতে লাগলেন আমীমুল্লা : আরে মশাই, একবার ওর স্কুলে গেলাম পরিদর্শন করতে। এতটুকু সব মেয়ে। প্রশ্ন করলাম : বল তো বাংলার প্রধান মন্ত্রী কে ? তৎক্ষণাৎ জবাব দিল ছোট্ট একটি মেয়ে : জনাব ফজলুল হক। ওদের বইতে তো আর এসব নেই। একেই বলে

শিক্ষকতা। শুধু ফজলুল হক নয়, জনাব ফজলুল হক। অর্থাৎ কিভাবে কথা বলতে হয় তাও শেখানো হয়েছে। না, না, আপনি মত দিয়ে দিন! She is a prize girl without any doubt...আপনি দেখেছেন মেয়েটিকে? আলাপ হয়েছে?

বললাম: দেখিনি যে একেবারেই, তা বলতে পারিনি। তবে আলাপ হয়নি। কী করে হবে?

হেসে বললেন আমীহুজ্জা: ও হ্যাঁ, তাও তো বটে। আপনাদের মধ্যে মেয়ে দেখাটা বেশ ঘটা করে হয়ে থাকে। তা—আপনি একদিন দেখে নিন, তারপর সন্মতি দিয়ে দিন। গুঁরা প্রস্তাব ও আপনার সন্মতি নিয়ে আপনার অভিভাবকদের কাছে যান। আপনার মা কোথায় আছেন, ঢাকাতে?

না, তিনি এখন আছেন কলকাতায় আমার মেজদার'র ওখানে।

বেলা অনেক হয়েছিল, তাই উঠে পড়লাম। বেরিয়ে আসবার সময় দেখি বারান্দায় অপেক্ষা করছেন স্বয়ং পরিতোষ দারোগা, সাহেবের খাস কামরার বাইরে তক্কা-আঁটা বেয়ারার মতো কলিং বেলের অপেক্ষায়। নিশ্চয়ই ব্যাটা সব শুনে পেয়েছে। সাহেবের কাছে এসেছিল সাপের মতো ফণা তুলে অভিযোগের হলাহল ছড়াতে। আলাপ শুনে এবার একেবারে শামুক বনে গেল। এবার নিজেরই হাত কামড়াবে নিশ্চল আক্রোশে। ব্লডগ চাবুক খেয়ে ঘিরে-ভাজা কুকুর হয়ে গেছে। এবার চর্কণ করুক নিজেরই মড়া হাড়!.....

বাইশ

পরিতোষের নিয়মিত কনফিডেন্সিয়াল রিপোর্ট যে আদৌ কার্যকরী হলো না তা নয়। অকস্মাৎ একদিন শুধু আমার ওপরই এল দিনাজপুরের পুলিশ সুপার এস এন চাটার্জীর আদেশ—চাটার্জী পরিবারের ভাইদের সঙ্গে আমার কথা কওয়া নিষেধ। স্বাক্ষর করে আদেশ-পত্র গ্রহণ করবার সময় পরিতোষের পানের রসে কালো পুরু অধরেও স্পষ্ট বিক্রপের হাসির ঝিলিক দেখতে পেলাম! গ্রহণ করলাম বটে, কিন্তু মানা না-মানা তো পুরোপুরি আমারই খুশীর ওপর নির্ভর করে। তাই প্রকাশে তাঁদের সঙ্গে ভাস্কর ও ভ্রাতৃবধূর সম্পর্ক স্থাপিত হলেও গুরু হয়ে গেল আমার গোপনতর অভিসার। সিংহদ্বার আমার জন্ত বন্ধ হয়ে গেল বলে খুলে গেল খিড়কির দরজা। রঘুপদর মিঠাইয়ের দোকানে বসে চা পান করতে করতে যখন দেখতে পাই দীননাথ পণ্ডিত তাঁর ঘরের বারান্দা ত্যাগ করে ঘরে ঢুকেছেন কোনো কাজে এবং চাটার্জী বাড়ীর উন্টো দিকের হিন্দুস্থানী দোকানের সম্মুখের বাঁশের মাচা আলোকিত করে ভবেন সাম্রাজ্য আর বসে নেই, স্নড়ুৎ করে তখন রঘুপদর দোকানের পেছন দিকে চলে যাই। সেদিক দিয়ে বিলুদের বাড়ীতে প্রবেশের একটি ক্ষুদ্র দরজা আছে। নিঃশব্দে প্রবেশ করি এবং অন্তরমহলে বসেই বিলুর সঙ্গে নতুন সংগঠনের আলোচনা চালাই। কতখানি হয়েছে, আরও কতটা হতে পারে, এই সব। তারপর ভ্রাতৃত্বিতীয় নিরু আমায় কৌটা দিলে আমার সঙ্গে ভাই-বোন সম্পর্ক পাতিয়ে ফেলেছে। নতুন ভ্রাতার সঙ্গে তার ঘনিষ্ঠতা অত্যন্ত বেশী। তাছাড়া বাড়ীর অত্যাচার সবর সঙ্গেও বেশ সহজ হয়ে গেছি।

পরিতোষ দারোগার দ্বিতীয় আণবিক বোমা এল একেবারে অভিনবরূপে। দিনাজপুর আই বি থেকে ছ'জন এল সি অকস্মাৎ একদিন খানসামা খানার সাময়িকভাবে বদলি হয়ে এল। খানায় আই বি-র লোক? প্রথমটা ভেবেছিলাম হয়তো এই খানার এলাকার মধ্যেই কোনো গ্রামে বোধহয় বিপ্লবী দলের গন্ধ পেয়েছে দিনাজপুরের আই বি, তাই ওয়াচ করবার এই ব্যবস্থা। কিন্তু ক'দিন যেতেই বোঝা গেল, না, তা নয়। তাদের একমাত্র কাজ হলো বিবেচনাবাদ ও আমার পশ্চাতে কেউয়ের মতো লেগে থাকা। সে খুঁজে গ্রামে অন্তরীণ কোনো

রাজবন্দীকে এমনভাবে একেবারে প্রকাশ্যে অনুসরণ করা হতো বলে আমার জানা নেই। আই বি-র লোক, অথচ কোনো লুকোচুরি নেই, কোনো চালাকি নেই, প্রকাশ্য দিবালোকে একেবারে সবার চোখের সম্মুখে, যেন ঢাক-ঢোল বাজিয়ে আমাদের পশ্চাতে এরা ঘুরে বেড়াতে লাগলো।

এর ফলে সতর্কতা আমাদের আরও বাড়িয়ে দিতে হলো সত্যি, কিন্তু কাজের উত্তমে আদৌ ভাটা না পড়ে বরং তা উত্তরোত্তর তীব্র হয়ে উঠলো বাধা-পাওয়া পার্শ্বীয় বরনার মতো।

খানসামা গ্রামের সবাই জেনে গেছে যে, আমাদের পশ্চাতে ফেউ লেগেছে। আমরাও মাঝে মাঝে বন্দরের মধ্যে ঘোরাঘুরি করে বেশ মজা করতে লাগলাম। কালুবাবুর দোকানে গিয়ে যখন বসি, ওরা তখন মতিবাবুর কাছারি বাড়ীর বারান্দায় দাঁড়িয়ে বিড়ি খায়। কুঞ্জলাল আগরওয়ালার দোকানে যখন যাই ধূতি বা সূজানী বা শার্টের কাপড় কিনতে, ওরা তখন রূপেন বিশ্বাসের সাইকেল সারাই দোকানে সাইকেল সারাই দেখে। আমরা যখন নন-অফিসিয়েল ভিজিটর কিশোরী ঘোষের কাছে যাই, ওরা তখন বন্দরের বারোয়ারী দুর্গামণ্ডপের সম্মুখে উদ্দেশ্যহীনের মতো পায়চারি করে। সবাই জানে ও ওদের চেনে, তাই ওদের কাণ্ডকারখানা দেখে মুচকি হাসে, নিভৃত্তে বাঙ্গালিক আলোচনা করে। আমরাও উপভোগ করি।

বিরোধী দল পরিতোষিণী ও সীতা বিশ্বাসের নেতৃত্বে যে নিন্দা ছড়াচ্ছিল, তা এতদিন চলছিল শুধু আমাদের দু'জন রাজবন্দীকে জড়িয়েই। কিন্তু যেদিন বড়দি তাঁর ছোট বোন শিশিরকণার বিয়ের প্রস্তাব করেন এবং ভালো-মা সীমাহীন গর্ব নিয়ে এই স্নসংবাদ গৃহে গৃহে পরিবেশন করে আসেন পুজোর শেষে প্রসাদ বিতরণের মতো, সেইদিন থেকেই এই নিম্নকের দল বিশ্বৈশ্বরবাবুকে রেহাই দিয়ে একেবারে আমার নিয়েই উঠে-পড়ে লেগে গেল। আমি গোপনে বিলুদের বাড়ী যাই, গেলেই ওরা শিশিরকণাকে পাঠিয়ে দেয় আমার কাছে, শিশিরের সঙ্গে চলে আমার হাসি-তামাশা ঘন্টার পর ঘন্টা—হাছা হিহি, তারপর গান চলে, ক্যারাম্ খেলা চলে, আমার সঙ্গে চিঠি লেখালেখি চলে...এমনি সব পাণ্ডপাত ছাড়তে লাগলো তারা। এই বিশেষ কাজে গা ঢেলে দিলেন বিশেষ করে বিশ্বাস ও সান্নাধ্য পরিবার। সঙ্গে যোগ দিলেন দীননাথ পণ্ডিত, নলিনী ঘোষ, ক'জন মাড়োয়ারী আর হাড়ী ও পাছুরা পাড়ার একদল।

এদিকে কলকাতায় আমার মার কাছে বিলুর বাবা সরকারীভাবে বিয়ের প্রস্তাব পাঠালেন লাটু বিশ্বাসের অত্যন্ত ভ্রাতা ও স্বয়ং দেবীচৌধুরাণীর অত্যন্ত পুত্র পটল বিশ্বাস মারফত ! বিশ্বাস বাড়ীর কর্তৃমে কেমন করে জানি না, ফুটেছিল দু'টি মৃণাল—গোপাল ও পটল। পুরো ব্যবসায়ী হলেও গোপাল বিশ্বাস যেমন ভদ্র, তেমনি বিনয়ী। পিপীলিকার পা থেকে গুড় সংগ্রহ করতে দ্বিধা করতেন না সত্য, কিন্তু বারোয়ারী পুজো বা অন্য কোনো সমবেত কাজে গোপাল বিশ্বাসের দানের অঙ্কটাই সর্বাধিক মোটা হয়ে চাঁদার খাতার শোভা বর্দ্ধন করতো !...আর পটল তো বিলুবই বন্ধু, রাজনৈতিক কাজেও বিলুর সঙ্গেই তার হাতেখড়ি হয়েছে। গুপ্ত সমিতির কাজে যারা আত্মনিয়োগ করে, তারা সবাই যে পুরোপুরি সফল হয়, তা দাবী করছি না। কিন্তু চরিত্র তাদের গড়ে ওঠে বলেই সর্বপ্রকার সঙ্কীর্ণতাকে তারা পরিহার করে চলে বিষের মতো ! ঐ দৈত্যবংশে প্রহ্লাদের মতোই এরা দু'জন অনেকটা অপাংক্তেয় হয়ে থাকতো।

চিঠিপত্র, শিশিরকণার ছবি ও আমার বক্তব্য নিয়ে পটল যখন কলকাতা রওনা হয়ে গেছে, তখন একদিন এই প্রথম বিলুকে সব খুলে বললাম। বললাম যে, তাব বোন যখন শিক্ষয়িত্রী, বয়স প্রায় আঠারো, তখন অত্যন্ত স্পষ্টভাবে আমিই তার সঙ্গে এ ব্যাপারে কথা বলে নিতে চাই। এবং তাই উচিত। নইলে ছেলে পেলেই মেয়ের বিয়ে দিয়ে হ্যান্ডামা চুকিয়ে দেবার অজ্ঞ সব মেয়ের বাপই যে অতিমাত্রায় আগ্রহশীল, সে সহজ সত্য আমার জানা আছে।

প্রস্তাব পেয়ে তারকবাবু তৎক্ষণাৎ সম্মত হলেন এবং বাড়ীর সবাই তাঁকে সমর্থন জানাতেও দ্বিধা করলেন না।

খুশী মনে বিলু এসে সব জানালো এবং বললো যে, গভীর রাত্রে নদীর চড়ে শীগগিরই আমাদের সাক্ষাতের ব্যবস্থা সে করে ফেলেছে। বোনকেও সে বলেছে কিন্তু সে একা আসতে সাহস পাচ্ছে না, তাই শান্তিও আসবে ওর সঙ্গে।

বিস্ময় প্রকাশ করলাম : শান্তি ! তাহলে তো দাস্তবাবুর বাড়ীতেও সব জানাজানি হয়ে যাবে।

বিলু বাধা দিল : না, তা হবে না। শান্তি খুকুর বন্ধু আর দাস্তবাবু'দের পরিবারের সঙ্গে আমাদের পরিবারের বনিষ্ঠতা সবাই জানে। তাই শান্তি মাঝে মাঝে আমাদের বাড়ীতেই রাত্রে থেকে যার। তেমনি সেদিনও থাকবে।

কিন্তু সে যদি আবার গল্প করে বেড়ায় ?

বেড়াবে না, তৎক্ষণাৎ জবাব দিল সে : আপনার সঙ্গে তো পরিচয় হয়েছে, শাস্তি অত্যন্ত রিজার্ভ মেয়ে। পেটে কথা রাখতে খুব ভালো করেই জানে।

তবু সতর্ক করে দিলাম : বিশ্বাস পরিবার যেভাবে বদনাম ছড়াচ্ছে, এর পর যদি আবার এই সাক্ষাতের সংবাদ প্রকাশ হয়ে পড়ে, তাহলে তোমাদের খুব ক্ষতি হতে পারে।

কেউ জানতে পারবে না, বিলুর কাছে দৃঢ়তার স্পর্শ পেলাম।

তারপর একদিন এল সেই স্মরণীয় রাত্রি। জীবনের সুহৃৎগম চলার পথে যাকে সাথিনী করে নেবার প্রস্তাব এসেছে, যাত্রার অব্যবহিত পূর্বে তার সঙ্গে বোঝাপড়া করতে হবে। চকোর-চকোরীর মতো নিভুতে প্রেম-গুঞ্জন নয়, বিপ্লবী-জীবনের ভয়াবহতা স্পষ্ট করে বলতে হবে। বলতে হবে, বিবাহের মধ্যে যারা রঞ্জীত স্বপ্ন দেখে, সেই স্বপ্ন সার্থক করে তোলবার প্রয়াসে যারা সোনার সংসার গড়ে তোলায় আত্মনিয়োগ করে, পারিবারিক চারখানা দেয়ালের মধ্যেই জীবনের চরম আনন্দ খুঁজে বেড়ায়, সন্তান-সন্ততির মধ্যেই যারা মৃত্যুর পরেও বেঁচে থাকে, আমি সে দলের ছেলে নই। সমাজের এই অহুশাসন মেনে নেবার দায়িত্ব আমি স্বীকার করি না। বলতে হবে, পরিবার, গোষ্ঠী, সমাজ ও আদর্শ রাষ্ট্র গড়ে তোলার ব্রত ধারা গ্রহণ করেছেন, তাঁরা সবাই আমার নমস্কার বটে, কিন্তু আমার কাজ গঠন নয়। আমার একমাত্র কাজ শুধু ভাঙা, শুধু চূর্ণ করে দেয়া। চূর্ণ করে দেওয়া ভিন্ দেশী দস্যুর দস্ত, চূর্ণ করে দেয়া শতাব্দীর পরাধীনতা, চূর্ণ করে দেয়া বন্দিনী মায়ের শৃঙ্খল!.....

সুতরাং আমার সঙ্গে যার বিবাহ হবে, সে বহন করবে আমার হাতিয়ার, সে হবে আমার সাথিনী, সর্বনাশা পথে এগিয়ে চলবে হাতে হাত কাঁধে কাঁধ মিলিয়ে। বলতে হবে, এই নির্মমতম সত্য স্বীকার করে নিয়ে এগিয়ে আসার সাহস যে মেয়ের আছে, শুধু তার জন্তই খোলা আছে আমার জীবনের সিংহদ্বার, তারই জন্ত মজল কলস, তাকেই অভ্যর্থনা জানাবার জন্ত জ্বলছে ঘিয়ের প্রদীপ! নবহতের সুরে অগুরণিত হচ্ছে সেই না-দেখা কনের আগমনী!.....

মনে পড়ে, সেদিন আকাশে ছিল পূর্ণিমার চাঁদ আর আত্মাই নদীর বালুচরে ছিল জ্যোৎস্নার প্রাবন। শীর্ণকায় নদী এক ফালি সরু জলেবু স্রোত জ্বিয়ে রেখে বিরহিনীর মতো প্রিয়-বর্ষার অপেক্ষার দিন গুনছে। বালুচরে ইতস্ততঃ কাশবনের গুচ্ছ। তার মাথার সাদা সাদা ফুল! ঝিরঝিরে হাওয়ার দোল খাচ্ছে

সেই কুলগুলি। এমনি একটি কাশবনের ঝোপের পাশে বিলু নিয়ে এল শান্তি আর তার বোনকে। বসলাম ও বসতে বললাম ওদের সেই বালির আসনেই।

বিলু বললো : আপনারা কথা কন। আমি ঘুরে আসি।

আমি আপত্তি জানাতেই সে বলে উঠলো : না, না, সেজ্ঞা ভাববেন না আপনি। বরং আমি থাকলে হয়তো আপনার কথার জবাব দিতে ওরা লজ্জা করবে। আমি কাছেই থাকবো, আধঘণ্টা পরই ঘুরে আসছি।

বিলু চলে গেল। রইলাম শান্তি, শিশিরকণা ও আমি আর আকাশে জেগে রইলো অতন্দ্রনয়নে পূর্ণিমার রূপালী চাঁদ !

যা স্থির করেছিলাম, তাই করলাম। ব্যবসায়ীরা যেমন ঐক্যতান বা মুখবন্ধের ধার ধারে না, একবারেই এসে পড়ে আসল কথায়, ঠিক তেমনি আমিও মূল কথাটাই পাড়লাম : নিশ্চয়ই জান, শিশিরকণা, তোমার সঙ্গে আমার বিয়ের কথা চলছে। তোমাদের দিকের সবাই উৎসুক হয়ে উঠলেও তোমার সঙ্গে কথা না বলে আমার দিক থেকে পাকাপাকি কিছু করা ঠিক হবে না। তাই আমাদের এই সাক্ষাৎ।

শিশিরকণা জবাব দিল মৃদুকণ্ঠে : ছোড়দা'র কাছে শুনেছি কিছু কিছু।

জিজ্ঞেস করলাম : কিছু কিছু কি রকম ?

বাড়ীতে কেউ কেউ আলোচনা তোলেন, আবার আমার আসতে দেখেই চুপ করে যান। বড়দির তো আবার অত ঢাকাঢাকির অভ্যাস নেই, শিশিরকণা লঘু স্বরে বললো : সূযোগ পেলেই তিনি ঢাক পেটাতে চান। তাই কিছু কিছু কানে এসেছে।

বললাম : তোমার বড়দি ভারী সরল মানুষ আর মনে হয় ভারী আনুদে।

শান্তি বাধা দিল : সরল বলেই তো যত ফ্যাসাদ বেধে গেছে। বিয়ের একটা প্রস্তাব করে যখন আপনার দিক থেকে তেমন আপত্তি দেখেননি, বাস, আর যায় কোথা, যে বাড়ীতে আসে বেড়াতে, তাকেই বলে দেন বিয়ে প্রায় স্থির। মুখে মুখে কথাটা ছড়িয়ে গিয়ে পৌঁছে গেছে পরিতোষিণীর কানে। তিনি তো প্রত্যেক দিন বাড়ী বাড়ী গিয়ে বলে আসছেন যে, আপনার সঙ্গে থকুর বেশ দেখাশোনা ও হার্সিঠাট্টা হচ্ছে।

বললাম : তা জ্ঞানি। তবে কি জান শান্তি, ওসব নিন্দা-টিন্দা আমার

স্পর্শ করে না। অবশ্য এই নিন্দার ফলে ওদের পরিবারের মর্যাদাহানি যদি ঘটে, তাহলে আর চুপ করে থাকা যাবে না।

শান্তি জিজ্ঞেস করলো : কি করবেন ?

কি যে করবো, তা এখনই বলা কঠিন, জবাব দিলাম : তবে যা করবার তা অবশ্যই করতে হবে। যাকগে, সে কথা।—তারপর শিশিরকণাকে বললাম : রবি মুখার্জীও আমার ধরেছিল। বোধহয় সেসব কথা সে তোমায়ও বলেছে। কিন্তু আমার সঙ্গে বিয়ের যে একটা মারাত্মক খুঁকি আছে, জানি না কতখানি তোমায় তা বোঝানো হয়েছে।

শিশিরকণার মুহূর্ত্ত স্বর শুনতে পেলাম : খুঁকি আছে জানি।

বললাম : দেখ, বিয়ে কোনোদিন করবো, একথা ভাবতেও পারি না। বহুকাল ধরে বহু প্রস্তাব এসেছে, তবে বাবা, মা বা দাদাদের পর্য্যন্ত। আমার কাছে কেউ আসতে সাহস পায়নি। বিয়ে করবার সময় কোথায় আমাদের ? অকস্মাৎ বিশ্বেশ্বরবাবুর পাল্লার পড়ে ছুম করে লিখে বললাম বাড়ীতে আর ব্যাটা পরিতোষ তৎক্ষণাৎ ঢাকে কাঠি দিয়ে বসলো।

শান্তি হেসে উঠলো : পরিতোষের ঢাক এবার বিয়ের সানাই হয়ে বেজে উঠবে।

হাসলাম : দাঁড়াও, এর মধ্যে অনেকগুলো ‘কিন্তু’ আছে। পটল যে ফটো নিয়ে গেছে, সে ফটো দেখে মার পছন্দ হবে কিনা কে বলবে !

ফৌস্ করে উঠলো শান্তি : কেন, আমরা তো বলছি না আমাদের মেয়ে সুলন্দরী রূপসী।

নিশ্চয়ই বলছো না ! তৎক্ষণাৎ সার দিলাম : তা কেউ বলছেন না। কিন্তু মা যদি কালো মেয়ে পছন্দ না করেন, তাহলে ?

শান্তির কণ্ঠস্বরে গাভীর্য্য : সে সব আপনি জানেন।

গাভীর্য্যের আঁচ পেয়ে সহজ হবার চেষ্টা করলাম : না, সে কথা নয়। মা পাকা কথা দেবার আগে নিশ্চয়ই আমার মতামত জানতে চাইবেন এবং কালো মেয়ের প্রতি যে আমার বিশেষ কোনো বিরূপতা নেই, তাও তোমার অজানা নয়।—বলে একটু থেমে ওদের মুখখানা দেখবার চেষ্টা করলাম। কিন্তু সম্ভব হলো না। ঠিক পেছন ফিরে না বসলেও চাঁদের দিকে ওরা মুখ দিয়ে বসেনি। বরং বোকার মতো আমিই বসে পড়েছি একেবারে চাঁদের মুখোমুখি।

ওরা হালকা হয়েছে কিনা বুঝতে পারলাম না। তাই আমার কথাই আমি বলতে শুরু করলাম : কিন্তু মত দেয়ার কথাই শুধু নয় শান্তি। এটা সাধারণ একটা প্রস্তাব নয়। তাই চূড়ান্ত রূপ দেবার আগে স্থিরচিত্তে ভেবে দেখা দরকার। আমার দিক থেকে শিশিরকণাকে পরিকারভাবে জানানো দরকার যে, বিয়ে করলেও রাজনীতি আমি ত্যাগ করতে পারবো না কোনোদিন। আর বিপ্লবীদের রাজনীতি মানেই হচ্ছে আমৃত্যু সংগ্রাম। হয়তো কীসিতেই তার পরিসমাপ্তি।

শিশিরকণা বললো : তা জানি।

জিজ্ঞেস করলাম : কিন্তু জানো কি যে, বিপ্লবীরা কখনো ideal husband হতে পারে না? তুমি হয়তো তোমার বিবাহিত জীবনে একটি রজনীন স্বপ্ন সার্থক করে তোলাবার স্বপ্ন দেখেছো, কিন্তু জানো কি, বিপ্লবী স্বামীর হাতে পড়ে সেই স্বপ্ন চূরমার হয়ে যেতে পারে?

শিশিরকণা জবাব দিল : জানি।

জানো কি, আমার যদি জেল হয়ে যায় কখনো, তাহলে তোমার আবার বাপের বাড়ীতেই ফিরে আসতে হবে? অথ কোথাও ঠাই মিলবে না?

স্পষ্ট জবাব দিল : তাও জানি।

জিজ্ঞেস করলাম অত্যন্ত সিরিয়াসভাবে : জানো যদি তাহলে কেন এই দারুণ খুঁকি নিতে রাজী হচ্ছে, বল তো!

মুহূর্তের জবাব দিল : খুঁকি নিয়ে যারা চলছে, তাদের সঙ্গে চলবার খুঁকি নিতে রাজী আছে, এমনি মেয়েও তো থাকতে পারে।

শান্তি সমর্থন করলো : নিশ্চয়ই। আপনিই তো বলেছেন, পুরুষ যা করতে পারে, মেয়েরাও পারে তা। আপনি যদি বিপ্লবী পুরুষ, খুকু হবে বিপ্লবিনী নারী। সুতরাং আপনাদের বিবাহে কোনো আপত্তি থাকতে পারে না।

শান্তি যা-ই বলুক, তবুও শিশিরকণার স্পষ্ট মত জানা দরকার। শান্তি যতই প্রিয় বন্ধু হোক, তার সম্মুখে সব কথা বলতে সঙ্কোচ হতে পারে। আর এমন কিছু তাড়া নেই যে, এখনই মতামত জানাতে হবে। আমার দিকের সব কথাই বলেছি আমি, এবার নিজের মনের সঙ্গে ভালো করে বোঝাপড়া করে নিক শিশিরকণা। তাই শান্তির গালভরা কথার প্রতিক্রিয়া না তুলে বললাম : শোন শিশিরকণা, তুমি বুদ্ধিমতী, তোমার দাদারাও অল্পবিস্তর রাজনীতি করে থাকেন।

রবি তোমার সন্মতি আছে সংবাদ নিয়ে এসে আমার কাছে বতই নৃত্য করুক না কেন, আজকের কথাগুলো সেটা খুব সিরিয়াসলি ভেবে দেখো তুমি নিজে। বরং তোমার মতামত দু'চার দিন পরে জানিয়ে বিলুপ্ত মারফত।

শিশিরকণা বললো : আচ্ছা।

তারপর হালকা প্রসঙ্গে এসে পড়লাম : Siva-leg ও Diamond-red যে গাধাবোটের মতো সর্বদাই আমাদের পেছনে লেগে আছে, তা জানো তো ?

কে ?—শিশিরকণা প্রশ্ন করলো।

হেসে বললাম : তোমার মেজদার কাছে শিখেছি। মানে, শিবপদ আর হীরালাল। জানতো, ওরা ফেউয়ের মতো লেগে আছে আমাদের পেছনে ?

সব জানি।

হেসে বললাম : কিন্তু মজা হচ্ছে এই যে, সন্ধ্যার পর সুবোধ বালকের মতো আমরা বাড়ীতে অবস্থান করেছি মনে করে ওরা যখন সিপাইদের চোকায় রান্না চড়ায়, তখন আবার শুরু হয় আমাদের কাজ। পেছনের গুপ্তপথে নিঃশব্দে বেরিয়ে এসে রান্নাঘরের বেড়ার বাইরে দাঁড়াই আর ওদের সারাদিনের কাজ সম্বন্ধে যেসব আলোচনা হয়, সব শুনে নিই।

প্রশ্ন করলো শাস্তি : আপনারা স্পাইয়ের ওপর স্পাইং করছেন ?

তা করছি।—

ঘন্টাখানেক পর বিলু, শাস্তি ও শিশিরকণা বিদায় নিয়ে চলে গেল। একা দাঁড়িয়ে রইলাম কিছুক্ষণ। তারপর ফেরবার পথে নদীর নির্জন উঁচু পাড়ে দাঁড়িয়ে আর একবার দৃষ্টি প্রসারিত করলাম। আকাশে তেমনি চাঁদ, তেমনি জ্যোৎস্নার বস্তু, শুভ্র কাশফুলের তেমনি দোলন আর সারা শরীরে তেমনি মিঠে হাওয়ার পেলব পরশ !.....

অকস্মাৎ একদিন কলকাতা থেকে মেজদার পত্র পেলাম, মা ছারারোগ্য সেপটিসিমিয়া রোগে আক্রান্ত হয়েছেন। তিনি আমার দেখতে চান। বাড়ীতে অন্তরীণ থাকতে বাবাকে হারিয়েছি। শুধু এটাই একমাত্র লাস্তনা যে, তাঁর শেষ নিঃশ্বাসটি বেরিয়ে যাবার সময় আমিও তাঁর শিরে ছিলাম। গ্রামে অন্তরীণ থাকতে এখন কি আবার মাকে হারাতে হবে ? অত্যন্ত বিচলিত বোধ করলাম এবং তৎক্ষণাৎ দরখাস্ত করে দিলাম এবং আশ্চর্য্য, দিন দশেকের মধ্যেই

সাত দিনের ছুটিই শুধু মঞ্জুর হয়ে এল না, দিনাজপুর থেকে দু'জন সশস্ত্র সিপাই এসে হাজির হলো। আমায় নিয়ে যাবার জ্ঞত। তৎক্ষণাৎ রওনা হলাম।

কলকাতা ভবানন্দ রোডে মেজদার বাড়ীতে এসে দেখি, মা শয্যা় একেবারে লীন হয়ে গেছেন! একেবারে ক'খানা হাড়মাত্র অবশিষ্ট আছে। সুনলাম, বাঁ হাতের কনুইতে সেপটিসিমিয়ার পচনশীল কৌড়া যখন দেখা দেয়, ডাঃ প্রিয়তোষ ঘোষাল তখন অনন্তোপায় হয়ে অস্ত্রোপচারের সিদ্ধান্ত করেন। সামান্য একটু ছাড়িয়ে দিলেই চলবে মনে করে প্রিয়তোষ যখন ছুরি চালিয়েছেন, অকস্মাৎ তখন দেখা গেল মাংসের মধ্য দিয়ে সুড়ঙ্গ কেটে খাল অনেকদূর চলে গেছে। কিন্তু তখন আর স্থগিত রাখবার উপায় ছিল না। তাই ক্লোরফর্ম না করেই, কোন কম্পাউণ্ডারের সাহায্য না নিয়েই প্রিয়তোষ কাঁচি চালিয়ে কচ্ কচ্ করে কেটে ফেলেন কাঁচা মাংস। তারপর অবশ্র জোরালো ওষুধ দেবার কলে যা শুকিয়ে আসছে।

পটল বিশ্বাস এসে মার কাছে শিশিরকণার ফটো ও তারকবাবুর পত্র দিয়ে গেছে দেখলাম এবং সুনলাম চাটাজ্জী বাড়ীর বক্তব্যও জানিয়ে গেছে। কিন্তু আমি বললাম : মুক্তি পাবার আগে বিয়ে করা ভুল হবে মা। কবে মুক্তি পাবো আর কবে চাকরি পাবো, তার কোনো ঠিক ঠিকানা নেই। অথচ বিয়ে করে বসবো, এ মুক্তি মেনে নিতে পারি না। বিয়ে করে খাওয়ানো কি? থাকবো কোথায়?

মা বললেন : সেজ্ঞত তোমায় ভাবতে হবে না। ছাড়া পেলে চাকরি পেতে দেবী হবে না। তুমি বিয়ে কর।

বাধা দিলাম : কি করে বলছো দেবী হবে না? চাকরি করবার যোগ্যতা আমার আছে কি? আর থাকলেও চাকরির বাজার সস্তা নয়। ছাড়া পাওয়ার পর এই বেকার ভাইকেই দাদারা কতকাল পুষতে পারবেন বা রাজী হবেন কে জানে। বোঁ তো তার বাপের বাড়ীতে থাকবেই, আমায়ও আবার না খন্তর বাড়ীতেই গিয়ে উঠতে হয়।

বোন হেনা মার মাথায় হাওয়া করছিল, বলে উঠলো : আমার ওখানে গিয়ে উঠোঁ বোঁ নিয়ে। তবু বিয়ে কর। আমার যদি জোটে, তাহলে বোদি ও তোমারও ভাল-ভাত জুটবে।

বললাম : উৎসাহ তো খুবই দেখাচ্ছিল, কিন্তু জানিস, মেরেট কালো। ফটো দেখে ভুলে যাসনি সে কথা।

হেনা কল্কল করে উঠলো : আচ্ছা, আচ্ছা, আর ব্যাখ্যা করতে হবে না তোমায়। হোক কালো, হোক দেখতে নাই-বা ভালো, সে আমার বুঝবে।

হেসে বললাম : বাঃ, তুই বুঝবি কিরে ! বিয়ে করবো আমি আর বুঝবি তুই ? না, না, কালো মেয়ে ফর্সা ছেলের পক্ষে বিয়ে করা ঠিক নয়।

মা বললেন : তোর বৌ দেখে যাবো এই ছিল আমার ইচ্ছা। হেনা তার সংসার ছেলেমেয়ে ফেলে এসেছে। কদিন আর পারবে থাকতে ! তোর বৌ এসে আমার শুশ্রূষা করবে, এই তো আশা করেছিলাম ! কিন্তু দেখছি তা আর এ জীবনে হলো না।—বলে একটি গভীর দীর্ঘশ্বাস ত্যাগ করলেন।

এবার আর পারলাম না নিজের জেদ অটুট রাখতে। মৃত্যুপণ্ডিত্রীণীর শেখ আকাজ্জক যেন আর্ন্তনাদের মতো আমার কানে ধ্বনিত হলো। মনের ইম্পাত-কাঠামো যেন বিহারী ভূমিকম্পের সংঘাতে একেবারে চূরমার হয়ে ভেঙ্গে পড়লো !.....

সেদিনই আই বি-র কর্তা নলিনী মজুমদারের কাছে দরখাস্ত করলাম। একদিন আই বি দারোগা প্রফুল্ল মণ্ডল এসে আমার নিয়ে গেলেন লর্ড সিংহ রোডে। দোতলায় নলিনী মজুমদারের কক্ষ। টেবিলের ওপর একখানা মোটা লাল রংয়ের মলাটওয়ালা ফাইল দেখিয়ে বললেন : আপনার ফাইলটা বার করেছি। দেখছেন তো লাল রং, মানে dangerous, তারপর মোটাও কম নয়। সময় লাগবে।

বললাম : পুরোনো কাস্টমি না ঘেঁটে এই প্রস্তাবটাই বিবেচনা করুন না যে আমি বিয়ে করে সংসারী হবো।

নলিনী বললেন : সেটা অবশ্যই ভালো প্রস্তাব। তারকবাবুদের পরিবার বেশ নামকরা।

কিন্তু তার আগে ছেড়ে দিন, চাকরি-বাকরি খুঁজতে হবে যে ! চাকরি না পেয়ে বিয়ে করা কি সম্ভব হবে ? আপনিই বলুন—

আচ্ছা, আপনার প্রস্তাব বিবেচনা করে দেখবো।—আশা দিলেন নলিনী মজুমদার।

ফিরে এলাম। মাকে সব বললাম। মা আশাবৃত্তি হয়ে উঠলেন। আমাদের পরিবারে আমার বিবাহ যেন একটা অভূতপূর্ব ঘটনা, অচিস্তনীয়ও বটে !...

পূর্বেই বলেছি, অজস্র চেষ্টা হয়েছে সর্কদিক থেকে। কিন্তু এতকাল আমার ছিল ধনুক-ভাঙ্গা পণ !

খানসামা ফিরে এসেই সেখানকার সমস্ত ঘটনা জানতে পারলাম বিশ্বেশ্বরবাবুর কাছে। আমার অল্পপস্থিতিতে সাধারণ নিন্দা এবার অকথ্য বদনাম হয়ে প্রচারিত হচ্ছিলো লোকের মুখে মুখে। সীতা বিশ্বাস সরমের লেশমাত্র আর না রেখে একেবারে আসরে নেমে পড়েছিলেন রণরঙ্গিনী তাড়কার বেশে। পশ্চাতে তাঁর ছিল পুরো এক অন্ধোহিণী মোসাহেব ও গ্রাম্যদেবতা। হাড়ীপাড়ার হাড়ীরা এই শুদ্ধি অভিনানে মদ্য যোগাচ্ছিল। ফলে, সাময়িকভাবে নিরীহ ও শাস্তিপ্রিয় চাটার্জী পরিবার কোণঠাসা হয়ে পড়েছেন বলা যায়।

আমার অল্পপস্থিতিকালেই খানসামা গ্রামে ধুমকেতুর মতো এক ভয়মাথা হিন্দুস্থানী সাধুর আগমন হয়েছে। সাধু এলেই তার আশেপাশে বেশ সহজ-ভাবেই ভক্ত জুটে যায় জল উঁচু ও জল নীচু বলবার জ্ঞান। সীতা বিশ্বাস এই ভক্তবৃন্দের নেতৃত্ব যেতে গ্রহণ করেছেন। সাধুর আশ্রম তৈরী হয়ে গেছে এবং আশ্চর্য্য যে তা ভালো-মারই কাজির বাগানের বিরাটাকার আম, জাম ও কাঁঠাল গাছের নীচে। সহজ মানুষ ভালো-মা সাধু দেখেই ভড়কে গিয়েছিলেন এবং ভক্তবৃন্দের সমবেত আবেদন আর সাহস করে প্রত্যাখ্যান করতে পারেননি। কিন্তু খাল কেটে কুমীর আনার মুঢ়তা ভালো-মা উপলব্ধি করেছিলেন অনেক পরে। তখন বড় দেয়ী হয়ে গেছে।

সাধুর ওখানে প্রতি সন্ধ্যায় ভিড় জমছে এবং করকোষ্ঠী বিচার করে ও ধ্যানে বসে সাধুপ্রবর লোমহর্ষণকারী সব তথ্য ব্যক্ত করছেন। সীতা বিশ্বাসের লাউডম্পীকারের মতো তিনি বলতে শুরু করেছেন যে, এই খানসামা গ্রামের সর্কাপেক্ষা নিকৃষ্ট পরিবার হচ্ছে চাটার্জী বাড়ী। ওরা সবাই চরিত্রহীন। ওদের পাপের জ্ঞানই এই গ্রামের অকল্যাণ অবশ্রম্ভাবী। কলেরা দেখা দেবে, বসন্ত দেখা দেবে, মড়কে গ্রাম শ্মশান হয়ে যাবে। 'অতএব...ইউরেকা ইউরেকা বলে চীৎকার করে না উঠলেও কুৎসা প্রচারের সহজ পন্থা আবিষ্কার করে দিয়ে সাধু ভক্তবৃন্দের চাওয়া মেটাতে শুরু করেছেন।.....

পরিস্থিতি তখন অত্যন্ত গুরুতর আকার ধারণ করেছে। গ্রামে স্পষ্ট দুটি দল হয়ে গেছে। সীতা বিশ্বাসের দলের জনসংখ্যা অনেক—অনেক বেশী। আর চাণক্যের মতো সেই দলের কূটবুদ্ধি জোগাচ্ছে সেই ভয়মাথা সাধু। নিত্য নতুন

নিন্দা প্রচারিত হচ্ছে কাজির বাগান থেকে। বাকুদখানার মতো মারাত্মক হয়ে উঠেছে আবহাওয়া। এখন কোনোক্রমে একটি দেশলাইয়ের কাঠি পড়লেই বিস্ফোরণ অনিবার্য!.....

জানা গেল, পরিতোষ এবার আর সাপ্তাহিক নয়, প্রায় দৈনিক কন্ফিডেন্সিয়াল রিপোর্ট পাঠাচ্ছেন। ফেউ ছুটি ফিরে গেছে দিনাজপুরে এবং নিশ্চয়ই হারুন-অল-রশীদদের কোতুকপূর্ণ গল্পগুলো বাণেশ্বরের কানে ঢেলে দিয়েছে অস্টেলিয়ান মধু।

সময় হাতে নেই আর। তখনই বিশ্বেশ্বরবাবুর সঙ্গে পরামর্শ করে আমাদের কর্মসূচী স্থির করে ফেললাম। আমাদের অল্প এই গ্রামের কাকুর বা কোনো পরিবারের বিন্দুমাত্র ক্ষতি আমরা হতে দোব না। বিশেষ করে চাটাজ্জী পরিবার আমাদের শুভাকাজক্ষী ও সুহৃদ। তাঁদের পারিবারিক মর্যাদা ক্ষুণ্ণ হতে দেওয়া অত্যাচার হবে। কিন্তু প্রতিপক্ষ আমাদের বিরুদ্ধে কিভাবে অগ্রসর হচ্ছে বা কতখানি অগ্রসর হয়েছে, তার সঠিক বিবরণের খানিকটা পাওয়া যাবে পরিতোষের কন্ফিডেন্সিয়াল রিপোর্টে। কারণ সে-ই আমাদের প্রধান শত্রু। শত্রুর গোপন দলিলে তার মনোভাব বোঝা যাবে। সুতরাং স্থির করা হলো যে, থানা থেকে পরিতোষের Deed Box-টা চুরি করে আনতে হবে। কন্ফিডেন্সিয়াল রিপোর্টের ডায়েরীখানা ওর মধ্যেই থাকে। সেখানা সরিয়ে ফেলতে পারলে ব্যাটাকে নাকানি-চোবানি খাওয়ানো যাবে বেশ। আমরাও বুঝতে পারবো পরিস্থিতির গুরুত্ব।

সময় হাতে নেই আর। তাই বেরিয়ে পড়লাম নিঃশব্দে সেদিনই গভীর রাতে। বিশ্বেশ্বরবাবু ক্ষুদ্র একটা টর্চ নিয়ে থানার বারান্দায় অপেক্ষা করতে লাগলেন। আমি প্রবেশ করলাম সন্তর্পণে বিড়ালের মতো সিপাইদের ঘরের খোলা জানালাপথে। ছয়জনের মধ্যে চারজন ছিল সে রাতে। এল সি রবি নেই, পরিতোষ সাধারণ সিপাইয়ের মতো তাকেও পাঠিয়েছেন টঙ্কুরা গ্রামে ডিউটিতে।... পরিতোষও অবশ্য ছিলেন না সেদিন। তাই যে নৈশ সাক্ষী বারান্দায় স্তিমিত লণ্ঠন রেখে টেবিলের ওপর লম্বা হয়ে শুয়ে নাসিকা গর্জ্জন করে পাহারা দিয়ে থাকে, সে-ও আজ রেহাই পেয়ে একেবারে খাটে এসে আশ্রয় নিয়েছে। সুতরাং সাংঘাতিক ঝুঁকি নিতে হলো। ওদের পাশাপাশি বিছানো লোহার খাটে মশারির নীচে ঘুমোচ্ছে সিপাইরা, তার মাঝখান দিয়ে প্রায়

গা ঘেসে এগুতে হবে আমাকে। নিঃশ্বাস বন্ধ করে সীমাহীন সতর্কতার সঙ্গে বেড়ালের মতো এগিয়ে এসে থানার প্রধান কক্ষে প্রবেশ করলাম। বারান্দার দরজা আস্তে আস্তে খুলে দিতেই বিস্ময়বাবু প্রবেশ করলেন। কিন্তু টর্চ মাঝে মাঝে জালিয়ে তন্ন তন্ন করে খুঁজে দেখা গেল, ব্যাটা Deed Box-টা সে রাত্রে আর থানায় রেখে যায়নি।...সুতরাং ব্যর্থকাম হয়ে ফিরে আসতে হলো বাসায়। সেই রাত্রেই সিদ্ধান্ত করে ফেললাম ছু'জনে পরদিনই জেলা ম্যাজিস্ট্রেটকে চরমপত্র দেবো আমাদের খানসামা থেকে বদলি করবার দাবী জানিয়ে। অপেক্ষা করবো মাত্র সাতদিন। তারপরই আমরা আইনভঙ্গ করবো, থানায় হাজিরা দেবো না। কয়েক মাস কারাদণ্ড হয়ে গেলে আর ফিরে আসতে হবে না খানসামায়। হয়তো তাতে এখানকার উত্তাপ প্রশমিত হয়ে যাবে, চাটাজ্জী পরিবারের মর্যাদা পুনরুদ্ধার হবে। আমাদেরই সঙ্গে ঘনিষ্ঠতার ফলে এমন নিকলঙ্ক পরিবারের অবমাননা আমাদেরই কর্তব্যে রোধ করা। আমরা চলে গেলে তা সম্ভব হবে।

কিন্তু কোনো জবাবই এল না আমাদের চরম পত্রের। সুতরাং চরম পস্থা গ্রহণ করতে হলো। এক হাটের দিনে আমরা আর গেলাম না থানায়, কালুবাবুর দোকানে নতুন স্যানিটারী ইন্সপেক্টর ভবানীপ্রসাদ রায় চৌধুরীর সঙ্গে গল্প করেই কাটিয়ে দিলাম নির্দ্বারিত সময়। তাঁরই মুখে সংবাদ পাঠালাম বিলুর কাছে যে, আমরা খানসামা ত্যাগ না করলে তাদের কল্যাণ সাধন করতে পারবো না। ভবানীবাবু অবশ্য সহসা আইনভঙ্গ না করবারই অনুরোধ জানালেন। বললেন যে, তিনি সবে এসেছেন, পরিস্থিতিটা এখনও ভালো করে বুঝে উঠতে পারেননি। বললেন : কয়েকটা দিন অপেক্ষা করুন না। এর পর দারোগাকে কি করে সায়েরস্তা করতে হয়, তা দেখিয়ে দিচ্ছি।

আমরা অবশ্য সেদিনই আইনভঙ্গ করেছিলাম। কিন্তু আমি স্থানান্তরিত হয়ে চলে যাবার পর এই ভবানীবাবুই পরিতোষ দারোগাকে যে কিভাবে সরকারী প্যাচ কবে নাকানি-চোবানি খাইয়ে শেষ পর্যন্ত অগ্রজ সেরে পড়তে বাধ্য করেছিলেন, সে এক লোমহর্ষণকারী কৌতুককর ইতিবৃত্ত!.....

সাড়ে ছটায় বাসায় ফিরে চা খাচ্ছি। এমন সময় দারোগার সরকারী পোশাক এঁটে অকস্মাৎ পরিতোষের আবির্ভাব!

বিশ্বেশ্বরবাবু বলে উঠলেন : আরে দারোগাবাবু যে ! আসুন, আসুন—
ওরে বাচ্চা, আর এক কাপ চা দিয়ে যা ।

পরিতোষ বললেন না, দরজার কাছে দাঁড়িয়েই দ্বিধাজড়িত কণ্ঠে বললেন :
বি সি এল এ আইনের নির্দিষ্ট ধারায় আমি আপনাদের গ্রেপ্তার করতে এসেছি ।

বিশ্বেশ্বরবাবু টিপ্পনি কাটলেন : গ্রেপ্তার ! গ্রেপ্তার তো আমরা হয়েই
আছি । কিন্তু এস পি-র হুকুম কি এরই মধ্যে এসে গেল ? পাঁচটার থানায়
যাইনি আর এখন—

এস পি-র হুকুম লাগবে কিসে ?—লগাট কুঞ্জন করে প্রশ্ন করলেন পরিতোষ ।

আমি জবাব দিলাম : তাই-ই তো হচ্ছে নিয়ম । রাজবন্দী আইন ভঙ্গ
করলে স্পেশাল বার্তাবাহ মারফত সংবাদ পাঠাতে হয় এস পি-র কাছে । এস পি
বললে তবে গ্রেপ্তার করে চালান দিতে হয় । দারোগা আগেই গ্রেপ্তার
কবেন না—

পৌরুষে লাগলো যা । পরিতোষ বললেন : আইনের ব্যাখ্যা আপনাদের
কাছে না শুনলেও চলবে । আমার কর্তব্য স্বপক্ষে আমি বেশ সচেতন ।

অবশ্যই, অবশ্যই ।—বিশ্বেশ্বর আবার ঠাট্টা করলেন । তারপর হাত দু'খানা
এগিয়ে দিয়ে বললেন : নিন, হাতকড়া লাগান, তারপর কোমরে দড়ি বাঁধুন,
তারপর টেনে নিয়ে চলুন থানার বারান্দায় । তবেই তো বোঝা যাবে যে,
খানসামা থানার দারোগা আমাদের গ্রেপ্তার করেছেন । খানসামা বন্দরের
মুচ জনসাধারণ বুঝতে পারবে আপনাদের কত খ্যামতা !

এমন সময় চা হস্তে বাচ্চার প্রবেশ । সে অতশত তখনো বুঝতে পারেনি,
পরিতোষ কাপটা না নেয়াতে সে ভদ্রতা করলো : খান ক্যানে, চা-টা ভালোই
হচ্ছে ।

আমি বললাম : দেখবেন আবার, বন্দী আসামীর বাড়ীর চা, বলা যায় না,
কিছু মেশানোও থাকতে পারে ।

বিশ্বেশ্বরবাবু হেসে উঠলেন, বললেন : বাচ্চা, ওটা তুই-ই খেয়ে ফ্যালগে ।
আমরা এখন গ্রেপ্তার হয়েছি । তাই থানায় যাচ্ছি । চলুন, দারোগাবাবু ।

দারোগার সঙ্গে সঙ্গে থানার বারান্দায় এসে বসলাম । খুব স্টাইল করে
পরিতোষ করেক পৃষ্ঠা রিপোর্ট লিখলেন বোধহয় সেদিন যথাসময়ে থানায় হাজিরা
না দিয়ে, আইন ও শৃঙ্খলার ওপর প্রতিষ্ঠিত ব্রিটিশ গভর্নমেন্টের কোন্ পাক ধানে

মই চালিয়ে দিইছি, তারই সালঙ্কার বিষয়গী। ইংরেজী ভাষায় তিনি বরাবরই অক্সফোর্ডের এম এ ; তাই তোবড়ানো গালে আরও কয়েকটা রেখা ফুটিয়ে ও তাখুল রসে কৃষ্ণবর্ণ গোটাকয়েক মূলো-দীত বার করে হঠাৎ জিজ্ঞেস করলেন : এ্যাবজর্ভ্ বানানটা কি দ্বিজেনবাবু, 'bc' না 'vc' ?

বলে দিলাম।

লেখা শেষ করে দারোগামুলভ গান্ধীর্ষ্য প্রকাশ করে বললেন : আপনারা থেয়ে নিন। তারপর কোথায় থাকবেন, ঠিক বুঝতে পারছি না—

আমরা কিন্তু বেশ বুঝতে পারছি এবং আপনাকেও তা বুঝিয়ে দিছি।— বলতে লাগলেন বিশ্বেশ্বরবাবু : যেই মুহূর্তে আমাদের গ্রেপ্তার করেছেন, সেই মুহূর্তে আমাদের খাবার ও পাকবার ব্যবস্থা আপনাকেই করতে হবে। আমরা যে রাজঅতিথি এখন থেকে। আর আপনি সেই রাজার প্রতিনিধি।

কত করে পান আপনারা খাবার জ্ঞাত ?

বাধা দিলাম : আপনার ঐ মোটা মোটা কেতাবে কিন্তু তা খুঁজে পাবেন না, দাবোগাবাবু। ওতে আছে সাধারণ আসামীদের খাওয়ার জ্ঞাত বরাদ্দ তালিকা। আমরা যে ডেটিনিউ। আমাদের বরাদ্দ অনেক বেশী।

তাচ্ছিল্যভরে বলতে চেষ্টা করলেন পরিতোষ : 'এ' ক্লাস আসামীর বরাদ্দ যা, তাই পাবেন। আজ ওতেই চালিয়ে নিন, তারপর ঠাকুরগাঁ গিয়ে না-হয়—

মাপ করবেন স্তার—বাধা দিলেন বিশ্বেশ্বরবাবু : আইনকানুন আপনি যেমন জানেন, তেমন আমরাও জানি। ঐ চালিয়ে নেবার ব্যাপারটা আব চল না। এ্যাদিন চলতো এবং চলছিল ও। কারণ এ্যাদিন আমরা ছিলাম গভর্নরের বন্দী। দেখেননি, আমাদের ওপর সমস্ত হুকুমনামার বয়ান থাকে—His Highness the Governor has been pleased...ইত্যাদি ইত্যাদি ? আর এখন আমরা আপনার হাতের আসামী—His Exalted Highness the Officer-in-charge of Khansama Police Station ! এখন আর চালাচালি নেই। যা পাওনা, কড়ারগুণ্ডায় হিসেব করে নোব। এক কাজ করুন, দু' দিস্তে ফুলকো লুচি আর আধসেরটাক মাংস আনাবার ব্যবস্থা করুন। সঙ্গে কিছু মিষ্টি। নইলে আমরা খাবো না আর আমাদের যা বলবার, তা বলবো কাল এস ডি ও-র কাছে।

রান্না তো আপনারদের হয়ে গেছে, বিশ্বেশ্বরবাবু—

আজ্ঞে হ্যাঁ, তা হয়ে গেছে এবং আমরা ঐ রান্নাকর খাবার রান্নায় ফেলে

দেবো। বিচারাধীন আসামীর খাবার ব্যবস্থা করতে আপনি বাধ্য।—স্পষ্ট জানালেন বিস্বেশ্বরবাবু।

মহা হাজ্জামার পড়ে গেলেন দোদীপ্ত-প্রভাপ দারোগা পরিতোষ। কোথায় পাওয়া যাবে লুচি আর মাংস? রঘুর দোকানে তৈরী নানারকম মিষ্টি, লুচিও হয়তো হতে পারে। কিন্তু মাংস?...পরিতোষের বাংলা পাঁচ-মার্কী মুখখানা একেবারে পেঁচার মতো দেখাতে লাগলো।

অবশেষে হেসে বললেন বিস্বেশ্বরবাবু: আচ্ছা থাক্, আমরা আমাদের চাকরের রান্নাই খাবো'খন। কিন্তু আজ রাজে কোথায় থাকবে আমরা?

আমিই জবাব দিলাম: কেন, থানার হাজতে? আসামী হয়ে কি আবার বাসার গিয়ে আরাম করে শুতে চান নাকি বিস্বেশ্বরবাবু?

ইতিমধ্যে সংবাদ রটে গেছে বোঝা গেল। দু'চারজন ভদ্রলোক এসে পড়েছেন,—ভবানীবাবু, কিশোরীবাবু, কুঞ্জলাল, ডাক্তার অমর গুপ্ত প্রভৃতি। এল সি রবির মনে কি হচ্ছে জানিনে। কারণ আমাদের চোখের দিকে চাইছে না সে। নীরবে দারোগার হুকুম তামিল করে একবার এনে দিচ্ছে P. R. B. (Police Regulations, Bengal) বইখানা, আবার এগিয়ে দিচ্ছে Deed Box-টা। ঘরের মধ্যে টেবিলে বসে কলম চালাচ্ছেন জমাদার কামাখ্যা মুখুজে আর মাঝে মাঝে মুচকি হাসির আভার তাঁর অধর দু'খানি প্রসারিত হয়েই আবার সঙ্কুচিত হচ্ছে। রসিক ব্যক্তি, কিন্তু বদরসিক পরিতোষ যে তাঁর বস্!.....

কোথায় আমরা রাজিযাপন করবো, তা নিয়ে মহা সমস্যার পড়লেন পরিতোষ। খাবার হাজ্জামা চুকলো, কিন্তু শোবার?

আমি বললাম: আমাদের বিছানাপত্র সব আনিয়ে হাজতের মধ্যে মশারি টাঙ্কিয়ে ভালো করে বিছানা করে দেবার ব্যবস্থা করুন দারোগাবাবু!

রবি!—হাঁক দিলেন পরিতোষ।

আজ্ঞে!—রবি এসে হাজির।

এঁদের দু'জনের বিছানা এনে হাজতের মধ্যে ভালো করে পেতে দাও। একটা সিপাইকে নাও।

রবি নিবেদন করলো: কিন্তু স্মার, হাজতে যে সুপীকৃত ডায়েরী ও অগ্ন্যস্ত্র পুরোনো খাতা রয়েছে—

কেন রয়েছে ওখানে?—পরিতোষ এতগুলো ভদ্রলোকের সামনে যেন দ্বিতীয় চাণক্যের মতো ভয়ে কম্পমান বাচালকে রক্তবর্ণ চক্ষু দেখাতে লাগলেন : হাজত কি গুদাম? কে ওসব রেখেছে ওখানে?

মনে হলো এর পরই বজ্রকণ্ঠে হুকুম হবে : উস্কো গদ್ದান লাও।

কিন্তু ভীতসন্ত্রস্ত বাচাল মিনমিন করলো : আপনিই বলেছিলেন স্মার পুরোনো খাতাপত্র ওখানে সাজিয়ে রাখতে—

বলেছিলাম? বেশ করেছিলাম—তৎক্ষণাৎ জবাব দিলেন পরিতোষ : কিন্তু এখন এঁদের শোবার ব্যবস্থা কি করা যেতে পারে?

কথা বললেন ভবানীবাবু : ওরা না হয় ওঁদের বাসাতেই—

বলেন কি?—ফিরে দাঁড়ালেন পরিতোষ : গ্রেপ্তারের পর নিজেদের বাসায়? তারপর বলা যায় না, যদি পালিয়ে যাই?—যোগ করে দিলাম আমি।

কিন্তু পরিতোষের আশ্চর্যান্বিত বৈশীক্ষণ স্থায়ী হলো না। প্রথমতঃ হাজতে জুগীকৃত খাতাপত্র, তারপর সমবেত ভদ্রলোকের অমরোহ, তাই শেষ পর্যন্ত আমরা নিজেদের বিছানাতেই সে রাতটি কাটাবার হুকুম পেলাম। তবে বিশ্বৈশ্বরবাবু যে ভয় লাগিয়ে দিয়েছিলেন, তাই পরিতোষ তাঁর এলাকার দিকে দিকে জরুরী হুকুম পাঠিয়ে দিলেন। ছ’তিন ঘণ্টার মধ্যেই এসে হাজির হলো দশ-বারোজন চৌকিদার আর চারজন দফাদার। সেই সঙ্গে রবিসহ জনচারেক কনেষ্টবল সারা রাত আমাদের পাহারা দেবার জন্ত যোতায়েন হলো। মাঝে ছ’বার এসে পরিতোষ আবার দেখে গেলেন গ্রহরীণ্ডলো কুস্তকর্ণ বনে গেছে কিনা এবং শিকার ছুটি খোলাদ্বার খাঁচায় ছুশিস্তায় ছটফট করছে কিনা!.....

ছটফট করিনি বটে, তবে অনেক রাত অবধি জেগে ছিলাম আমি। পাশের ঘরে বিশ্বৈশ্বরবাবু ঘুমিয়ে পড়েছেন যখন বুঝতে পারলাম, বাচ্চাকে তখন বললাম এক কাপ চা করে আনতে।

এই যে আমাদের চাকর ও রাঁধুনী, এই দেশীয় বাই, বাচ্চা বর্ষণ, খানসামা গ্রামেই বার সঙ্গে প্রথম দেখা এবং পরবর্তী জীবনে বার সঙ্গে দ্বিতীয় বার সাক্ষাতের আদৌ সম্ভাবনা নেই, আমাদের গোপন ক্রিয়াকাণ্ডে এই নিরক্ষর লোকটাই কি কম সাহায্য করেছে! যখন যেখানে পাঠিয়েছি খবর দিয়ে বা পত্র দিয়ে, শুধু বিনা দ্বিধায় নয়, হাসিমুখে তৎক্ষণাৎ বেরিয়ে গেছে। কোনো প্রশ্ন করেনি, কোনো ঔৎসুক্য প্রকাশ করেনি। আমার বার্তাবাহ হয়ে কাজ

করা যে কতখানি বিপজ্জনক, তা সে প্রথম প্রথম না বুঝলেও পরে অনেকখানিই উপলব্ধি করতে পেরেছিল। কিন্তু আশ্চর্য্য, তাতে ভয় না পেয়ে বরং কাজ করার আগ্রহ ও উৎসাহ আরও বেড়ে গেল। মাঝে মাঝে আমরাই পরিহাস করতাম : ধরা পড়লে তোর কিন্তু দশ বছর জেল হয়ে যাবে, বুঝলি ?

এই বাচ্চাকে দেখে আমার বছিরদ্বির কথা মনে পড়তো। খানসামার বাচ্চার মধ্যে কেয়টখালীর বছিরদ্বির প্রতিবিম্ব দেখতে পেরেছিলাম।.....

যদিও নিশ্চিতভাবে সে জানে যে, কাল সকালে আমরা ছু'জন যাবো ঠাকুরগাঁয়ে, হয়তো আর এখানে ফিরে আসবো না, জীবনে হয়তো আর ওর সঙ্গে দেখা হবে না, তবুও সে আমাদের ত্যাগ করেনি। বলছেছিলাম, চাল ডাল তেল ছুন মশলা যা অবশিষ্ট আছে, তা নিয়ে বাড়ী চলে যেতে, যারনি। কাল সকালবেলায় আমাদের বিদায় দিয়ে তবে যাবে, যদিও দার বারই বলছে বাচ্চা যে, আমরা আবার এই খানসামাতেই ঘুরে আসবো।

চা নিয়ে আসতেই বাচ্চার হাতে একখানা ভাঁজ-করা চিঠি দিয়ে দিলাম এবং যে করে হোক, ওখানা বিলুর হাতে পৌঁছে দিয়ে আসতে বললাম। ঐ পাহারাওয়ালারা জানে যে আসামী ছু'জন, ঐ চাকর ব্যাটা কিছু নয়। সুতরাং কিছু নয় যে ব্যাটা, তাকে কেন পাহারা দেবে, তাকে কেন বাইরে যেতে দেবে না, তেমনি কোনো হুকুম নেই দারোগা সাহেবের। সুতরাং—

ভোরবেলা জাগাতে এসে বাচ্চা পত্রের জবাব লেখা চিরকুটখানা হাতে গুঁজে দিয়ে গেল।

সকালবেলায় রঘুপদর দোকানের ফুলকো লুচি, আলুর দম এবং সত্যসত্যই মাংসের কোর্স। দিয়ে ভুঁড়িভোজন করার পর শোভাযাত্রা করে রওনা হলাম আমরা গরুর গাড়ীতে চবিশ মাইল দূরে ঠাকুরগাঁ মহকুমা শহরের উদ্দেশ্যে। প্রথম গাড়ীতে আমাদের মালপত্র আর একজন সিপাই, দ্বিতীয় গাড়ীতে বিশ্বেশ্বর-বাবু ও আমি, তৃতীয়টিতে আর একজন সিপাই ও জমাদার কামাখ্যাবাবু। ছু'চারজন ভদ্রলোক এলেন যেন সি-অফ্ করতে। যেন আমরা চলেছি সদলবলে ওয়ালটেরারে বা সুসৌরীতে কিংবা হনলুলুতে মধুচন্দ্র বাপন করার জন্ত !.....

আমাদের মধুচন্দ্র আইনদ্রুস্ত পরিতোষকে কী ভাবে অধিকৃত দিয়েছিল, সেই কাহিনীই বলছি পরবর্তী অধ্যায়ে।

ভেইশ

সন্ধ্যার পর এসে পৌছোসাম ঠাকুরগাঁয়ে। কোতোয়ালীতে গিয়ে উঠলাম শোভাবাত্রা করে। অফিসার ইন চার্জ বাসায় ছিলেন, সংবাদ পাঠানো হলো।

কিন্তু কাগজপত্র উলটে-পালটে দেখে বিস্ময়ভরা কণ্ঠে প্রশ্ন করলেন রতীশবাবু : এস পি-র অর্ডারটা কোথায় ?

আমতা আমতা করলেন কামাখ্যাবাবু : দারোগাবাবু বলেছেন যে, এতে আর এস পি-র হুকুম দরকার হয় না—

কি বললেন, রতীশবাবু ভ্রু কুঞ্চিত হলো : এস পি-র হুকুম দরকার হয় না, হুকুম দেবার মালিক খানসামা খানার দারোগা ? কি অপরাধ করেছিলেন এঁরা ?

কামাখ্যাবাবু জবাব দিলেন : এঁরা কাল বিকেলে খানায় হাজিরা দিতে যাননি—

কোথায় গিয়েছিলেন ?

কোথাও না, নিজেদের কোয়ার্টার্সেই বসেছিলেন—

বাস ! ধমকে উঠলেন রতীশবাবু : তাতেই মহাভারত অন্তর্ভুক্ত হয়ে গেল ? আইনভঙ্গ হয়ে গেল ?

কামাখ্যাবাবু কি বলতে যাচ্ছিলেন, কিন্তু রতীশবাবু তখন রীতিমতো ক্ষেপে গেছেন : এস পি-র হুকুম ছাড়া ওর বাবাও যে ডেটিনিউদের এ্যারেস্ট করতে পারে না, সে সংবাদ কি তিনি রাখেন ? আপনিও তো এতকালের চাকুরে, আপনি বলে দিতে পারেননি দারোগাকে ?

কামাখ্যাবাবু বললেন : জমাদারের কথা শুনবেন কেন দারোগাবাবু ? আমরা সব সেকেন্ডে লোক—

বেশ, ভালোই করেছেন। এবার ঠ্যালা সামলাবেন।—বললেন রতীশবাবু : এস পি-র হুকুম ছাড়া ডেটিনিউদের আমি ভার নিতে পারবো না। খানার হাজতে আমি ওঁদের রাখতে পারবো না। ওঁরা থাকবেন সম্পূর্ণ আপনার দায়িত্বে কাল কোর্টে যাওয়া পর্যন্ত। তারপর এস ডি ও যা বলেন, তাই হবে।

কামাখ্যার মাথায় একেবারে আকাশ ভেঙ্গে পড়লো। বললেন : বলেন কি স্তার ? ওঁদের ভার আমি নেবো কি করে ? ওঁরা থাকবেন কি আজ রাত্রে ?

আমার ওপর দারোগাবাবুর হুকুম ছিল শুধু আপনার হেপাজতে পৌছে দেওয়া—

তা তো এনেছেন—জবাব দিলেন রতীশবাবু : কিন্তু আপনার দারোগার হুকুম আমার ওপব চলে না। তাই আমি তাঁদের হেপাজতে নিলাম না, বুঝলেন ? আর তাঁদের কাল কোর্টে যাবার আগে পর্য্যন্ত খাবার দাবার সমস্ত ব্যবস্থা আপনাকেই করতে হবে, বুঝলেন ?

বুঝতে সবই পারছিলেন জমাদার এবং আমরাও অবস্থাটা বুঝে বেশ কৌতুক অনুভব করছিলাম। দেখা যাক, কোথাকার জল কোথায় গিয়ে দাঁড়ায়।.....

রতীশবাবু ঠাকুরগাঁ মহকুমা শহরের কোতোয়ালীর কনফারম্ন্স দারোগা আর পরিতোষ খানসামা গ্রামের অফিসিয়েটিং অফিসার-ইন চার্জ। স্ত্রতরাং পরিতোষের মতো ফড়িংকে খোড়াই কেয়ার করেন রতীশবাবু। ফস্ করে ডায়েরী বইখানা টেনে নিয়ে কার্বন টুকিয়ে দিয়ে থস্ থস্ করে পেন্সিল চালালেন কিছুক্ষণ, তারপর কামাখ্যাবাবুকে বললেন : আমি লিখে দিলাম যে, আপনি এসেছিলেন দ্র'জন ডেটিনিউকে নিয়ে, কিন্তু এস পি-র কোনো অর্ডার না থাকতে আমি রিসিভ করলাম না। বুঝলেন ?

বলে আর অপেক্ষা করলেন না রতীশবাবু। গট গট করে আমাদের পাশ দিয়ে বাসার দিকে প্রস্থান করলেন। বারান্দার সুপীকৃত মালপত্রের পাশে বসে বসে আমরা ঝড়ের গতি নিরীক্ষণ করছিলাম।

প্রাণ বাঁচাবার জন্তাই কামাখ্যা এসে আমাদের হাতে ধরে পড়লেন ও পরামর্শ ভিক্ষা করলেন। পরিতোষের উপর আমাদের শত ক্রোধ থাকলেও কামাখ্যা মুখুজ্জের সঙ্গে আমাদের কোনো ঝগড়াঝাটি হয়নি। পরিতোষিণী মারফত আমার নামে বেসব কুৎসা খানসামা গ্রামে রটেছে, তাতে জমাদার-গৃহিণীর কোনো উৎসাহ ছিল না। তাই সুপরামর্শই দিলাম আমরা এবং দোকানের পরোটা আর তরকারি খেয়ে শাস্ত ও স্তবোধ বালকের মতোই কোতোয়ালীর বারান্দায় বিছানা বিছিয়ে শুয়ে পড়লাম।

পরদিন কোর্টের পুলিশ অফিসে আমাদের নিয়ে যেতেই একেবারে তেলে-বেগুনে জলে উঠলেন কোর্ট ইন্সপেক্টর : অ্যাঃ! এস পি-র অর্ডার নেই। মামলা করবো কি আমি পরিতোষের হুকুমে ?

আবার মিনমিন করতে চেষ্টা করলেন কামাখ্যা জমাদার : কি করবো স্ত্রার, দারোগাবাবু বলে দিলেন, রাজবন্দীর আইন ভঙ্গ করলে তিনিই নাকি গ্রেপ্তার করতে পারেন—

আইন!—কড়া প্রশ্ন করলেন বুদ্ধ ইন্সপেক্টার : আইন তো বি সি এল এ্যাক্ট। সেই আইনের কয়েকটি ধারায় প্রদত্ত ক্ষমতাবলে গভর্নমেন্ট রাজবন্দীর ওপর যেসব হুকুমজারী করেছেন, দারোগার কাজ হচ্ছে শুধু দেখা যে, রাজবন্দী সেগুলো যথাযথভাবে পালন করছেন কিনা। যদি না করেন, তাহলে সে শুধু এস পি-কে জানাবে সেই ঘটনা এবং এস পি যদি বলেন এ্যারেস্ট করে মামলা করতে, তাহলে দারোগা সেই হুকুমমতো কাজ করে যাবে। কেন, আপনি জানেন না এসব ?

জানি স্ত্রার, কিন্তু আমি জমাদার, আমার কথা দারোগাবাবু—

দারোগাবাবু!—গর্জন করে উঠলেন ইন্সপেক্টার : এবার যেন সামলায় ঠ্যালা আপনার দারোগাবাবু।

তারপর আমাদের জিজ্ঞেস করলেন : আপনাদের খাওয়া-দাওয়া হয়েছে ? রাত্রে কোনো কষ্ট হয়নি তো ?

দেখলাম কামাখ্যা জমাদার অত্যন্ত সক্রিয়ভাবে আমাদের দিকে যেভাবে তাকিয়ে রয়েছেন, তার অর্থ হচ্ছে : আমার গর্দানটা দয়া করে এইবারটি বাঁচিয়ে দিন। তাই দয়া করে আমরা তার গর্দানটা বাঁচিয়েই দিলাম তখনকার মতো। বললাম : না, আমাদের বিশেষ কোনো অসুবিধে হয়নি।

তারপর আমাদের যেতে হলো আদালতে। আমীল্লা বসে আছেন গম্ভীর মুখে।

ইন্সপেক্টারের বক্তব্য শুনে এস পি-র অর্ডার পত্রখানা চাইলেন আমীল্লা। প্রত্যুত্তরে ইন্সপেক্টার আর একবার পরিতোষ দারোগার শ্রদ্ধ করলেন। এদিকে আমরা যে এসে গেছি আমাদের লট-বহর নিয়ে! তাই উপায় না দেখে এস ডি ও বললেন : ডি এম-কে (ডিস্ট্রীক্ট ম্যাজিস্ট্রেটকে) সংবাদ জানাতে একজন স্পেশাল মেসেঞ্জার পাঠিয়ে। তারপর জিজ্ঞেস করলেন : কিন্তু থাকবেন কোথায় ? জেলে ডেটিনিউদের থাকবার পৃথক ব্যবস্থা কোথায় ? আর এঁদের খাবার ব্যবস্থাই বা কি করে হবে ?

ইন্সপেক্টার নিবেদন করলেন : আমার ঠাকুরটাকে না হয় ক'দিন দিয়ে

দেবো ওঁদের রান্না করে দিয়ে আসবার অজ্ঞ। কিন্তু ওঁরা থাকবেন কোথায় ? ফিমেল ওয়ার্ডে যে ছোটো মেনে-আসামী আছে। ও ছোটো না থাকলে বরং—

আমীমুল্লা জিজ্ঞেস করলেন : কি কেস্ ওঁদের ?

ছোটোই হোটেল থেকে খাবার চুরির মামলা—

ওঁদের জামিন দিয়ে দিচ্ছি। ঐ ফিমেল ওয়ার্ডে এঁদের থাকবার ব্যবস্থা করে দিন।

হুকুম মতো কাজ হলো। সাব জেলের ফিমেল ওয়ার্ডে এসে আমরা হুঁজুন প্রাণভরে হাসতে লাগলাম। বিশ্বেশ্বরবাবু বললেন : দাঁড়ান না, ক্লাইমেক্সটা এখনো বাকি আছে। পরিতোষের দুর্দশাটা একবার দেখুন না কি হয় !

বিকেলের দিকে রোজকার মতো জেল পরিদর্শনে এসে আমীমুল্লা সোজা আমাদের ওয়ার্ডে চলে এলেন, আমাদের খাবার ও থাকবার ব্যবস্থার তদারক করলেন, তারপর জিজ্ঞেস করলেন : ব্যাপার কি, আপনারা থানায় হাজিরা দিলেন না কেন ?

সুযোগ পাওয়া গেল। বিশ্বেশ্বরবাবু অগ্রণী হয়ে পরিতোষের কীটিকলাপ সব বললেন বিস্তৃতভাবে। শেষ দিকে মন্তব্য করলেন : এই ভদ্রলোকের প্রস্তাবিত বিয়ে নিয়ে ওখানকার আবহাওয়া এমনি করে তুলেছেন দারোগাবাবু যে, চাটাজ্জী পরিবারের মানমর্যাদা যাবার জোগাড় হয়ে উঠেছে। নিরপরাধের এমনি অবমাননা আমাদের উপস্থিতিতে বাড়তে পারে বলেই আমরা সরকারী আদেশ অমান্য করেছি জেল খেটে অজ্ঞ বদলি হবার উদ্দেশ্যে।

প্রশ্ন করলেন আমীমুল্লা : কিন্তু বিয়ের কথা নিয়ে গোলমাল কেন হবে ?

পরিতোষ দারোগাই এর জবাব দিতে পারে।—বললেন বিশ্বেশ্বরবাবু।

All right, the Officer-in-charge will have to suffer the consequence !—বলে চলে গেলেন এস ডি ও।

দিন লাতেক পর একদিন এসে জানালেন আমীমুল্লা : ডি এম-এর চিঠি এসে গেছে। গভর্নমেন্ট মামলা করবেন না and you will have to go back to Khansama again, আর আপনাদের অজ্ঞ বদলি করার প্রস্তাবও তিনি গভর্নমেন্টের কাছে পাঠিয়ে দিয়েছেন।

আমি বললাম : কিন্তু আমরা যে আর খানসামায় ফিরে যেতে চাইনে।

আমীমুল্লা বললেন : গভর্নমেন্টের পরবর্তী আদেশ না আসা পর্যন্ত দেখছি

আপনাদের ওখানেই থাকতে হবে। কিন্তু বিয়েটা আপনি করে ফেলুন না, তাহলেই তো সব হাঙ্গামা চুকে যায়।

জবাব দিলাম : বিয়ে করবো ঠিকই, তবে ছাড়া পাবার পরে। নিন্দার ভয়ে বিয়েটা এখনি করবো কেন ?

That's upto you, gentleman—বলে চলে গেলেন আমীমুল্লা।

সেদিনই রাতে আহারের পর আবার রওনা হলো আমাদের কনভন—এবার তিনখানা গরুর গাড়ীতে আমাদের যাবতীয় মালপত্র আর হু'জন সিপাই এবং চতুর্থ খানার আমরা হু'জন। পরদিন খানসামা খানার কম্পাউণ্ডে এসে প্রবেশ করলাম যখন, তখন বেলা এগারোটা বেজে গেছে।

পরিতোষ বাড়ী থেকে একেবারে ছুটে এসে কলরব করে আমাদের অভ্যর্থনা জানানলেন : আসুন, আসুন। দরওয়াজা, হু'খানা চেয়ার দাও।—ইস, দ্বিজন-বাবুর চেহারাটা তো বড্ড খারাপ দেখছি। অসুখ হয়েছিল বুঝি ?

আমি কিছু বলবার পূর্বেই বিখেশ্বরবাবু বললেন : কেমন স্মার, এস পি-র হুকুম ছাড়াই বলে আপনি আমাদের চালান দিতে পারেন ? আপনার কর্তব্য লক্ষ্যে আপনি নাকি খুব সচেতন ? এবার কী হলো ?

মহাহুঃখে একেবারে ভেঙ্গে পড়লেন পরিতোষ : আর কি হলো। আপনারা চলে যাবার পরদিনই বাণেশ্বর এসে হাজির আপনাদের জ্ঞাত কতকগুলো বাসন-কোসন, হারিকেন ইত্যাদি নিয়ে। আপনাদের না দেখেই তো তেলবেগুনে চটে গেলেন। বললেন, কার কথায় তুমি ঠুঁদের চালান দিলে ? এতগুলো টাকা যে বুধা হলো, তার জ্ঞাত দারী হবে কে ? স্পষ্ট বলে গেলেন, সমস্ত ব্যয় আমার মাইনে থেকে instalment-এ কেটে নেওয়া হবে। কীই-বা পাই—

বিখেশ্বরবাবু হেসে উঠলেন। পরিতোষ বলতে লাগলেন : আরে, মশাই, আমার বোড়াটা আবার কাল মরে গেছে। কী কুৎসেই যে আপনাদের পাঠিয়েছিলাম ! কতগুলো টাকা দণ্ড গেল।

তাড়াতাড়ি স্নান সেরে রঘুর দোকানে খেতে যাবার কথা বলতেই পরিতোষ বাধা দিয়ে বললেন : না, না, তা কি হয় ?—সে হবে না। আমি রান্না করিয়ে রেখেছি আমার বাড়ীতে। শালী নয়, গিল্লি আজ স্বয়ং রান্না করেছেন। ছোটো ডাল-ভাত এ বেলাটা আমার ওখানেই—তারপর আমি আপনাদের পুরানো চাকর বাচ্চাকে খবর পাঠাচ্ছি।—

বিজয়ীর উল্লাস নিয়ে ফিরে এসেছি আবার খানসামার। নিম্নকদের গালে ফিরিয়ে দিয়েছি চপেটাঘাত দিগুণ জোরে। আজুলগুলো গালে ফুটে উঠলো বুঝি!...ফিরেই যখন এলাম, তখন আর কালহরণের প্রয়োজন কি? গোপন যোগাযোগগুলো আবার স্থাপিত হলো, বাড়ীর পেছন দিককার বেড়া আবার সাবধানে খুলে সন্তর্পণে শুরু হলো আমার নৈশ অভিযান এবং বিলুর সঙ্গে পরামর্শ করে স্থির হলো, একদিন রাত্রে 'চলে যাবো ছ' মাইল দূরে বীরগঞ্জে, বীরগঞ্জ থানায় অন্তরীণ রাজবন্দীদের সঙ্গে যোগাযোগ স্থাপন করে আসবো।

এই দুঃসাহসিক কার্যে ষাঁর সক্রিয় সাহায্য পেয়েছিলাম, একেবারে দলীর সহকর্মীর মতো, সরকারী চাকুরে হয়েও সে যুগে সাংঘাতিক ঝুঁকি নিয়ে যিনি সেই নৈশকালীন অভিযানে আমার মতো মারাত্মক রাজবন্দীকে সর্বতোভাবে দেখিয়েছিলেন নিবিড় সহায়ভূতি, তিনি হচ্ছেন বীরগঞ্জের স্থানিটারী ইন্সপেক্টার সত্য বন্দ্যোপাধ্যায়। সত্যাব্যুর নাম বলতে গেলেই সঙ্গে সঙ্গে গভীর শ্রদ্ধায় উল্লেখ করতে হয় তাঁর স্ত্রী রাণীবোদির কথা। আরো দশটা পরিবারের মতোই ছেলেমেয়ে পরিবৃত মধ্যবিত্ত সংসার। এর আগে মাত্র দু'একবার খানসামার আমার সঙ্গে দেখা হয়েছে সত্যাব্যুর ও রাণীবোদির। কোনো আত্মীয়তা নেই আমার সঙ্গে। খানসামার চাটাজ্জী পরিবারের সঙ্গে কোন্ লতাপাতায় সম্পর্ক আছে বলে শুনেছি। মাঝে মাঝেই খানসামার আসতেন তাঁরা। কিছু আলাপ হয়েছে তাঁদের দু'জনের সঙ্গেই। কিন্তু ঐ সাধারণ মধ্যবিত্ত ঘরের মহিলাটির অন্তরে যে মমতার ঐশ্বর্যের সম্ভার দেখেছি, বিপ্লবীর প্রতি স্নেহ ও দরদর যে ফল্গুধারা প্রবাহিত হতে দেখেছি, তার তুলনা নেই।...

অচেনাকে কি করে পরিচয়ের বন্ধনে আবদ্ধ করতে হয়, পরিচিতকে কি করে তুলতে হয় অন্তরঙ্গ বন্ধু, অমলিন প্রীতি ও নীরবকুণ্ঠ সৌহার্দ্যে কি করে বন্ধুকে করে তুলতে হয় আত্মীয়াত্মিক আপন, এর আর্ট কোনো শ্রম স্বীকার করে শিখতে হয়নি রাণীবোদিকে। স্বতঃস্ফূর্ত নায়েগ্রার মতোই রাণীবোদির মায়াপ্রবণ অন্তর থেকে অফুরন্তভাবে উৎসারিত হয়ে পড়তো বিপ্লবীর প্রতি নিরবচ্ছিন্ন দরদ!.....

রাণীবোদির মতো আত্মত্যাগিনী মহিষসী নারী ও লক্ষ্মীস্বল্পপিনী গৃহিণী আজো কোথাও দেখিনি আমি, শ্রদ্ধাবনত চিন্তে তা স্বীকার করি। তাঁর সেই

ঘর-ফাটানো উচ্চ হাসির রেশ আজো যেন আমার কানে লেগে রয়েছে শ্রোতস্থিনীর কলধ্বনির মতো।।.....

আজ্রাই নদী তখন গীর্ণকারা। হেঁটেই পার হয়ে বিলু ও আমি যখন বীরগঞ্জের রাস্তায় পড়লাম, রাত তখন বারোটা বেজে গেছে। আগেই সংবাদ দেওয়া ছিল, তাই জানালায় কাছে গিয়ে সাক্ষেতিক শব্দ করতেই সত্যাবাু দরজা খুলে দিলেন। রাণীবৌদি এগিয়ে এলেন। যেমনি রাজ্জরাণীর মতো চেহারা, তেমনি মিষ্টভাবিণী। সত্যাবাু সতর্ক করে দিলেন, তিনি যেন না হাসেন।

কারণ জেনেও জিজ্ঞেস করলাম : কারণ ?

সত্যাবাু জবাব দিলেন : কারণ ঠাঁর হাসি ইন্সপেক্টার আজিজুর রহমান পর্যন্ত শুনে পান।

হাসতে গিয়ে নিজেই মুখে হাত চাপা দিলেন রাণীবৌদি।

কিন্তু সংবাদ যা পাওয়া গেল সত্যাবাবুর কাছে, তা খুব আশাপ্রদ নয়। ঐদিনই সন্ধ্যার পর এসেছে এক ডাকাতি ও নরহত্যার সংবাদ। ইন্সপেক্টার আজিজুর রহমান বড় দারোগাসহ গেছেন সেখানে। একজন ডাকাতকে নাকি ধরে রেখেছে গ্রামবাসীরা, আর-একজনকে নাকি চিনতে পারা গেছে। স্তুরতাং থানায় খুব সোরগোল। সিপাইরা সবাই আসামীদের প্রতীক্ষা করছে। দরওয়াজা আর টেবিলের ওপর লম্বা হয়ে নাক ডাকাবার অবসর পায়নি। টেবিলে বসে এল সি থাতাপস্তর লিখছেন। ডেটিনিউবাবুদের বাড়ীর পেছনেই প্রধান রাস্তা, সেই রাস্তা দিয়েই আসবেন সদলবলে ইন্সপেক্টার আর আসামী। তবুও একবার গিয়েছিলেন সত্যাবাু বেড়াবার অছিলায়। কিন্তু আবহাওয়া খুব অস্বকুল মনে হয়নি তাঁর।

কাজেকাজেই নিঃশব্দে ও নিশ্চিন্তে ডেটিনিউবাবুদের কোয়ার্টারে প্রবেশ করা সম্ভব নয়। ফিরেই যেতে হবে থানাসামায় ব্যর্থকাম হয়ে।

কথায় কথায় প্রায় আড়াইটে হয়ে গেল। তাই আর কালবিলম্ব না করে উঠে পড়লাম।

রাণীবৌদি ছাড়লেন না, চা ও দু'খানা বিস্কুট খেতে হলো। বিদায় নেবার সময় খোলা দরজায় অন্ধকারে এসে দাঁড়ালেন।

বললাম : চলি রাণীবৌদি।

অকস্মাত্ ঠাঁর কণ্ঠে ভয়ের আভাস পেলাম : আপনি চলে এসেছেন এতদূর,

এর মধ্যে দারোগা যদি আপনার খোঁজে আপনাদের কোয়ার্টারে গিয়ে থাকেন ?

হেসে বললাম : ধর! পড়ে যাবো এবং এবার পরিতোষ গতবারের অপমানের প্রতিশোধ নিয়ে ছাড়বে।

বিলুপ্ত পশ্চাতে এগিয়ে চললাম। আবার শোনা গেল রাগীবোদির কণ্ঠ : আর একদিন তো আর আসতেও বলতে পারিনে। তার চাইতে বিয়েটা তাড়াতাড়ি করে ফেলুন, গভর্নমেন্ট ছেড়ে দেবে আর এখানে আসতে পারবেন দিনের বেলাতেই খুকুকে নিয়ে জামাইয়ের মতো।

দেখা যাক!—বলে দ্রুত রওনা হলাম।

তবু আব একবার বাধা পেলাম। রাগীবোদি বললেন : আকাশে খুব মেঘ দেখা যাচ্ছে। বৃষ্টি যদি হয় ?

তাহলে ভিজতে হবে। কিন্তু তবুও আপনার এখানে ঘুমোবার উপায় নেই রাগীবোদি।

তারপর এগিয়ে চললাম আর কোনোদিকে দৃকপাত না করে। আমি জানি, যদি পেছনে ফিরে চাইতাম আর সেই নিবিড় অন্ধকারে দেখতে পাওয়া যেত, তাহলে মুগ্ধ হয়ে দেখতে পারতাম বাংলার বিপ্লবীদের রোক্তমান্না মায়েদের একটি প্রস্তরমূর্তি, অপরিণীত ব্যথা ও বেদনার একটি সজল প্রতিচ্ছবি !.....

মিথ্যে বলেননি রাগীবোদি। একটু পরই মুখলধারে বর্ষণ শুরু হয়ে গেল। হাতে আমার বড় টর্চ ছিল, নিবিড় অন্ধকারে প্রবল বর্ষণের মধ্যে তার আলো মনে হতে লাগলো জোনাকির চকমকি। একটু পরে বৃষ্টির জল ঢুকে তাও গেল নিবে। অথচ দেরী করবার উপায় নেই। রাস্তায়ই ভোর হয়ে গেলে ধরা পড়ে যাবো। তাই সেই আকাশ-ভাঙ্গা বর্ষণের মধ্যেই যত দ্রুত সম্ভব পা চালাতে লাগলাম।

একেবারে মেঠো সড়ক। কোথাও খোয়া বা ইটের নামগন্ধ নেই। শুধু যেখানে সড়কের নীচে দিয়ে জল নিষ্কাশনের ইটের তৈরী নালী, সেখানটাতেই পায়ের তলায় হ'চারণে খোয়ার অস্তিত্ব টের পাচ্ছিলাম। তাছাড়া, একটানা মাটি। শুধু রক্ষা যে, মাটিতে বালির অংশই বেশী। বেলে মাটি না হয়ে যদি আঁঠালো মাটি হতো, তাহলে খানসামা পৌঁছতে রীতিমতো রোদ উঠে যাবার ভয় ছিল। কিন্তু বেলে মাটি হলে কি হবে, গরুর গাড়ীর চাকার চাপে একেবারে

এবড়ো-খেবড়ো হয়ে আছে আর দু'ধারে গরুর গাড়ীর চাকার তৈরী খাল।
কতবার যে সেই খালের মধ্যে পা পড়তে লাগলো ঠিক নেই।

জুতো খুলে পকেটে ভরে নিয়েছি, হাঁটুর অনেক ওপরে কাপড় তুলে কবে
বেঁধে নিয়েছি, তবুও কর্দ্দমাক্ত জল যেন মাথা পর্য্যন্ত উঠে এসেছে। পথ কোথাও
এগিয়ে গেছে খোলা মাঠের মধ্য দিয়ে, কোথাও পথের ধারে ছোট ছোট
ঝোপঝাপ, কোথাও-বা বিলুত বৃক্ষের শাখাপ্রশাখার নীচে দিয়ে তার গতি।
এখানে এলেই মনে হয় যেন পাতালের অন্ধকারে প্রবেশ করেছি। ছ'হাত
সম্মুখে বিলুকে দেখা দূরের কথা, নিজের হাত পর্য্যন্ত ঠাণ্ডা করা যায় না।
আমার অসহায় অবস্থা দেখে মাঝে মাঝেই সে হাত ধরে নিয়ে চলতে লাগলো।

বাতাস নেই এক কৌটাও, শুধু আকাশ একেবারে ভেঙ্গে পড়েছে, মোটা ও
ভারী বৃষ্টির কৌটাগুলি শরীরে রীতিমতো বিদ্ধ হতে লাগলো। মাঝে মাঝে
বিদ্যুতের ঝলকানিতে চোখে ধাঁধা লাগলেও বেশ বুঝতে পারছিলাম এত বর্ষণেও
মেঘের স্তূপ আদৌ হালকা হচ্ছে না।

অর্থাৎ বর্ষণ চলবেই, চলবেই। আমরাও চলছি, শুধু চলছি। একটিমাত্র
সড়ক, স্তূতরাং নিশানা হারিয়ে যাবার আশঙ্কা নেই। তবে একটা বিষয়ে আমরা
নিশ্চিত যে, এই প্রলয় রাত্রে পথে কারুর সঙ্গে দেখা হয়ে যাবার ভয় নেই। আর
শ্রীমান্ পরিতোষও শেষ রাত্রির ঠাণ্ডায় চাদর ভালো করে মুড়ি দিয়েই নাক
ডাকাচ্ছেন, ডেটিনিউ বাবুদের বাসার প্রতি নজর হানবার উৎসাহ নেই।

বিশ্বচরাচরে তখন জাগ্রত বোধহয় শুধু আমরা ছুটি দুঃসাহসিক পথিক!.....

তথাপি সদর পথে আত্মাই নদী পার হবার খুঁকি নেওয়া সঙ্গত নয় বলে বিলু
অগ্র জায়গায় নিয়ে এল। সেখানে নদীতে গলা জল!...এপারে খানসামান এসে
যখন উঠলাম, পূর্বের আকাশ তখন ধূসর হয়ে উঠেছে!

ওদিকে আমরা আবার বিজয়গর্বে খানসামান ফিরে আসবার পর থেকেই
পদাহত ফণীর মতো নিন্দুকের দল কৌস্ কৌস্ করে উঠলো। সাধুর কারখানা
থেকে খানসামা বন্দরে বেরিয়ে আসতে লাগলো নিত্য নতুন রকমের নিন্দাবাদ
ফোর্ড মোটরের মতো। অবস্থা এমনি সঙ্গীন হয়ে দাঁড়ালো যে, মনে হলো
যে কোনো মুহূর্তে একটা দাঙ্গা বেধে যেতে পারে। পান্থরা প্যাঁড়ার গাঙ্গী একদিন
রাস্তায় ধরে শাসিয়েই দিল চিত্তবাবুকে। কিসের অগ্র তার এই ক্রোধ, চিত্তবাবুর

এই সঙ্গত প্রেমের জবাবে পরিষ্কার বললো সে : স্বদেশী লা চোর । ক্যামন করি হোই চোরের সাথ বহিনের বিয়া দেও, দেখি নিম্ হামরা !

যেন কত বড় একটা দুর্নীতির কাজ হতে চলেছে ওদের সমাজে, তাই সমাজ-হিতৈবীরা রুখে দাঁড়িয়েছেন শাস্তি ও সুনীতির ধ্বজা উঁচু করে । অথচ ঐ দুঃস্বপ্ন সমাজসেবীদের ক'জন করে সেবাদাসী আছে, সে সত্য আমাদের অজানা ছিল না । কিন্তু কুকুরের চীৎকারকে আমরা গ্রাহ্যই করা প্রয়োজন মনে করলাম না । তাও আবার ঘিরে-ভাজা কুকুর !.....

কিন্তু ঠিক এমনি সময় কলকাতা থেকে এল মারাত্মক একটি সংবাদ ! মেজদা'র জরুরী তার পেলাম, Mother's Cholera. Start immediately !.....কিন্তু বন্দীর তো স্বাধীনতা নেই । কেমন করে immediately রওনা হবো ? আমার টেলিগ্রাম প্রথমতঃ দেখবে পরিতোষ, তারপর দিনাজপুরে বাণেশ্বর, সেখান থেকে যাবে কলকাতায় আই বি অফিসে, তারপর হবে তদন্ত এবং সেই তদন্তের ওপর ভিত্তি করে যে হুকুম উচ্চারিত হবে, সেই হুকুম এমনি ঘুর-পথেই ফিরে যখন আমার হাতে এসে পৌঁছোবে, হয়তো তখন শ্রাদ্ধ করবার জ্ঞাত প্রস্তুত হতে হবে আমায় !.....তথাপি জরুরী তার পাঠালাম দিনাজপুরে ও কলকাতায় ।

স্বর্গ্হে অন্তরীণ থাকবার সময় হারিয়েছি বাবাকে, এবার গ্রামে অন্তরীণ থাকতে-থাকতেই কে জানে হয়তো মাকেও হারাতে হবে । একদিন মুক্তি আমি পাবোই । কিন্তু তার আগেই যদি মা বিদায় নিয়ে চলে যান, তাহলে আর আমার জ্ঞাত হুনিয়ায় রইলো কি ? যখনই মার কাছ থেকে বিদায় নিয়ে এসেছি, তখনই দেখেছি তাঁর অশ্রুসজল মুখখানি, শুনেছি তাঁর ক্রন্দন-ভাঙ্গা আশীর্বাদী । কিন্তু মনে হচ্ছে, ওটুকু না দেখে না শুনেও বোধহয় থাকতে পারবো না আমি !...

দিন চারেক পর আবার এল মেজদা'র চরম টেলিগ্রাম : Mother expired yesterday. Need not come if not already started.....না, যাত্রা তো করিনি আমি । আজ্ঞো যে অধীর আগ্রহে অপেক্ষা করছি সরকারী হুকুমনারার । নির্দয় নৃশংস ব্রিটিশ শাসনের কলঙ্কময় ইতিহাসে মানবীয় দুর্বলতার চর্যটনা কোথাও নেই । ইম্পাতে তৈরী তার কাঠামো, টাটা স্ববের বাধুনি ! অশ্রুজলের উত্তাল তরঙ্গ তাতে ঘা খেয়ে কিছু জলকণা শূণ্ণে বিকিরণ করে মাত্র, ইম্পাত তাতে ক্ষয়ে যায় না কখনো !.....মানুষের অপেক্ষা আইনই তাদের চক্ষে বড় ।

আইনের দাড়ি, কমা, সেমিকোলনের মর্যাদা রক্ষার জন্ত অবলীলাক্রমে তারা মানুষকে বলি দেয় হুকুমের যুগকাঠে নিরুপায় ছাগ-শিশুর মতো !

শান্ত চিত্তেই শ্রদ্ধা করলাম এবং স্বয়ং তারকবাবু স্বতঃপ্রসূত হয়ে আমার পুরোহিতের কাজ করে দিলেন। অনেকেই এসে জানিয়ে গেলেন সহানুভূতি এবং এই প্রথম মেয়েরা তাঁদের মা ও মাসী প্রভৃতি অভিভাবিকাদের সঙ্গে করে একেবারে প্রকাশ্যে দিনের বেলায় রাজবন্দীদের বাসায় এসে আমায় সাঙ্গনা জানিয়ে গেলেন। পরিতোষকে গ্রাহ্য করলেন না তাঁরা।

কী যে হারালাম, তা শুধু আমিই জানি এবং মর্ষ্য দিয়ে জানি যে, পরোক্ষভাবে হলেও বাবা ও মায়ের মৃত্যুর অন্ততম কারণ আমিও বটে ! অবাধ্য হয়েছি চিরকাল, কোনোদিন কোনো ব্যক্তিগত অমুরোধ রেখেছি বলে মনে পড়ে না, বিপ্লবের রক্তরাঙ্গা পথে পা বাড়িয়ে দ্বিগুণ করে তুলেছি তাঁদের চিন্তা ও দুর্ভাবনা, কেড়ে নিয়েছি তাঁদের বিশ্রাম, তাঁদের চোখের নিদ্রা ! আমারই দৌরাণ্ড্যে ঘুমুতে না পেরেই বুঝি তাঁরা অবশেষে ঘুমের দেশে চলে গেলেন আমার চিরদিনের জন্ত জাগিয়ে রেখে।.....

আজও, এতকাল পরেও, মধ্যরাত্রে ঘুম ভেঙ্গে গেলে অকস্মাৎ মনে হয় কে যেন খাটের পাশে দাঁড়িয়ে অতন্দ্রনয়নে চেয়ে আছেন আমার মুখের দিকে, কে যেন বসে আছেন শিয়রে চিরকালের সতর্ক প্রহরীগীর মতো, কার স্নেহসিক্তিত কোমল কর-পরশ আমার দুর্ভাবনায় উদ্ভূত ললাটে বুলিয়ে দিচ্ছে সাঙ্গনার তুহিন-নীতল পেলবতা। মনে হয় আমার দীর্ঘ জীবনের বন্ধুর চলার পথের পাশে পাশে আজো দেখতে পাই তাঁদেরই অদৃশ্য নিশানা, সম্মুখে নেমে-আসা জমাট অন্ধকারনয় নিরাশার আকাশে আজো ধ্রুবতারার মতো জল জল করে জলতে থাকে তাঁদেরই অমর্ত্যালোকের আশার প্রদীপ, মনে হয় আজো জীবন-সংগ্রামে পর্যুদন্ত সৈনিকের মতো রক্তাক্ত কলেবরে যদি কখনো ভূমি-শয্যা গ্রহণ করি, দূরাগত সাগরগর্জনের মতো কানে ভেসে আসে তাঁদেরই বজ্রকণ্ঠ : ক্লেবং মান্নঃ গম্য পার্থঃ !

ঘুমের দেশে চলে গেলেও আজও বুঝি তাঁদের চোখে নেই যুহর্তের নিদ্রা, তিলেকের বিশ্রাম ! ঘরছাড়া দরন্ত ছেলের জন্ত বুঝি তাঁদের উদ্বেগ ও উৎকর্ষার সীমা-পরিসীমা নেই !.....

চক্ষিণ

মাস দুই পর একদিন সকালবেলা কুঞ্জলাল আগরওয়ালার ওখানে এসেছি
ভূতি কিনতে, দেখি প্রমোদবাবু সেখানে বসে আছেন। কুঞ্জলাল বয়সে বেশ
বড় হলেও চাটার্জী ব্রাদার্সের অভিন্নহৃদয় বন্ধু ও পরম হিতৈষী। আর
মারোয়াড়ী হলেও কুঞ্জলাল চালচলনে একেবারে বাঙালী বন্ গিয়া বলা যায়।

হাসিপরিস্রবস অনেক হলো এবং পরে শ্রান্ত হয়ে কুঞ্জলাল ছকুম করলো :
প্রমোদ, রসগোল্লা খাওয়াও। আমি দেখে এসেছি রঘু সবে এই একটু আগে
গোল্লাগুলো রসে ছেড়েছে। গরম গরম রসগোল্লা ভারী উপাদেয়!

তৎক্ষণাৎ সায় দিলাম : আমি এই প্রস্তাব সর্বাস্তঃকরণে সমর্থন করিতেছি।

প্রমোদবাবু বললেন : তুমি মারোয়াড়ী, টাকার কুমোর। কথায় কথায়
রসগোল্লা খাও, ছানা দিয়ে দাঁত মাজো। তোমার সঙ্গে কার তুলনা? আর
আমরা হচ্ছি চুয়ান্ন টাকার হেডমাস্টার। তাও লিখি চুয়ান্ন, পাই বত্রিশ টাকা
আট আনা। রসগোল্লা খাওয়ানো কি আমাদের সাজে?

বেশ, তাহলে দ্বিভোজনবাবু খাওয়ান।—বলে কুঞ্জলাল আমার পানে চাইলো।

বিপদে পড়ে বললাম : উনি পান সাড়ে বত্রিশ ভাজা আর আমি পাই
তারও কম, ত্রিশ টাকা। রস আমাদের থাকবে কোথেকে?

বেশ, তাহলে আমিই আনিছি।—বলে হাঁক দিল কুঞ্জলাল পুত্রের উদ্দেশ্যে :
ভানিয়া, ভানিয়া, যা তো রঘুর দোকানে, গরম গরম রসগোল্লা নিয়ে আয় তো
সেরখানেক। কিন্তু প্রমোদ ঐ হাতেই খেতে হবে তোমায়।

প্রশ্ন করলাম : কেন, কোন্ হাতে আবার খাবেন?

প্রমোদবাবু বলে উঠলেন : ইঁ্যা, এই হাতে খাই আর যক্ষ্মা হয়ে মরি
আর কি!

বিস্মিত হলাম : মানে?

মানে অতি সহজ। এই মাত্র এলাম সোনাহার থেকে। যে নেপালী
দরওয়ানটা আমার সাইকেলখানা বার করে দিল, অনেকদিন থেকেই ব্যাটা খাঁশী
রোগে ভুগছে। ওদের খাঁশী মানে আমাদের যক্ষ্মা। ব্যাটা হাণ্ডেলের যেখানটার
ধরে বার করলো, আমিও সেখানটাতে ধরেই চালিয়ে এলাম। বলা তো যায় না
ব্যাটার খাঁশীর germ—

বিস্ময় বেড়ে গেল : অঁ্যা, বলেন কি ?

এবারে বললো কুঞ্জলাল : ও—জানেন না বুঝি ? প্রমোদ কোনো রেস্টুরেন্টে খায় না, রসগোল্লা ভালো করে বুয়ে খায়, কারুর সিগারেট থেকে নিজের সিগারেট ধরায় না, ট্রেনে পাশে বসে কেউ একবার কাসলেই প্রমোদ বাড়ী এসে জামাকাপড় বুয়ে চান করে ফেলে, আর—বলে হেসে উঠলো কুঞ্জলাল ।

আমার বিস্ময় উত্তরোত্তর বেড়েই চলেছে : আরও আছে নাকি ?

কুঞ্জলাল বললো : হঁ্যা, আরও আছে । বৌ-এর পাশে শুয়ে ও মশারির বাইরে মুখ রেখে দেয় সারাটি রাত আর মশারা মজাসে ফলার চালায় ।

বিশ্বাস হলো না । বললাম : যান, চাল মারবেন না ।

চাল ?—বেশ, প্রমোদকেই জিজ্ঞেস করুন না ।

তা রাখিই তো ।—গর্ভভরে বললেন প্রমোদবাবু : নিঃশ্বাসগুলো হচ্ছে শ্রেফ নাইট্রোজেন, স্বাস্থ্যের পক্ষে যা অমুকুল নয় । ছ’জনের নাকের নাইট্রোজেন মশারির মধ্যে জমতে থাকে সারাটি রাত । সারা রাত তাই টেনে টেনে স্বাস্থ্যটা নষ্ট করি আর কি ! তার চাইতে ছ’চারটে মশার কামড়—

অনেক মিঠে ।—বললো কুঞ্জলাল : ঐ যে কথায় বলে না, সাত বছর মাস্টারী করবার পর মাস্টারদের প্রয়োজন হয় ধোপাদের কাজে—

হাসাহাসি পড়ে গেল । এমন সময় ভানিয়ার হাতে এল গরম গরম রসগোল্লা । প্লেটে সাজিয়ে দেওয়া হলো । প্রমোদবাবু ভালো করে ডান হাতের কবুই পর্য্যন্ত বার বার বুয়ে এবং মুখে জ্বল দিয়ে বারকয়েক গার্গল করবার পর একথানা প্লেট তুলে নিলেন সাবধানে । পরমানন্দে রসগোল্লা দিয়ে ছোটাহাজরী শেষ করে বেরিয়ে যাবো, এমন সময় এল হাড়ীপাড়ার অগ্রতম সর্দার মংলা হাড়ী । জেল-সিপাইদের মতো একথানা কাঠের রোলার হাতে । সে এসে হেসে হেসে কুঞ্জলালের সঙ্গে লুটির দর নিয়ে আলোচনা শুরু করলো, আমি বেরিয়ে পড়লাম । ভাবলাম একবার ডাক্তার অমর গুপ্তের ওখানে যাই কারমিনোটিক মিকশচার আনতে ।

পণ্ডিত মশাইয়ের বাড়ীর গলি পার হয়ে রঘুপদর দোকান ডাইনে রেখে ঘেঁই ভবেন সান্নাালের বাড়ীর দিকে মাত্র ছ’পা বাড়িয়েছি, অমনি বন্দরে অকস্মাৎ ভারী হল্লা শোনা গেল । সন্দেহমনে ফিরে দাঁড়লাম । মংলার হাতে কাঠের রোলারটা তখন ভালো লাগেনি ।.....

অকস্মাৎ দেখলাম গলির মুখে ছুটতে ছুটতে বেরিয়ে এলেন প্রমোদবাবু। হ্যাঁ, স্পষ্ট দেখলাম তাঁর কপালে রক্ত আর সেই রক্তের ধারা নেমেছে সাদা পাঞ্জাবি বেয়ে। নিশ্চয়ই মংলা তার রোলার চালিয়েছে। কি করবো, কি করা উচিত, ভাবছিলাম এক মুহূর্ত দাঁড়িয়ে, এরই মধ্যে দেখি পাখুরা পাড়ার দিক থেকে উর্দ্ধশ্বাসে ছুটে আসছেন চিত্তবাবু, তাঁরও কপালে আঘাতের চিহ্ন! প্রমোদবাবুর পশ্চাতে বাড়ীর মধ্যে প্রবেশ করতে করতে চীৎকার করে বলে গেলেন : শীগগির থানায় চলে যান দ্বিজেনবাবু, পাখুরারা নইলে আপনাকে রেহাই দেবে না।

দেখলাম, কথাটা একেবারে মিথ্যে নয়। একদিক থেকে মংলা হাড়ীর নেতৃত্বে একদল হাড়ী আর অপর দিক থেকে একদল যুবক পাখুরা লাঠিসোটা নিয়ে হৈ-হল্লা করতে করতে এসে চাটার্জী বাড়ীর বন্ধ গেটের বাইরে দাঁড়িয়ে চাটার্জী পরিবারের উদ্দেশ্যে বর্ষণ করতে লাগলো অশ্রাব্য গালিগালাজ আর শূন্তে আক্ষালন করতে লাগলো হাতের বিভিন্ন আকারের লাঠি ও মুগুর!

একটি মিনিট! তারপরই আমার শিরায় শিরায় টগবগ করে ফুটে উঠলো বেপরোয়া তাজা রক্ত, মাংসপেশীর মধ্যে উন্মুখ হয়ে উঠলো মত্ত শক্তি, বিনয়ী ও নম্র দ্বিজেন গাঙ্গুলীর মধ্য থেকে বেরিয়ে এল এক হিংস্র তীক্ষ্ণদংষ্ট্রা জানোয়ার!... তাহলে বারুদখানায় এবার কাঠি পড়েছে, বিস্ফোরণ তাহলে শুরু হয়ে গেছে, রক্তহোলীর মাহেন্দ্রক্ষণ তাহলে সমাগত! কী হবে তাহলে আর লোকদেখানো ভদ্রতার আবরণে? কেন তাহলে আর সঙ্কোচ? বে-আক্রম মতো এবার ঝাঁপিয়ে পড়লেই তো হয় পলাণীর আশ্রকুঞ্জে!

অনেক সয়েছি কিন্তু আর নয়। এবার এসেছে আঘাত ফিরিয়ে দেবার পালা। চোখের বদলে চোখ, দাঁতের বদলে দাঁত! They must be paid in their own coins!

রঘুপদর দোকানের মধ্য দিয়ে সোজা এসে প্রবেশ করলাম বিলুদের বাড়ীর মধ্যে। বিরোধী দলের অপূর্ব সাম্রাজ্য তখন চা খাচ্ছিলেন দোকানে, ক্রফেপ করলাম না তাঁকে। পড়ে রইলো পুলিশ সুপারের আদেশ, ছিঁড়ে ফেলে দিলাম সর্ব গোপনতার আবরণ! প্রমোদবাবুর মা ছেলের রক্ত ধুইয়ে দিচ্ছিলেন আর কাঁদছিলেন করুণ সুরে আর চিত্তবাবুর কপালে জলপটি লাগাচ্ছিল নিরুপমা। চিরগন্তীর তারকবাবু উঠানে একথানা জলচৌকিতে নীরবে বসে আছেন একেবারে পাথর হয়ে। ছোটোছুটি করছে ছোট ছেলেমেয়েরা। সারা বাড়ীতে

প্রত্যাসন্ন মহাবিপদের কালো ছায়া পড়েছে ! ভালো-মার মন্তব্য কানে এল :
তুমি কেন বাবা এই বিপদের মধ্যে এলে ?

জবাব দিলাম না এই প্রশ্নের। কেন এলাম, তাই এবার ভালো করে
টের পাইরে দিচ্ছি ঐ হাড়ীদের আর পাগুয়াদের। বিলুকে ইসারা করতেই
সে ঘর থেকে একথানা প্রকাণ্ড রামদা' এনে আমার হাতে তুলে দিল আর
নিজেও তুলে নিল একথানা লোহার রড্। তারপর সোজা এগিয়ে এলাম
হু'জুন বৈঠকখানার দিকে।

চেগারের বড় গেটটা ভেতর থেকে বন্ধ। বাইরে জনতা হুলা করছে আর
মাঝে মাঝে ঐ দরজার ওপর লাঠির আঘাত করে অল্লীল ভাষায় গালিগালাজ
করছে।

বললাম বিলুকে : আমি এই গেটের সামনে অপেক্ষা করছি। দরজা ভেঙ্গে
ওরা ঢুকে পড়লে আমার মনে হয় না একটি প্রাণীও বাড়ীর অন্তর পর্য্যন্ত পৌঁছুতে
পারবে। তবুও তুমি বৈঠকখানার কোণে দাঁড়িয়ে থাক। যদি রামদা'য়ের
কলা থেকে কেউ ছিটকে যায়, তাহলে তোমার হাতে রড্ রইলো।

বিলু নীরবে এসে দাঁড়িয়ে গেল যথাস্থানে আর আমি সেই বিরাট রামদা'খানা
নিয়ে গেটের সম্মুখে পায়েচারি করতে লাগলাম।

ছুটে এলেন চিত্তবাবু, ছুটে এলেন প্রমোদবাবু, তাঁদের পশ্চাতে এলেন মা,
ভালো-মা, নিরুপমা, বড় বোঁ এবং স্পষ্ট দেখতে পেলাম বৈঠকখানায় শিশিরকণাও
এসে পড়েছে নীরব আবেদন নিয়ে। সবারই মুখে এক কথা : আমাদের জন্তু
কেন আপনি এমনি বিপদ ঘাড়ে করছেন ? আপনাকে দেখতে পেলে ওরা আরো
ক্ষেপে যাবে, হয়তো আপনার ওপরেও হাত তুলে বসবে। তার চাইতে খানার
খবর পাঠাচ্ছি—

বাধা দিয়ে বললাম : আপনারা সবাই বাড়ীর ভেতরে যান। আমার
মাথা ঠাণ্ডা আছে। তবে আমার মাথায় লাঠি চালাবার আগে ওদের ওপর
রামদা' চালাতে কসুর হবে না।

কিন্তু আশ্চর্য্য, বিশেষ কিছুই আর করতে হলো না। চেগারের কীক দিয়ে
নিশ্চরই ওরা দেখতে পেয়েছে আমার। আমার হাতের অস্ত্রখানার তীক্ষ্ণতা
মনে মনে কল্পনা করে বোধহয় ভালো লাগেনি। কুকুরের দল তাই কেঁউ কেঁউ
করতে করতে একে একে সরে পড়লো।

কিন্তু এত সহজে ছেড়ে দেবার পাত্র আমি নই। ওরা কিছুদূর চলে যেতেই সটান সদর গেট খুলে দিলাম। প্রমোদবাবু ছুটে এসে আমার একেবারে জড়িয়ে ধরলেন : বাইরে যাবেন না দ্বিঞ্জনবাবু, আমার কথা শুনুন—

আমার মাথায় তখন খুন চেপে গেছে। সাধুর ভক্তবৃন্দ চ্যালেঞ্জ জানিয়ে গেছে, তার জবাব দিতে হবে in their own coins ! রামদা'থানা প্রমোদবাবুর হাতে ফিরিয়ে দিয়ে বললাম : আপনার কপাল কেটে গেছে, জলপটি লাগান। আমি শুধু একবার দেখে আসি শালারা সত্যিই চলে যাচ্ছে কিনা।

বেরিয়ে পড়লাম একেবারে খালি হাতে। অকস্মাৎ দেখতে পেলাম ছুটতে ছুটতে আসছেন বিশ্বেশ্বরবাবু : এই মাত্র খবর পেলাম দ্বিঞ্জনবাবু স্থানিটারী ভবানীবাবুর মারফত। কোনদিকে গেল শালারা ?

ব্যস, পেয়ে গেছি এবার সহযোগীকে। হুনিয়াকে আর থোড়াই কেয়ার করি ! বললাম : চলুন এই দিকে।

তারপর একেবারে খালি হাতে সম্পূর্ণ নিরস্ত্র অবস্থায় আমরা দু'জন ইতস্ততঃ ঘুরে বেড়াতে লাগলাম পাথুরী পাড়ার মধ্য দিয়ে, হাড়ীপাড়ার অপরিচরিত গলিতে গলিতে। গাজী ও গাঠিয়্যার বাড়ীর পাশ দিয়ে গেলাম, মংলা ও সীতা হাড়ীর বাড়ী ডাইনে রেখে এগিয়ে এলাম মহেন্দ্র মিত্রের বাসার কাছে। তারপর সোজা চললাম ভবেন সান্ন্যালের বাড়ীর সম্মুখ দিয়ে এবং প্রভাত চৌধুরীর গেট পার হয়ে এসে উপস্থিত হলাম সাধুর ভক্তবৃন্দের নেত্রী স্বয়ং শ্রীযুক্তা সীতা বিশ্বাসের দরজায়। তারপর সেখান থেকে এখানে-ওখানে ঘুরে অবশেষে এসে হাজির হলাম চ্যারিটেবল্ ডিস্পেনসারিতে। ডাক্তার অমর গুপ্ত বললেন : আমি ভালো করে ব্যাণ্ডেজ করে দিয়ে এসেছি প্রমোদকে। খুব বেশী গভীর হয়নি। কিন্তু দ্বিঞ্জনবাবু, ভালো করে শিক্ষা দিতে হবে এই বদমাশদের আর এদের পরামর্শদাতা সেই সাধুকে। নিশ্চয়ই এ সম্বন্ধে আপনারা—

সিদ্ধান্ত গ্রহণ করেছি।—বললেন বিশ্বেশ্বরবাবু : ওরা লাঠি চালাবে লাঠি চালাবার জন্তাই, but we are out to murder ! তাই চাই আমাদের গায়ের ওরা হাত তুলুক and they will feel the music ! কিন্তু কোথায় একজনেরও দেখা পেলাম না সারা বন্দরে !

সারাটি দিন অনেক ঘোরাঘুরি করলাম আমরা। কিন্তু স্পষ্ট বোঝা গেল, আমাদেরও আসরে নামতে দেখে ভয় পেয়ে গেছে সীতা বিশ্বাসের দল। এতটা

ওরা আশা করেনি। ভেবেছিল বিদেশে গ্রাম্য রাজনীতির ব্যাপারে আমাদের কোনো উৎসাহ থাকবে না। কিন্তু সত্যিই যে বেরিয়ে পড়েছি আমরা ছুটি সাজোয়া গাড়ীর মতো, তাই ভয়ে ও আতঙ্কে লাঠিয়ালরা পৃষ্ঠ প্রদর্শন করেছে!...

কিন্তু সাধু! That scoundrel! বদনাম নির্মাণ কারখানার সেই ভগ্নমাথা মালিক? সিদ্ধান্ত গ্রহণ করতে দেয়া হলো না, তাই শীঘ্রই একদিন গভীর রাত্রে অন্ধকারে গা ঢাকা দিয়ে বেরিয়ে পড়লাম বিশ্বেশ্বরবাবু ও আমি।

প্রাণ আমাদের অত্যন্ত সহজ। সাধুর আশ্রমের বাঁশের বেড়া ডিঙ্গিয়ে নিঃশব্দে আমরা প্রাঙ্গণের এক কোণে নামবো। আশ্রমের সীমান্ত দ্বার সর্বদাই উন্মুক্ত ভক্তজনের জ্ঞা, এবং তাঁর শয়নকক্ষের দ্বারও সারারাতই খোলা থাকে। প্রাঙ্গণে নির্ঝাপিতপ্রায় কাঠের আগুন দিয়ে মধ্যরাত্রিতেও হয়তো কোনো কোনো ভক্ত ছোট কলিকার আসর জমিয়ে রাখে। তবে সাধু মনে করেন থানাসামা গ্রামে তাঁর একচ্ছত্র সাম্রাজ্যস্থাপন সূষ্ঠুভাবেই সম্পন্ন হয়ে গেছে। অন্ততঃ মধ্যরাত্রিতে তাঁর নিদ্রার বিন্দুমাত্রও ব্যাঘাত ঘটতে পারে, এমনি মতিচ্ছন্ন হতভাগা থানাসামা গ্রামে একটিও নেই।

আমরাও বিন্দুমাত্র ব্যাঘাত ঘটাবো না তাঁর বিশ্রামের। তাঁর সূখনিদ্রার। কক্ষের উন্মুক্ত দ্বারপথে প্রবেশ করতে গিয়ে মিথ্যে আওয়াজ সৃষ্টি করবো না। পশ্চাতের জানালা পথে বুনো বেড়ালের মতো প্রবেশ করে রামদা'য়ের একটি আঘাতে ঠুঁকে দ্বিখণ্ডিত করে ফেলবো। সূখনিদ্রা চিরনিদ্রায় রূপান্তরিত হবে মাত্র। কোনো গোলমাল হবে না। তারপর আবার বাঁশের বেড়া ডিঙ্গিয়ে কাজির বাগানের জঙ্গলে আমরা অদৃশ্য হয়ে যাবো। মহেন্দ্র মিত্রের বাড়ীর কোণে বিলুর হাতে অস্ত্রখানা দিয়ে আমরা ঘরে ফিরে এসে সূবোধ বালকের মতো নিদ্রা দেবো।

কিন্তু সাধুর উর্দ্ধতন চতুর্দশ পুরুষের ভাগ্য, সে রাতে কোন্ গ্রাম থেকে হঠাৎ এসে গেছে একদল কীর্তনীয়া। এখানে-ওখানে জলছে হারিকেন লঠন, চলছে বিচিত্র সুরে কীর্তন আর প্রজ্জ্বলিত অগ্নিকুণ্ডের সম্মুখে পদ্মাসনে নিম্নীলিত নয়নে উপবিষ্ট ভগ্নমাথা সাধু। অবিরত গঞ্জিকা প্রসাদ করে দিচ্ছে ভক্তদের হাতে।

অনেকক্ষণ অপেক্ষা করলাম ঝোপের অন্তরালে কীর্তন সমাপ্তির আশায়।

কিন্তু ভক্ত-বৃন্দের ভাবাবেগের যেন আর শেষ নেই। তাই ফিরে আসতে হলো ব্যর্থমনোরথ হয়ে। বিশ্বেশ্বরবাবু বললেন : ছাড়া হবে না, আবার আসতে হবে।

বললার্ম : অবশ্য।

কিন্তু আর যাওয়া হয়নি। যতই দিন যেতে লাগলো, ততই অমুভব করতে লাগলাম যেন চাকা ঘুরে যাচ্ছে। হাড়ী আর পান্নারার যতখানি উদ্দীপনা নিয়ে তারকবাবুর কন্ঠার বিবাহরূপ কেলেকারী ও জনীতি রোধের জন্তু রুখে দাঁড়িয়েছিল, তাদের সেই উদ্দীপনায় মনে হলো ভাটা দেখা দিয়েছে। হয়তো সেদিন আমাদের দু'জনকে অমনিভাবে ঘোরাকেরা করতে দেখে ওরা ভয় পেয়েছে কিংবা হতে পারে, নিজেরাই উপলব্ধি করেছে যে, এতে অত্যাচার কিছু নেই, অভিভাবকদের সঙ্গে পত্রযোগে আলাপ-আলোচনা করেই বিবাহ স্থির হচ্ছে।

দেখা গেল, গ্রামের মধ্যে যাদের ছোটলোক বলা হতো, যাদের ক্ষেপিয়ে তুলে সীতা বিশ্বাস ও তাঁর সংগ্রাম পরিষদের সভাগণ চাটাজ্জী পরিবারকে একেবারে মাটির সঙ্গে মিশিয়ে দেবার কাজে নেমেছিলেন সাধুর সর্বাধিনায়কতার, সেই নিরক্ষর, গোয়ার ছোটলোকেরাই ধীরে ধীরে করছে এ্যাবাউট টার্ন! আর তারা কাজির বাগানে যেতে চায় না, সাধুর প্রসাদকরা ছিলিমে তাদের আকর্ষণ কমে গেছে।

সীতা বিশ্বাসের অনুচরেরা অবশ্য তাদের আবার গরম করে তোলবার জন্তু আগ্রাণ চেষ্টা করতে লাগলো, কিন্তু ফল হলো না কিছুই। চাটাজ্জী বাড়ীর বিরোধী দলের সভ্যসংখ্যা ধীরে ধীরে অণুচ নিশ্চিতভাবে কমে যেতে লাগলো। শুধু কমলো নয়, তারা সীতা বিশ্বাসেরই বিরোধিতা করতে দ্বিধা বোধ করলো না। মোটের উপর উত্তাপ বেশ কমে এল। কমে এল বলেই কাজির বাগানের স্থগিত নৈশ অভিযান পরিচালনা করে শাস্ত্র আবহাওয়ায় আবার বিস্ফোরণ ঘটাবার প্রয়োজন আমরা আর অমুভব করলাম না।

কিন্তু এই সময় একটি আশ্চর্য্য জিনিস আমি লক্ষ্য করেছি। লক্ষ্য করে বিস্মিত ও স্তম্ভিত হয়েছি। সেটা বর্ণনা না করে পারছি না।

গান্ধীজীর প্রতি অকুণ্ঠ শ্রদ্ধা গাকা সঙ্গেও তাঁর ঐ হৃদয় দিয়ে হৃদয় জয় করবার নীতি কোনোদিনই সমর্থন করিনি আমি। কারণ সর্ব্ব অন্তর দিয়ে বিশ্বাস

করতাম যে, ওটা একটা নিছক থিওরি, গালভরা আধ্যাত্মিক বুলি। কিংবা ওটা পন্থুর বা সংগ্রামবিমুখের নিজের গায়ের চামড়া বাঁচাবার জ্ঞান একটা ওজরমাত্র। ওটা অক্ষমতার সাক্ষ্য। কলসীর কাণা খেয়ে প্রেম বিতরণের কাহিনী এই বস্তুতন্ত্রবাদী যুগে কৌতুককর রূপকথা মাত্র! জগাই-মাধাই উদ্ধারের স্ট্যাটেজি এ যুগে অচল।.....

কিন্তু সেই সময়, দিনাজপুর জেলার অজ্ঞাত ও অখ্যাত সেই থানসামা গ্রামে গান্ধীজীর ঐ ব্যর্থ নীতিরই যে সার্থক রূপায়ণ দেখেছিলাম, আজও তা ভুলতে পারিনি। সেই রূপায়ণে যিনি পরিপূর্ণভাবে সাক্ষ্যলাভ করেছিলেন, তিনিই চার্চার্জী পরিবারের কর্তা শ্রীতারকেশ্বর চট্টোপাধ্যায়। কিন্তু ঐ নীতি কি তিনি প্রয়োগ করেছিলেন? সত্যগ্রহীর মতো প্রতিপক্ষের গুণবুদ্ধি জাগ্রত করে তোলাবার জ্ঞান তাঁকেও কি কোনো ডাঙি অভিযান বা নোয়াখালী পরিক্রমা করতে হয়েছিল? হৃদয় দিয়ে হৃদয় জয় করবার মধ্যেও আছে প্রস্তুতি, প্রয়োগ ও অধ্যবসায়। কিন্তু তাও করতে দেখিনি তাঁকে।

প্রমোদবাবু ও চিত্তবাবু নিগৃহীত হবার পর বহু শুভানুধ্যায়ী পরামর্শ দিয়েছিলেন চক্কতকারীদের নামে থানায় ডায়েরী করতে, আদালতে নালিশ জানানোতে। কেউ বলেছিলেন গ্রামের পাঁচজনকে ডেকে এই মিথ্যাচার ও অত্যাচারের বিচার করতে। সালিশীর প্রস্তাবও করেছিলেন কেউ কেউ। কোনো কোনো শুভাকাজক্ষী এসে বলেছিলেন স্কুল থেকে দীর্ঘ দিনের জ্ঞান ছুটি নিতে। কারণ স্কুলটি গ্রামের বাইরে পান্ডুয়াপাড়াতে যাবার সড়কের ধারে। সাবধান হয়ে যাওয়াই ভালো।

কিন্তু তারকবাবু কোনো পরামর্শই গ্রহণ করেননি। সকালবেলা দেখেছি তাঁকে নিয়মিত টিউশনি করতে যেতে, তারপর বেলা দশটায় সেই গলাবন্ধ কোট গায়ে, ক্যানভাসের জুতো পায়ে দেখেছি এই প্রধান শিক্ষককে থানসামার মধ্য ইংরেজী বিদ্যালয়ে যেতে। ফিরে এসে বৈঠকখানায় বসতেন, ঝাঁরা আসতেন, তাঁদের সঙ্গে নানা বিষয়ে আলাপ করতেন। কিন্তু অত্যন্ত স্বল্পভাষী। হাড়ী ও পান্ডুরা প্রকাশে যেভাবে অত্যাচার করেছে, সীতা বিশ্বাসের চ্যালাচামুণ্ডার সাধুর আশ্রম থেকে নিত্য নতুন বদনাম যেভাবে ছড়িয়ে চলেছে, আশ্চর্য্য, সে সম্বন্ধে স্বতঃপ্রসূত হয়ে নিজে তো কোনো কথাই বলতেন না, কেউ সে প্রশ্ন তুললেও তিনি একেবারে নীরব থাকতেন। অপরের বক্তব্য বা সমালোচনা

অথবা পরামর্শ শুনতেন অটল গাভীর্ষ্য নিয়ে। বলতেন না কিছুই। থানাতেও গেলেন না তিনি, ঠাকুরগাঁতেও নয়। মনে হচ্ছিল ছুনিয়ার কারুর বিরুদ্ধেই কোনো অভিযোগ নেই তাঁর।

এই যে বিশাল হৃদয়, এই হৃদয়ের অমোঘ শক্তি অদৃশ্যভাবে সঞ্চারিত হচ্ছিল প্রতিপক্ষের অন্তরে। কোনো প্রচার নয়, কোনো প্রতিবাদ নয়, কোনো চোখ রাঙ্গানি, ধমক বা কোনো অহুরোধ-প্রার্থনা নয়, এমন কি, কোনো আলোচনাও নয়, অথচ স্পষ্ট দেখছিলাম আমি যে, সীতা বিশ্বাসের দস্তুরে প্রাসাদের তলা ক্ষয়ে যাচ্ছে, খেয়ে যাচ্ছে, ভূমিসাৎ ধূলিসাৎ হয়ে যাবে অচিরেই।.....

স্পষ্ট দেখতে লাগলাম যে, চাকা ঘুরছে, ঘুরছে এবার বিপরীত দিকে। কলকজা ঘুরিয়ে দেয়নি কেউ, কেউ গীয়ার টানেনি, কেউ হাত লাগায়নি। তবু ঘুরছে এবং ঘুরছে বিপরীত দিকে। প্রথমটা ধীরে ধীরে, যেন সঙ্কোচের সঙ্গে, তারপর বাড়তে লাগলো গ্লতিবেগ, আরও জোরে, যতখানি এগিয়ে গিয়েছিল একদিন, পেছিয়ে এল তার চাইতে বেশী...তবুও চলছে, তবুও ঘুরছে, আরও জোরে, আরও জোরে, একেবারে বন্ বন্ করে.....অবশেষে বিস্ময় বিস্ফারিত নেত্রে একদিন দেখতে পেলাম তারকবাবুর নিরস্ত্র হৃদয়ের কাছে পরাভূত ও পর্যুদস্ত সশস্ত্র পাহুরা ও হাড়ীপাড়ার দেওনিয়ারা অস্ত্রত্যাগ করে দল বেঁধে বাড়ীতে এসে একেবারে তাঁর পায়ের ওপর নুটিয়ে পড়লো। আমরা অপরাধী, ক্ষমা চাই।.....

তারকবাবু তৎক্ষণাৎ তাদের বুক জড়িয়ে ধরলেন। আমরাও সাধুকে ক্ষমাই করে দিলাম।

অবস্থা এমন হয়ে দাঁড়ালো যে, চাটার্জী পরিবারের সবাই আবার প্রকাশ্যেই আমাদের সঙ্গে মিশতে লাগলেন আর আমরাও প্রকাশ্যেই গ্রামের সবার বাড়ীতেই যাতায়াত শুরু করে দিলাম। পরিতোষকে কেউ আর গ্রাহ্যের মধ্যেই আনলেন না। রবির কাছে খবর পাওয়া গেল যে, লেখনী তাঁর পূর্বাপেক্ষা দ্রুতগতি হয়ে উঠেছে এবং শীলমোহর-করা সরকারী খামের বপুটিও বেশ ক্ষীতকায় হয়েই নিয়মিতভাবে দিনাজপুরে যাচ্ছে। যাকগে, আর আমরা কেয়ার করি না, গ্রামের লোকও আর কেয়ার করে না। হেসে, খেলে, জটলা করে বেশ আনন্দেই দিনগুলো গড়িয়ে যেতে লাগলো।

এমন সময় অকস্মাৎ একদিন সরকারী হুকুম এসে হাজির—দিনাজপুর

জেলায়ই হরিপুর থানার স্থানান্তর। বোঝা গেল, পরিতোষ এরই অগ্র আদ্য-মুন থেকে লেগেছিলেন আর আমাদের হৃৎকেন্দ্রের মধ্যে গভর্নমেন্ট আমাদেরই বেশী ঝগড়াটে মনে করেন। যাক, ভালোই হলো। স্থানান্তর তো আমরা চেয়েই ছিলাম এবং সেজন্য আইন পর্য্যন্ত ভঙ্গ করেছিলাম। এখন বিনা ছাফায়াতেই স্থানান্তর সম্ভব হওয়ার খুশীই ছিলাম।

আমার অনুপস্থিতিতে চাকা উলটো দিকে ঝুরও, আরও ঘুরে এক সময় পূর্বেরকার চালককেই হয়তো টুকরো টুকরো করে ফেলবে এবং সীতা বিশ্বাসের পাগ-পঙ্কিল দেহের অংশ যেখানেই গিয়ে ছিটকে পড়বে, সেখানেই তৈরী হবে এক-একটি নরক কুণ্ড! ফলে, চাটার্জী পরিবারের মর্যাদা হবে পুনঃ প্রতিষ্ঠিত।

থানসামা গ্রামের চাকলাকর ঘটনাবলি ইতিহাসের ঘটনো পরিসমাপ্তি! কে জানে, হরিপুর আমার অগ্র আবার কি সাজিয়ে রেখেছে!.....

কস্ করে তারকবাবুর কথা মনে পড়লো। চরম উত্তেজনার ক্ষেত্রেও ষাঁর স্বৈর্য দেখেছি অপরিসীম, আমার প্রতি ষাঁর স্নেহ সহস্রধারায় উৎসারিত! তাঁর প্রশস্ত ললাটে কোনোও হৃৎকেন্দ্রের আকুঞ্চন ফুটে না উঠলেও আমারই কর্তব্য তাঁকে একেবারে নিশ্চিন্ত করে দেয়। তাই, যাত্রার অব্যবহিত পূর্বে বিশ্বেশ্বরবাবুকে বললাম : তারকবাবুর কাছে সংবাদ পাঠাবেন বিশ্বেশ্বরবাবু, তাঁর মেয়েকে আমি বিয়ে করবো। I give my word and I shall keep it inspite of everything

বিশ্বেশ্বরবাবু আমার জড়িয়ে ধরলেন আনন্দাতিশয্যে।

সেদিন ১৩ সালের ২০শে জুন।

পঁচিশ

রায়গঞ্জ রেলস্টেশন থেকে হরিপুর আঠারো মাইল। যাতায়াতের একমাত্র ব্যবস্থা সেই গরুর গাড়ী।

হরিপুরেও দেখলাম একই সঙ্গে দু'জন রাজবন্দীর থাকবার ব্যবস্থা। খানসামার মাঝখানে ছিল ছিটে বেড়ার পাটিশন, এখানে ওসবের বালাই নেই। মেসের মতো একটি বৃহৎ কক্ষে সীট আমার আর অনিল সেনগুপ্তের। অনিল-বাবুর বাড়ী বরিশালের গৈলা গ্রামে। নিরীহ, গোবেচার। ও নেহাত ভালো মানুষ। বছর দুই রাজবন্দী করে রেখে ব্রিটিশ সরকার রাজস্বের অপব্যয় করছে মনে হলো।

এখানকার দারোগা আলাউদ্দীন এবং পরিতোষের মতো ইনিও অফিসিয়েটিং। যেমনি দীর্ঘকায়, তেমনি মেদবহুল শরীর। মধ্যাঞ্জে আবার তার প্রাচুর্য্য বিজী-ভাবে প্রকট। ভোজনবিলাসী এবং ইচ্ছিমপরায়ণ। তবে পরিতোষের মতো এঁর পরিতোষিণী-দালাল নেই আর গ্রামের কোথাও ইনি হস্ত প্রসারিত করেন না। মাঝে মাঝে খানার কাজে দিনাজপুর শহরে গেলে ইনি হয়তো সেই কীকে এক রাত্রে নতুন আমদানী লখনৌয়ের স্তন্দরী বাদ্দিজীর একখানা চুংরী শুনে আসেন ও প্রেম নিবেদন করে আসেন তার অলঙ্করজিত ত্রীচরণ-কমলে। বাদশাহী চালে মাঝে মাঝেই তাঁর বাসার খানাপিনা হয়ে থাকে বিরিয়ানী ও মোরগমসল্লম দিয়ে। স্তানিটারী মোজাহার আলীসহ আরও ক'জন আলী ও উদ্দীন টেবিল আলো করে বসেন। রাজবন্দীদেরও নিমন্ত্রণ করতে ভুল হয় না তাঁর। কারণ তাঁর ধারণা নবাবী খানার জলুস দেখিয়েই তিনি রাজবন্দীদের চোখ ধাঁধিয়ে দিতে পারলে ওরা সমঝে চলবে তাঁকে।

এখানকার জমাদারের নাম অখিল চক্রবর্তী। খুব ভালো হোমিওপ্যাথিক ওষুধ দিতে জানেন। কেন যে এই ভদ্রলোক স্বাধীন ব্যবসা শুরু না করে পুলিশের মতো স্থণ্য বিভাগে প্রবেশ করেছেন, তা তিনিই জানেন। গ্রামের অনেক দুরারোগ্য ব্যাধি, যা দাতব্য চিকিৎসালয়ের ডাক্তার মনোজ দত্ত সাধ্যাতীত বলে ছেড়ে চলে আসতেন, দেখতাম এবং দেখে বিস্মিত হতাম অখিলবাবু তা নিরাময় করে তুলতেন তাঁর ঐ হোমিওপ্যাথিক স্বাদহীন, বর্ণহীন জলজলে

ওষুধ দিয়ে। খুব অমায়িক ও সজ্জন ব্যক্তি। তিনি এবং তাঁর গৃহিণীও। খানসামার উত্তেজনার রণক্ষেত্র থেকে যেন হাঁফ ছেড়ে বাঁচলাম একটি নিরাল্প শান্তিনীড় দূরবর্তী শিবিরে এসে! অন্ততঃ প্রথমটা তাই মনে হলো।

হরিপুরের কমলালয় স্টোর্স হচ্ছে মন্থথ জোয়ারদারের দোকান। মনিহারী দ্রব্য প্রায় সবই কিছু কিছু পাওয়া যায়, যদিও যাচাই করে পছন্দ করে নেবার মতো স্টক নেই জোয়ারদারের। এই ভদ্রলোকটিও খুব নিরীহ ও সৎ। রাজবন্দীদের আড্ডা দেবার স্থান হচ্ছে জোয়ারদার এ্যাণ্ড কোম্পানীর এই দোকানটি। কোম্পানী নামেই। দোকানে তিনিই একমেবাদ্বিতীয়ম্ আর বাড়ীর মধ্যেও তিনি আর ইকমিক কুকার। কুকার গৃহিণীর কাজ করে থাকে।

এখানে ছ'জন জমিদার—রবীন্দ্রলাল রায়চৌধুরী আর গিরিজাভূষণ রায়-চৌধুরী। ছ'জন ছ'তরফ কিনা, তা আজ আর মনে নেই। তবে ছ'জনের জমিদারীই কি কারণে জানিনে, গেছে কোর্ট অব ওয়ার্ডস্-এর অধীনে। তাই হরিপুরে খোলা হয়েছে ওয়ার্ডস্-এর বিরাট অফিস, অফিসে অনেক কর্মচারী, চারিদিকে তাঁদের বাসা ও মেস। জোয়ারদারের দোকানেই পরিচয় হয়ে গেল গিরিজাবাবুর সঙ্গে। বেশ আয়ুদে ও অমায়িক ব্যক্তি। জমিদারের বিরাট বগ্নর মধ্যে হৃদয়টিও বিশাল। রাজ্যের ইংরেজী ও বাংলা বই কেনেন আর পড়েন, তারপর লাইব্রেরী ঘরের কাঁচের আলমারিতে বন্দী করে রাখেন যাবজ্জীবন। হ্যাঁ, যাবজ্জীবনই বটে, কারণ সেই বই তিনি কাউকে পড়বার জন্ত বাড়াতে নিয়ে যেতে দেন না। বলেন, আমার ফ্রি রিডিং রুম, বসে বসে পড়, যত খুশী।

আমিও পড়তাম। সারাটা দিনই প্রায় সেখানেই কেটে যেত। গ্রামের অধিবাসীদের সঙ্গে আর তেমন করে মেশবার চেষ্টা করতাম না। খানসামার তিন্ত অভিজ্ঞতার কথা ভুজিনি।

গিরিজাবাবু একদিন সঙ্গে করে নিয়ে গেলেন তাঁর ওয়ার্ডস অফিসে। দেখলাম, বহু ভদ্রলোক কাজ করছেন। আমার বয়সী, আমার চাইতে বড় ও আমার চাইতে ছোটও আছেন। গিরিজাবাবু এক-এক করে সবার সঙ্গে পরিচয় করিয়ে দিতে দিতে অফিস কক্ষের একপ্রান্তে একটি টেবিলের সামনে দাঁড়িয়ে বললেন : আর ইনি হচ্ছেন ত্রীসতীশ গুপ্ত, দিনাজপুর শহরের বালুবাড়ীর

আলেকজাণ্ডার ! ঠুকে চেনে না, এমনি লোক তো পরের কথা, এক কণা বালুও নেই বালুবাড়ীতে। দেখতে ক্ষুদ্র, কিন্তু সর্ব্ব বৃহৎ ব্যাপারে সর্বাগ্রগণ্য—

ভালো হচ্ছে না কিন্তু গিরিজা দা'। বলতে বলতে উঠে দাঁড়ালেন সতীশ গুপ্ত এবং সম্মিতমুখে ঢুই করতল সংযুক্ত করলেন।

মিথ্যে বলেননি গিরিজাবাবু, সতীশ গুপ্তের উচ্চতা পাঁচ ফুটের বেশী হবে না। রং কালো, মানে বেশ কালো, রোগা শরীর। কিন্তু অত্যন্ত ঘন চুলে ঘন তরঙ্গ। বোঝা গেল, উনি কেশের পরিচর্যা করেন এবং সত্ত্ব পাট-ভাজা চুড়িদার আন্ধির পাঞ্জাবী ও কৌচানো ধুতি দেখে জানা গেল—পোশাকেরও। কিন্তু ওকি, কঠে মালার মতো পরেছেন কালো একটি ফিতে এবং তার একটি প্রান্ত বৃকের ঘড়ির পকেটে প্রবিষ্ট। বিস্মিত হলাম। কিন্তু গিরিজাবাবু বোধহয় টের পেয়ে গেছেন। তাই কিছু বলবার আগেই রহস্য ভেদ করে দিলেন : ওটা ঘড়ি, মানে পকেট ওয়াচ। আর গলায় দেখছেন, ওটা চেইনের পরিবর্তে কার্ন নয়, একেবারে আধ ইঞ্চি চওড়া ফিতে। বলবেন, ওটা সেকলে ? বলুন গে, থোড়াই কেয়ার করে সতীশ গুপ্ত। পকেট ঘড়ি আর কালো ফিতে সে এতকাল পরেছে, পরবেও। সতীশ গুপ্ত মানেই চুল আর ঘড়ি এবং ঘড়ি আর চুল মানেই সতীশ গুপ্ত অব্ বালুবাড়ী।

বলেই হো হো করে হেসে উঠলেন। তারপর বললেন : থানসামার চাটাজ্জী পরিবারের সবাইকে খুব ভালো করে চেনে। নীরদবাবু তো সতীশের বন্ধু বললেই হয়। আর, এবার কণ্ঠস্বরে ঘোষকের দৃঢ়তা দিয়ে বললেন : সতীশ গুপ্ত গুপ্ত আলেকজাণ্ডার নয়, দিনাজপুরের শিশির ভাঙড়ী !

আবার সেই হাসি।

এর পর সতীশ গুপ্ত আর সতীশবাবুতে আটকে রইলেন না, স্বচ্ছন্দে সতীশে নেমে এলেন। আপনিও কবে উবে গিয়ে তুমি হয়ে দেখা দিল।

দিনের বেশীর ভাগ সময়ই কাটে আমার সতীশের ওখানে। অফিসে গল্প আর তার মেসে ঘন্টার পর ঘন্টা আড্ডা। সতীশের সঙ্গে বন্ধুত্বটা অকস্মাৎ, যেন কতকটা অজানতেই, একেবারে নিবিড় হয়ে উঠলো। ওর কি কি আমার ভাল লেগেছিল আর আমার মধ্যেই ভালো লাগার হতো কি কি পেয়েছিল

সতীশ, তা আজও মনে করতে পারিনে! কিন্তু মনে আছে অভিন্নহৃদয় বন্ধু বলতে যা বোঝায়, হরিপুরে একমাত্র সতীশই ছিল তাই।

শুটিকয়েক সহকর্মী নিয়ে ওরা মেস করেছে। ক্রমে ক্রমে সবার সঙ্গেই হস্ততা হয়ে গেল বটে, কিন্তু বেশীর ভাগ সময়ই বস গ্রাম সতীশেব ঘরে। সতীশের রং কালো ও রোগা শবীর হলে কি হবে, অত্যন্ত শৌখীন সে। বেশ গোছানো-গোছানো ছিবছাম তার ঘরখানা। যেখানকাব যা, সেখানেই ঠিক তা আছে। দামী মো, পাউডার, ক্রিম, সুদৃশ্য বড় দেয়াল-আরশি, চিরুনি শুধু নয়, ত্রাশ ও তার পাশে, সুগন্ধি তেল শ্রাম্পু। ব্র্যাকেটে ঝুলছে আদ্রির পাজ্রাবী ও কৌচানো মিহি স্নতোর ধুতি। দরজার ওপর বেশ বড় মুইর তোয়ালে।

অনেক কথা বলে না সে। বোধহয় একটু সিরিয়াস টাইপের ছেলে। হাসে বেশ, হাসির কথাও বলে, কিন্তু সে হাসির কোনো শব্দ নেই রাজবন্দীদের সঙ্গে স্বভাবতঃই তার বন্ধুত্ব গড়ে ওঠে তাব আপন করে নেবার গুণে এবং সে বন্ধুত্ব নিবিড় হয়ে ওঠে তার অমায়িক ব্যবহারে ও অকপট সৌজন্তে। আমারও সে বন্ধু হয়ে উঠলো এবং অভিন্নহৃদয় বন্ধু হয়ে উঠলো। অনেক পরে অবশ্য স্বীকার করেছে সে যে, আমার আগেকার রাজবন্দীবা বন্ধু হয়ে গেলেও স্থানান্তরিত হবার পর out of sight, out of mind হয়ে গেছেন, শুধু আমাকেই নাকি সে দোষ দেয়া যায় না। ভুলিনি এবং সতীশকে ভুলে যাবার স্ত্রযোগ দিইনি।...

তবে একটা কথা পরিষ্কার বলা দরকাব যে, সতীশ গুপ্ত আমার কোনো রাজনৈতিক বন্ধু নয়, আমার একান্ত ব্যক্তিগত বন্ধু। একেবারে ইয়ার বলা যায়, অবশ্য সতীশ যদি আপত্তি না করে।

সতীশ একদিন নিয়ে গেল আর একজন সহকর্মী সতীশ গুহের বাড়ীতে। তাঁর বারো বছরের কন্যা রুবিকে সতীশ ডাকতো মা বলে, তাই সে আমারও মা হয়ে গেল। রুবি মা। রুবি মায়ের চেহারাটা আজো মনে পড়ে। চমৎকার স্বাস্থ্য আর মিষ্টি তার মুখখানি। একটু বাড়ন্ত বলে শাড়ি পরতে হতো তাকে। কিন্তু স্বভাবটি শাড়ির আংরাথায় আদৌ ঢাকা পড়েনি। ঝাকড়া চুল চলিয়ে প্রায়ই সে ছুটোছুটি করতো পোবা থরগোশটির সঙ্গে। আর মায়েরই মতো কথায় কথায় শাসন চালাতো সতীশ ও আমার ওপর।

ভেবেছিলাম হরিপুরের দিনগুলি ভালোই কাটবে। কিন্তু কিছুদিন পরই দেখা গেল আলাউদ্দীন পরিতোষের উলটো পিঠ। নবাবী খানার নমুনাতে বখন

রাজবন্দীদের ওপর মোড়লিটা কায়ম হলো না, তখন হাতে হুলে নিনেন আলাউদ্দীন তাঁর লেখনীর অস্ত্র ! সাপ্তাহিক কনফিডেন্সিয়াল রিপোর্টে উল্লেখ হয়ে উঠলো রাজবন্দীদের নয়, শুধু আমারই অকথ্য নিন্দা । জোয়ারদার, সতীশ গুপ্ত, সতীশ গুহ এবং অমিদার গিরিজাবাবুরও নাম প্রেরিত হলো বাণেশ্বরের কাছে । এখানেও রিপোর্টের রিপোর্ট পেতে আমার বেগ পেতে হলো না অখিলবাবুর মারফত । আসতেন তিনি গভীর রাত্রে । বিরাট থানা কম্পাউন্ডের এক প্রান্ত থেকে থানার পেছন দ্বিমে অপর প্রান্তে আমাদের বাড়ীতে এসে প্রবেশ করতেন নিঃশব্দে ।

স্পষ্ট বুঝতে পাবলাম, থানাসামার মতো এখানেও রুদ্র মূর্তি ধারণ করতে হবে । পরিতোষের মতো মূর্খ নন আলাউদ্দীন, তাই মুখে তাঁর সঙ্গদাই লেগে থাকতো অমায়িক হাসি । বাইরের খোলসটা তাঁর ভদ্রতা ও সহনশীলতার চুমকিতে চকচক করতো । কিন্তু রিপোর্ট পাঠাবার সময় ঐ মেদবহুল গোলাকৃতি মুখমণ্ডলে ঝিকমিকি কবে উঠতো ক্রব বীভৎসতার রক্তাক্ত ছাতি !.....

অখিলবাবু মুখে শুনে আমিও প্রকাণ্ডেই গুরু করলাম লিখতে দিনাজপুরের পুলিশ সুপারবের কাছে যে, থানার অফিসার ইন চার্জের অভদ্র ব্যবস্হাব সঙ্কেত সীমারেখা পেরিয়ে যাচ্ছে । সূতরাং হয় আমাকে স্থানান্তরিত করা হোক, নইলে আমার পথ আমিই বেছে নেবো । মজা হচ্ছে আমার দবখাস্তগুলো নিয়ম অনুযায়ী খোলা অবস্থাতেই দিতে হতো দারোগা সাহেবের হাতে এবং দাবোগা সাহেবকে নেহাত অনিচ্ছাসঙ্কেত নিয়ম অনুযায়ী আবাব তা পাঠাতে হতো যথাস্থানে । তাই শুক হয়ে গেল লেখার লড়াই । কিন্তু আলাউদ্দীন যেবার রুবি মাঝ সন্ধ্যে আমার ও সতীশের একটা অবৈধ সম্পর্কের কথা লিখে পাঠালেন দিনাজপুরে, সেবারই ওখান থেকে এসে পড়লেন ইনসপেক্টার অন্নদা প্রসাদ ঘোষ সরঞ্জামিন তদন্তের জন্ত ।

আমায় এসে জিজ্ঞেস করলেন : দারোগার সঙ্গে আপনাব ঝগড়ার কাণ্ড কি বলে মনে হয় আপনার ?

বললাম ।

সতীশ গুপ্ত আপনার বন্ধু ?

বললাম ।

রুবি নামে মেরেটিকে আপনারা মা বলে ডাকেন ? ওর বয়স কত ?

বললাম : ই্যা ডাকি । বয়স ওর বছর বারো হতে পারে ।

খানসামার তারকবাবুর মেয়ের সঙ্গে আপনার বিয়ের সম্বন্ধ পাকা হয়ে গেছে ?

বললাম : ই্যা ।

অন্নদাবাবু বললেন : খুব ভালো । বিয়ে করে ফেলুন । বীরগঞ্জে আমি ছিলাম । ঐ পরিবারের সবাইকে আমি চিনি । তারকবাবুর মতো সাধু ব্যক্তি খুব কমই দেখা যায় । খুকুকেও জানি, চমৎকার মেয়ে । বিয়ে করে ফেলুন, তাহলেই স্ত্রী নিয়ে বাস করবার জ্ঞান আপনাকে যেখানে ক্যামিলি কোয়ার্টার আছে, সেখানে transfer করবে ।

জিস্কেস করলাম : কিন্তু আলাউদ্দীন সাহেব কী সব অভিযোগ করেছেন, তা তো কিছুই বললেন না আমায় ?

হেসে জবাব দিলেন অন্নদাবাবু : ওটা স্কাউণ্ডেল । রাজবন্দীদের চেনে না । কলমে যা এসেছে, তাই লিখে পাঠিয়েছে । আমি যাই, ওকে সেটা ভালো করে বুঝিয়ে দিচ্ছি ।

অন্নদাবাবু চলে গেলেন এবং হরিপুর থেকে যাবার পূর্বে আলাউদ্দীনকে যা বলে সতর্ক করে দিয়ে গেলেন, তা সেদিনই গভীর রাত্রে জানতে পারা গেল অখিলবাবুর মুখে । একেবারে স্পষ্ট ভাষায় বলে গেলেন অন্নদাবাবু : দারোগা সাহেব, মাসে মাসে এতগুলো টাকা খরচা করে গভর্নমেন্ট এই রাজবন্দীদের আটকে রেখেছেন বোকার মতো মনে করবেন না । মারাত্মক লোক গুঁরা । বেশী ঘাটালে একদিন আপনার ঐ ভুঁড়ি ফাঁসিয়ে দিয়ে কবর দিয়ে দেবে আপনাকে, বুঝলেন ?

কি বুঝলেন আলাউদ্দীন জানিনে, তবে জানতে পারলাম তিনি হলাহল সিঞ্জন সাময়িকভাবে স্থগিত রেখেছেন !.....

শীত পড়ে গেছে । কার্তিকের শেষাশেষি । অনিলবাবু অনেকগুলো গাঁদা ফুলের গাছ লাগিয়েছিলেন বাড়ীর মধ্যে, তাতে অনেক ফুল ফুটেছে । অফিসের বালাই নেই, নেই কোনো কাজের ভাড়া ; তাই ভোরের ঠাণ্ডা হাওয়ায় চাদরখানা মুড়ি দিয়ে পড়ে থাকতে ভারী ভালো লাগে । চাকর নেই । তাই জানিই তো, উঠে আবার দৌড়তে হবে সতীশ গুপ্তের ওখানে প্রাতরাশ সেরে নেবার জ্ঞান ।

অনিলবাবু পেরোগা মানুষ, তাই আথের গুড় ও কাগজী লেবুর রসমিশ্রিত চিড়ের সরবৎ-ই হচ্ছে তাঁর পোচ, টোস্ট ও কফি !

চাটাজ্জী পরিবারকে ঘিরে খানসামা গ্রামে যা হয়ে গেছে, তা মনে পড়ে দুঃখ হলেও ভেবেছিলাম হরিপুর গ্রামে শান্তিতেই কাটাতে পারবো। তাই, এখানে এসে বেশ সতর্কতার সঙ্গেই চলাফেরা করছিলাম। কিন্তু কি কৃষ্ণণে গিরিজাবাবু পরিচয় করিয়ে দিলেন আলেকজান্ডার এ্যাণ্ড শিশির ভাট্টাী অব বালুবাড়ী সতীশ গুপ্তের সঙ্গে, ব্যস সব সতর্কতা আমার মুহূর্তে উবে গেল কপূরের মতো। মাথায় লাইম জুসচর্চিত তরঙ্গ তুলে ও গলায় কালো ফিতের মালা হুলিয়ে সতীশ নিয়ে হাজির করলো আমায় তার নেশ-সেক-এর বাড়ীতে, তার রুবি মায়ের কাছে। ছোট্ট একটি মা পেলাম বটে, কিন্তু হারানাম আলাউদ্দীনের নবাবী ডিস, মোরগমসল্লম আর বিরিয়ানী। গাঙীবের মতো ফাউণ্টেন পেন তুলে নিলেন তিনি।

ভালো লাগছিল না। আবার সেই অশান্তি। অন্নদাবাবু যতই ধমকে যান দারোগাকে, দারোগার সম্মান যে ব্রিটিশ সরকারের প্রেস্টিজ ! অক্ষুণ্ণ রাখতেই হবে at any cost !

অকস্মাৎ কানে ভেসে এল হালকা গানের একটি কলি, তাও আবার নারাকণ্ঠে। আধেক শোনা গেল, আধেক শোনা গেল না—গুণু গুনগুন। মোমাছির মতো। স্বপ্ন দেখছি না তো?—না, রীতিমতো জেগে আছি। অনিলবাবুর নাসিকা অবশ্য সেই রাত এগারোটো থেকেই একটানা সুরে গজ্জন করে চলেছে। কিন্তু গুনগুনের সঙ্গে আবার টকটক শব্দও গুনতে পাচ্ছি ! নিশ্চয়ই কেউ অনধিকার প্রবেশ করেছে আমাদের বাড়ীতে এবং অনিলবাবুর সাধের গাঁদা ফুলগুলি তুলে নিয়ে যাচ্ছে। গানের সঙ্গে পাওয়া যাচ্ছে কুলের বোটা ছেঁড়ার শব্দ।

সুতরাং এক লাফে উঠে পড়লাম শয্যা ছেড়ে এবং দ্বিতীয় লাফে বারান্দায় এসে দেখি—কি দেখলাম আজও মনে আছে তা। বলাই।

হলুদ রংয়ের গাঁদা ফুলের বনে টকটকে লাল রংয়ের শাড়ি-পর্য্য একটি মেয়ে। চিনি না, জ্বািনি না, কোথাও দেখেছি বলেও মনে করতে পারলাম না। কিন্তু এখন দেখলাম, ভালো করে দেখলাম। হাংলাপানা গড়ন, মুখখানা লম্বাটে ধরনের, পিঠের ওপর দোহল্যমান দীর্ঘ বেণী, তার মাথায় গোটাকরেক গাঁদা ফুল

বাধা। বয়স পনেরোর বেশী হতেই পারে না। ফ্রক পরলেও চলতো।—
না, চলতো না। কারণ শরীর পুই, অতিরিক্ত রকম বাড়ন্ত। রেখাগুলো
লজ্জাহীনভাবে তীক্ষ্ণ, শাড়ির আবরণ সে তীক্ষ্ণতাকে চেপে রাখতে পারেনি।
ঐ শরীরে ফ্রক বড় বেমানান হবে।

আমার দিকে একটি চকিত দৃষ্টি ও মুচকি হাসি ছুঁড়ে দিয়ে মেয়েটি দিবা
ফুল তুলতে লাগলো নির্ভয়ে। যেন তার নিজের বাগান আর আমিই ওখানে
অবাস্তিত। কিন্তু ওমনি বে-আইনী উদাসীনতার আমি ভুলবো কেন? জিজ্ঞেস
করলাম : ফুল তুলছো যে?

বললো : দরকার আছে। আজ বেস্পতিবার, তাই।

বললাম : লক্ষ্মীপূজা বলে আমাদের ফুলগুলো নিয়ে যাবে?

জবাব দিল : পূজো হয়ে গেলে পেসাদ দিয়ে যাবো'খন।

সত্যিই রাগ হলো : পেসাদ আমরা খেতে চাই না, স্মরণে ফুলও তুলো না।
অনেক কষ্ট করে লাগিয়েছেন অনিলবাবু, তোমার নিয়ে যাবার জ্ঞান নয়। কিন্তু
তুমি বাড়ীর মধ্যে এলে কি করে? সদর দরজা বন্ধ ছিল, বন্ধই তো রয়েছে
দেখাচ্ছি।

এইবার মেয়েটি তাকালো, হেসে বললো : বেড়া ডিঙিয়ে লাফিয়ে এসেছি।

বিরক্ত হলাম। ভারী ডেঁপো মেয়ে তো! দেখলাম, সদর দিয়ে আসেনি,
এসেছে খিড়কির দরজা দিয়ে। দরজাটা তখনো খোলা। তবু ভালো। সদর
দিয়ে আসতে গেলে দূরের কোয়ার্টার্স থেকে আলাউদ্দীনের নজরকে ঝাঁকি দেয়া
যেত কিনা সন্দেহ। তাহলেই হতো আর এক কাণ্ড! রুবি মাকে নিয়েই
ছলুখুল চলছে, তারপর আবার.....বললাম : অত্যাশ্চর্য করেছ। তোমার আমরা
চিনি, জানি—

বাধা দিল মেয়েটি : আমি কিন্তু আপনাকে চিনি, জানি। অন্যথ কাকার
দোকানে সর্বদাই যান আপনি আমাদের বাড়ীর 'সম্মুখ' দিয়ে। সতীশদা'
আপনার বন্ধু। আর এ-ও জানি, আপনার বিয়ে হবে—

অ্যা! বলে কি মেয়েটা! এত খবর ও কোথায় পেল? জিজ্ঞেস করলাম :
কোনটা তোমাদের বাড়ী? কোথায় পেলে আমার বিয়ের খবর? সতীশ
তোমাদের বাড়ীতে বাস নাকি? তার মুখেই শুনেছি কি?

হাতের ফুলের সাজি ছলিয়ে ও মাথার বেণী ছলিয়ে এবার এগিয়ে এল মেয়েটি।

মুচকি হাসলো। এমনি দুটু হাসি যেন ও ওর সমবয়সী কোনো ছেলের সঙ্গে হাসিঠাট্টা করছে। আবার একটা দৃষ্টি ছুঁড়ে মারলো, তারপর অনর্থক শাড়িটা একটু টেনে দিল, তারপর কিউটেজরজিত পায়ের আঙ্গুলে মাটি খুঁড়তে খুঁড়তে বললো : ঠিকই বলেছেন সতীশদা' জানিস চামেলী, দ্বিভেনকে বলিস ওর বিয়ের কথা, দেখিস ও কেপে যাবে।

বিশ্বর আমার উত্তরোত্তর বেড়েই চললো। যেন এক অলিখিত উপজ্ঞানের নায়ক হয়ে পড়ছি আমি নিজের অজ্ঞাতে। চেগারের ওপর দিয়ে দৃষ্টি প্রসারিত করলাম। না, নবাব আলাউদ্দীন তখনো ধোয়াব দেখছেন। আর আমাদের ঘরের মধ্যেও চলছে একটানা নাসিকা গর্জন। কাস্তিকের এই ঠাণ্ডা ভোরে শুধু চামেলী ও আমি। শাড়ি পরবার বিশেষ ফোশল ও কথা বলবার বিশেষ ধরন দেখে বেশ বুঝতে পারলাম, শহরের হাওয়া এই গণ্ডগ্রামেও এসে অনুপ্রবেশ করেছে !

বললাম : তুমি দেখছি আমার নামও জেনে নিয়েছ। কোন্ বাড়ী তোমাদের ?

তারপর জানা গেল সব। হরিদাস সেনগুপ্তের কন্যা চামেলী সেনগুপ্তা। গিরিজাবাবুর বাড়ীর রাস্তায় মোড়ের ওপর প্রকাণ্ড বটগাছটার নীচে হরিদাস-বাবুর বাড়ী। হরিদাসবাবু মারা গেছেন অনেক কাল, বিধবা স্ত্রী যুগিকা ও চামেলীকে বিয়ে দিতে পারলেই নিশ্চিন্ত হন।

জোয়ারদার এই কথাটাই একদিন সাহস করে পাড়লেন আমার কাছে। অনিলবাবু নাকি গুঁদের পালাটি ঘর, তাঁকে পছন্দও হয়েছে সবার। যুগিকারও এতে অমত নেই। আমারই মতো যদি অনিলবাবু—

বাস, আমি একটা নজীর সৃষ্টি করে ফেললাম দেখছি। খানসামায় আমার বিবাহ স্থির হয়ে গেছে, হরিপুরে অনিলবাবুর বিবাহও স্থির করে ফেলবো ? ক্রটি কিছুই দেখলাম না। আমার ব্যক্তিগত প্রচেষ্টায় যদি একটি বিধবার একটি কন্যা উদ্ধার হয়ে যায়, যাক না ! অনিলবাবুর কাছে কথাটা পাড়তেই সহসা রাজী হয়ে গেলেন তিনি। তাঁর দেশের বাড়ীতে জোয়ারদারকে দিয়ে প্রথমে 'ও পরে একেবারে হরিদাস সেনগুপ্তের স্ত্রীকে দিয়েই লেখানো হলো। রাজী হয়ে গেলেন অনিলবাবুর অভিভাবক। তবে স্থির হলো, অনিলবাবুর মৃত্যুর পর বিয়ে হবে। বাস, আমারই মতো অনিলবাবু অন্তরীণ হয়ে স্মৃতির এক গ্রামে

এসে আত্মীয়তার বন্ধনে আবদ্ধ হয়ে পড়বেন! যুথিকার মনের কথাও জানা গেল চামেলী মারকত। চামেলীকে এবার আর পায় কে? আমাদের বাড়ীতে তার ফুলতোলায় কাজটা আর বৃহস্পতিবারের জন্ম আটকে থাকলো না। প্রথম দিনেই সে আমায় কেয়ার করেনি, এবার সে রীতিমতো ঠাট্টা করা শুরু করলো জামাইবাবুর বন্ধু হিসেবে। পনেরো বছরের শরীরে যেমন বিশ বছরের বাড়বাড়ি দেখা দিয়েছিল বেমানানভাবে, তেমনি তার হাসিঠাট্টার ভাষা ও ভঙ্গী একেবারে পঁচিশ বছরের মহিলাকেও মাঝে মাঝে ছাড়িয়ে যেতে লাগলো। অথচ আশ্চর্য্য, অনিলবাবু তখনো তার জামাইবাবুতে রূপান্তরিত হননি। কবে হতে পারবেন, তাও নির্ভর করছে সরকার বাহাদুরের মজ্জির ওপর। সে মজ্জির পরও আছে স্বয়ং অনিলবাবুর মতিগতি। আমি খানসামার প্রতিশ্রুতি দিয়ে এসেছি এবং মর্মে মর্মে জানি, সে প্রতিশ্রুতি রাখবোই অবশ্য যদি না তারকবাবু মত বদলান। কিন্তু মুক্তি পেয়ে উত্তরবঙ্গ ছেড়ে সেই হৃদয় দক্ষিণ-বঙ্গে বরিশালের গ্রামে ফিরে যাবার পর অনিলবাবু প্রতিশ্রুতি রাখবার জন্ম আবার উজান ঠেলে এতদূর ফিরে আসবেন কিনা, বলা কঠিন। ভদ্রলোক নিরীহ ভালোমানুষ, গোবেচারী গোছের। আমার অমুরোধে ও বিধবা মহিলাকে কন্যাদায় থেকে উদ্ধারের সাধু প্রস্তাবে তিনি রাজী হয়েছেন বটে এবং তাঁর আত্মীয়েরাও অমুমোদন করেছেন। তথাপি বরিশালে নেমে যাবার পর আবার এতখানি চড়াই পথে কষ্ট করে আসবেন কি?

কিন্তু আশ্চর্য্য, এত সব অনিশ্চয়তার বাষ্প এক ফুৎকারে যেন উড়িয়ে দিল চামেলীরানী। কথা হয়েছে মানেই যেন বিয়ে হয়ে গেছে আর আমি তার জামাইবাবুর বন্ধু বনে গেছি! তাই থানা কম্পাউণ্ডের মধ্যে অবস্থিত রাজবন্দীদের সংরক্ষিত কোয়ার্টার্স যখন-তখন এই অনুঢ়া কিশোরীর আনন্দ-কলরবে ও হাসি-ঠাট্টায় মুগ্ধ হতে লাগলো।.....

সত্ৰাট আলাউদ্দীন গুপ্তচরমুখে অবশ্যই সংবাদ পাচ্ছিলেন। কিন্তু অখিলবাবুর মারকত সংবাদ পেলাম যে, ছাহেব চিড়িয়াখানার শের-এর মতো শুধু দাঁতমুখই খিঁচোচ্ছেন থানার বসে বসে। রুবি-মা ঘটিত ব্যাপারে ইনসপেক্টর অন্নদাবাবুর ব্যবহৃত বিশেষণগুলো স্মরণ করে আর সাহস পাচ্ছেন না কলম ধরতে!.....

হরিপুরে মাছ খুব কমই পাওয়া যেত। স্থানীয় মাছের আমদানী এত কম

ছিল যে, বাজারেই তা নামতে পারতো না। পথে পথেই শেষ হয়ে যেত। আর চালানী মাছ যা আসতো, তাও বিশ্বাস লাগতো। কত দিন আগেকার ধরা মাছ কে জানে। স্তূতরাং ডিমের ওপরই আমাদের নির্ভর করতে হতো। তারপর পেটরোগা অনিলবাবু মাঝে মাঝেই উপবাস করতেন বা চিড়ে খেতেন। একা আমার জ্ঞাত আর চাকর রাখলাম না আমরা। কোনোদিন জমিদার গিরিজাবাবুর বাড়ীতেও পাতা পাততে হতো। মন্থ জোয়ারদার মাঝে মাঝেই তাঁর কুকারে অভিনব প্রথায় রান্নাকরা মাংসের ঝোল খাইয়ে দিতেন। তারপর সতীশ গুপ্তের মেসে ও সতীশ গুহের বাড়ীতে ছিল অব্যবহৃত রান্নাঘর। নেহাত আমাদের এখানে রান্না চাপাতে হলেও ঐ ডাল আর ভাত পর্য্যাপ্তই। অখিলবাবুর জ্ঞাও পাঠিয়ে দিতেন নানা ব্যঞ্জন দারোগার নজরকে কীকি দিয়ে। অর্থাৎ রান্নার ব্যাপারটা এখানে প্রায় বর্জন করেই চলছিলাম।

এমন সময় অকস্মাৎ এক হাটের দিন বিকেলে অনিলবাবু প্রায় দেড় সের ওজনের একটি ইলিশ মাছ এনে হাজির করলেন। সগর্বে বললেন : চার টাকা সের চেয়েছিল, সাড়ে তিন করে এনেছি। ফাস্ট ক্লাস মাছ, সোজা গোয়ালন্দ থেকে এখানে এসেছে। দেখুন দ্বিজনবাবু, কি সাইজ আর কি শেপ, আর রংটা দেখছেন, যেন খাঁটি রূপো—

কিন্তু দক্ষিণা লাগলো ক'খানা রূপো? হেসে প্রশ্ন করলাম।

পাঁচ খানা, সগর্বেই জবাব দিলেন তিনি : তা হোক, এদেশে এমনি জিনিস কখনো আসেনি আর কখনো আসবে বলে কেউ মনেও করেন না। তাই দেখতে দেখতে ব্যাটার এক বাস্স মাছ উড়ে গেল, বুঝলেন? ভাগ্যিস, একখানা ধরে ফেলেছিলাম—

বললাম : কিন্তু দেড় সের মাছ—হু'জন লোক—

কেন, বাধা দিয়ে তৎক্ষণাৎ সর্ব সমস্তার সমাধান করে দিলেন অনিলবাবু! আরে মশাই, চার পাঁচ দিন বসে বসে থাকো। ইলিশ মাছ যার নাম, বাসি বাসি তন্তু বাসি হলেও যার স্বাদ ও গন্ধ থাকে একেবারে অক্ষুণ্ণ। সাত দিন হয়ে গেলেও যা পেঁয়াজ-রসুন দিয়ে খুরি-ভাজা করে মজাসে চালানো যায়।

তবুও দ্বিধা প্রকাশ করলাম : কিন্তু আমাদের রান্নাঘরে তো প্রবেশ নিষিদ্ধ হয়ে আছে। উনুন আছে বটে, কিন্তু কোথায় কাঠ? তারপর হাঁড়িকড়াগুলো

সব নোঙরা ময়লা হয়ে পড়ে আছে। মসলা কোথায়? তেল? হুন? মসলা বাটবার শিলখানা আছে বটে, কিন্তু নোড়া?

বাস, মাথায় হাত দিয়ে বসে পড়লেন অনিলবাবু। ছুঃখ-ভান্না স্বরে বললেন : তাহলে এটা অখিলবাবুর বাড়ীতেই পাঠিয়ে দেয়া যাক, বলে পাঠাই আমাদের দিন তিনেক ছুঁবেলা চারখানা করে মাছের টুকরো দিলেই হবে। কি বলেন?

বলে মাছটা বারান্দার বাঁশের সঙ্গে ঝুলিয়ে বাঁধতে লাগলেন অনিলবাবু। আমি বললাম : না, না, সেটা ঠিক হবে না। মাছ দিয়ে আবার ভাগ চাওয়া ভালো দেখাবে না। তার চাইতে জোয়ারদারের ওখানে ফিস্ট লাগালে কেমন হয়?

এ প্রস্তাব আবার তাঁর মনঃপুত হলো না : না মশাই, জোয়ারদারের কুকারে ইলিশ রান্না ভালো হবে না। আর রান্নার উনি কি জানেন? খান তো আলু সেদ্ধ আর ভাত! তার চাইতে এক কাজ করা যাক, আপনার বন্ধু সতীশবাবুর মেসে পাঠিয়ে দিই—

এ প্রস্তাব আবার আমার মনঃপুত হলো না। বললাম : মেসে? বলেন কি! তাহলে আর ভাগ পেতে হবে না। যদি সর্বস্ব ত্যাগ করে দান করতে পারেন, তাহলে চলুন, মেসে দান করে আসি।

তাহলে কি করা যায়? আমার প্রস্তাব অনিলবাবুর মনঃপুত হচ্ছে না, আবার গুঁর প্রস্তাব আমি সমর্থন করতে পারছি না। বারান্দায় দোহুলায়মান ইলিশ মাছটিকে সন্মুখে রেখে দুটি চেয়ারে বসে পড়লাম আমরা গবেষণা করতে, কিভাবে মাছটির সঙ্গতি করা যেতে পারে! শুধু জোয়ারদার, অখিলবাবু ও সতীশ গুপ্তের ওখানে কেন, গিরিজাবাবু, সতীশ গুহ, এমন কি সম্রাট আলাউদ্দীনের ওখানেও দেবার প্রস্তাব যথারীতি উঠলো ও যথারীতি বাতিল হয়ে গেল। অনেক চিন্তা করে অবশেষে যখন আমি চামেলীদের বাড়ীতে পাঠিয়ে দেবার প্রস্তাব করলাম, অনিলবাবু তখন একেবারে ফায়ার হয়ে উঠলেন : পাগল হয়েছেন নাকি?

সুতরাং অনেক মাথা ঘামিয়ে ও অনেক সময় ব্যয় করে যখন কোনো সিদ্ধান্তেই পৌঁছুতে পারলাম না আমরা, তখন অনিলবাবু সহসা বলে উঠলেন : কারুক্কে দিতে হবে না, কারুর বাড়ী পাঠাতে হবে না। কেন, আমরা কি অর্থহীন নাকি? ইংরেজ মারতে পারি, আর মাছ কাটতে বাঁধতে পারবো না?—

আলবৎ পারবো, একশোবার পারবো। আপনি মাছটা কাটুন, আমি তেল, মসলা ও রান্না করবার কাঠ কিনে আনছি। ফার্স্ট ক্লাস চাল ও মুগের ডাল নিয়ে আসছি, আজ খিচুড়ি, মাছভাজা, মাছের ঝাল ও ভাঁপানো মাছ রান্না হবে।

বলেই সোজা বেরিয়ে যাচ্ছিলেন, এমন সময় অকস্মাৎ শব্দ শোনা গেল, ম্যা-এ্যা-ও—

থমকে দাঁড়ালেন অনিলবাবু, আমিও চমকে উঠলাম। বারান্দার অদূরে অর্ধ-খোলা সদর দরজা দিয়ে উঁকি মারছেন একটি নধরকান্তি মার্জাররাণী। সে লুন্ধ দৃষ্টি আমাদের প্রতি নয়, বাঁশে দোহুলামান ইলিশরাণীর প্রতি। ইলিশের কস্তুরী গন্ধ বাতাসে ভেসে ভেসে আলাউদ্দীনের গৃহেও তা'হলে পৌঁছে গেছে, তাই গন্ধাহতের মতো এসে আবির্ভূত হয়েছেন ক্ষুধার্ত অতিথি।

খড়ম ছুঁড়ে মারলেন অনিলবাবু : দেখবেন দ্বিজেনবাবু, সাবধান ! আলাউদ্দীনের নাতনী এসে গেছে গন্ধে গন্ধে।

অনিলবাবু বেরিয়ে যাবার পর বসলাম আমি বটি নিয়ে। বাড়ীতে অন্তরীণ থাকাকালে সামান্য সেফটি ফুরের ব্লেড দিয়েই কেটে ফেলেছি গোটা ইলিশ মাছ, স্তূতরাং বটি দিয়ে টুকরো টুকরো করে ফেলতে আদৌ দেবী হলো না। নতাই চমৎকার মাছটি ! সদর দরজা ভেজিয়ে দেবার ফলে বিড়ালটা আর বাড়ীতে ঢুকতে পারেনি সত্য, কিন্তু চেগারের বাইরে ঘন ঘন তার আকুতি শুনতে লাগলাম, ম্যা-এ্যা-ও.....

অনিলবাবু ফিরে এলেন এবং সমস্ত আয়োজন করে নিয়ে আধঘন্টার মধ্যেই খিচুড়ির হাড়ি চড়িয়ে দিলাম। কাঠ দিয়ে রান্না, স্তূতরাং, বেরিয়ে যাবার উপায় নেই। বসে বসে কাঠ ঠেলতে লাগলাম। ঢাকনিটা তুলে অনিলবাবু বললেন : দেখেছেন, এক রস্তু ডিম নেই আর পেটির মাছের গায়ে গায়ে চক্কি জমে আছে। বেশ বড় সাইজ করেই কেটেছেন। ভালোই করেছেন। খাবো তো হু'জনে, তার আবার কুটি কুটি করবার দরকার কি ? আচ্ছা দ্বিজেনবাবু, আপনি কণ্ঠার কাঁটাটা ভালোবাসেন, না ল্যাজটা ?

ছুটোই। তৎক্ষণাৎ জবাব দিলাম : ইলিশ মাছের সবটাই চমৎকার।

অনিলবাবু বলতে লাগলেন : কণ্ঠার কাঁটা মাছটাতে এত কাঁটা যে আমি সামলাতে পারি না, ল্যাজে বরং কম। তবে ই্যা, যদি কড়া করে ভাজেন,

তাহলে কণ্ঠার কাঁটাও চালাতে পারি। আপনি মাথাটা ঝোলে ভালোবাসেন, না ভাঙ্গা ?

মাথা দিয়ে তরকারি ভালো হয়। জবাব দিলাম।

খিচুড়িটা নামাতেই অনিলবাবু বলে উঠলেন : যা গন্ধ ছেড়েছে মশাই, ক্ষিদেটা যেন বড্ড জোর চাড়া দিয়ে উঠছে। রান্নায় যে আপনি আলাউদ্দীনের বেগমকেও হার মানাতে পারেন, তা বেশ বুঝতে পারছি। চাকুরে মেয়েকে বিয়ে করে সুবিধেই হবে আপনার। কখনো তিনি, আবার তিনি চাকুরিতে বেরিয়ে গেলে আপনি, রান্নাঘরের জ্ঞান আর বাড়তি লোক লাগবে না।—একটু পেয়ে সহসা আবেদন জানালেন তিনি : আচ্ছা, এক কাজ করলে কেমন হয় দ্বিজেনবাবু, আজকেব রাত্রের মেছুটা একটু সংক্ষেপ করুন না। রাত করে খুব বেশী হাজিমা না করে ঝাল, ঝোল, ভাঁপানো, টক ইত্যাদি সবই কাল দিনের জ্ঞান মূলতুবী রাখুন না, আজ শুধু ক'খানা ভাঙ্গা দিয়েই চলুক আমাদের কালকের ভুরিভোজের প্রস্তাবনা। কি বলেন ?

আপত্তি জানালাম : খিচুড়ির সঙ্গে ইলিশ মাছ ভাঙ্গা বেস্ট, সে বিষয়ে আদৌ সন্দেহ নেই। কিন্তু সেই সঙ্গে ক'খানা যদি ঝালে ও ভাঁপানো পাওয়া যায়, তাহলে একেবারে মারভেলাস হবে। আপনি একটু ধৈর্য্য ধরে থাকুন। নইলে যান, ঘরে গিয়ে একখানা বই-টাই খুলে বসুন।

স্পষ্ট স্বীকার করলেন তিনি : হ্যাঁ মশাই, ভালো কথাই বলছেন, এমনি খিচুড়ির গন্ধ ছেড়ে ও-ঘরে যাই আর কি ! খিচুড়ির গন্ধেই প্রায় নেশা লেগে গেছে, এর পর ইলিশ মাছ যেই তেলে ছেড়ে দেবেন, তখন না পাগল হয়ে যাই। বই-টাই তখন চুলোয় যাবে। তার চাইতে যা বললাম, তাই করুন না দ্বিজেনবাবু—অনিলবাবু সত্যতর অনুরোধ জানিয়ে ফেললেন : আপনি না-হয় কালকের জ্ঞান শুধু পেটের কেন, সব মাছগুলোই রেখে দিন ঢেকে, আজ শুধু ল্যাজ ও পিঠের মাছ ভাঙ্গা হোক। এত ক্ষিদে পেয়ে গেছে যে, আর ধেরী সহিছে না—

তবুও একবার আপত্তি জানালাম : কিন্তু আপনি জানেন না অনিলবাবু, পিঠের মাছের ঝাল যা হয়—

বাধা দিলেন : তাহলে এক কাজ করা যাক না কেন, আজ শুধু কণ্ঠার মাছ, ল্যাজ, মাথা ও কাঁটাকুটো বেশ কড়া করে ভেজে খিচুড়ি সহযোগে চালানো যাক, কাল দিনের বেলায় একেবারে বোড়শোপচারের আয়োজন করা যাবে—

দি আইডিয়া ! উত্তম প্রস্তাব । কিদে আমারও বেশ পেয়ে গিয়েছিল, সুতরাং তৎক্ষণাৎ অনিলবাবুর প্রস্তাবে রাজী হয়ে গেলাম । রান্নার কেরামতি এই পেট-রোগা ভদ্রলোককে আর কি দেখাবো ! কাল বরং সতীশকে বলবো'খন হুস্ করে এক ফাঁকে এসে খেয়ে যেতে আর চামেলীরাণীকেও একটু টেস্ট করিয়ে দোব, যাতে তার দ্বিধিকে আমার এই মেয়েদের ফেলকরানো রান্নার কেরামতির কথাটা জানিয়ে দিতে পারে । জোয়ারদার তো কুকারেই সারাজীবন চালাচ্ছেন, কাল না-হয় সেখানেই বসে নিয়ে যাবো কতকটা, তারপর ওখানে গিরিজাবাবু, সতীশ গুহ, ডাঃ মনোজ দত্ত ও আরো ক'জনকে খবর দিয়ে আনিয়ে বৈকালিক চায়ের আসরটা খাসা জমানো যাবে । জমাদার অখিলবাবুকেও বলে দোব এক ফাঁকে চুঁ মেরে আসতে ।

তাই স্থির হয়ে গেল । সে রাতে খিচুড়ি ইলিশ মাছের কাঁটাকুটো ভাজা সহযোগেই পরম পরিতোষ সহকারে শেষ করলাম । তারপর প্রায় সবগুলো মাছের টুকরোই সামান্য ভেজে কড়াইগুদ্র নির্বাপিত উত্তনের ওপর বসিয়ে প্রথমে একখানা থালা, তার ওপর একটা ঝুড়ি এবং তারও ওপর দু'খানা ইট বসিয়ে দিলাম । অনিলবাবু বললেন : যাক, আজ তো বেশ হলোই, কাল আরো বেশ হবে ।

ঘরে ফিরে এসে অনেক রাত পর্যন্ত আমাদের আলোচনা চললো । আগামী কালের ভোজনপর্যটী কিভাবে সর্বাঙ্গসুন্দর ও অভূতপূর্ব করে তোলা যায় । হরিপুর গ্রামে সুধাজন ও ভোজনরসিক সমাজকে একেবারে তাক লাগিয়ে দেবার সঙ্কল্প গ্রহণ করে আমরা ঘুমিয়ে পড়লাম ।.....

ভোরে অকস্মাৎ ঘুম ভেঙ্গে গেল অনিলবাবুর চোঁচামেচিতে । এত ভোরে তো তিনি কোনোদিন ওঠেন না, বিশেষ করে, শীতকালে । কি হলো আজ ?

ধড়মড় করে উঠে বসতেই অনিলবাবু রান্নাঘর থেকে ছুটে এসে একেবারে ধপাস করে আমার পাশে বসে পড়লেন ।

জিজ্ঞেস করলাম : কি হলো ?

শিরে কলাঘাত করে বলে উঠলেন অনিলবাবু : আর কি হয়েছে, সর্কান'শ হয়েছে ! গিয়ে দেখুন রান্নাঘরে, ইট ফেলে, ঝুড়ি উলটে দিয়ে সেই ব্যাটা বিড়াল সবগুলো মাছ—

আ্যা, বলেন কি ! ত্রিং করে লাকিয়ে উঠলাম, তারপর এই শীতের কথা বেমালুম হয়ে খালি গায়েই ছুটে গেলাম রান্নাঘরে মরিয়া হয়ে। চোখছুটে ছানাবড়া হয়ে গেল। পাথরের চোথের মতো পলকহীন হয়ে রইলো। তারপর বেরিয়ে এল গোটাকয়েক দীর্ঘশ্বাস !

বুক ভেঙ্গে গেছে। ঝাল, ঝোল, ভাঁপানো, টক সমস্ত প্ল্যান ফেঁসে গেছে। কালকের ভূরিভোজন, বৈকালিক চা-চক্র, কেরামতি দেখাবার সমস্ত পরিকল্পনা একেবারে নস্যাৎ হয়ে গেছে। আমরা খেয়েছি শুধু কণ্ডা ও ল্যাজ। আর পরস্বাপহাবী দস্যু খেয়েছে সব। আমাদের বুক ভেঙ্গে দিয়েছে !

অনিলবাবু সহসা চীৎকার করে উঠলেন : শালা আলাউদ্দীনের আত্মবে বিড়াল !

হাসবো, না কাঁদবো বুঝতে পারলাম না ।.....

হক মন্ত্রিসভা তখন অগ্রতম মন্ত্রী সৈয়দ নওসের আলীর বিশেষ উত্তোঙ্গে বাংলার রাজবন্দীদের ধীরে ধীরে মুক্তি দেবার নীতি গ্রহণ করেছেন। দু'একদিন পরপরই সংবাদপত্রে প্রকাশিত হয় একশো জন মুক্তির আদেশপ্রাপ্ত রাজবন্দীর নাম। সরকারী হুকুমনামা এসে পড়ে দিন সাতকের মধ্যেই।

উগ্র উৎসাহ নিয়ে অনিলবাবু প্রত্যাহই যান ডাঃ মনোজ দত্তের ওখানে এবং প্রত্যাহই ফিরে আসেন হতাশ হয়ে, তারপর ফোস্ করে একটা নিঃশ্বাস ফেলে বলেন : নাঃ দ্বিঞ্জনবাবু, আপনারও নাম নেই, আমারও নেই।

আমি তৎক্ষণাৎ প্রবোধ দিই : ঘাবড়াবেন না, এগারো শো ছাড়া হবে। চান্স এখনো যায়নি।

তারপরই আবার স্মরণ করিয়ে দিই : কিন্তু সাবধান, বিয়ে করবেন বলে যে কথা দিয়েছেন, তা কিন্তু রাখবেন। আমিও কথা দিয়েছি, আমিও তা রাখবো। রাজবন্দীদের কথা যেন নড়চড় না হয়।

নিশ্চয়ই হবে না।—জোর দিয়ে বলেন অনিলবাবু।

অকস্মাৎ একদিন কলকাতা থেকে মেজদার চিঠি পেলাম ২৬শে অগ্রহায়ণ। আমার বিয়ের দিন ধার্য করা হয়েছে। তারকবাবু ও মেজদার দু'জনেই সরকারের কাছে দরখাস্ত করেছেন আমার ছুটি দেবার জন্ত।

ক্ষেপে গেলেন অনিলবাবু। এই আনন্দের সন্দেশ বিতরণের জন্ত ছুটোছুটি করলেন সারা হরিপুর গ্রামে। ২৬শে অগ্রহায়ণ মানে ১২ই ডিসেম্বর, ১৯৩৭ সাল।

১০ই ডিসেম্বর দুপুরবেলা বারান্দায় ঢ'জন খেতে বসেছি, এমন সময় বেড়ার কীক দিয়ে দেখা গেল দূরে ঢ'জন সশস্ত্র সিপাই আসছে থানার দিকে। আর যার কোথা! খাওয়া ফেলেই উঠে পড়লেন অনিলবাবু, ছুটে গেলেন থানায় এবং পরক্ষণেই ফিরে এসে একেবারে কলরব করে উঠলেন : এসে গেছে দ্বিজেনবাবু, সরকারী হুকুম এসে গেছে।—Your transfer order to the house of Mr. Tarakeswar Chatterjee of Khansama...এখনই বওনা হতে হবে। ফজলুল হকের বিবেচনা আছে, কি বলেন ?

হেসে জবাব দিলাম : হবে না কেন, বরিশালেব যে ! তবে গৈলা নয় কিন্তু, চাখার। সেটা ভুলবেন না।

বিকেলবেলাই রওনা হলাম মালপত্র সব নিয়ে। বিয়ের পরে এখানে নাও ফিরে আসতে পারি, তাই গিরিজাবাবু, জোয়ারদার, সতীশ গুপ্ত, সতীশ গুহ, অশিলবাবু সবাই জানালেন অভিনন্দন। কবি মা অভিমান করে বললো : এবার মাকে আর মনে পড়বেন না।

বললাম : শুধু ছেলে নয়, এবার ছেলের বৌ-ও আসবে তোমার কাছে।

যদি তোমার এখানে আর না পাঠায় ?—জিজ্ঞেস করলো কবি মা।

বললাম : একদিন তো ছাড়া পাবো। তোমার সাথে দেখা করবোই কবি মা।

চামেলী বললো : এবার আপনার বাড়ীর সব কুল তুলে নিয়ে আসবো।

সেই সঙ্গে জামাইবাবুকেও।—বলে হাসলাম।

সত্যি, একবার বেড়িয়ে যাবেন হরিপুরে ছাড়া পাবার পর, কেমন ?

কথা দিলাম : আসবো।

কথা দিচ্ছেন তো ?—চামেলীর কণ্ঠে বিপুল আগ্রহ।

দিচ্ছি।

আবার সেই আঠারো মাইল। ট্যাক্স ট্যাক্স করে চলেছে গরুর গাড়ী। সারারাত চলবে। সেই ভোরে পৌঁছুবে রায়গঞ্জ স্টেশনে। সেখান থেকে ট্রেন। বেশ শীত পড়ে গেছে। পড়বেই। ডিসেম্বরের অপরাহ্ন। একটু পরেই

চারদিক অন্ধকার হয়ে এল। লেপ মুড়ি দিয়ে শুয়ে পড়লাম। কথা বলবার কেউ নেই। বাহে গাড়োয়ান বিচিত্র সুরে বিচিত্র ভাষায় গুরু ছটোকে কি সব বলছে। নীরবে গুরুছটো বোধহয় তার নির্দেশ পালন করে এগিয়ে চলেছে। পেছনের গাড়ীখানাও অন্ধকার। তবুও ওটাতে আমার মালপত্রের সঙ্গে আছে ছ'জন সশস্ত্র সিপাই ও একজন আই বি-র সহ-দারোগা। তাদের কথাবার্তার মূহু গুঞ্জন মাঝে মাঝে কানে আসছে।

বিয়ে করতে চলেছি আমি। যে বিয়ে দেবার জন্তু মা-বাবা এত চেষ্টা করেছিলেন, তাঁরা আজ কোথায়? বাবার ইচ্ছে ছিল আমার বৌ দেখে যাবেন, মার আশা ছিল আমার বৌ এসে তাঁর সেবা করবে। কিন্তু তাঁদের সে ইচ্ছা, সে আশা পূরণ করতে পারিনি আমি। বাতুলভাণ্ড-মুখরিত আলো ঝলমল শোভাযাত্রায় যে উৎফুল্ল বরযাত্রী দলের যোগদানের কথা, আজ তারা কোথায়? কোথায়ই-বা আমার দেশ, কোথায় আমার পরিজন? অন্ধকার অজানা পথে শম্বুক গতিতে চলমান এক গরুর গাড়ীর অন্ধকার ছইয়ের মধ্যে লেপের নীচের অন্ধকারে প্রসারিত দেহ একক পড়ে রয়েছে আমি আগামী পরশুর বর। সে বাড়ীতে নিশ্চয়ই অন্ধকার নেই, অনেক আলো জ্বলে উঠেছে, আত্মীয়-বন্ধু প্রতিবেশীর আনন্দকলরবে মুখর হয়ে উঠেছে বিয়ে বাড়ী, হয়তো অনেক আশা, অনেক রঞ্জীন পরিকল্পনা নিয়ে সাগ্রহে অপেক্ষা করছে বিয়ের কনে। সে যখন দেখবে এসেছি আমি একা, একাই নামছি অন্ধকার ছইয়ের নীচে থেকে, জানিনা কি প্রতিক্রিয়া হবে তার মনে! সে কি বেদনার আঘাতে মুষড়ে পড়বে, না শির উঁচু করে এগিয়ে আসবে অন্তরে এই মহাসত্য উপলব্ধি করে যে, দেশ স্বাধীন হবার পূর্বে কোনো বিপ্লবীর জীবনেই খুশীর দেয়ালী জ্বলতে পারে না?.....

ছাবিশ

১১ই ডিসেম্বর সন্ধ্যায় এসে নামলাম আবার সেই দারোয়ানী স্টেশনে।
চেপে বসলাম আবার সেই গরুর গাড়ীতে। আবার চললো গরুর গাড়ী শঙ্কুর
মতো।

এবার চলেছি বরবেশে। রাজবন্দী বর, তাই বরযাত্রী ছ'জন সশস্ত্র সিপাই
আর আই বি-র জনৈক সহ-দারোগা। বরবেশে নয়, মনে হলো চলেছি বিজয়ীর
বেশে। থানসামার নিন্দুকের দলের মুখে এবার ছাই পড়লো, গালে লেপিত হলো
চুন আর কালি! মাস্টারমশাইয়ের কন্ঠার সঙ্গে চোরের বিবাহ ভেঙ্গে দিয়ে যারা
সমাজসেবার জলন্ত আদর্শ স্থাপন করবার জন্য নিসপিস করছিলো, সেই সীতা
বিশ্বাসের শাগরেদদের এবার মাথা কাটা গেল। চোর আজ চলেছে বিজয়ী
বরের বেশে! একবার কথা দিলে রাজবন্দী যে সে কথার আর খেলাপ করে না,
এবার আর একবার তার পরিচয় পাবে হিংস্রটের দল। আনন্দে রোমাঞ্চ
জাগছিল শরীরে এই ভেবে যে, অবশেষে ওয়াটারলু-তে একেবারে ভূপাতিত করে
ফেলতে পেরেছি দিগ্বিজয়ী ভাস্কর্য্য সাধুকে!.....

আবারও মার কথা মনে পড়লো। বড় আশা ছিল আমার মায়ের, আমি
বিয়ে করবো, আমার জ্যৈষ্ঠ এসে করবেন তাঁর সেবা, রোগজজ্বর ললাটের উত্তাপে
বুলিয়ে দেবেন সাস্থনার শীতল পরশ, সুখী হবেন মা ছায়ার মতো তাঁর পাশে
একটি সেবিকাকে পেয়ে। আজ চলেছি আমি সেই সেবিকাকে আনতে, কিন্তু
মা কোথায়? সেবিকা এসে কার সেবা করবে? আমার মুখের কথা আদায়
করে নিয়ে কোথায় তিনি পালিয়ে গেলেন চিরদিনের তরে?.....

সংবাদ আগেই পাঠানো হয়েছিল মন্থণ জোয়ারদারকে দিয়ে একপানা
টেলিগ্রাম করিয়ে। ডাকবাংলোর কাছাকাছি আসতেই তাই দূরে তারকবাবুর
বাড়ীর সম্মুখে প্রচুর ডে-লাইটের আলো দেখতে পাওয়া গেল।

ডাক্তারখানা এসে পড়তেই আমি কিন্তু নেমে পড়লাম। আই বি-র বাবু ও
সিপাইরা যাবে থানায়। বলে দিলাম ওদের যেতে। আমার গাড়ীখানাকেও
বলে দিলাম সোজা তারকবাবুর বাড়ী নিয়ে যেতে। আমি এটুকু রাস্তা পায়ে

হেঁটেই যাবো। বিজিত দেশের ওপর দিয়ে পায়ে হেঁটেই যাবো বিজয়ী হিটলারের মতো !

ডাক্তার অমর গুপ্তের বাসায় উঠলাম। ডাক্তারবাবু আমার একেবারে ছ'হাতে বুকের সঙ্গে জড়িয়ে ধরলেন : হ্যাঁ, একেই বলে বীর ! সমস্ত নিন্দা, কুৎসা, শত্রুতা, বিরোধ—সব কিছু দলে পিষে আপনি এসেছেন বিজয়ীর বেশে। এই তো চাই !—যান, গিয়ে দেখবেন আজ সব হাদ্জামা চুকে গেছে। বিরোধীরা সব আজ তারকবাবুর পায়ে লুটিয়ে পড়েছে।

ডাক্তারবাবুর স্ত্রী বললেন : বার বার বলেছি আমি খুকুর মাকে, রাজবন্দী কখনও কথার নড়চড় করে না। আজ আমার কথাই সত্য বলে প্রমাণিত হলো।

ওঁদের আশীর্বাদ নিয়ে বেরিয়ে এলাম। বাংলা মদের দোকানের সম্মুখে আসতেই স্বয়ং অপূর্ব সান্যালের সঙ্গে প্রায় ঠোকাঠুকি হয়ে গেল।

আরে মশাই, আপনি তো সাংঘাতিক লোক ! খুঁজেই পাচ্ছি না আপনাকে। ওদিকে আমাইকে অভ্যর্থনা জানাবার জন্তু বাড়ীর মেয়েরা বরণ ডালা নিয়ে এসে দেখে একটা গাড়ী তো একেবারেই থালি, আর একথানায় ছোটো সিপাই বসে কুৎকুৎ করে তাকাচ্ছে—চলুন, শীগগির চলুন।

আমায় একেবারে টেনেই নিয়ে রওনা হলেন অপূর্ব সান্যাল। এককালে সীতা বিশ্বাসের অন্ততম শাগরেদ ছিলেন। আজ মাথা হুড়িয়ে গোময় ভক্ষণ করেছেন দেখছি !

বাড়ীর কাছে এসে দেখি, এক বিরাট কাণ্ড করে বসেছেন চাটাজ্জী ব্রাদার্স। প্রকাণ্ড তোরণদ্বার তৈরী করা হয়েছে প্রাচীন ভারতীয় ভাস্কর্যের অনুকরণে। তার মাথার ওপর শির উঁচু করে দাঁড়িয়ে আছে প্রকাণ্ড ত্রিবর্ণ জাতীয় পতাকা। বিজয়ী চাটাজ্জী বাড়ীর অপরিপ্লান গৌরবের নিশানা। চতুর্দিকে জাতীয় পতাকার মালা, পাতাবাহার ও দেবদারু পাতার ছাওয়া রাস্তার দিকের সম্পূর্ণ বেড়াটি। তোরণের মাথায় ঝুলছে একটি বড় ডে লাইট আর জমায়েত জনতার অনেকের হাতেই ছোট ছোট ডে-লাইট লগ্নন। আলোকে উদ্ভাসিত চতুর্দিক। চেয়ে দেখি, লোকে লোকারণ্য। প্রচণ্ড অগ্রহায়ণের শীতকেও কেউ পরোয়া করেনি। তাঁদের মধ্যে হাড়ী আছে, পানুয়া আছে, হিন্দু আছে, মুসলমান আছে, হিন্দুস্থানী আছে, মারোয়াড়ী আছে, সবাই অধীর আগ্রহে অপেক্ষা করছে মাস্টারমশাইয়ের রাজবন্দী আমাইয়ের।

প্রথমেই যে লোকটি এসে আমার পায়ের ধূলি নিয়ে মস্তকে ও জিহ্বাগ্রে স্পর্শ করালো পরম ভক্তিভরে, চৈয়ে দেখি সে আর কেউ নয়, স্বয়ং মংলা হাড়ী। হাড়ী-পাড়ার সর্দার, প্রমোদবাবুর মাথায় একদা যে কাঠের রোলার চালিয়েছিল। বাচালকে সম্বোধন করে চাণক্যের সেই কথাটি চট করে আমার মনে বা দিল : এখন যে ভারী ভক্তি দেখছি। একদিন আমার শিখা ধরে টেনেছিলে মনে আছে ? মুখেও প্রায় বলে ফেলেছিলাম, কিন্তু আত্মসংবরণ করে নিলাম।

এগিয়ে এসে তারকবাবুর পদধূলি গ্রহণ করলাম সর্বাগ্রে। জিজ্ঞেস করলেন : শরীর ভালো আছে তো ?

ভালোই আছি।—

কিন্তু তারপর আর কথা কওয়া সম্ভব হলো না। মহিলাদের মাত্র পাঁচ মিনিট সময় দেওয়া হলো বরণের কাজটা সংক্ষেপে সারবার জন্য। তারপরই সমবেত জনতা উল্লাসধ্বনিতে একেবারে আকাশ-বাতাস কম্পিত করে তুললো, সবাই আমায় প্রায় শূন্যে তুলে নিয়ে হাজির করলো পাশের বাড়ীতে। সেখানেই সুন্দর করে ফরাশ পেতে একটি বৈঠকখানা সাজানো হয়েছিল। রঘুর দোকানের পাশেই। পেছনের দরজা দিয়ে বিলুদের বাড়ী যাওয়া যায়। তারপর সেখানে প্রায় সারা রাত চললো আলাপ-আলোচনা, গান-বাজনা, হাসি-পরিহাস, খেলাধুলা.....

আমার সঙ্গী আই বি-র ভদ্রলোক ও সশস্ত্র সিপাই ছ'জন থানায় চলে গেছে। বলেছিলাম বিয়ে-বাড়ীতেই থাকতে। ভদ্রলোক বললেন হেসে : আপনাকে জামাই-বরণ করে ঘরে তুললেও আমাদের কেউ আর বরযাত্রীর আদর-আপ্যায়ন জানাবেন না। বরং শুভকার্য্যে একটা অমঙ্গল বলেই ভাববেন ও তেমনি চোখা চোখা মস্তব্য শোনাবেন। তাই, আমরা আমাদের সনাতন আন্তানাতে গিয়েই কঞ্চল মুড়ি দিই গে।

পরদিন সন্ধ্যার পর সরকারীভাবে বিবাহসভায় প্রবেশ করেই দেখি, সেট নামজাদা স্ত্রীতি ও সুরুচির ধ্বজাধারীরা সবাই এসে গেছেন। পুরুষ ও মহিলা সবাই। লাটু বিশ্বাস এসেছেন, এসেছেন তাঁর ভাই মাকু বিশ্বাস, এসেছেন প্রভাত চৌধুরী, এসেছেন রামলাল গুহ, এসেছেন মহেন্দ্র মিত্র, এসেছে মংলা হাড়ী, সবাই গুটিগুটি করে এসে বিবাহসভা আলোকিত করে বসেছেন। অপূর্ব সান্নাধ্য তো প্রধান সংগঠক বলে মনে হলো।

একান্তে প্রমোদবাবুকে ডেকে নিয়ে গিয়ে জিজ্ঞেস করলাম : নিল্ল'জের মতো সবাই এসে গেছেন দেখছি ?

তা—এসে গেছেন।—বললেন প্রমোদবাবু।

কিন্তু নরসুন্দর পরিতোষ ও তদীয় সহধর্মিণী পরিতোষিণীকে দেখছি না যে ? তাঁদের নেমস্তন্ন করেছিলেন ?

নিশ্চয়ই।—বললেন প্রমোদবাবু : এমন কি, লাটু বিশ্বাসের মাকে পর্যন্ত নেমস্তন্ন করে এসেছি। আজ এই শুভদিনে অতীতের রেযারেখি সব ভুলে যাওয়াই উচিত।

কিন্তু কোথায় সীতা দেবী ?—জিজ্ঞেস করলাম।

এখনো আসেননি দেখছি। জবাব দিলেন তিনি।

বিবাহে বরপক্ষের একজন কর্তার প্রয়োজন আছে। কারণ, কন্যা সম্প্রদান করবার প্রাক্কালে সম্প্রদানকারী বরপক্ষীয় কর্তার অনুমতি চেয়ে নেন। আমার পক্ষে যারা এসেছিল, ব্যাকরণের নিয়মে তারা বরযাত্রী বটে, কিন্তু লজ্জায় তারা আর বিবাহ বাড়ীতেই নামেনি। একেবারে সোজা থানায় চলে গেছে।

এগিয়ে এলেন বীরগঞ্জের স্ত্রীনিচারা ইন্সপেক্টার সত্য বন্দ্যোপাধ্যায় : দাও, ঐ অনাহারী চাকরিটা আমাকেই দাও প্রমোদ। তবে সত্যিই অনাহারী রেখে না। যে দারুণ শীত পড়েছে আজ, চায়ের সঙ্গে খানকতক গরম লুচি খুব ভালো মানাবে।

সবাই হেসে উঠলেও আমি হাসলাম না। প্রমোদবাবুকে একান্তে ডেকে নিয়ে বললাম : শুধুন প্রমোদবাবু, আমি এই বিবাহসভায় একটা বক্তৃতা দিতে চাই। কি বিষয়ে, তা তো বুঝতেই পারছেন। নিল্ল'জ কাপুরুষদের একবার সমঝে দেওয়া দরকার যে রাজবন্দী keeps his word of honour !

প্রমোদবাবু বললেন : তা তো সবার মতো ওরাও দেখতে পাচ্ছে এবং দেখে চোখ ছানাবড়া হয়ে গেছে। আর যারা নিল্ল'জ বেহারা, তাদের শতবার সমঝে দিলেও কি স্বভাব ছাড়বে তারা ? থাকগে, কি দরকার—

দরকার আছে, বাধা দিলাম : বিনা দরকারে যারা বাড়ী বয়ে এসে আপনাদের সহপদেখ দিতে কুষ্ঠা বোধ করেনি, বিনা দরকারে শিখণ্ডী সাধুকে সম্মুখে রেখে নিন্দা ও কুৎসার বিষাক্ত তীর ছাড়তে দ্বিধা করেনি, আজ তাদেরই সুখোশ খুলে দেয়া দরকার। কি হবে ঐ কুস্তার দল যদি কেঁউ কেঁউ করে

বিবাহসভা ছেড়ে চলে যায়?—আপনি যান, বরং আপনার বাবাকে জিজ্ঞেস করে আসুন, উনি যদি অনুমতি দেন, তাহলে—

তাই ভালো, তাই ভালো। বলে প্রমোদবাবু তারকবাবুর উদ্দেশে চলে গেলেন।

কিন্তু তারকবাবু বলে পাঠালেন, বক্তৃতার প্রয়োজনীয়তা যদিও তিনি সম্পূর্ণ অনুধাবন করছেন, তথাপি এঁরা তার মর্ষ উপলব্ধি করতে পারবেন না। ফলে, এই আনন্দের দিনে সামাজিক ব্যাপারে আবারও একটা অশান্তির সৃষ্টি হতে পারে।

নিরন্তর হতে হলো।

বরকর্তা সত্যাবাবু দিলেন অনুমতি আর সম্প্রদান করলেন আধুনিক পণ্ডিতমশাই চিন্তাবাবু অর্থাৎ সুবলবাবু। কিন্তু বিশ্বেশ্বরবাবুকে এই আনন্দের দিনে পাওয়া গেল না, তিনি এর আগেই বদলি হয়ে গেছেন তপন থানায়।

শিশিরকণা নামটি বড় সেকেলে বলে একদিন তাঁরই প্রস্তাবমতো শিশিরকণার নামকরণ হয়েছিল আত্রেয়ী। আত্রেয়ী নদীর তীরবর্তী থানসামা গ্রামের আত্রেয়ী। নামের মধ্যে আছে কবিত্ব আর নামের পেছনে আছে চাঞ্চল্যের ইতিহাস! বিশ্বেশ্বরবাবু বলতেন, স্থান ও পাত্রী বিবেচনায় একেবারে নিখুঁত নাম আত্রেয়ী!.....

বিয়েতে কাউকে নেমস্তন্ন করতে পারিনি আমার পক্ষ থেকে। করবার সময় পেলাম কোথায়? আর করলেই-বা কে পারতো আসতে? আসতে সাহসই বা করতো কে? রাজবন্দীর বিয়েতে যোগদান করবার ফলে তাকেও হয়তো ‘স্বপ্নরবাড়ী’ চালান করে দিত আই বি-র ধুরন্ধরেরা। আমার স্বপ্নরবাড়ী থেকে তার নিজের স্বপ্নরবাড়ী—থাক্, বা না থাক্—যেতে হতো অনির্দিষ্ট কালের জগৎ।

তাই অভিনব পছন্দ গ্রহণ করলাম। বিয়ের পর অনেকগুলো ছাপানো কার্ড ছেড়ে দিলাম বন্ধু ও আত্মীয়দের নামে। তাতে যা লিখেছিলাম আজও মনে আছে :

আত্রেয়ী নদীর তীরে কুড়িয়ে পেয়েছি আত্রেয়ীকে। তারই সঙ্গে হয়েছে আমার নিবিড় কস্মে পরিচয় কুয়াশাচ্ছন্ন অগ্রহায়ণের ছাবিবেশে। আমাদের অনির্দেশ চলার পথে কামনা করি আপনার শুভকামনা ও শুভাশিস!

* * * *

বিয়েতে শেষ পর্য্যন্ত আসেনি পরিতোষ ও পরিতোষিণী আর আসেননি স্বনামধন্য সীতা বিশ্বাস। চাকা ঘুরে গেছে, এঁরা এবার পড়ে গেছেন চাকার তলায়। ঘূর্ণায়মান চাকার নিষ্পেষণে এঁদের বুঝি জ্বিত বেরিয়ে পড়েছে !...

রাত দশটার মধ্যেই বিয়ে শেষ হয়ে গেল। এবার আহাির পৰ্ক। নিমন্ত্রিত ও নিমন্ত্রিতাদের অধিকাংশই এ কাজটা আগেই সেরে নিয়েছেন। বিয়ের পাট চুকে যাবার পর ঝাঁরা বসবেন, তাঁরা সবই খুব নিকট আত্মীয় বা শুভানুধ্যায়ী—এমনি অভিমত প্রকাশ করতেই আমি চেপে ধরলাম প্রমোদবাবুকে : বলেন কি, এঁরা সব শুভানুধ্যায়ী ! সত্যিই নাকে খৎ দিয়ে, একশোবার ওঠ-বোস করে ও গোবরজল খেয়ে এঁরা শুদ্ধ হয়েছেন, না এঁদের গায়ের চাদরের নীচে নিন্দার আর-একখানা ধারালো ছুরি লুকানো আছে ?

আমলই দিলেন না তিনি ; নিন্দার আর-একখানা ছুরি আর কোথায় পাবে বাছাধনরা ? যে বিয়ে নিয়ে এত জল-ঘোলা করলো, সে বিয়ে তো হয়ে গেল।

উঠানে সামিয়ানার নীচে পাতা পড়েছে। সবার সঙ্গে আমিও সেখানে বসতে যেতেই বড় জামাই সিনিয়র দ্বিজেন গাঙ্গুলীর সেই রূপসী কণা টুকু এসে বাধা দিল : ও কি, আপনি এখানে বসলেন কেন মেসোমশাই, আপনি ঘরে চলুন। ঘরে আপনার জায়গা করা হয়েছে।

আপত্তি জানালাম : না, না, এখানেই সবার সঙ্গে বসবো।

শাস্তি, ছুটন, রেণু, বীণা প্রভৃতি খুকুর এক পাল বন্ধ ছুটে এল : সে কি কথা, এখানে আপনার বসা চলবে না। আজ জামাইকে আলাদা হয়ে বিশেষ ব্যবস্থায় খেতে হয়।

রাজী হলাম না।

এবার এলেন বাড়ীর বোরা, ভাইরাও এগিয়ে এলেন। তাঁদের বললাম : কাল পর্য্যন্তও সবারই সমান ছিলাম আর আজই অকস্মাৎ সবার থেকে পৃথক হয়ে যাবার মতো কোনো গর্হিত কাজ করিনি, স্মরণ—

সবাই হেসে উঠলো। দূরে তারকবাবুকে দেখা গেল। তিনি যেন কার উদ্দেশ্যে বললেন : দ্বিজেন যেভাবে খেতে চায়, সেইভাবেই দাও।

বাস, স্প্রীম কোর্টের সংক্ষিপ্ত অথচ অমোঘ রায় ! মেয়ে-পুরুষের দল সরে গেল। আমি পাতাটা আর-একবার ঘুরে নিতে যেতেই হাঁ-হাঁ করে উঠলেন

স্বয়ং অপূর্ব সাম্রাজ্য : আরে, আপনার সামনে আবার পাতা কেন ? কেন, তোরা এটাও কি জানিস না ছেহু যে, জামাইকে খালায় দিতে হয় ? তোদের আর কাণ্ডজ্ঞান হবে না। বলে ছেঁা মেয়ে আমার পাতা তুলে নিয়ে যেতেই ছেহু অর্থাৎ খুকুর মেজদি' মেহকণার কণ্ঠ শোনা গেল : খালাতেই তো সব সাজিয়ে রেখেছি অপূর্ব দা'। তা' উনি ঘরে বসে না খেলে কি করবো ? রাজবন্দীরা যেমন গভর্নমেন্টকে জালায়, রাজবন্দী জামাইরাও তেমনি—
তেমনি—

শুগুরবাড়ীকে জালায় ! বলে উঠলেন লাটু বিশ্বাস, তারপর হা-হা করে হাসতে লাগলেন।

কিন্তু খালাতেও খেলায় না আমি। এমন কি, বাটি বাটি ভর্তি বিশেষরকম ব্যঞ্জন একটুও ছুঁলাম না। পরিমাণেও যেগুলো বেশী দেয়া হয়েছে, তাও রেখে দিলাম। সবার সঙ্গে বসে সবাই যেসব ব্যঞ্জন যতটুকু খাচ্ছেন, আমিও তাই খেলায়।

একটি সামাজিক অহুষ্ঠানের ফলেই আমার মর্যাদা একেবারে আকাশচুম্বি হয়ে উঠেছে বলে স্বীকার করি না।

অকস্মাৎ বিয়ের ঠিক পরদিন বিকেলে আমার নামে একখানা এনভেলপে পত্র এসে হাজির। বিস্মিত হলাম। কে লিখলো ? ঠিকানা পেল কি করে ? মাত্র ছ' সপ্তাহের জ্ঞাত এসেছি খানসামান, এরই মধ্যে কী এত জরুরী প্রয়োজন দেখা দিল ?...খুললাম সবার সমক্ষেই এবং দেখে বিশ্বয়ের সামাপরিসীমা রইলো না যে, ওখানা আর কারুর পত্র নয়, একেবারে স্বয়ং রেবার। ফুলবৌদির গ্রামের সেই দূর সম্পর্কীয়া বোন রেবা। প্রায় চার বৎসর পূর্বে একদিন কলকাতাখালীতে আমাদের বাড়ীতে এই রেবাই আমার বিবাহ করবার কামনা জানিয়েছিল। কিন্তু সময়ের ব্যবধানে সে উত্তাপ তো শান্ত হয়ে যাবার কথা। এই ক'বছরে কোনো যোগাযোগই নেই তার সঙ্গে আমার ! কিন্তু আশ্চর্য্য, সে আমার আজও ভোলেনি এবং আকাঁকা অঙ্করে দীর্ঘপত্রে যা লিখে পাঠিয়েছে, তার মধ্য দিয়ে আমি যেন তার বিষয় মুখগানি স্পষ্ট দেখতে পেলাম।

খানিকটে তুলে দিছি সেই স্মরণীয় পত্র থেকে :

তুমি ভেবেছ আমি তোমায় ভুলে গেছি, তাই না ? মনে করছ, আমি তোমায় একদিন চেয়েছিলাম খেলাবশে বা সাময়িক উত্তেজনায় ? —তা নয়,

আমি তোমার সত্যিই ভালোবেসেছিলাম। ছিলাম নয়, এখনও বাসি। তোমার মনের মতো হয়ে ওঠবার জন্য এই দীর্ঘ চারটি বৎসর আমি অনেক পরিশ্রম করেছি, লেখাপড়া করেছি, সেলাই শিখেছি, তোমার বিপজ্জনক কাজে সাথিনী হবার মতো করে নিজেকে গড়ে তুলেছি! কিন্তু এ কি করলে তুমি? আমার কথা না দিলেও আমি তো কথা দিয়েছিলাম নিজেকে যে, তোমার যোগ্য হয়ে গড়ে উঠবো!.....

যাকে পেয়েছ, সে হয়তো আমার চাইতে অনেক সুন্দরী, অনেক গুণবতী। তবু আমি এখন কী করবো বলতে পারো? আমার সমস্ত তপস্যা যখন ব্যর্থ হয়ে গেল, তখন আর বেঁচে থেকে লাভ কী?.....

পড়লাম বারকয়েক। একা নয়, সবাই মিলে। মানুষের জীবনই দেখছি একটি হাসিকান্নার উপজ্ঞাস। আগুন নিয়ে খেলা করবার সময় কার প্রাণে তরঙ্গ সৃষ্টি করে বসেছি, কোন্ বেপথুমানা নিজেকে হারিয়ে ফেলেছে, অতনুর ফুলশরে কে মুচ্ছা গেল, সে সংবাদ রাখবার সময়ও পাইনি কখনো!.....

বিয়ে করবার জন্য সদাশয় সরকার ছুটি দিয়েছিলেন দু' সপ্তাহ। হুকুম ছিল : এই দু' সপ্তাহ তুমি থাকবে তারেকশ্বর চট্টোপাধ্যায়ের বাড়ীতে, তারপর লক্ষ্মী-ছেলের মতো আবার চলে আসবে হরিপুরে তোমার আস্তানায়।

অকস্মাৎ একটা বুদ্ধি এল। আবেদন জানালাম সরকারকে : ফিরে যাবার সময় সঙ্গে করে স্ত্রীকে নিয়ে যেতে দাও।

জানতাম, সরকার এতে রাজী হবেন না। আর সরকারের জবাবও বাকি সাত দিনের মধ্যে সেই সুদূর কলকাতার লাল বাড়ী রাইটার্স বিল্ডিংস থেকে এই নগণ্য ভ্রূখিগম্য খানসামা গ্রামে এসে পৌঁছবে না।

কিন্তু আশ্চর্য্য, জবাব এল। সুবিবেচক সরকার আমার প্রার্থনার কোনো জবাব না দিয়ে আমার ছুটির মেয়াদ আরও পনেরো দিন বাড়িয়ে দিলেন।

পরিতোষ আর পরিতোষিণীর টিকিটিরও দেখা পাওয়া গেল না। রোজই বিকেলে দলবেঁধে যেতাম সেই ডাকবাংলোর মাঠে ব্যাডমিন্টন খেলতে। রীতিমতো সরকারী নির্দেশ ভঙ্গ হলোও পরিতোষ এমনি আঘাত নীরবে হজম করতে লাগলেন!

আশ্চর্য্য, লোকটা বোধহয় একেবারে মরে গেছে!.....

ক' সপ্তাহ পর ফিরে এলাম হরিপুরে। দেখি, অনিলবাবু নেই। জানতে পারলাম, পরে একশোর একটি তালিকার তাঁর নাম উঠেছিল। মুক্তি পেয়ে বাড়ী চলে গেছেন। কিন্তু দিনসাতেক পরই বিয়ের দিন স্থির করে তবে বিদায় নিয়েছেন।

নির্দিষ্ট দিনে এলেন তিনি তাঁর দাদা ও জনকয়েক বয়সাত্রীসহ। আলিঙ্গন জানিয়ে বললাম : অনিলবাবু, রাজবন্দীরা যে কথা দিলে তার নড়চড় করে না, তা আমি দেখিয়ে এসেছি খানসামায়, আপনি দেখালেন হরিপুরে।

হরিপুরে সেনাদের বাড়ী আনন্দমুখর হয়ে উঠলো। হরিপুরের বহু ভদ্রলোককেই পেট ভরে খাওয়ালেন তাঁরা। আমিও নিশ্চিত্তে বিয়েতে যোগদান করতে পারলাম। কারণ আলাউদ্দীন বদলি হয়ে চলে গেছেন আর তাঁর স্থানে এসেছেন আবহুস সালাম। পাঁচটায় থানায় যেতেই তিনি নিজেই বললেন : আপনার বন্ধুর বিয়ে আর শুনছি আপনিই match maker—বাচ্ছেন তো ?

একটু ইতস্ততঃ করতে দেখে বললেন : আমার কোনো আপত্তি নেই। আপনি না গেলে সেখানকার উৎসবটা ভালো জমবে না। যাবেন, বুঝলেন ?

সালাম সাহেব স্বল্পভাবী, কিন্তু অমায়িক। অখিলবাবু বললেন : এঁর পোর্টিং অনদাবাবুর জুগুই হয়েছে। এবার একটু ভদ্রভাবে থাকা যাবে আশা করা যায়।

বিয়ের পর বৌ নিয়ে অনিলবাবু বরিশাল চলে গেলেন আর দিনদশেক পর আমারও আবার স্থানান্তরিত করা হলো এই চিনাজপুর জেলারই ফুলবাড়ী থানায়। অখিলবাবু গোপনে বলে গেলেন যে, ওখানে ক্যামিলি কোয়ার্টার্স পাঠানো হচ্ছে আমাকে আমার স্ত্রীকে আমার সঙ্গে থাকতে দেবার জন্ত।

সাতাশ

বন্দীজীবনের শেষ অধ্যায়ে এসে পড়েছি। পেছনে রেখে এসেছি দীর্ঘ ছয়টি বৎসর। কোথাও কাটাতে পারিনি নিরুপদ্রব জীবন, কোথাও পাইনি অনাহত শান্তি, কোথাও মেলেনি একটানা নিশ্চিন্ত বিশ্রাম। বন্দীজীবনের প্রতি পদক্ষেপে প্রাচুর্য্যব ঘটেছে ব্রিটিশ গভর্নমেন্টের এমন সব শয়তান কর্মচারীর যে, সারাক্ষণই চালাতে হয়েছে তাদের বিরুদ্ধে বুদ্ধির সংগ্রাম। ক্ষতবিক্ষত হলেও গর্কভরে ঘোষণা করবো যে, বিজয়ার মর্যাদা নিয়েই চলে এসেছি এতদিন। বিপ্লবীর জীবনে হাজার-হাজারী হাওয়া-ঘর কোথায়? কোথায় বোটানিক্যাল গার্ডেনের ছায়াশীতল আঁকিড?.....

হরিপুরে আবহুস সালাম আসাতে আশা করেছিলাম হয়তো সত্যিই এবার ঝড়জলের অবসান ঘটবে, ওখানকার দিনগুলি শরতের সোনালি রৌদ্রের মতো মিষ্টি হয়ে উঠবে। কিন্তু কপালে তা সইলো না, তাই কয়েক দিন পরই এল বদলির হুকুম।

ফুলবাড়ী থানার অফিসার ইন চার্জ পূর্ণ বড়ালের নাম দিনাজপুর জেলায় জানে না, এমনি একটিও লোক নেই। লোকে বলে, তাঁর দাপটে বাঘে-গরুতে এক ঘাটে জল খায়। অত্যন্ত কটুভাবী ও মামলাবাজ পূর্ণ দারোগা, এই সংবাদই পেয়েছিলাম। স্মরণীয় মুষ্টিবৃদ্ধের দশম রাউণ্ডের জ্ঞাত প্রস্তুত হয়েই একদিন হরিপুর ছেড়ে রওনা হলাম। এবার আর বিয়ে করতে যাওয়া নয়, স্ত্রী নিয়ে সংসার করবার জ্ঞাত ফুলবাড়ী যাত্রা। অর্থাৎ চিরদিনের জ্ঞাত হরিপুর ত্যাগ।

ফুলবাড়ী পার্কটীপুরের পর কলকাতার দিকে দিনাজপুর জেলার মধ্যেই একটি রেল স্টেশন। স্টেশন থেকে থানা প্রায় এক মাইল। খুব ভোরে সিপাই-শান্তীসহ এসে যখন পৌঁছলাম, থানার কর্তারা তখনো কেউ গাত্রোথান করেননি দেখা গেল। একজন সিপাই গেল খবর দিতে।

মেজাজটা এমনই ভালো ছিল না এখানকার দারোগার কাহিনী শুনে। তারপর যতই ওদের আসতে দেরী হতে লাগলো, ততই ঘেন মনে হতে লাগলো এই সকালেই বুঝি একটা লঙ্কাকাণ্ড বেধে যায় দারোগার সঙ্গে!

একটু পরই দেখা গেল পূর্ণ বড়ালের টিকি। পশ্চাতে বোধহয় জমাদারবাবু।

কক্ষটারে কান ও মাথা ভালো করে ঢাকা, গারেও জড়ানো একখানা বালাপোশ।
জমাদারের গারে অবশ্য খাঁকি শার্টের ওপর ফুলহাতা সোয়েটার।

নমস্কার, নমস্কার। আপনি এলেন হরিপুর থেকে?

এ প্রশ্নের কোনো মানে হয়? তবু বিরক্ত হয়ে জবাব দিলাম: তা তো
বুঝতেই পারছেন। আমার কোয়ার্টার্সটা কোন্ দিকে?

দাঁড়ান, মশাই, দাঁড়ান। বাধা দিলেন পূর্ণ বড়াল, তারপর আমার ট্রাক ও
স্টকেস দেখিয়ে গভীর সন্দেহ প্রকাশ করে বললেন: ওসবের মধ্যে
সিভিলভার-টার নেই তো? আপনাদের মশাই দেখলেই ভয় করে। সার্চ
না করে বাগার ঢুকতে দেওয়া যেতে পারে না।

বিস্মিত হলাম: সার্চ?

আজ্ঞে হ্যাঁ।

বিরক্তভরে বললাম: এই ছ'টি বছর তো কাটিয়ে দিলাম রাজবন্দীর জীবন।
কোথাও তো রাজবন্দীর বাস্তব তল্লাশী হতে দেখিনি। আপনার এখানে নতুন
নিয়ম নাকি?

জবাব দিলেন বড়াল: তা হয়তো হবে। তবে আমি নয়, সার্চ করবেন
উনি, আমার সতীশ দাধা। জমাদার হলেও আসলে দারোগা উনিই। ইচ্ছে
করলে উনি ছেড়েও দিতে পারেন। কী বলেন দাধা, সার্চ করবেন?—

দাধা কোনো জবাব না দিয়ে মুচকি মুচকি হাসতে লাগলেন মাত্র। দেখে
গা জলে গেল! এখনই দোষ নাকি দারোগাকে কড়া কথা শুনিবে? Hard
must কাকে বলে, তার নমুনা বোধহয় এখনো দেখেননি। দোষ নাকি দেখিয়ে?

কিন্তু সহসা দারোগা বলে উঠলেন: থাক, না হয় পরেই করা যাবে। এখন
জুঙ্গলোক স্নান-টান করে আগে চা-খাবারের জোগাড় করে নিন। তাই ভালো
নয় কি?

সতীশবাবু বললেন: আমার ওখানেই চা হবে।

বড়াল বললেন: তা বেশ। রাজবন্দীকে চা খাইয়ে নিজের বিপদ ডেকে
আনতে চান, আহ্নন। আমার তাতে কী হবে? তবে এক কাপ চা আমাকেও
দেবেন, বলে দিন পরী-মাকে।

সত্যিই লোকটির কথাবার্তা এতো স্পষ্ট যে, অনেক সময় অভদ্রতা বলে মনে
হয়। কিন্তু চু'চর দিনেই আমার কাছে ধরা পড়ে গেলেন তিনি। আজ তাই

পরম প্রভাবে স্বীকার করি এমনি উদার, শুভানুধ্যায়ী ও ধর্মভীরু দারোগা। আমার প্রায় সাত বৎসরের বন্দীজীবনে কোথাও পাইনি। অল্পদিনেই তিনি অত্যন্ত সহজে আমার পরম হিতৈষী হয়ে উঠলেন।

একদিন বললেন : শুধুন স্বিজেনবাবু, এখানে আপনাদের এরিয়ারটা ভারী বিক্রী, বাজারটাই বাইরে পড়ে গেছে। তা হোক, আপনি যাবেন বাজারে, তবে Command certificate কেটে আমি আমার সিপাইকে পাঠাবো আপনার পেছন পেছন। দেখবেন, পালিয়ে যাবেন না যেন। তাহলে আমার চাকরি যাবে।

আর-একদিন বললেন : আপনার শোবার খাটটা ভাঙা। ললিত বর্ণণ মশায় এই খাটেই চালিয়ে গেছেন কোনোরকমে। আপনি বরং খাট তৈরীর জন্য ত্রিশ টাকা চেয়ে পাঠান। কিন্তু ত্রিশ টাকাই পাবেন না। আমি লিখবো, রাজবন্দীর estimate ভুল, পঁচিশ টাকার বেশী লাগতে পারে না। আই বি আবার আরও কলম চালিয়ে ওটা কুড়ি টাকা করে দেবে। তাতেই ঠিক ঠিক দাম পাবেন আর হয়ে যাবে আপনার খাট। একখানা টি-পয়ও হতে পারে। আর সত্যবাদিতা দেখিয়ে যদি কুড়ি টাকা চান তাহলে শেষ পর্যন্ত স্কাংশন হয়ে আসবে দশ টাকা। আধখানা খাট তাতে হতে পারে।

আবার একদিন বললেন : স্বদেশী করেন, অথচ সংবাদপত্র পাঠ করেন না, কেমন স্বদেশী গো আপনি? এক কাজ করুন। আমি অমৃতবাজার পত্রিকা আনাচ্ছি আমার নামে। পড়েই কাগজখানা ফেরত দেবেন, ভুলবেন না। আর মাসের শেষে দামটি কিন্তু ঠিক ঠিক হিসেব করে আমার হাতে তুলে দেবেন। দেখবেন কীকি দেবেন না যেন। গরীব দারোগাকে আবার কীসিয়ে দেবেন না যেন।

সাপ্তাহিক কনকিডেনশিয়াল রিপোর্টটি আমার বড়াল সাহেব না দেখিয়েই ছাড়বেন না : নিন মশাই, দেখুন ইংরেজী-টিংরেজী ভুল আছে কিনা। আর কি লিখলাম, সেলস করে দিন। পরে যে বলবেন, 'শালা পূর্ণ দারোগা চুক্কি কেটেছে, সে বদনাম আমি নিতে পারবো না।' সারা জেলার আমার বদনাম, গ্রামের দেওনিয়াদের ধরে দশ ধারার মামলায় কীসিয়ে দিচ্ছেলাম বলে। কিন্তু শেষ বললে আর কেন?

সত্যি, অদ্ভুত মানুষটি। স্পেডকে ইনি স্পেডই বলেন সত্যি, কিন্তু সর্বকথার অন্তরালেই এঁর গভীর দরদী মনের পরিচয় পাওয়া যায়!.....

সরকারী আদেশের ফলে ক’দিন পরই এক সন্ধ্যায় বিলু আঞ্জেরীকে নিয়ে এল। তাদের নিয়েও পূর্ণ বড়াল একহাত কটুকথা ঝাড়লেন।

আরে মশাই, আপনি ওদিকে যাচ্ছেন যে? আপনার বোন দ্বিজনবাবুর বাসায় যাবেন, তা জানি। সরকারী হুকুমই তাই। কিন্তু তাই বলে আপনি বোনাইয়ের বাসায় কী করে যাবেন শুনি! এই থানার বারান্দাতেই অপেক্ষা করুন, না হয় মাঠে বেরিয়ে হাওয়া খান। ফিরতি ট্রেনে চলে যাবেন।

সে তো ভোরবেলা!—বিলুর কপালে কুঞ্জনরেখা দেখা দিল।

দারোগা বললেন : তা আর আমি কি করতে পারি? রামশুকুল সিপাই সদরে গেছে, না হয় তার খাটেই শুয়ে সারা রাত খটমল আর মশা মারুন। রাতটা কাটবে ভাল।

ভারী বিরক্তি লাগছিল বিলুর। লোকটা কি পাষাণ!

একটু পর বড়াল সাহেব বললেন : বাজার থেকে চিড়ে-গুড় আনিয়ে দিই? একেবারে উপোস করবেন না। তাতে নাকি গৃহস্থের অকল্যাণ হয়! শত হলোও আপনি অতিথি। অতিথি নারায়ণ। —তবে হ্যাঁ, সতীশ দাদা যদি হুকুম করেন, তাহলে কাছেই মতিয়ার হোটেলে খাওয়া ও রাতটুকু থাকবার ব্যবস্থা হয়তো করা যেতে পারে। থানার কর্তা তো উনি, আমি শুধু নামে। কি বলেন সতীশ দাদা?

দাদা মুচকি মুচকি হাসছিলেন, বললেন : তাই করুন।

পূর্ণ জিজ্ঞেস করলেন : কি মশাই, রাজী তো?—তা থাকেন ভাল।

বিলুর শরীর জলে যাচ্ছিল! বললো : থাক, আপনাদের আর কষ্ট করতে হবে না।

না, না, সে হয় না।—বলতে লাগলেন দারোগা : মতিয়া খুব ভালো রীঁধে, চার্জও কম। আপনার কাছ থেকে নাও নিতে পারে। সহজ কথা তো নয়, আপনি ডেটিনিউবাবুর শ্রালক!—যান দাদা, পৌছে দিয়ে আসুন ভদ্রলোককে। কিন্তু ভোরের ট্রেনেই যেন ফুলবাড়ী ত্যাগ করবেন, ভুলবেন না।

সতীশ অমাত্য বিলুকে আশ্বাসের বাসায় পৌছে দিয়ে গেলেন। মতিয়া আমারই রীঁধুনী ও ভৃত্য। এবার সব পরিকার জানা গেল। তিনজনে মিলে খুব আনন্দ উপভোগ করলাম।

* * *

হুঁচার দিনের মধ্যেই পূর্ণ বড়াল থুকুকে আত্মাই-মা বলে ডাকতে শুরু করলেন। পাড়ায় বেসব ছেলে ম্যাট্রিক দেবে, সবাইকে ডেকে এনে পরিচয় করিয়ে দিয়ে বললেন : এদের কাছ থেকে বই নিয়ো, নোট নিয়ো। পাস করা চাই। তবে তোমাদের তো বিশ্বাস-টিশাস নেই। রাজবন্দীর স্ত্রী কিনা, আবার তারকবাবুর কণ্ঠ। এককালে জুরির কাজ করতেন। হয়তো আমার চাকরিই থেয়ে দেবেন।

আমরা কিন্তু পরম বিশ্বাসে ও নির্ভরতায় ফুলবাড়ীর দিনগুলি কাটাতে লাগলাম ফুলেরই মতো !...

সতীশ জমাদারের একমাত্র মেয়ে পরীর সঙ্গে শুধু পরিচয় নয়, আত্মীয়ী হুঁচার দিনের মধ্যে তার সঙ্গে বন্ধুত্বই পাতিয়ে ফেললো : আত্মীয়ীকে সে ডাকতো, নদী, আর আত্মীয়ী ডাকতো, বারি। বারি আর নদীকে কখনোও পৃথক করা যায় ? তারাও ভাবতো, তাদের বন্ধুত্ব অচ্ছেদ্য। হুঁজনে সাইকেল চালাতো থানা কম্পাউণ্ডে, ব্যাডমিণ্টন খেলতো আর হাঙ্গারো বার থানায় গিয়ে পূর্ণ বড়ালের কাছে নালিশ জানাতো এ ওর নামে। বড়াল বলতেন : গেল, এবার আমার চাকরিটা গেল। ছোটো সৎমা শেষ বয়সে আমায় দেখছি পথে বসাবে !...

মাসখানেক পর আত্মীয়ীকে একবার ফিরে যেতো হলো তার স্কুলের ব্যাপারে।

অকস্মাৎ ১৯৩৮ সালের ১৪ই মার্চ পূর্ণ বড়াল সকালবেলায় আমার ডেকে পাঠালেন। ভাবলাম হয়তো আবার কিছু কটুক্তি করে এ সপ্তাহের কনফি-ডেন্সিয়াল রিপোর্টখানা আমার সামনে মেলে ধরবেন কিংবা মতিয়া রান্নাবান্না কি কি আর শিখলো, তার হিসেব চাইবেন। লোকটি থাকেন একা, কুকারে ভাত আব আলুসেদ্ধ খান। আমার এখান থেকে কিছু পাঠালে সন্মান্যে কেঁরত দিয়ে বলে পাঠান : বিশ্বাস নেই মশাই, রাজবন্দীদের পক্ষে সম্ভব সবই। হয়তো বিব-টিবই দিয়েছেন নাকি মিশিয়ে, কে জানে !

যাই হোক, গেলাম থানায়। দেখলাম, সতীশ জমাদার কাজ করছেন। কিন্তু হুঁজনেই আজ যেন ভারী গম্ভীর। ব্যাপার কি বুঝতে পারলাম না।

নীরবে উপবেশন করতেই শুরু করলেন বড়াল : আত্মাই-মা বোধহয় আপনার মুক্তির জন্য দরখাস্ত করেছিলেন ?

জবাব দিলাম : তা তো মাস খানেক আগে না-মঞ্জুর হয়ে ফিরে এসেছে।

কী লিখেছিলেন সরকার বাহাদুর ?

লিখেছিলেন, আপনার স্বামীকে এখন মুক্তি দেওয়া হবে না।—কেন, সে প্রশ্ন কেন দারোগাবাবু ?

ডায়েরীতে চক্ষু নিবন্ধ রেখেই জবাব দিলেন পূর্ণ বড়াল : না, বিশেষ কিছুই নয়। শুধু আপনার transfer order এসেছে।

আবার কোথায় ?

কোথায় যেন সতীশদাদা ?

গম্ভীরমুখে মুখ না তুলেই জবাব দিলেন জমাদার : দেওলিতে।

পূর্ণ বড়াল জের টানলেন : হ্যাঁ হ্যাঁ, দেওলিতে। চমৎকার জায়গা শুনেছি। রাজপুতনার মরুভূমিগুলো খুব কাছেই। বেশ বেড়াতে-টেড়াতে পারবেন। কি বলেন ?

বলবার আর কি আছে ? তাই চুপ করে রইলাম। ব্যালাম, এতদিনেও ব্রিটিশ সরকারের স্কোড যেটেনি। তাই এবার একেবারে রাজপুতনার আমন্ত্রণ এসেছে ! পূর্ণ বড়াল হাঁক দিলেন : দরওয়াজা !

বুটের আওরাজ তুলে সম্মুখে এসে দাঁড়ালো সিপাই।

ডিড বক্স লেতে আও।

এলো সেই কালো বাস্কেট। তালা খুলে পূর্ণ বড়াল ভেতর থেকে একখানা কাগজ বার করে আমার হাতে দিতে-দিতে বললেন : এখনই রওনা হতে হবে। রান্না না হয়ে থাকলে না-খেয়েই যেতে হবে। কিছু চিড়ে-গুড় রুমালে বেঁধে নিন। রাস্তা কম নয়। একেবারে round the Cape of Good Hope-এর সামিল ! সরকার বাহাদুরের জরুরী হুকুম। তামিল করাই আমাদের কর্তব্য। হুন থাই, গুণ গাইবো না ? বুড়ো বরসে তো আর—

বাধা দিলাম শুধু গুঁর মুখের পানে দৃষ্টিক্ষেপ করে। কাগজখানা নিঃশব্দে পাঠ শেষ করে গুঁর হাতে ফিরিয়ে দিতেই এবার বেশ সহজভাবে প্রশ্ন করলেন তিনি : মানে ? চুপ করে পড়ে আবার কথা না বলেই ফিরিয়ে দিচ্ছেন ?

নিঃশব্দে হাসলাম, বোধহয় তা স্নান দেখা গেল। বলে উঠলেন পূর্ণ বড়াল : আরে মশাই, আপনি কি মানুষ, না পাথর ? সাড়ে ছ' বছর তো হতে চললো। পেলেন আজ মুক্তির আদেশ। চুপ করে বসে রইলেন ?

কি করবো তবে ?

কি করবো ! আরে আমি হলো তো এখন রাস্তায় ছুটে বেরিয়ে চীৎকার করতাম, লাকাতাম, গান করতাম, গাছে চড়তাম, পাগলামি করতাম—

যোগ করে দিলেন জমাদার : আর আমি পরনের হুতিখানা দিয়ে মাথার প্রকাণ্ড পাগড়ি বেঁধে নিতাম ।

হো হো করে হেসে উঠলেন ঠাণ্ডা ছ'জন । পারলাম না যোগ দিতে । শ্রান্ত হয়ে বললাম : আমার দীর্ঘ রাজবন্দীজীবনের শেষদিকে যে শাস্তিময় পরিবেশে দিন কাটছিল সত্যি বলছি দারোগাবাবু, তা ছেড়ে যেতে কষ্ট হচ্ছে আমার । দীর্ঘ সাড়ে ছ' বছর নানা হাঙ্গাম, নানা মনোমালিগ্ন ও মামলা-মোকদ্দমার মধ্য দিয়ে কেটেছে । সবে এই ফুলবাড়ীতে এসেই—

বাধা দিলেন পূর্ণ বড়াল : ওসব কথা রাখুন । আপনাকে এমন কিছু খাতির করিনি আমি । যতটুকু পারা যায় আমাদের চাকরি-বাকরি বাঁচিয়ে তাই করেছি । ওটুকু সবাই করবে ।

বললাম : দারোগাবাবু, আমার তিন্ত অভিজ্ঞতার কথা শুনলে আপনাদের লাইনটার ওপরই ঘেমা ধরে যাবে আপনার ।—সে কথা যাক । সত্যিই বিশ্বাস করুন, এই মুক্তি আমায় স্বাধীনতা দিলেও এখানকার আনন্দময় জীবনের কথা ভুলতে পারবো না কোনোদিন ।

পূর্ণ বড়াল বললেন : আমারও এইটুকুই সাধনা যে, চাকরির শেষ দিকে আপনাদের মতো দেশহিতৈষীদের দর্শন পেলাম, সাহচর্য পেলাম ও সাধ্যমতো আপনাদের সেবা করবার সুযোগ পেলাম ।—

এই হচ্ছে পূর্ণ বড়াল, ষাঁর নামে কত বদনাম শুনেছি ! কেউ কেউ বলেছিলেন যে, ফুলবাড়ী এসে একটি মাসও তিষ্ঠিতে পারবো না আমি !.....

বড়াল বললেন : সারা জীবন পুলিশের চাকরি করে যে পাপ করেছি, শেষ জীবনে তা থেকে কিছুটা নিষ্কৃতি পেলাম । ভগবানের কাছে আপনার সর্কান্নীণ কল্যাণ কামনা করি । আত্মাই-মাকে আমার আশীর্বাদ জানাবেন, বলবেন, বুড়ো ছেলের অত্যাচার যেন তিনি মাফ করেন !.....

গোছগাছ করে নিতে হবে । তাই তাড়াতাড়ি নেমে এলাম থানায় থেকে । একদা কেন্দ্রখালী থেকে রওনা হয়েছিলাম এমনভাবে রাজেন দারোগার

সঙ্গে। আমার পশ্চাতে এগিরে এসেছিলেন পাড়া-পড়শী আত্মীয়জনরা। বাবা মা বৌদিরা এগিরে না এলেও আড়ালে নিশ্চয়ই অশ্রুস্রোচন করেছিলেন। আজ তাঁরা কোথায় আর আমি কোথায় ?

বাক, সেসব কথা আর ভাববো না। আজ আমি স্বাধীন, কোনো রাজেন দারোগাই আজ আর আমার গন্তব্যস্থল নির্ণয় করবে না। ঠিক করলাম, কিছুই কাউকে জানাবো না, অকস্মাৎ খানসামার হাজির হয়ে সবাইকে চমকে দোব। এই তো মাত্র গোটা চার-পাঁচ স্টেশন, তারপরই সেই দারোগানী। সেখান থেকে সেই গরুর গাড়ী। সেই ট্যান্ডস ট্যান্ডস করে এগিরে যাবে। হেঁটেও বোধহয় ওর চাইতে তাড়াতাড়ি যাওয়া যায় !.....

মুক্তি ! বার বার উচ্চারণ করলাম মনে মনে, মুখেও। প্রায় সাড়ে ছ' বছর পর মুক্তি ! একেবারে সর্ভহীন মুক্তি ! বন্দীত্বের শৃঙ্খল পরেছিলাম সেই একুশ বছর বয়সে আর তা থেকে মুক্তি পেলাম যখন, তখন সাতাশ পেরিয়ে গেছি। জীবনের অনেকগুলো মূল্যবান বৎসর পেছনে ফেলে এলাম। বাবাকে হারিয়েছি, মাকে হারিয়েছি, ভেঙ্গে চুরমার করে দিয়েছি তাঁদের কত-না আশা, কত-না কল্পনা ! স্বিডেন বিলেত যাবে, লিঙ্কলন্ ইন্-এ তার এক্সটেম্পোর ভাষণ অবিসংবাদিত প্রশংসা লাভ করবে, কলকাতা হাইকোর্টের প্রশস্ত কক্ষ তার অগ্নিগর্ভ সওয়ারালে প্রতিধ্বনিত হয়ে উঠবে, চারিদিকে যশঃ ছড়িয়ে পড়বে, বংশের মুখ উজ্জ্বল হবে !.....

বাবা মার, আত্মীয়-পরিজনের, বন্ধুদের, শুভাকাঙ্ক্ষীদের, পাড়া-প্রতিবেশীর সমস্ত আশা ও ভরসার দেউল কালাপাহাড়ের মতো ধুলিসাৎ করে দিয়ে একুশ বছরের বুকে আজ আটাত্ত বছরের পরিণত মানুষ হয়ে বেরিয়ে যাচ্ছি।

বন্দীজীবন ছিল বিধিনিষেধের নিগড়ে সীমিত, অসোয়াস্তি থাকলেও আর নিত্য নব নিগ্রহের স্তবোগ ছিল না। আজ মুক্তির পর সেই গভী হলো তিরোহিত, ফিরে পেলাম চলা ও বলার স্বাধীনতা। কিন্তু কে জানে আগামীকাল আমার অন্ত কি সঞ্চয় করে রেখেছে ! কে জানে, পথের সেই হৃদ্যন্ত দেবতা অপ্রতিরোধ্য সম্মোহনে আবার কোথায়, কোন্ সর্বনাশা পথে আমার টেনে নিয়ে যাবেন ! ঈশির দড়ির যে ফুলের মালাটি কঠে ধারণের সৌভাগ্য থেকে রয়েছি বঞ্চিত, কে জানে হয়তো আগামী জীবনে তেমনি একখানি মালাই রয়েছে আমার অন্ত নির্দিষ্ট !.....

সতীশ জমাদারকে সঙ্গে করে স্টেশনে এলেন পূর্ণ বড়াল। ট্রেন থামে মাত্র দু'মিনিট। সেই দু'টি মিনিটই ভ্রমলোক নিশেধে আমার একখানা হাত দু'হাতের মুঠোর চেপে ধরে রইলেন। আমিও কোনো কথা কইলাম না।

ট্রেন ছেড়ে দিল। পূর্ণ বড়ালও হাত ছেড়ে দিলেন। জানালা দিয়ে মুখ বাড়ানাম। হাত নাড়ানাম। বড়াল আর হাত নাড়লেন না, পাথরের মতো নিম্পলক চক্ষে চেয়ে রইলেন। ট্রেন প্লাটফর্ম অতিক্রম করে এগিয়ে চললো।

হাতে যেন বড়ালের হাতের উষ্ণতা লেগে রয়েছে !

আজ পেছনে ফেলে-আসা সেই অস্মি-জীবনের পানে মাঝে মাঝে কিরে কিরে তাকাই। বৃষ্টি চুরি করে তাকাই। শাহারার বুকে অকস্মাৎ যেন মৌসুমী বায়ুর আর্দ্রতা নেমে আসে, বিস্মৃতিরলের শীর্ষে গৌরীশঙ্করের তুবারকণা জমে ওঠে.....ভাবি,

চৈত্রদিনের ঝরাপাতার পথে

দিনগুলি মোর কোথায় গেল.....

সমাপ্ত

